

# მოსამს

თვიური ჟურნალი

წელიწადი მეცხრე

**№ XII**

**დეკემბერი, 1902**



ტფილისი

PRINTED FOR THE AUTHOR BY THE PRESS OF THE UNIVERSITY OF TIFLIS

1902

# შინაარსი

I— <b>ვანი ზაშისაგან.</b> —ოთხ-მოქმედებიანი კომედია ზ. კრა- ბოედოვისა, თარგმანი განდევალისა . . . . .	68 1
II— <b>სამნი.</b> —მ. გოტკისა, თარგმანი იგ. ზოლუმორდგინო- ვისა. (გაგრძელება) . . . . .	61
III— <b>ხენთი.</b> —რუს-ოსმალის (1877—1878 წ.) უკანასკნელ ომის დროის ისტორიული რომანი. რაფუფისა (თარგმანი სომხურიდან) ბ. კვანგულავისა (გაგრძელება) . . . . .	93
IV— <b>მეფე ლირი</b> . . . . .	I
V— <b>უცხოეთის მიმოხილვა.</b> —1. რუმინის მეფე კარლოს პო- პენცოლერნი.—2. ირლანდია—3. გერმანიის შინაგანი პოლი- ტიკური მდგომარეობა.—4. „ვეროვის ფედერაცია“ . . . . .	15
<b>და მ ა თ ე ბ ა:</b> —საბერძნეთის ძველი ისტორია დასაწყი- სიდან დამოუკიდებლობის დაკარგვამდე.—ტრან- გულიდან ნათარგმნი ვ. ფ.—სა . . . . .	321—352



ე. მკობარაძისი.

8(05)

280

# მ მ ა მ ბ ე

თვიური ჟურნალი

წელიწადი მეცხრე

**№ XII**

დეკემბერი, 1902.



თფილისი

საქართველოს ენციკლოპედია

1902

Дозв. ценз. Тифлисъ, 10 декабря, 1902 г.

# შინაარსი

გზ

- I—**შაი ზაუისაბან.**—ოთხ-მოქმედებიანი კომედია ა. გრიბოედოვისა, თარგმანი განდგვილისა . . . . . 1
- II—**სამნი.**—მ. გორკისა, თარგმანი ივ. ზაქუშორდვინოვისა. (გაგრძელება) . . . . . 61
- III—**ხეთი.**—რუს-ოსმალს (1877—1878 წ.) უკანასკნელ ამის დროის ისტორიულ რამზნი. რაფფისა (თარგმანი სომხურიდან) ბ. ეგანგულოვისა (გაგრძელება) . . . . . 93
- IV—**მეფე ლირი** . . . . . 1
- V—**უცხოეთის მიმოსილვა.**—1. რუმინიის მეფე კარლოს ჰენცოლერნი.—2. ირლანდია.—3. გერმანიის შინაგანი პოლიტიკური მდგომარეობა.—4. „ვეროპის ფედერაცია“ . . . . . 15
- და მ ა ტ ე ბ ა.**—საბერძნეთის ძველი ისტორია დასაწყისიდან დამოუკიდებლობის დაკარგვამდე.—ფრანგულიდან ნათარგმნი ვ. ლ—სა . . . . . 321—352.



# შანი ჭკუისაგან

## მოქმედება მეორე

გამოსვლა პირველი

ფაშუსაგი და მსახური

ფაშუსაგი. პეტრუშკა, რაა რომ სულ ყოველთვის  
მაგრე ხარ იდაყვ-გამოგლეჯილი!  
მოიტა აქეთ ეგ კალენდარი,  
ცულლუტო შენა, ხელში აიღე!  
ღიაკვანივით ნუ კი გააბამ—  
გულ-დასმით, გრძნობით გადაიკითხე.  
დაიცა. ე მაგ გვერდზედ ჩანიშნე:  
მომავალ კვირის დღითი სამშაბათს.  
მე პრასკოვია ჭეოდლოროვნას  
უნდა ვეწვიო ახალ კალმანზე.  
საკვირველია ქვეყნის გაჩენა!  
ტვინი გერევა, რომ დაფიქრდები!  
ხან მშიერი ჰხარ, ხან სკამ სამ საათს  
და მონღლებას სამ დღეს უნდები!  
აბა, ჩანიშნე: იმავე სამშაბათს...  
მაგრამ მოიცა—არა, ხუთშაბათს  
უნდა დავესწრო მკვდრის გასვენებას.  
ეჰ, ადამის ძევ! როგორ ივიწყებ,

\*) იხ. „მომამბე“ № 11,

რომ იმ პატარა ყუთს ვერ ასცდები.  
 იქ უნდა ჩაძვრე, სადაც უძღური  
 ველარც ადგები და ვერც დაჯდები.  
 მაგრამ ვისაც ჰსურს, რომ ხალხს ახსოვდეს,  
 იმ განსვენებულს უნდა ჰბაძავდეს:  
 მისცეს სასახლის კამერჰერობა  
 და გასაღები გვერდზედ დაჰკიდეს;  
 შვილსაც უშოვნა ეს გასაღები  
 და ჰპატრონობდა დიდ-ძალ სიმდიდრეს!  
 მოჰკვდა, მის სიკვდილს სუყველა ჰნანობს:  
 კუზმა პეტროვიჩი, ღმერთმა აცხონოს!  
 ჰე, რამოდენი დიდიკაცობა  
 ამ ჩვენს მოსკოვში ცხოვრობს და ჰკვდება!  
 მანდვე ჩანიშნე: იმავე ხუთშაბათს...  
 მაგრამ მოიცა, იქნებ პარასკევს,  
 ან შაბათს, ან და როცა—დაჰბადებს,  
 ექიმის ქერივი ბავშვს მანათვლინებს.  
 ჩემის ფიქრითა და ანგარიშით,  
 ჯერ არ ჰყავს, მაგრამ მალე კი ჰშობავს.

## გამოსვლა მეორე

ფამუსოვი, მსახური და ჩაცკა

**ფამუსოვი.** აა, ალექსანდრ ანდრეიჩი, გთხოვთ რომ  
 მობრძანდეთ, დაჯდეთ.

**ჩაცკა.**

არა გცალიანთ?

**ფამუსოვი** (მსახურს). წადი (მსახური გადას).

დიახ, აქ სხვა და სხვა საქმეს  
 წიგნებში ვნიშნავ, არ დამავიწყდეს.

**ჩაცკა.**

თქვენ დღეს როგორღაც მოწყენილი ხართ!  
 იქნებ მე მოველ აქ უდროვო დროს?

გამაგებინეთ: სოჭი პავლონას  
 ხომ არა სტკივა, ან არას დარდობს!...  
 მაგ თქვენს სახესა და მოძრაობას  
 ეტყობა რაღაც დაღვრემილობა?

**ფამუსოვი.** ჰო! კარგად მიჰხვდი! ჩემხელა კაცი  
 მაშ ასკინკილას ხომ არ მოჰყვება!

**ჩატკა.** ვინ გეხვეწებათ! მე მხოლოდ გკითხეთ,  
 ხომ არაა სტკივა სოჭი პავლოვნას!

**ფამუსოვი.** ფუი, დასწყევლოს ჩემმა გამჩენმა!  
 ერთს და იმავეს ათასჯერ მკითხავს...  
 ხან: „ყველასა სჯობს სოჭი პავლოვნა!“  
 „სოჭი პავლოვნა ხომ არას დარდობს!“  
 გამოტყდი — მოგწონს? მთელი ქვეყანა  
 რომ მოიარე — ცოლად შერთვა გსურს?

**ჩატკა.** მერე თქვენ რაო?

**ფამუსოვი.** ცუდი არ არის,  
 რომ დამეკითხოთ, როგორც ნათესავს!  
 მოგეხსენებათ, რომ მე უბრალოდ  
 არ შეძახიან სოჭიას მამას!...

**ჩატკა.** თუნდაც მინდოდეს, თქვენ რას მეტყოდით?

**ფამუსოვი.** მე გეტყობდი, რომ ნუ ბედოვლათობ!  
 კარგად არ უვლი, ძმობილო, მამულს,  
 და — უმთავრესი — არსად მსახურობ,  
 უნდა მობრძანდე და იმსახურო.

**ჩატკა.** სიამოვნებით, მხოლოდ ვერ შევძლებ,  
 რომ სამსახურში მსახური ვიყო.

**ფამუსოვი.** საქმეც ეგ არის, რომ კუდაბზიკობთ  
 და უფროსთაგან არაფერს სწავლობთ!  
 რას აკეთებდნენ თქვენი მამები,  
 როდი დაეძებთ, არც კი ჰკითხულობთ!  
 ჩვენ, მაგალითად, ან და ბიძია  
 მაქსიმ პეტროვიჩს, სულ განათლებულს,  
 ოქროს ჰურქლებით აქმევდნენ საქმელს,



ვინ შეჰკადრებდა იმას ვერცხლეულს!  
 მუდამ თავს ადგა ასი მსახური,  
 სულ ჯილდოებში იყო ჩამჯდარი.  
 მიჰქრი-მოჰქროდა და იმისათვის  
 სულ ღია იყო სასახლის კარი;  
 სასახლის, მერე ვისი სასახლის!  
 წინანდელი დრო ახლანდელს არ ჰგავს!  
 ეკატირინე ხელმწიფეს ახლდა  
 და სუყველანი მას სცემდნენ თაყვანს.  
 დარბაისელთა დიდებულ სალამს  
 ბევრჯერ პასუხსაც არ აღირსებდა —  
 სხვები რომ მიწას დაემხოზოდნენ,  
 იგი თუ ოდნავ თავს გადუქნევდა!  
 წარჩინებული მით უფრო იყო  
 და სასახლეში ტოლი არ ჰყავდა,  
 რომ, სუყველაფრით განსხვავებული,  
 სულ სხვანაირად სჰამდა და სვამდა.  
 თითონ ბიძია თავადსა და გრაფს  
 ჭკუითა და ზნით განა არ სჯობდა?  
 მაგრამ, როდესაც საჭირო იყო,  
 წელში ას-კეცად მოიხრებოდა...  
 ერთხელ, უეცრად ფეხი გაუსხლტა,  
 ძირს გაიშხლართა მთლად მოწყვეტილი,  
 მოხუცს კინაღამ შუბლი გაუტყდა,  
 ძლივს-ღა ჰკვნესოდა ხმა-ჩახლეჩილი,  
 და მას უმაღლეს ჯილდოდ ებოძა  
 ხელმწიფისაგან ნაზი ღიმილი!  
 ღიახ, ინება მან გაცინება!...  
 ის კი წამოდგა, კარგად გასწორდა,  
 ჰსურდა მეფისთვის თაყვანი ეცა,  
 გამოიჯგვიმა, მაგრამ მეორეთ  
 თვით ხელმწიფის წინ განგებ დაეცა!  
 სიცილს და ხარხარს უფრო უმატეს,

ორჯელ დაცემას მესამეც მოჰყვა...  
 და თქვენ რას ჰფიქრობთ? ჩვენის აზრით კი,  
 მიძიმედ დაეცა და მჩატედ ადგა...  
 სამაგიეროდ, ვის ჰპატიობდნენ?  
 ღია ვის ჰქონდა სასახლის კარი?—  
 მაქსიმ პეტროვიჩს! ვის ამაღლებდნენ?—  
 მაქსიმ პეტროვიჩს! ხუმრობა არი?!  
 ჩინს იღებს ვინმე, ან და პენსიას,  
 ვისის წყალობით, ვის უმადლიან?—  
 მაქსიმ პეტროვიჩს! დიახ და თქვენ კი  
 ერთი მიბრძანეთ რა შეგიძლიანთ?  
 თითქო ქვეყანა გასულელდაო?  
 გულის ტკივილით უნდა აღნიშნოთ!  
 რა სათქმელია, რომ უწინდელ დროს  
 ეს ახლანდელი დრო შეადაროთ?  
 როცა განსჭვრეტავეთ ძველს და ახალს დროს  
 და ერთმანეთსა მათ შეადარებთ,—  
 სულ ახალია ეს გადმოცემა,  
 ცხადია, მაგრამ ვერ კი იჯერებთ.  
 მას აღიდებდნენ, რომლისაც ქედი  
 უფრო ხშირ-ხშირად ძირს იხრებოდა,—  
 ვისაც უომრად, მოსვენების დროს,  
 ცხოვრების ბურთი შუბლით გაჰქონდა...  
 იატაკზედაც თავს დაარტყამდნენ,  
 თუ კი საჭირო შეიქნებოდა.  
 თუ კი უჯობდა, თვით ლატაკიც-კი  
 თავს იწონებდა, ტოლი არ ჰყავდა,  
 მაგრამ თავისთან უფრო მაღალთან  
 ქება-დიდებას ხლართავ-ქსელავდა.  
 მონობისა და შიშის დრო იყო,—  
 ამით იჩენდნენ მეფის სამსახურს...  
 მე ბიძა თქვენზედ არ მოგახსენებთ,  
 ნუ შევაწუხებთ გადაცვალებულს!—

ჩატი.

მაგრამ ჩვენს დროში ვინ მოისურვებს,  
 თუნდაც სხვისი ყმა, ან მონა იყოს,  
 რომ ხალხის სიცილს დაუნანებლად  
 თავისი შუბლი მსხვერპლად შესწიროს?!  
 მათი ტოლნი კი, მოხუცებულნი,  
 სხვის ამაღლებას როცა ჰხედავდნენ,  
 „ნეტა მე მქნაო“—ამბობდნენ ოხვრით  
 და თავის ქერქში შურით დნებოდნენ.  
 თუმცა სულმდაბალთ ახლაც ბევრს ნახავთ,  
 მაგრამ ამ გვარებს ყველა დასცინის  
 და ღირსიც არის, თუ უფრო უხვად  
 არ ებოძებათ მათ ჯილდო მეფის.

**ფამუსოვა.** ოხ, ღმერთო ჩემო! ამას ის უნდა,  
 დიდი და მცირე რომ გაასწოროს.

**ჩაცკა.** არა, სულ სხვაა ახლანდელი დრო!

**ფამუსოვა.** ამას სუყველა უნდა ერიდოს!

**ჩაცკა.** ყველამ ნებაზე ამოისუნთქა,  
 თავისუფლებას ახლა მეტსა ჰკრძნობს  
 და როდი სცდილობს, როდი ისწრაფვის,  
 რომ მასხარათა გუნდს ჩაეწეროს!

**ფამუსოვა.** ნეტა რას ამბობს! როგორადაც სწერს,  
 ლაპარაკიცა იმგვარი იცის!

**ჩაცკა.** ეახლოს თავის მფარველ-მწყალობელს,  
 ამთქნაროს, ქერზე ბუზები სთვალოს,  
 სკამი მიართვას, თან ხელ-მანდილი,  
 კარგად გამოძღეს და იმასხაროს.

**ფამუსოვა.** ეს გვიქადაგებს თავისუფლებას!...

**ჩაცკა.** ზოგმა ისურვა მოგზაურობა,  
 ზოგიც თავისთვის სოფელში სცხოვრობს...

**ფამუსოვა.** ეს მთავრობასაც არაფრად აგდებს!

**ჩაცკა.** ზოგი თვით საქმეს ემსახურება,  
 და არა ვისმეს პირადობასა...

**ფამუსოვა.** მე კი სასტიკად აღგიკრძალავდით,

რომ თქვენისთანა ვაჟბატონები  
სატახტო ქალაქს არ შემოეშვით.

**ჩაცკი.** დასასრულ, მოგცემთ თქვენ მოსვენებას...

**ფაშუსოვი.** ბოლო მოეღო ჩემს მოთმინებას!..

**ჩაცკი.** თქვენს დროს ვლანძღავდი შეუბრალებლად  
და თქვენც ნება გაქვთ სამაგიეროთ  
კოტათი მაინც შეეხოთ ჩვენს დროს  
და რამე წუნი გამოუძებნოთ.

ასეც რომ იქნეს, როდი ვიტყვებ!

**ფაშუსოვი.** თქვენი არა მწამს, არც რამე მინდა!  
უწმაწურობას ყურს ვერ დავუგდებ!

**ჩაცკი.** აღარას ვამბობ!

**ფაშუსოვი.** ყურებს დავიცობ!

**ჩაცკი.** რათა? თქვენს სმენას მე არ ვეხები!

**ფაშუსოვი (ჩქარა ამბობს).** ამათგან უნდა კარგს მოველოდეთ?  
ეს უსაქმურად მაწანწალები!

**ჩაცკი.** მე გავათავე!

**ფაშუსოვი.** გთხოვ, შემიბრალე!

**ჩაცკი.** მე როდი მინდა დავის განგრძობა!

**ფაშუსოვი.** მაცალე მაინც, სული მოვითქვა..

## გამოსვლა მესამე

ივინივე და მსახური

**მსახური.** პოლკოვნიკ სკალოზუბი გეახლათ!

**ფაშუსოვი (არაფერს ხედავს და არც ესმის).**

დამაცა, ნაცვლად თუ არ დაგსაჯო!..

**ჩაცკი.** თქვენთან ვიღაცა სტუმრად მოსულა!

**ფაშუსოვი.** მე არა მესმის! სამართალს მიგცემ!

**ჩაცკი.** თქვენი ბიჭია, ეს მოგახსენებთ!

**ფაშუსოვი.** არა მესმის-რა! სამართალს მეთქი!..

ჩაცკი. მობრუნდით რაღა! თქვენ გეძახიან!..

ფამუსოვა. (მობრუნდება) ჰა? აჯანყდნენო? მე ისე ველი  
სოდომ-გომორის არევ-დარევას!

მსახურა. აქ პოლკოვნიკი სკალოზუბია!  
ვთხოვო თუ არა?—ველი ბრძანებას.

ფამუსოვა (წამოდგება). ვირებო! ასჯერ გაგიმეორებთ?  
მიიღე, სთხოვე, უთხარ—შინა ვარ  
და მისის ჩემთან მობრძანებითაც  
დიდად და დიდად მხიარული ვარ.  
გასწი საჩქაროდ! (მსახური გადის)  
თუ ღმერთი გწამდეს,  
იმასთან მაინც ფრთხილად იყავი:  
ის სხვა ვინმეა, ყველგან ცნობილი,  
დარბაისელი, შესანიშნავი.  
განსაკუთრებულ გმირობისათვის  
მრავალი ჯილდო მიუღია მას,  
და რაც იმის ხანს შეეფერება,—  
იმის-და კვალად, ჩინიც დიდი აქვს.  
პოლკოვნიკია! და დღეს თუ არა,  
ხვალ გენერლობას გვერდზე გაიკრავს.  
თუ ღმერთი გწამდეს, იმასთან მაინც  
დინჯად იყავი, თავ-დაჭერილად.  
ოოჰ, ალექსანდრ ანდრეიჩ, ძმაო,  
ცუდათ იქცევი, ძალიან ცუდათ!...  
ის ჩვენთან ხშირად დაიარება  
და მეც, ხომ იცი, სტუმარი მიყვარს!  
ახლა მთელს მოსკოვს ყბად აუღია,  
რომ სკალოზუბი სოჭიას ირთავს!  
სულ ქორი არის! იქნება იმას  
სულით და გულით კიდევ უნდოდეს!  
მე კი მაგ რიგად არ მეჩქარება,  
რომ ჩემი ქალი ადრე გათხოვდეს.  
სოჭია ჯერ ხომ ახალგაზრდაა!

მაგრამ რაც ღმერთს ჰსურს, იგი მოხდება!  
 შენ კი ამას გთხოვ, შენი აზრები  
 იმასთან მაინც ნუ წამოგცდება...  
 კი არა სჩანს და... რა მიზეზია?  
 უთუოდ იგი ჩემს ოთახშია!.. (საჩქაროდ გადის)

## გამოსვლა მეოთხე

ჩაგვი მარტო

**ჩაგვი.** როგორ ფუსფუსებს!.. რა ამბავია?!  
 სოჭია! ეგებ მართლა საქმროა!  
 მე კი ახლოსაც აღარ მიკარებს!...  
 საქმრო რომ იყოს, აქ არ შემოვა?..  
 ვინ უნდა იყოს ეს სკალოზები,  
 რომ მამა ასე ჰბოდავს მის სახელს?  
 ვინ იცის, ეგებ მამას კი არა,  
 შეილსაც ყოველ წუთს იგი ახსოვდეს!..  
 ეჰ! ის სიყვარულს გამოეხალმოს,  
 ვინც სამს წელიწადს სატრფოს განშორდეს!...

## გამოსვლა მეხუთე

ჩაგვი, ფამუსოვი და სკალოზები

**ფამუსოვი.** სერგეი სერგეი! აქეთ, ჩვენს ახლოს!  
 აქ უფრო თბილა! უმდაბლესად გთხოვთ!  
 მგონი, გაჰყინდით! ფეჩის სახურავს  
 ეხლავ გამოეწევე, ხელათ გაგათბობთ.

**სკალოზ.** (ბოხი ხმით). თქვენ, მაგალითად, რისთვის სწუხდებით,  
 ამ სიმალღეზე სად აბობლდებით!  
 ვით პატრიოსანს მხედარს, მრცხვენია.

**ფაშუსაფი.** ნუ თუ გულითად მეგობრისათვის,  
ფეხის გადადგმაც არ შემიძლია!  
სერგეი სერგიჩ, ჩემო ძვირფასო,  
დადეთ ეგ ქუდი, ხმალი მოიხსენთ!  
აი დივანი, როგორც გიამოთ,  
შინაურულად მოიკალათეთ.

**სკალაზუბი.** საცა მიბრძანებთ, ოლონდ კი დაეჯდე!

**ფაშუსაფი.** ოჰ, ბარემ ვეტყვით, არ დამავიწყდეს:  
ნება გვიბოძეთ, ჩვენც შევუერთდეთ,  
თუნდაც შორეულს, თქვენს ნათესავებს.  
სამკვიდროს კი არ შეგეცილებით...  
ვერ ვიცნობდი და გაცნობისთვის  
თქვენს ბიძაშვილსა ვწირავ მადლობას...  
ნათესავი თქვენი, ან იცნობთ  
ანასტასია ნიკოლაევენას?

**სკალაზუბი.** უკაცრავად ვარ, მაგრამ არ ვიცნობ,  
ჩვენ ერთად არსად გვიმსახურნია!

**ფაშუსაფი.** სერგეი სერგიჩ! ნუ თუ თქვენ ხართ ეს!  
მე კი ნათესავს სხვაფრივ ვექცევი.  
მევე მოვძებნი! გინდა ზღვის ბსკერში  
რომ იყოს სადმე,—იქაც ჩავწვდები.  
ჩემთან უცხოებს ძვირად შეხვდებით,  
ვინც კი მსახურებს, ყველა ჩემია:  
ზოგი დისწული, ცოლის დის შვილი,  
თითქმის სუყველა ნათესავია.  
ერთი მყავს უცხო,—ეს მალჩალინი,  
ისიც იმიტომ, რომ შრომა უყვარს!  
ჯილდოს ვუშოვნე, ან ადგილს ვისმე,  
ბარემ ვაამო ჩემსავ ნათესავს!..  
აკი თქვენმა ძმამ მიაბო, რომ თქვენ  
მას სამსახურში უხვად სწყალობდით.

**სკალაზუბი.** რვაას ცამეტში მე და ჩემმა ძმამ  
თავი ვიჩინეთ ბრძოლაში ერთად—

მეოცდა ათე ეგერში, შემდეგ  
რომ გადასცვალეს ორმოც-და ხუთად.

**ფაშუსოვა.** ბედნიერია, ვისაც მაგეთი  
გამოჩენილი ვაჟი შვილი ჰყავს!  
იმას, მგონია, სხვა ჯილდოს გარდა  
„პეტლიცაზედაც“ კიდევ ჯვარი აქვს?

**სკალოზუბა.** სამის აგვისტოს გამარჯვებისთვის,  
როცა იღუმალ მტერს ჩავუსაფრდით.  
მაშინ ჩვენ ორმა ჯილდო მივიღეთ:  
მე ყელის ჯვარი, იმან კი—ბანტით.

**ფაშუსოვა.** მართალი გითხრათ, იმ თქვენს ბიძაშვილს  
სუყველა აქებს, ჩინებულია!

**სკალოზუბა.** კი, მაგრამ ახალ აზრებს გადაჰყავს,  
თანამდებობას სულ ვერ ითვისებს.  
ჩინს მიიღებდა, მაგრამ გაიქცა,  
სოფელში ზის და კითხულობს წიგნებს.

**ფაშუსოვა.** აი ბავშვობა!.. წიგნების კითხვა...  
თქვენი მოქცევა მოსაწონია.  
დიდიხანია პალკოვნიკი ხართ  
და რაც მსახურებთ—ცოტა ხანია.

**სკალოზუბა.** დიახ, ამ მხრით კი ბედნიერი ვარ!  
ჩემთვის ადგილი მუდამ იცლება:  
უფროს ადგილზე მოსამსახურეთ  
ზოგს გამოსცვლიან და ზოგიც ჰკვდება.

**ფაშუსოვა.** ოღონდაც! ვისაც ღმერთი მფარველობს,  
მას წარჩინება არ მოაკლდება...

**სკალოზუბა.** ზოგი ჩემზედაც ბედნიერია:  
ჩვენს მეხუთმეტე დივიზიაში  
თითონ ბრიგადის გენერალი კი  
არ ჩაითვლება ბედნიერთ რიცხვში!

**ფაშუსოვა.** თქვენი ჭირიმე! თქვენ რა გაკლიათ?

**სკალოზუბა.** როდი ვემდური! არ დამივიწყეს,  
თუმცა ესეც კი სათქმელი არის,



- რომ ორს წელიწადს პოლკში მატარეს.  
**ფამუსოვი.** მერე რა ვუყოთ! სამაგიეროდ  
 ამხანაგები უკან ჩამოგრჩნენ.
- სკალოზუბი.** კორპუსით ჩემზე უფროსთაც ნახავთ:  
 მე რეაას ცხრიდან ვარ სამსახურში!  
 ჩინის საშოვნად ბევრი გზა არის  
 და მეც ამაზე სწორედ ბრძნულად ვსჯი...  
 მხოლოდ მივიღო გენერლის ჩინი.
- ფამუსოვი.** მშვენიერად სჯით, ღმერთმა გიშველოთ!  
 არ მოგეშალოთ სახელ-დიდება  
 და გენერლობაც ჩქარა მიგელოთ.  
 მერე კი დიდს არ დავაგვიანებთ,  
 გენერალმაზეც ვილაპარაკებთ!...
- სკალოზუბი.** ცოლი შევირთო? მე თანახმა ვარ!
- ფამუსოვი.** აქ ხომ ქალები ურიცხვი არი!  
 ზოგს დისწული ჰყავს გასათხოვარი,  
 ზოგს ბიძაშვილი, ზოგს და, ზოგს ქალი.  
 წლითი წლობამდე სულ ემატება...  
 მოსკოვის მზგავსსა სად ნახავთ ქალაქს!  
 არა, გეთაყვა, მართალს არ ვამბობ?
- სკალოზუბი.** დიხაც! მოსკოვს დიდი სივრცე აქვს.
- ფამუსოვი.** საქმე გემოა, ჩემო კეთილო,  
 და ყველაფერზე წესიერება!  
 აქ, მაგალითად, იმ წესს მისდევენ,  
 რომ მამის დაგვარ შვილს პატივს სცემენ!  
 გინდ ცუდიც იყოს, თუ ყმა-მამულის  
 პატრონი არის, ქალს მას მისცემენ,  
 და სხვას, ასწილად რომ სჯობდეს ქკუით,  
 ტყუილად სახლშიც არ შეუშვებენ.  
 აქ ჯერ ისევე მტკიცედ იცავენ  
 აზნაურობას და თავადობას!  
 განა მართო ეს? აბა დაჰხედეთ  
 ჩვენს პურ-მარბლსა და გულ-უხვობას!..

მოსვლა სურს ვისმე, — მობრძანდეს! კარი  
 ღია დახვდება ნაწვევს, უწვეველს.  
 ყველას ერთგვარად მივეგებებით  
 და უმეტესად ვინმე უცხოელს.  
 გინდ კარგი იყოს, და გინდა ავი  
 სუყველასათვის სუფრა მზად არის.  
 და რომ გასინჯოთ თავით ფეხამდე,  
 ყველა მოსკოველს სხვა დალი აზის.  
 აი დახედეთ ჩვენს ახალგაზღვებს:  
 ქაბუკ შვილებსა და შვილის-შვილებს!  
 ისე ვწვრთნით, რომა თხუთმეტის წლისა  
 თვით მასწავლებელს გადააჭარბებს.  
 ჩვენი ბებრები! თუ ერთი ასტყდნენ  
 და სჯა დაიწყეს რამე საქმეზე? —  
 რასაც იტყვიან — განაჩენია...  
 სუყველა ტახტის აზნაურია.  
 წარბსაც ვერავინ შეახვრევენებთ!  
 მათ არავისი არ ერიდებათ.  
 მთავრობაზედაც ხან ისე სჯიან,  
 რომ გაიგონოთ, — გაგიკვირდებათ!..  
 ვითომ ახალი შემოიღონ რამ?  
 არას დროს! ამას ღმერთმა გვაშოროს!  
 არა! უბრალოდ ახირდებიან  
 ხან ერთ რამეზე, ხან მეორეზე  
 და უფრო ხშირად სულ არაფერზე...  
 იკამათებენ, იხმაურებენ  
 და ამნაირად დაიშლებიან.  
 მთავარ ვეზირნი არიან, თუმცა  
 ჭკუით სამსახურს გარეშე მყოფნი.  
 ამასაც გეტყვით, რომ უიმათოდ  
 ჩვენში ვერაფერს გააკეთებენ.  
 ახლა ქალები! ერთი გაჰბედონ  
 და მოინდომონ მათზე უფლება!..

თვითვე არიან სხვების მსაჯულნი  
 და მათს მსაჯულად ვინღა იქნება!..  
 ბანქოსს თამაშში რომ იგროვებენ  
 და ერთ ხმად შეჰქმნენ ჩხუბსა და ყაყანს,—  
 ვაი იმ წუთში მათს მაყურებელს,  
 მის ყურთა სმენას და მოთმინებას!..  
 მეც მყავდა ცოლი, გამოცდილი ვარ!  
 რომ უთხრათ, ჯარსაც კი უსარდლებენ,  
 თვით სენატშიაც რომ გააგზავნოთ,  
 არ შედრკებიან და იქაც წავლენ.  
 აი გინდ ირინა ვლასიენა!  
 ან ლუკერია ალექსეენა!  
 გინდ ტატიანა იურიენა!  
 ან-და პულხერია ანდრეენა!  
 გასათხოვარ ქალთ აღარ იკითხავთ!  
 ყველა ზრდილობით აღსავსე არი!  
 იმათი უდიდებულესობა  
 ბრძანდებოდა აქ პრუსთა მთავარი.  
 გაოცდა ჩვენის ყმაწვილ ქალების,  
 სახით კი არა—კეთილ ზნეობით!  
 მართალიცაა—მოსკოველ ქალებს  
 ვინ შეედრება აღზრდით და ქცევით!  
 იციან კარგად მორთვა-მოკაზმვა,  
 ჩაცმა-დახურვა დიბა-ხავერდით.  
 ერთ სიტყვას სწორათ არ გამოსთქვამენ,  
 ლაპარაკობენ პრანქვით და გრეხვით.  
 ფრანგულ სიმღერებს კარგად მღერიან,  
 გაბედულათა და თან ხმა მაღლად,  
 სამხედრო კაცებს უფრო ეტრფიან...  
 ეს იმიტომ, რომ სამშობლო უყვართ...  
 გადაჭრით გეტყვით: ძნელად იპოვით  
 სატახტო ქალაქს მოსკოვისთანას!

სკალაზუბა. მე კი მგონია ცეცხლის გაჩენამ

ხელი შეუწყო მის გამშვენებას.

**ფამუსოვა.** ნულარ მიბრძანებთ! ცოტა გაკეთდა  
მერე გზები და ქვა-ფენილები!  
სუყველა სახლი სხვა გვარად არის  
ახალ გემოზედ ნაშენ-ნაგები.

**ჩატკა.** სახლები თუმცა თქვენ ახალი გაქვთ,  
მაგრამ მსჯელობა ისევე ძველი!  
და გიხაროდეთ: მას ვერ აღმოჰყვებრის  
ვერც დრო, ვერც მოდა, ვერც თითონ ცეცხლი!

**ფამუსოვა (ჩატკის).** ეი! შენ ძაფი მაინც განასკვე,  
რომ მოგაგონდეს, რაც მე გითხარი.  
ხომ გთხოვე: ჩუმად იყავი მეთქი,  
და რომ დაჩუმდე, დიდი რამ არი! (სკალოზებს)  
ნება მიბოძეთ! ეს შვილი არის  
განსვენებულის ჩემის მეგობრის:  
ანდრეი ილიჩ ჩაცკი რომ იყო;  
სამსახურში კი არსად არ არის;  
ესე იგი, ვთქვათ, სამსახურიდან  
დიდ სარგებლობას არას მოელის;  
თუ მოინდომებს, ყველას აჯობებს...  
მებრალვის, სწორედ, დიდად მებრალვის.  
მერე რა თავის პატრონია და...  
მშვენიერად სწერს, მშვენიერად სთარგმნის.  
როგორ იქნება არ შეიბრალო,  
როცა პატრონი ასეთის ჭკუის...

**ჩატკა.** თუ შეიძლება, სხვა შეიბრალებთ,  
მე თქვენგან ქებაც ძალიანა მწყინს.

**ფამუსოვა.** განა მე მარტო—ყველა გამტყუნებს.

**ჩატკა.** მერე ვინ არის ჩემი მსაჯული?  
საბერის გამო იმათი ჭკუა  
ვერ ურიგდება ახლანდელს დრო-ჟამს.  
ყველაფრით ჰგმობენ თავისუფლებას  
და ვერ იცხრობენ მისდამი მტრობას.

სიბრძნეს ეძებენ იმ დროს გაზეთში,  
 როცა ყირიმი რუსთა დაიპყრეს;  
 მუდამ გვტუქსავენ, მუდამ გვკიცხავენ,  
 გაიძახიან ერთს და იმავეს.  
 თავის თავს კი არ უკვირდებიან, —  
 უარესობა მოსდევს სიძველეს.  
 სად არს, გვაჩვენეთ, ქვეყნის მამანი,  
 რომ მათ მივბაძოთ, ვისწავლოთ მათგან?  
 ნუ თუ ისინი არიან, ვინცა  
 სხვისის ნაძარცვით გამდიდრებულან!  
 წათესაჯთა და მეგობართ კალთას...  
 მოჰფარებიან, თავი უხსნიათ,  
 და მათისავე უხე-მასპინძლობით  
 მართლ მსაჯულებაც აუცდენიათ,  
 სად საქეიფოდ, დროს სატარებლად  
 ქვეყნის მსაჯულნი შეიყრებიან,  
 სად უცხოელნიც გარდასრულ დროის.  
 საზიზღარ ნაშთთა ვერ აღმოჰტყხვირნიან...  
 ან კი ლხინმა და სადილ-ვახშამმა  
 მოსკოვში ვის არ აუკრა პირი?  
 იქნებ ის არის, ვისთანაც ერთხელ  
 ჯერ კიდევ ბალლი თქვენ წამიყვანეთ  
 და მოწიწებით თაყვანის ცემა  
 და თავის დაკვრა მისი მასწავლეთ?  
 იმ საძაგლობის გამავრცელებელს,  
 მსახურთა გროვა რომ ეხვია გარს  
 და თავის ერთგულ მონათა კრება  
 მთლად ანაცვლა სამ წუბაკ მწევარს?  
 ფეგების არის, ვინც თავის ყმები  
 დააწიოკა, გაათიალა,  
 დედ-მამის ჰერს და მშობლების კალთას  
 ღვიძლი შვილები გამოაცალა!  
 გალაღებული სხვისის ნაღვაწით


შეეთვისტომა სიბილწის მორევს  
 და მოსკოველთა განსაცვიფრებლად  
 ათამაშებდა მათს სილამაზეს!  
 მაგრამ მოვალეთ ეს რად უნდოდათ?  
 ვალის გადახდა აღარ აცალეს  
 და გლახთა შვილნი სულ სათითაოდ  
 პირუტყვებით ჩამოირიგეს.

აი, ისინი, ის თეთრ თმოსანნი,  
 რომელთაც უნდა პატივსა ვსცემდეთ  
 და ამ საბუღარს სულ მდაბლობისას,  
 ჩვენ, უკაცონი, კაცებად ვთვლიდეთ!  
 იმათ ხელ არის ჩვენი ავ-კარგი:  
 დაწუნებაცა და მოწონებაც!..

ახლა რომ ერთმა ჩვენგანმა ვინმემ  
 ხელი მოჰკიდოს მეცნიერებას,  
 სწავლა არჩიოს ჩინს და ორდენებს  
 და ხელოვნება—თანამდებობას—  
 მაშინვე ყველა ერთ-ხმად აყვირებს:  
 ავაზაკები დაგვესიაო!

და მათგან საშიშ კაცად ცნობილმა  
 კიდით კიდემდე უნდა იარო!  
 მუნდირი მხოლოდ! მარტო მუნდირი!  
 რომ შეჰხაროდენ იმ კოხტად ნაკერს,  
 ის ერთ დროს, მართლაც, ჰფარავდა იმათს  
 სულ-მდაბლობას და ჭკუით სიგლახეს.  
 მაგრამ წარვიდა, იმათს კვალს გაჰყვა—  
 გზა მშვიდობისა დაგვილოცნია.

ქმრიანი, უქმრო, ყველა ერთ რიგად  
 მუნდირს შეტრფოდა და შეჰხაროდა.  
 მეც თვითონ ვანა დიდი ხანია,  
 რაც ეს მუნდირი მეტად მომწონდა?  
 მაგრამ უარ ვყავ! და ამის შემდეგ  
 როდღი ჩავიდენ ამ გვარ ბავშვობას...



მაგრამ მაშინ კი ვინ შეიძლება,  
 არ აპყლოდა სხვების ფეხის ხმას!  
 როცა სასახლის გვარდიელები  
 ხან-და-ხან მოსკოვს ესტუმრებოდნენ,  
 „ურას“ ჰყვიროდნენ ჩვენი ქალები  
 და თავსაფარებს ცაში ისვროდნენ.

ფაქუსოვა (თავისთვის). ეს მე კარგ საქმეს არას შემამთხვევს!  
 (ხმა მადლა) სერგეი სერგიჩ, შე გიანლებით  
 და იქ მოგიცდით ჩემს კაბინეტში! (გადის).

### გამოსვლა მეექვსე

სკალოზუბი და ჩაცკა

სკალოზუბი. ძალიან მომწონს, რომ მაგრე რიგათ  
 მოიხსენიეთ მოსკოველები,  
 მათი საგანი გატაცებისა:  
 გვარდიელობა, გვარდიელები.  
 პირველ გვარდიას აღარ იკითხავთ?  
 თავით ბოლომდე კოპწიაობენ,  
 დაგისახელებთ ზოგ-ზოგ აფიცრებს,  
 რომ ფრანგულათაღ ლაპარაკობენ.

### გამოსვლა მეშვიდე

იგინიუე, სოფიო და ლიზა

სოფია. (ფანჯრისკენ გარბის) ოჰ! გადმოვარდა! მოჰკვდა!

ჩაცკა. ვინ! ვინა?

სკალოზუბი. ვის რა შეემთხვა?

ჩაცკა. ეს შიშით ჰკვდება!

სკალოზუბი. ვინ გადმოვარდა?

**ჩაცკი.** ხომ არ დაშავდა!  
**სკალოზუბი.** ჩვენი ბებერი ხომ არ წაიქცა!  
**ღიზა** (თავის ქალბატონის ფუსფუსებს).  
 კაცს რაც ბედი აქვს არ აშორდება!  
 მალჩალინს სურდა ცხენზე შეჯდომა  
 და უხანგოში რომ ფეხი შესდო,—  
 ცხენი უკან ფეხებზე დადგა...  
 ჩამოვარდა და კეფა ძირს დაჰკრა.

**სკალოზუბი.** თავი ძალიან მოუწევია!  
 რა გაეგება მას ცხენოსნობის!  
 ვნახავ, რა დაჰკრა, ან რა სტკენია! (გადის)

### გამოსვლა პერვე

ივინავე, სკალოზუბს ვარდა

**ჩაცკი.** რითი ვუშველოთ! მითხარი, ჩქარა!  
**ღიზა.** მოიტათ წყალი, იმ ოთახშია!  
 (ჩაცკი გაიქცევა და შემოიტანს წყალს. მერე ხმა დაბლს  
 ღაპარაკობს, ვიდრე საფიო გონს არ მოვა)

**ღიზა.** ჩაახსთ ჰიქაში!

**ჩაცკი.** ჩახსმული არის!..  
 ზონრები შესხენ უფრო ნებაზე.  
 აბა, საჩქაროდ აპკურე წყალი  
 და საფეთქლები ძმრით დაუზილე.  
 მგონი, მოუხდა, მშვიდათა სუნთქავს,  
 შეხედე... რითი მოგუნიავო?

**ღიზა.** აი, მიირთვით მაგის მარაო..

**ჩაცკი.** გადაიხედე! ჰხედავ მალჩალინს?  
 დიდი ხანია, რაც ის ფეხზე დგას.  
 ყველა უბრალო ამას აშფოთებს!..

**ღიზა.** დიახ, ქალბატონს სუსტი გული აქვს.—  
 მაშინვე გული შეუწუხდება,



თუ ვინმე ჰნახა დაცემული ძირს.

**ჩაცკა.** აპკურე წყალი, ე მაგრე, კიდევ!

**სოქია.** (დრმა ამოაზნებრით) ვინა ხართ აქა?  
ჩემთან ვინ არის? (ჩქარა და სმა მადლა)?  
სად არის იგი? რა დაემართა?

**ჩაცკა.** იმას კისერიც მოუტეხია!  
ცოტა დააკლდა, რომ თქვენც არ მოგკლათ.

**სოქია.** არ შემიძლიან, თქვენს მკვახე სიტყვებს  
ყური დაუგდო და თქვენ გიმზიროთ.

**ჩაცკა.** გინდათ მის ნაცვლად მე ვიტანჯვოდე?

**სოქია.** მინდა გაიქცეთ, მას მიეშველოთ...

**ჩაცკა.** მერე თქვენ უნდა მარტო დაგაგდოთ?

**სოქია.** მე რად მინდებართ? მაგრამ ჰო, მართლა!  
სხვის მწუხარება თქვენთვის ხომ მხოლოდ  
გართობა არის შესაქცევარი!  
სულ ერთი არის, არად ჩაადგებთ  
თვით ღვიძლი მამაც რომ ნახოთ მკვდარი. (აიზას)  
ჩქარა გავიქცეთ, მას მივეშველოთ.

**აიზა** (გაიუფანს განზე). გონს მოეგვევით, საით მიდებართ!  
ის ცოცხალია, კარგათაც არის...  
აი, ფანჯრიდან რად არ შეხედავთ!

(სოფიო უეურებს ფანჯარიდან)

**ჩაცკა.** შფოთვა, გულ-წასვლა, მოუთმენლობა!  
და შიშით რისხვა, სულ სხვა ნაირათ!  
ამაებს მხოლოდ მაშინ ჩავიდენტ,  
როცა გულითად მეგობარს ვკარგავთ!...

**სოქია.** აქეთ მოდიან! ხელს ველარა სწევს!

**ჩაცკა.** ნეტავი მასთან მოვმკვდარეყავ მეც.

**აიზა.** ნუთუ ხათრისთვის გსურდათ სიკვდილი?

**სოქია.** არა, ეგ ნატვრა თქვენთანვე დარჩეს.

გამოსვლა მეცხრე

ივინივე, სკალოზუბი და მალჩალინი ხელ-ჩამოკიდებული

**სკალოზუბა.** უენებლად ადგა! ცოტათ ხელი აქვს  
დაშავებული, ტყულად შეშინდით.

**მალჩალინი.** მე თქვენ დაგატოტხეთ! გთხოვთ მაპატიოთ!

**სკალოზუბა.** რა მოგივიდათ ჩვენ არ ვიცოდით.

უცბათ იყვირეს—ჩამოვარდაო!

სუყველა შევკრთით! თქვენ ძირს დაეცით!

და რა აღმოჩნდა? სულ არაფრისგან

შეგჭშინებია! ტყულად შევშფოთდით.

**სოფია** (არ უყურებს მალჩალინს). დიახ დაფრწმუნდი ტყულათ  
მაგრამ მე ჯერაც საოცარად ვთრთი. [შევშფოთდით,

**ჩაჩკა** (თავისთვის). მალჩალინს ერთი სიტყვაც არ უთხრა!

**სოფია.** აი, მე ახლა ჩემზედაც ვიტყვი,

მშიშარა არ ვარ! ბევრჯერ მოხდება,

რომ ჩემი ეტლი გადაბრუნდება,

ასწევენ, მე კი ისევ ჩავჯდები—

და გავაქანებ, არ მეფიქრება.

მაგრამ სხვის მცირე მწუხარებასაც

ვერ გადავიტან! მტანჯავს და მაკრთობს,

და სულ ერთია, როდი დავეძებ

გინდა ნაცნობი, გინდ უცხო იყოს...

**ჩაჩკა** (თავისთვის). მოტევენბასა თხოულობს მისგან,

რომ ერთხელ ვილაც შეჰბრალებია!

**სკალოზუბა.** აი, ვიამბობთ ერთ ახალ ამბავს!

ვილაც ვლასოვის ქვრივი კნეინა

არის თურმე აქ და, რიგორც მითხრეს,

შესანიშნავი ცხენოსანია.

მაგრამ ამ ბოლოს, თურმე ცხენიდან

გადმოვარდნილა და დაჩეჩკვილა.

- მხლებელსაც ველარ დაუჭერებ,  
 ალბათ, ის მაშინ ბუზებს თუ სთვლიდა.  
 როგორც მიაშხეს, უიმისოდაც  
 მოკლებულია ის სილამაზეს,  
 და ახლა, გვერდიც რომ ამოიგდო,  
 ყავარჯნად თურმე საქმროს დაეძებს.
- სოფია. აი, ალექსანდრ ანდრეიჩ, თქვენ ხომ  
 სხვის უბედობას გაინაწილებთ!...  
 მოდით, და ამ ერთ შემთხვევაშიაც  
 მთლათ სულმადლობა გამოიჩინეთ!...
- ჩაჩკა. დიახ, მე ჩემი გულკეთილობა  
 აი, ამ წუთშიც კი დაგიმტკიცეთ!  
 თუმცა არ ვიცი, რისთვის და ვისთვის—  
 მე მოგაბრუნეთ და აღვადგინეთ.  
 (აიღებს ქუდს და მიდის).

## კამოსვლა მეათე

ივინივე, გარდა ჩაჩკისა.

- სოფია. თქვენ ხომ შემოხვალთ სალამოს ჩვენთან?  
 სკალაშუბი. რა დროს?  
 სოფია. რაც ადრე უკეთესია  
 ჩვენს შინაურულ მეგობრებს ველით,  
 მოვლენ საცეკვრად, სამხიარულოდ,  
 მგლოვიარეთ ვართ და ამიტომაც  
 ბალს ვერ გავმართაეთ, ისე ვიცეკვოთ.  
 გახსოვდეთ კი არ დაიგვიანოთ.
- სკალაშუბი. უთუოდ მოვალ, ახლა მამასთან  
 უნდა შევიდე. გამოსათხოვრად.
- სოფია. მშვიდობით!
- სკალაშუბი (მადხადინს ხელს ჩამოართმევს).  
 თქვენი მორჩილი მონა! (კადის).

## გამოსვლა მეთერთმეტე

სოფიო, მალჩაღინი და ღიზა

**სოფია.** მალჩაღინ! ჭკუა როგორ-ღა შემრჩა?  
 ხომ იცით, ჩემთვის რა ძვირფასი ხართ!  
 თქვენ კი თავს სულაც არ უფროთხილდებით!  
 მითხარით, ხელი ძალიან გტკივთ?  
 კაპლი არ მოგცეთ? ან ახლა თქვენთვის  
 საჭირო არის ხომ მოსვენება?  
 ნუ მიაყრუებთ, ექიმს უჩვენეთ.

**მალჩაღინი.** შევიხვიე და აღარა მტკივა.

**ღიზა.** ნაძღვეს მოვდივარ, ტყუილს იგონებს!  
 რომ არ შევნოდეს, ხელს არ შეიკრავს  
 და ეს კი ტყუილი არ არის, რომ თქვენ  
 ვერ აშორდებით მთელი ქვეყნის ხმას.  
 რაღა თქმა უნდა, ჩაცკი დაგცინებთ  
 და სკალოზუბიც გუდას თავს მოჰხსნის,  
 ყველას უამბობს თქვენს გულის წასვლას,  
 სიტყვის მასალად, ერთს ასად ვაჰხდის.  
 ის სხვაზე უფროც ხუმარაც არის,  
 ან კი ამ დროში ვინ არა ხუმრობს...

**სოფია.** მერე მე იმათ ვითომ რად ვაგდებ!  
 თუ მინდა მიყვარს,—თუ მინდა—ვიტყვი,  
 მალჩაღინ! განა მე არ ვეცადე  
 და ძალად თავი არ შევიკავე?  
 რომ შემოხველით, არა გითხარით,  
 ერთი სიტყვის თქმაც ვერ გაგიბედეთ,  
 სული მიწუხდა, მაგრამ იმათთან  
 ვერა გკითხეთ-რა, ვერც შემოგხედეთ.

**მალჩაღინი.** არა, ძვირფასო სოფი პავლოვნა,  
 თქვენ მეტის-მეტად გულ ახდილი ხართ!

**სოფია.** სიდან ვისწავლო გულში დაფარვა!  
 მე კი მინდოდა, რომ თქვენ საშველად  
 თვით ფანჯრიდანაც გადმოვჭრილიყავ!  
 რას დავდევ მე სხვებს! ვის რა საქმე აქვს?  
 ან რად ჩავაგდებ გინდ მთელ სამყაროს!  
 სასაცილოა,—დამცინოს ხალხმა,  
 საწყენი არის,—და ერთ ხმად დამგმოს!

**ძაღჩაღანი.** კი არ გვევნოს და...

**სოფია.** ნუ თუ ღუელში  
 გაგიწვევთ ვინმე? რა ამბავია?

**ძაღჩაღანი.** განა არ იცით, რომ ავი ენა  
 ტყვიაზე უფრო საშიშარია!

**ღაზა.** ისინი მამათქვენთან არიან  
 და რა კარგს იზამთ, რომ შეცქრილდეთ!  
 ვითომც აქ არათფერი მომხდარა!  
 აუშფოთებლად, სახე მცინარედ...  
 როცა გვეტყვიან, რაც ჩვენს გულს უნდა,  
 სიამოვნებით ჩვენც დავიჯერებთ!  
 ჩაცკიც იქ არის, მიღით იმასთან  
 და ყმაწვილობის დრო მოაგონეთ.  
 ისე ეჩვენეთ, ვითომც გიყვარდეთ!  
 გადაუკარით ალერზე სიტყვა,  
 პირ მომღიმარედ ელაპარაკეთ  
 და შეყვარებულს მეტიც არ უნდა:  
 ყველაფერს მალე დაიჯერებენ...

**ძაღჩაღანი.** მე კი ვერ ვბედავ, რომ მოგცეთ რჩევა!

**სოფია.** (ტრემულმორეული) თქვენც გინდათ! წავალ, მაგრამ რაღა  
 თუ ეშმაკობა ვერ მოვახერხებ! [ვქნა,  
 ცრემლ მორეული ვეაღერსო სხვას?..  
 ოჰ, ღმერთო, ჩაცკობ რად მოიყვანე!.. (გადას)

გამოსვლა პეთორმეტე

მალჩაღინი და ჯიზა

**მალჩაღინი.** ტურთა არსებაე, სიცოცხლით საესეე!  
**ჯიზა.** გთხოვთ დამეთხოვოთ, თქვენ უჩემოდაც  
ორნი ბრძანდებით.

**მალჩაღინი.** — რა ლამაზი ხარ  
და რომ იცოდე... როგორ მიყვარხარ!

**ჯიზა.** „ბარიშნა?“

**მალჩაღინი.** იგი სამსახურისთვის  
და შენ კი.....

**ჯიზა.** მისთვის რომ არ მოგწყინდეს?  
ხელი გასწიეთ!

**მალჩაღინი.** სამი რამა მაქვს,  
ახლავ ავიწერ მათ სიმშვენისერეს:  
საპირფარეშო მოწყობილობა,  
უცხო ხელობით გაკეთებული,  
გარეთ სარკე აქვს, შიგნითაც სარკე,  
ირგვლივ ვარაყი შემოვლებული.  
ერთი ბალიში, მძივით ნაკერი,  
და სხვა ნივთები წმინდა სარდაფის,  
სანემსე ყუთი და მაკრატელი,  
თანაც ხელსაწყო ფერ-უმარილის,  
ტუჩის მალამო, საუკეთესო,  
ყველა ესენი მზათა მაქვს შენთვის  
და ამას გარდა ნელსაცხებელი  
სხვა-და-სხვა გვარი ყვავილ-ვარდების.

**ჯიზა.** მე საჩუქრებით არ მოვტყუვდები.  
მითხარით, ამას რატომ სჩადიხართ,

რომ ქალბატონთან კრძალვით იქცევით  
და გოგოსთან კი მეტად ცელქი ხართ?

**მალჩაღინა.** დღეს ავადა ვარ, ხელს ვერ შევიხსნი!  
ჩემთან მოდი და ყველაფერს გეტყვი... (გაღის).

### გამოსვლა მეცაძეზე

ღიზა და სოფია

**სოფია.** ვიყავ მამასთან! იქ არვინ არის,  
სადილს იქ ვერ ვქამ, ავადა ვარ დღეს!  
წადი, მალჩაღინს შეატყობინე  
ჩემს სანახავად ახლავ მოვიდეს (გაღის).

### გამოსვლა მეთოთხმეტე

ღიზა (მარტო)

**ღიზა.** ოჰ, აქაურთ ხასიათი!..  
ის მე მიწვევს, ეს კი—მას...  
მე კი... მხოლოდ მე გავუბი  
ამ სიყვარულს, როგორც უამს...  
ვერა ვბედავ... მეშინიან...  
ჩემთვისა ვარ მარტოკა...  
მაგრამ როგორ არ მიყვარდეს  
„ბუფეტჩიკი“ პეტრუშკა!...

# მოქმედება შესამე

გამოსვლა პირველი

ჩაცკი, შემდეგ სოფია

**ჩაცკი.** დაუცული... ვიხმარ ყოველგვარ ღონეს,  
რომ მას სიმართლე დაეცდენინო!  
მალჩალინს ეტრფის, თუ სკალოზუბსა,  
ვინ უფრო მოსწონს—ეს ვათქმევინო!  
მალჩალინი ხომ სულელი იყო,  
ყოვლად საბრალო, ბრიყვი არსება!..  
განა ამ ბოლო, დროს დაჭკვიანდა?!..  
ან ის, მეორე, რას ემსგავსება!..  
უშნო ბრტყელი რამ, ხმა ხრინწიანი,  
ცეკვა-აღლუმით რომ იწონებს თავს!  
მისთვის სიყვარულს იგივე ფასი აქვს,  
რაც რომ ბავშვთათვის თვალხუჭანობას,  
მე კი... (სოფიას შემადის) თქვენ აქ ხართ? მოხა-  
[რული ვარ!  
მეც ეს მინდოდა...

**სოფიას.** (თავისთვის). ტყუილათ ჰხარობთ!

**ჩაცკი.** უეჭველია, მე არ მეძებდით!

**სოფიას.** თქვენ არ გეძებდით!

**ჩაცკი.** მინდა რამ გკითხოთ:—



თუმცა დრო არ არის, ამის კითხვისა,  
მაგრამ ვინ გიყვართ?

სოფია.

მთელი ქვეყანა!

ჩატკა.

ყველაზე უფრო მეტად ვინ მოგწონთ?

სოფია.

ბევრი! ჩემივე ნათესავები!

ჩატკა.

და ჩემზე უფრო სუყველა.

სოფია.

ზოგი!

ჩატკა.

ან რაღა მინდა! მორჩა გათავდა!

მე ლამის ყელზე თოკი მოვიბა,

ეს არად აგდეს და იღიმება!..

სოფია.

მართალი გითხრათ? თქვენ თუ სხვა ვინმეს

მცირე ოდენი რამ შეამჩნიეთ—

აუხირდებით მახვილ-სიტყვებით

და მის დაცინვას არ გაათავებთ.

მაგრამ თქვენ თითონ...

ჩატკა.

მე თითონ განა

სუყველაფერით ვარ სასაცილო?

სოფია.

ღიახ!. თქვენ ყველას რისხვით შეჰყურებთ

და ზედ ნადები გაქვთ მკაცრი კილო.

თქვენ ამაებით საოცარი ხართ,

მაგრამ თავის თავს ვინ დასდებს სწორ მსჯავრს!

კაცი, მარადის სხვის დამცინავი,

ვერა ჰგრძნობს თავის სასაცილობას.

ჩატკა.

მე ვარ ასეთი? მაშ ვინ არ არის

გასაოცარი და დასაცინი?—

ის, ვინც ყველაფრით სულელს წააგავს?

გინდ, მაგალითად, ვთქვათ მაღჩალინი?.

სოფია.

ეგ მაგალითი ჩემთვის ძველია!

თქვენ გინდათ სხვებზე ჯადური იყაროთ,

და მეც ამიტომ აქედან წავალ,

რომ ხელი რითმე არ შევიშალოთ!

ჩატკა (აჩეჩებს). დაიცათ! (განზე) ვნახოთ, მთელ სიცოცხლეში

ამ ერთხელ მაინც ვითარისეველებ. (ჩმა მადლა)

სჯობს, სხვა რამე ვსთქვათ, დამნაშავე ვარ,  
 რომ მე მაღჩალინს ცუდათ ვახსენებ.  
 იქნება მართლაც სამს წელიწადში  
 სულ სხვანაირად გამოიცვალა!  
 დედა მიწაზე ყველა იცვლება;  
 ჭკუა, ზნეობა და თვით ცის ძალა!  
 არიან კაცნი, პატივცემულნი,  
 რომ ერთ დროს იმათ სულელად სთვლიდნენ!  
 ზოგს ცუდ მეომრად, ზოგს—ცუდ პოეტად,  
 ზოგს.... მეშინიან დაგისახელოთ...  
 მაგრამ ისინი ამ ბოლო ხანში  
 ჭკუით ცნობილნი გახდნენ საქყეყნოდ.  
 ვთქვათ, მაღჩალინნი ჭკვიანი არის,  
 ნიჭით იღვსილი და გონიერი,  
 მაგრამ უღვივის ის ნაბერწყალი  
 და იმდენი აქვს გრძნობა ძლიერი,  
 რომ მას თქვენს გარდა მთელი ქვეყანა  
 და თვით სიცოცხლეც არად უნდოდეს  
 და უთქვენოდ მყოფს, მზისა სინათლეც.  
 წყვილად სამარედ ეჩვენებოდეს;  
 რომ თქვენი ტრფობა მის გულის ძვერას  
 ააჩქარებდეს, აათრთოლებდეს  
 და გატაცებულს ამ შშინდა გრძნობით  
 თქვენი არჩრდილი თვალის წინ უდგეს?  
 მე ვგრძნობ ამებეს!.. თქმით კი ვერ ვამბობ,  
 მაგრამ რაც გულში ცეცხლი მიბრუნავს,—  
 ის ღმერთმა მტერსაც ნუ აცდევინოს...  
 მაღჩალინნი-კი თავს ძირს ჩაპლუნავს  
 და გაჩუმდება! რაღა თქმა უნდა,  
 ჩუმი იქნება, თუ არას იტყვის!  
 ჩუმი, მაგრამ რა საიდუმლოს  
 ატარებს გულით—ეს ღმერთმა უწყის!..  
 ვინ იცის, რა რიგ სიკეთით სრულად

თქვენ მალჩალინი წარმოიდგინეთ  
 და რაც მის თავში არა ყოფილა,  
 იმგვარი რამე მას მიაწერეთ!  
 ან, შეიძლება, იმას აღერსში,  
 თქვენი ღირსებაც გაუზიარეთ?..  
 ვთქვათ, ის ყოველ წუთს იმატებს კკუას,  
 თქვენზე ას წილათ უკეთესია,  
 უმანკო არის ყოვლის ღირსებით!  
 მაგრამ—გამოტყდით—თქვენი ღირსია?  
 აი, ეს ერთი კითხვა ჩემის მხრით  
 და, რომ გადვურჩე ამ ჩემს დანაკარგს,—  
 ნუ დამიფარავ, მართალი მითხარ,  
 ვით თანა შეზრდილს, ვით ძმას, მეგობარს.  
 გთხოვ დამარწმუნე! მერე მეც ჩემს თავს  
 მოვუფლი რითმე, არ გავვიჟღები,  
 გულში ჩავიქრობ ამ ანთებულს ცეცხლს,  
 წავალ, შორს საღმე გადვიკარგები...  
 შევძლებ როგორმე, გადავივიწყო,  
 აღარ ვიფიქრო ბრმა სიყვარულზე...

საქმას

(თავისთვის). საკვირველია, რომ მე სრულიად  
 უნებლიეთად ეს გავაგიჟე!.. (ჩმა მადლა)  
 რად დაგიმალოთ! წელან მალჩალინს  
 კინალამ ხელი მთლად გაუფუქდა,  
 მე კი საჩქაროდ თანავუგრძენი  
 და მიშველება მისი მინდოდა!  
 თქვენ კი ესენი რომ დაინახეთ,  
 არც-კი ინებეთ ცოტა გეფიქრათ,  
 რომ შეიძლება მე ყველასათვის  
 კარგი მინდოდეს, განურჩევლად.  
 იქნებ თქვენს ექვში მართალიც არის,  
 მე გულ-მხურვალედ ვიფარავ იმას,  
 თქვენ კი რატომ თავს არ შეიკავებთ  
 და არ აჰლაგმავთ მაგ მახვილ ენას?

ყველას სიძულვილს აშკარად იჩენთ,  
თვით წყნარსა და მშვიდს არაფრით ჰზოგავთ!  
მისი სახელი რომ წასცდეს ვისმე, —  
მწარე დაცინვას დააყრიდ უხვად.

ჩაჭკა.

ოჰ, ღმერთო! ნუთუ მე მათგანი ვარ,  
ვისაც ყველა სძულს, სხვას ემტერება,  
ვისთვის ცხოვრების უმთავრეს საგანს  
შეადგენს მხოლოდ სხვის დაცინება!..  
როცა დასაცინს ვხედავ—ვიცინი,  
ხშირად კი მათთან მოწყენილი ვარ!

სოფიას.

თქვენ სულ ტყუილად ახსენებთ აქ სხვებს!  
მაღჩალინთან კი არ მოგწყინდებათ,  
რომ უფრო ახლო იცნობდეთ იმას!..

ჩაჭკა.

თქვენ მაგრე ახლო რათ გაგიცვნიათ?

სოფიას.

მე არა ვცდილვარ! ღმერთმა შეგვეყარა!  
ხედავთ; ამ სახლში სუყველას უყვარს!  
სამი წელია, რაც მამაჩემთან

მსახურებს იგი და ბევრსაც იტანს.

ხშირათ უბრალოდ უწყრება მამა,

ის კი—ხმას არ სცემს, სულ ჩუმათ არის,

კეთილის გულით შეუნდობს ხოლმე

და ამნაირად იარაღს აპყრის.

და რომ უნდოდეს, მასაც, სხვებივით,

ხომ შეუძლიან დროს გატარება!

მაგრამ არა! ის ბებრის გვერდით ზის

და უიმისოთ კარს არ გასცდება.

ჩვენ აქ ვკისკისებთ! ის კი მთელი დღე,

ჰსურს თუ არა ჰსურს, ბანქოს თამაშობას!

იმასთან არის...

ჩაჭკა.

თამაშობს მთელ დღეს

და როცა ლანძღვენ, არაფერს ამბობს!..

(განზე) პატივს არა სცემს!

სოფიას.

მართალი არის

იმას არა აქვს ისეთი ჭკუა,  
 რაც ზოგს ჰგონია გენიოსობა  
 და ზოგისათვის მხოლოდ ჟამია!  
 ჭკუა, რომელიც მკვირცხლია, ჩქარი  
 და საჩქაროთვე ჰბეზრდება ყველას!..  
 ქვეყანას ლანძღავს, რომ ხალხმაც მასზე  
 კარგი თუ არა, — აფი მინც სთქვას...  
 ამგვარი ჭკუის პატრონი კაცი  
 განა სახლობას კეთილს დააყრის?

**ჩაჭკია.** რაც ახლა ბრძანეთ, იმისი აზრი  
 დარიგება, თუ დაცინვა არის? (განზე)  
 სჩანს, რომ ეს ამას ჩირად არ ავდებს.

**სოფიას.** სხვაც მრავალი აქვს კარგი თვისება:  
 თავ-მდაბალია, წყნარი და მშვიდი,  
 ჭმუნვის არჩილილი სულ არ ემჩნევა.  
 სულიც წმინდა აქვს ცოდვებისაგან,  
 და არ ჰკადრულობს სხვების დაცინვას!  
 აი ამიტომ მიყვარს მე იგი!..

**ჩაჭკია (განზე).** ცელქობს, ეტყობა, სულაც არ უყვარს!  
 (ხმა-მადლა)

მეც ხელს მოგიწყობთ, რომ მალჩალინი  
 უფრო ადვილათ დაასურათოთ!  
 მაგრამ სკალოზებს რაღას უპირებთ,  
 ან როგორ გნებავთ იგი აღწეროთ?  
 აი კარგი რამ! მართალი გითხრათ,  
 ზურგია მთელი? მხედრობა ლაშქრის  
 თავის ახოვან მოყვანილობით  
 და ვაჟკაცურ ხმით, ხომ გმირი არის!..

**სოფიას.** ჩემი რომანის გმირი არაა!

**ჩაჭკია.** არა? ვინ შესძლებს თქვენს გამოცნობას!

გამოსვლა მეორე

იკინივე და ღიზა

- ღიზა** (ჩუჩხუღით). ჩქარა წამოდით, ბატონო, იგი ამ წუთში თქვენთან აპირებს მოსვლას!
- სოფია.** უკაცრავად ვარ! მივდივარ...
- ჩატკა.** საით?
- სოფია.** პარიკმახერთან მიმეჩქარება.
- ჩატკა.** ჯანდაბა იმას.
- სოფია.** უნდა წავიდე.  
თმის დასახვევი გაუცივდება.
- ჩატკა.** დაე გაცივდეს, მე რას დავეძებ!
- სოფია.** დღეს სტუმრებს ველით, არ შეიძლება..
- ჩატკა.** გზა მშვიდობისა! ეს გამოცანა აუხსნელადვე ჩემთანა რჩება!  
მხოლოდ ამას გთხოვთ, რომ თქვენს ოთახში ერთხელ შემოსვლის მომეცით ნება.  
ვნახავ მის კედლებს, მის ჰაერს ცუნოსავ და ეს ყოველი მე მიაძება.  
გამათბობს, კვალად გამომაცოცხლებს, გულს დამიმშვიდებს და სულს არგია კვლავ მოგონება იმ ძვირფას დროის, რაც სამუდამოდ დამიკარგია!  
კი არ დაეჯდები! ორ წუთს შემოვალ...  
მერე ვეწვევი ინგლისელთა კლუბს— და ყურს დავუგდებ, როგორ უქებენ მაღჩალინს ჭკუას, გრძნობას—სკალოზუბს.

(სოფია მხრებს აიწევს და თავის ოთახში მიდის, ღიზაც თან მიჰყვება).

## გამოსვლა მესამე

ჩაცკი, მეტე მაღჩაღინი

**ჩაცკი.** ოოჰ, სოჭია! ნუთუ მას მართლა.  
 აშორჩეული მალჩაღინი ჰყავს!  
 რა უშავს! ჭკუა აკლია, მაგრამ  
 რა ჭკუა უნდა შეილის კეთებას!  
 თავმდაბალია, მორიდებული,  
 ამასთანავე ლამაზიც არის!..  
 მქვერ-მეტყველებით კი არ მოაწყენს,  
 (შემოდის მაღჩაღინი)  
 აგერ თითონაც!.. ცერებზე დადის...  
 ნეტა სოჭიას რა ჯადო უყო,  
 რომ იმის გულში დაისადგურა!..  
 (მიუბრუნდება მაღჩაღინს)  
 მე და თქვენ, ალექსეი სტეფანიჩი,  
 ერთმანეთისთვის ჯერ არა გვითქვამს.  
 როგორა სცხოვრობთ? ხომ უდარდელად  
 და უზრუნველად ატარებთ დრო-ჟამს?

**მაღჩაღინა.** უწინდებურად!

**ჩაცკი.** მეტე და უწინ  
 რაგვარ ცხოვრებით ატარებდით დროს?

**მაღჩაღინა.** სულ ერთნაირად!—რაც გუშინ, ის-დღეს!.

**ჩაცკი.** ბანქოდან კალამს, კალმიდან ბანქოს?  
 დანიშნულ დროზე წასვლა და მოსვლა!

**მაღჩაღინა.** რაც კი შეჭფერის ამ ჩემს ძალ-ღონეს,  
 თავს არ ვიზოგავ. რაც არხივში ვარ,  
 მას შემდეგ სამჯერ დამაჯილდოვეს.

**ჩაცკი.** თქვენც გაგიტაცათ პატივ-დიდება?

**მაღჩაღინა.** თითო რამ ნიჭი ყველას დაჰყვება!..

**ჩაცკი.** თქვენ რის ნიჭი გაქვთ?

**მაღჩაღინა.** ორ გვარი ნიჭი:

ზომიერება, წესიერება.

**ჩაცკი.** საუცხოვოა! მაგ ორის ნიჰით  
მთელს ჩვენს ღირსებას გამოიყიდით...

**მალჩაღანი.** თქვენ რაღას შერებით? ჩინი არ მოგცესთ,  
ვერც სამსახურში დაწინაურდით?

**ჩაცკი.** ჩინს ხომ კაცები ურიგებენ სხვებს  
და შეიძლება, რომ კაცი შესცდეს.

**მალჩაღანი.** როგორ ვკვირობდით?

**ჩაცკი.** რა გაკვირვებდათ?

**მალჩაღანი.** თქვენთვისა ვწუხდით!

**ჩაცკი.** ტყულად გარჯილხართ!

**მალჩაღანი.** პეტერბურგიდან რომ ჩამოვიდა  
აქ ტატიანა იურიენა,  
იმან გვიამბო რაღაც ამბები...  
თვით მინისტრებთან თქვენი გაცნობა...  
მერე კი ჩხუბი...

**ჩაცკი.** მას რა აწუხებს!

**მალჩაღანი.** ვის? ტატიანა იურიენას?

**ჩაცკი.** მე არც კი ვიცნობ!

**მალჩაღანი.** როგორ არ იცნობთ  
თქვენ ტატიანა იურიენას?!

**ჩაცკი.** ჩემს დღეში არსად არ შემხვედრია!  
გამიგონია, რომ მექორეა...

**მალჩაღანი.** რას ამბობთ! ნუ თუ იმაზე გითხრეს!  
ის ყველგან დიდად მიღებულია.

ამასთანავე ნათესავები

და ნაცნობები ყველა კარგი ჰყავს!

ყველა მათგანი ჩინოვნიკია,

თანამდებობა სადმე უჭირავს.

ერთხელ რომ მაინც ესტუმრებოდეთ...

**ჩაცკი.** რისთვის?

**მალჩაღანი.** ისე... ჩვენ ბევრჯელ იქ მისვლით  
მფარველს ვპოულობთ!..



ჩაჯკა.

მეც კი დავდივარ

ქალებთან, მაგრამ არა მაგისტრის!...

ძალაძე. რა კეთილია, რა თავ-მდაბალი!

და რა თავაზით ექცევა ყველას!

შობის კვირიდან მოყოლებული  
დიდმარხვამდისინ სულ ბალებს ჰმართავს.

სააგარაკოდ რომ მიდის ხოლმე,

იქ ხომ ყოველ დღე წვეულება აქვს.

ეჰ, აქ რომ დარჩეთ ჩვენთან მოსკოვში

და იმსახუროთ, რა კარგად იზამთ!

იცხოვრებთ თქვენთვის მზიარულებით

და ჯილდოებსაც ბლომად ხელს აჰკრავთ!

ჩაჯკა.

როცა საქმე, მაქვს ლხინზე არ ვფიქრებ

და სულელობის დროს კი ვსულელობ!

სხვაც ბევრი არის მოხერხებული,

ამ ორ ხელობას რომ ერთად ჰხმარობს:

შრომას და ქეიფს. მე კი სულ სხვა ვარ

და არ ვეკუთვნი ამნაირთა გუნდს.

ძალაძე. უკაცრავად ვარ! მე, ჩემის აზრით,

აქ არას ვხედავ უწესოებას!

აი თუნდ თვითონ ფომა ფომიჩი!...

იცნობთ თუ არა?

ჩაჯკა.

მერე რა გნებავს?

ძალაძე. განყოფილების უფროსად იმას

სამს მინისტერთან უმსახურია.

ახლა აქ არის...

ჩაჯკა.

კარგი რამ არის!

ის ხომ უტვინო და უგნურია?

ძალაძე. როგორ იქნება! სამაგალითოდ

სთვლიან იმისი ნაწერის კილოს.

სულ ყველა აქებს იმის თხზულებას...

არ წაგიკითხავთ თქვენ ის არას დროს?

ჩაჯკა.

მე სისულელეს არა ვკითხულობ

და უფრო მეტად—სამაგალითოს.

**მალჩაღინი.** მე კი ხალისით გადავიკითხე!  
თუმც მთხველი არ ვარ...

**ჩაცკი.** ყველაფრითა სჩანს!

**მალჩაღინი.** და ვერ გაგებდავ ჩემი აზრი ვსთქვა.

**ჩაცკი.** მაგრე რად სცდილობთ აზრის დაფარვას?

**მალჩაღინი.** ჩემის ხნისამ ვერ უნდა გაჰბედოს  
რომ იქონიოს თავის მსჯელობა.

**ჩაცკი.** ჩემო კეთილო, მე და თქვენ ახლა  
ისე ყმაწვილი ხომ აღარა ვართ,  
რომ მხოლოდ სხვისი აზრი მიგვაჩნდეს  
უცილობელათ, წმინდათა წმინდათ!

**მალჩაღინი.** ხომ საჭიროა სხვას ვემორჩილოთ!

**ჩაცკი.** რისთვის?

**მალჩაღინი.** მისთვის, რომ მცირე ჩინი გვაქვს.

**ჩაცკი** (თითქმის ხმა მადლად). ამ გრძნობა-სულის პატრონი  
ის ცრუ, სცდილობდა ჩემს დაცინებას!.. [გვიყვარს!..

### გამოსვლა მეოთხე

(სადამო. უფელა კარები დაღებულა, გარდა სოფიას საწოლ  
ოთახის კარისა. მისჩანს განათებული ოთახები. მოსმსახუ-  
რები ირევიან. ერთი მათგანი უფროსი იძახის):

აბა, ჰე, ფილკა, ფომკა, ყოჩაღათ!..

სტოლი, ჩოთქები, მელი, სანთლები.

(აკაკუნებენ სოფიას კარებზე).

ელიზავეტა! აბა ქალბატონს

შეატყობინე, ჩქარა უთხარი,

რომ ნატალია დიმიტრიევნა

მოვიდა და მას თან ახლავს ქმარი.

კიბესთან კიდევ დადგა კარეტა!

(მოსმსახურები მიდიან. ჩაცკი მარტო დარჩება)

## გამოსვლა მესუთე

ნატალია დამიტრაევნა და ჩაცკა.

ნატ. დამიტ. ხომ არა ვცდები? იმას ჰგავს სახით!  
აჰ, ალექსანდრ ანდრეიჩი, თქვენა!

ჩაცკა. თავით ბოლომდე ექვით მიცქერით!  
ნუთუ სამის წლის განმავლობაში  
ისეთ ნაირად გამოვიცვალე,  
რომ ველარა მცნობთ?

ნატ. დამიტ. მე კი მეგონა,  
რომ მოსკოვიდან შორს იყავთ სადმე!  
როდის მოხველით.

ჩაცკა. დღეს გიახელით!

ნატ. დამიტ. დიდის ხნით?

ჩაცკა. როგორც საქმე მოითხოვს.  
რა რიგად მიკვირს, რომ გხედავ უფრო  
გალამაზებულს და დამშვენებულს.  
სახე ვარდისფრად აყვავებული!  
კისკისი... უფრო ახალგაზრდა ხართ!  
მიმოსვლა მკვირცხლი...

ნატ. დამიტ. გავთხოვდი კიდევ!

ჩაცკა. რაღას უცდიდით, ადრევე გეთქვათ!

ნატ. დამიტ. ჩემი მეუღლე, ჩემი ძვირფასი  
ეხლავ შემოვა; გაგაცნობთ, გნებავთ!

ჩაცკა. გთხოვთ.

ნატ. დამიტ. დაუკვირდეთ. თუმცა წინდაწინ  
ვიცი, რომ მეტად მოგეწონებათ.

ჩაცკა. მჯერა, რადგანაც თქვენი ქმარია!

ნატ. დამიტ. განა მაგიტომ! თვით აქვს ღირსება  
და ჩემის პლატონ მიხაილიჩის  
ქკუა-გონება არ დაფასდება.  
სამხედრო იყო, მაგრამ ახლა კი

გამოსულია, არსად მსახურებს.  
 და ვინაც წინად იცნობდა ჩემს ქმარს,  
 სუყველა ამბობს, ყველა ამტკიცებს,  
 რომ მაგისთანა მხნე, ნიჭიერი,  
 სამსახურს თუ არ დასთხოვებოდა,  
 უეჭველია, იმას მოსკოვის  
 კამენდანტობა არ ასცდებოდა.

### გამოსვლა მეექვსე

იგინიფე და ჰლატონ მიხაილიჩი

**ნატ. დმიტ.** ჰა ჩემი პლატონ მიხაილიჩი!

**ჩატკა.** ოჰ! ჩვენ ერთმანეთს ხომ კარგად ვიცნობთ!  
 დიდი ხანია მეგობრები ვართ!  
 ეს რა ბედია, რა რიგად ვხარობ!

**ჰლატ მისაილ.** გამარჯობა ძმავ, ჩაცკი!

**ჩატკა.** კარგია,  
 ძვირფასო პლატონ, ქების ღირსი ხარ.  
 ხომ კარგად სცხოვრობ?

**ჰლატონ მისაილ.** როგორც ჰხედავ, ძმავ!  
 გავმოსკოველდი, ცოლიანი ვარ.

**ჩატკა.** მოშორდი ბანაკს, იმის ჟრიამულს,  
 ძმა-მეგობრები გადაივიწყე?  
 მოსვენებით ხარ, ზარმაცობ?

**ჰლატ. მისაილ.** არა!  
 თავ გასართობი კიდევ მოვძებნე:

ფლეიტა მაქვს და სულ „ღუეტს“ ვუკრავ...

**ჩატკა.** რასაც უკრავდი ხუთის წლის წინად?  
 ესეც კარგია, როდესაც ქმარი.  
 ერთს გემოს მიზღვეს გადაუცდენლად.

**ჰლატ. მისაილ.** ეჰ, ძმავ, როდესაც ქმარი იქნები,  
 მაშინ ჩემს „ღუეტს“ შენც მოიგონებ.

რომ მოგწყინდება, სხვას რაღას გზამ,  
სულ ერთ კილოზე დასტვენ და დასტვენ.

**ჩატკა.** რომ მომწყინდება? როგორ? შენ განა  
უკვე გრძნობ კიდევ მოწყენილობას?

**ნატ. დმიტ.** დიახ, ჩემს პლატონ მიხაილიჩსა  
ისეთი შრომა მოსწონს და უყვარს,  
რაც აღარა აქვს: ჯართა აღლუმი,  
მათი სწავლება, მათი დახედვა  
და რომ ესენი მოაკლდა, მიტომ  
დილით ხან-და-ხან მოეწყინება.

**ჩატკა.** ჩემო კეთილო, უქმად იჯექო,  
ვინა გყავს ძალის დამტანებელი?  
წადი, ესკადრონს მოგცემენ შენა.  
ობერი ხარ თუ, შტაბს-აფიცერი?

**ნატ. დმიტ.** ჩემი პლატონი კარგად ვერ არის  
და მაგის წასვლა სად შეიძლება!

**ჩატკა.** კარგად ვერ არის? დიდი ხანია?

**ნატ. დმიტ.** სულ ქარები აქვს და თავი სტკივა.

**ჩატკა.** სოფლად იცხოვრე სადმე ზაფხულში!  
ამ დროს სოფელი ხომ სამოთხეს ჰგავს...  
ცხენით იარე წმინდა ჰაერზე  
და ხელი მიჰყავ მეტს მოძრაობას.

**ნატ. დმიტ.** ჩემს პლატონს მხოლოდ ქალაქი უყვარს  
და ეს მოსკოვი ძალიან მოსწონს...  
ყრუ სოფლად რისთვის უნდა წავიდეს  
და თავის დღენი რად ჩაიმწაროს?

**ჩატკა.** მოსკოვი უყვარს!.. სულელო შენა!  
არ გახსოვს წინად როგორ სცხოვრობდი?

**პლატონ მიხაილ.** ეჰ, ძმაო, ახლა ის დრო არ არის!

**ნატკალაა დმიტ.** ჩემო ძვირფასო, ნეტა რას შერები!  
აქ ისე ცივა და შენ კი მაგრე  
ყილეტ-გახსნილი თამამად ზიხარ.

**პლატონ მიხაილ.** ძმაო, რაც ვიყავ ის აღარა ვარ!

ნატ. დმიტ. შენ გენაცვალე, გული შეიკარ.

ზღატ. მიხაილ. (გულ-გრილათ) ახლავე

ნატალ. დმიტ. ჩქარა მოშორდი კარებს;  
ყოვლის მხრიდან ქარი უბერავს!

ზღატ. მიხაილ. რაც ვიყავ, ძმაო, ის აღარა ვარ!

ნატ. დმიტ. შენ გენაცვალე, გთხოვ, თუ ღმერთი გწამს!

ზღატ. მის. (თვალებს ცისკენ მიაჭყრბს) ჰოი, დედავჯან!

ჩატკია. უფალმა უწყის

რა რიგ შეცვლილხარ ამ მოკლე დროში!..

თითქო რაც იყავ, ის აღარა ხარ!

შარშან არ იყო, რომ გნახე პოლკში?

ირიყრაყებდა თუ არა, იმ წამს.

ბედაურ ცხენზედ გადაჯდებოდი

და შემოდგომის ქარსა და სუსხში

შავარდენივით მ-ჰჭრი-მოჰჭროდი!

ზღატ. მის. (აშოიოხრებს) ეჰ, ძმაო, მაშინ უკედ ვცხოვრობდი!

## კამოსვლა მეშვიდე

(იგინივე. ტუგოუხოვსკი და იმისი კნენა თავის  
ექვსი ქალიშვილით)

ნატ. დმიტ. (წვრილის ხმით) კნიაზ პეტრ ილიჩ! ღმერთო, კნენაც!  
კნიაუნა ზიზი! მიმი! ყველანი!

(ჭკოცნიან ერთმანეთს, მერე დასხდებიან და თავით ფეხამდე  
ათვალიერებენ ერთმანეთს)

1 კნიაუნა. რა მშვენიერად შეკერილია!

2 კნიაუნა. რა დაკეცილი აქვს კაბის განი!

1 კნიაუნა. ბლონდი უვლია!

ნატ. დმიტ. არა!...

რომ ნახოთ ჩემი ატლასის გადასაცმელი.

3 კნიაუნა. აი რა შარფი მიძღვნა კუზენმა!

4 კნაყნა. ჰო, ეს ბარეუის!

5 კნაყნა. უცხო რამ არის!

6 კნაყნა. ოჰ, რა კარგია, რა მშვენიერი!

კნეინა. სუ! ეს ვინ არის, აგერ კუთხეში?

რომ შემოვედით, თავი დაგვიკრა!

ნატ. დმიტ. ეს? ჩაცკი გახლავთ, ახლად მოსული.

კნეინა. მითხარ, გეთაყვა, ოტსტავნოია?

ნატ დმიტ. დიახ, სხვა და სხვა ქვეყნებისაკენ

მოგზაურობდა. ახლად დაბრუნდა.

კნეინა. უცოლო არის?

ნტაღაა დმიტ. დიახ, უცოლო.

კნეინა. კნიაზო, კნიაზ! აქ მოდი! ჩქარა!

კნაზ. (მისკენ მიიბრუნებს სსმენელ ტრუბას) ჰა! ჰმ!

კნეინა. მიდი, სთხოვე აგერ იმ ყმაწვილს,

ხუთშაბათ ღამეს ეგეც გვეწვიოს.

კნაზ. და, ჰმ! (მიდის, ჩაცკის ახლას ტრიალებს და ახველებს).

კნეინა. ოჰ, ეს შვილები! მათ ებაღებათ

და მამამ უნდა სხვებს თაყვანი სცეს,

მაგრამ რას იზამთ! ისე გაძვირდა,

რომ სანთლით ვეძებთ კარგ მოცეკვავეს.

ეგ კამერ-იუნკერია?

ნატ. დმიტ. არა!

კნეინა. მდიდარი არის?

ნატ. დმიტ. ოჰ, სულაც არა!

კნეინა. (რაც ძალი და ღონე აქვს მადლის სმით) კნიაზო! კნიაზ!

დაბრუნდი ჩქარა!

## გამოსვლა პერეუე

(ივინივე. კრაფინია ხრუშინებისა ბებია და შვილიშვილი)

კრაფ. შვილიშვილი. ყვრან მამან“, ასე აღრე ვინ მოდის?

ჩვენ პირველნი ვართ! (გადის განის ოთახში).

კნენსა.

რა პატივი გვცა!

პირველნი ვართო—ჩვენ არად გვაგდებს!

ბოროტი... უქმროდ რომ ჩამობერდა!

გრანფ. შეიღიშეიღი (გამობრუნება და ჩაწყის დაუპირდაპირებს „მუსიო“ ჩაყვი, თქვენ აქ ბრძანდებით? [ლორნეტს]).

როგორც უყავით, ისევ ისეთი?

ჩაწყია. რა საჭიროა გამოვიცვალო!

გრანფ. შეიღიშეიღი. ცოლი შეირთეთ?

ჩაწყია. ვის შევირთავდი!

გრანფ. შეიღიშეიღი. უცხო მხარეში ვის შევირთავდით?

ოჰ, რამდენს ნახავთ ჩვენს ახალგაზრდებს,

რომ „მოდისტკები“ და მკერავები

ცოლად შეირთეს, გაგვიპატარძლეს.

ჩაწყია. უბედურები! რარიგ უძლებენ

ამ „მოდისტკების“ მიმბაძველთ კიცხვას,

მხოლოთ იმიტომ, რომ მათ გაჰბედეს

და ამჯობინეს დედანი თარგმანს.

### კამოსკლა მეცხრე

(ივინივე და სხვა მრავალი სტუმრები. სხვათა შორის ზაკორეცია. კაცები შემოდინან. ირევიან. ათახიდან ათახში დაიარებიან და სხვა. სოფია გამოდის თავის ათახიდან, უველა მას კეპებზე).

გრ. შეიღიშეიღი. Eh? bonsoir! vous voilà! Jamais trop diligente,

Vous nous donnez toujours le plaisir de l'attente.

ზაკორეცია. ხვალ სალამოის წარმოდგენისთვის

ბილეთი არ გაქვთ?

სოფია.

არა! არა მაქვს!

ზაკორეცია. ნება მებოძეთ, რომ მე მოგართვათ!

სხვა რომ ცდილიყო თქვენს სამსახურსა,



შრომა ამაოდ ჩაუვლიდა მას.  
 სამაგიეროდ, სად არ ვირბინე?  
 კასაში მიველ—ერთიც არ დამხვდა.  
 თვით ღირექტორი დიდ პატივსა მცემს  
 და მასთან წაველ, როგორც ინათლა.  
 მაგრამ რაღა დროს! წინა დღითაც კი  
 ველარ იშოვეს თურმე ბილეთი!  
 ამას ვეტაკე, ის წავაქციე,  
 ხან აქეთ ვეცი, ხან იქით ვეცი  
 და ეს ბილეთი ძალად წაფართვი  
 ერთს ჩემს მეგობარ მოხუცებულ კაცს.  
 უიმისოდაც მუდამ სახლში ზის  
 და ხვალ რომ დაჯდეს, ვითომ რა უშავს!  
 დიდათა გმადლობთ ბილეთისათვის  
 და ერთ ორად—მაგ შრომისათვის.  
 (შემოგლეხ კიდევ ვიდაცება. ზაგორეცვი კარებთან მიდის).

საქათა.

ზაგორეცვი. ახ! პლატონ მიხაილიჩ!

ზღაგ. მახ.

გამშორდი!

ქალებთან მიდი და იქ იცრუე;  
 მე შენზე ისეთ სიმართლეს ვიტყვი,  
 რომ ვერ უღრიდეს ვერა სიცრუე. (ჩაგვის)  
 ჰა, ძმავე, გაიცან: სხვა სიტყვით რომ ვსთქვათ,  
 რას ეძახიან ამ გვარ ვაჟ-ბატონს?  
 ეს ყველგან დადის და გართულია,  
 ანტონ ანტონიჩ ზაგორეცკია...  
 დიდი ცუდლუტი და ავაზაკი,  
 უფროხილდი!.. კეთილს არას დაგაყრის,  
 მაგასთან ბანქო არ ითამაშო,  
 თორემ, იცოდე, წმინდათ გაგყიდის.

ზაგორეცვი, ახირებული კაცია, თუმცა

სულაც არა აქვს ცუდი განზრახვა.

ჩაგვი.

სასაცილოა, რომ ვისმესაგან  
 იუკადრისოთ ა. ვარი ლანძღვა.

პატიოსნებას ვარდა სხვაც ბევრი  
 არის ისეთი, რაც კაცს ახარებს.  
 აქ თუ გაგლანძღვენ, სამაგიეროდ  
 სხვაგან მოისმენთ მადლობის სიტყვებს.

**პლატ. მახაღ.** არა, ძმავ, მაგას რად ლაპარაკობ!  
 ჩვენში სუყველას ყოველგან ლანძღვენ,  
 მაგრამ თვისგანვე გალანძღულებსა  
 სიამოვნებით სახლში იღებენ.

(ზაგორეცვი ხაღხში შეერევა)

### გამოსვლა მეათე

იგინივე და ზღესტოვისა.

**ზღესტოვისა.** სამოცდა-ხუთი წლის ქალისათვის  
 ადვილი არის ამ სიშორს მოსვლა!  
 სატანჯელია, ჩემო დისწულო,  
 ძლივს მოვახწიე, ღონე გამიწყდა.  
 რა ბრძანებაა! სიშორის გარდა,  
 ჯოჯოხეთია ეს ბნელი ღამე!  
 რომ არ მომწყინდეს—ჩემი ფინია  
 და ზანგის გოგოც წამოვიყვანე.  
 აქამონ რამე, შენ გენაცვალე!  
 საღამო მშვიდობისა, კნენა! (აჯღეხა)  
 ოჰ, რა გოგო მყავს, ჩემო სოფიკო!  
 ზურგ კუზიანი და თმა ხუჭუქა!  
 სიანჩხლით სწორედ ველურ კატას ჰგავს,  
 კუბრივით შავი და საშინელი...  
 ღმერთი რა გვარ ხალხს არ აჩენს ქვეყნად!  
 ნამდვილ ქაჯია ის საძაგელი!  
 დაფუძახო თუ?

**სოფია.**

ჯერ არა, მერე!

**ხლესტოვისა.** წარმოიდგინე, ოსმალთ ქალაქში  
 ეგენი, თურმე, ხალხთ საჩვენებლად  
 ნადირებივით დაჰყავთ ქუჩაში.  
 მერე და იცით, ვინ მომიყვანა?  
 ანტონ ანტონიჩ ზაგორეცკიმა.  
 (ზაგორეცკი წინ წამოვა)

მე იმას ერთხანს უინ არ ვუშვებდი!  
 ქალაღდს თამაშობს, ქურღია და ცრუ.  
 (ზაგორეცკი იშარება)

მაგრამ იმდენი მოახერხა, რომ  
 მეც და ჩემს დასაც გული მოგვიგო.  
 მოგვეგვარა ორი ზანგის გოგონა,  
 საღღაც ბაზარში ვიყიდეთ—სთქვა,  
 მაგრამ ვინ იცის, იყიდა კია?  
 ბანქოში საღმე თუ იცულღღუტა!  
 მე კი მაჩუქა, ღმერთმა უშვეღღოს!...

**ზარკა** (სიციღღით ჰლესტონ მიხაიღღის).  
 არ იამება ამ ქების შესახამ:  
 სჩანს, ყური მოჰკრა თვით ზაგორეცკიმ,  
 არ ექაშნიკა და ხალხში გაძღრა.

**ხლესტოვისა.** ვინა ბძანღღება ეს მხიარული?  
 ან რა კაცია? მითხარი, შეიღღო!

**სოქმას.** ისა? ჩაცკია!

**ხლესტოვისა.** რა აკისკისებს?  
 და ან რა ნახა აქ სასაციღღო!  
 ბებრის დაცინვა ღღი ცოღღვაა...  
 ჰო, მახსოვს, მახსოვს, შენ ბავშვობაში  
 მასთან ცეკვაღღი და მეც ხან-ღღა-ხან  
 ხელს წავაღღებდი ხოღღმე ყურებში.

გამოსვლა მეთერთმეტე

იგინივე და ფამუსოვი

**ფამუსოვი** (ხმა მადლად). კნიაზ პეტრ ილიჩს ველოდებოდი და კნიაზი კი აქა ყოფილა!  
 მე შევერჩი იქა სურათთა სინჯვას...  
 სკალოზუბი კი ჯერ არ მოსულა?  
 სად არის სერგეი სერგეიჩი?  
 ის აქ არსად სჩანს, არა, არ ვცდები!  
 დიახ ადვილად შესამჩნევია.  
 სერგეი სერგეიჩ სკალოზუბი!

**ხლესტოვისა**. ღმერთო დამიციე! ნეტავი ამ კაცს რა მოუვიდა, რომ ასე ჰყვირის?  
 თითქო ყანყრატო საყვირად ექცა?  
 გამომაყრუა... აღარა მესმის.

გამოსვლა მეორმეტე

იგინივე და სკალოზუბი, მერე მაღჩაღინი

**ფამუსოვი**. სერგეი სერგეიჩ! დაიგვიანეთ!..  
 ჩვენ კი თქვენ გელით, გელით და გელით!  
 (მიჭყავს ხლესტოვისასთან)  
 ძალუა ჩემი გახლავთ, რომელსაც  
 თქვენზე ბევრი რამ კიდევ ვუთხარით..

**ხლესტოვისა** (ღამჯდარი). თქვენ გრენადერის პოლკში იყავით?  
**სკალოზუბი** (ბოხის ხმით). თქვენ ბრძანებთ მათის უმაღლესობის ნოვოზემლიან მუშკატერის პოლკს?

**ხლესტოვისა**. პოლკის გარჩევა მე სულ არ მესმის.  
**სკალოზუბი**. სხვა-და-სხვა ფორმის მუნდირები აქვთ:  
 ზოგს პავონებით, ზოგს „პეტლიჩკებით“.

ფამუსოვა. რა სასაცილო ვისტი გავმართეთ.

მობრძანდით, კნიაზ! გთხოვთ, წამოგვეყვიტო.

(მიჭყავს სკალოზები და კნიაზი.)

ხლესტოვისა (სოფიას). უჰ, თითქო ყელზე თოკი მომეხსნა.

მამაშენს სწორედ ჭკუა არა აქვს:

ვილაც ცხრა ადლის სიგრძე კაცს მაცნობს  
და მსურს თუ არა—კი არა მკითხავს!

მაღჩაღინი (ბანქოს აძღვეს). თქვენთვის „პარტია“ უკვე მზად არის,  
მეჭომა ჭომიჩ, მუსოო კოკი.

ხლესტოვისა (ადგება). მადლობელი ვარ, ჩემო კეთილო.

მაღჩაღინი. რა ფინია გყავთ! ლამაზი, კარგი.

ბეწვი ნამდვილად აბრეშუმს უგავს!

პაწაწინაა და სასაცილო.

სულ ხელს ვუსვამდი და არ იწყინა.

ხლესტოვისა. მადლობელი ვარ, ძვირფასო შეილო.

(მიდის, თან მიჭეკება მაღჩაღინი და სხვები)

## გამოსვლა მეცამეტე

(ჩაცკი, სოფია და რამდენიმე უცხო ჰერნი, რომელნიც  
სცენის კათაგებამდე წაუყენ-წამოყენენ).

ჩაცკი. აი განფანტა შავი ღრუბლები...

სოფია. არ შეიძლება, რომ არ განაგრძოთ?

ჩაცკი. მრისხანე ქალი რომ დამშვიდა,  
მინდოდა მექო... თქვენ რისთვის უიშობთ?

სოფია. იმ ქებას გესლით დაათავებდით!

ჩაცკი. რასა ვფიქრობდი, გითხრათ მართალი?

მოხუცი ყველა ავ-გული არის

და უმეტესად—მოხუცი ქალი.

თქვენ უნდა გყავდეთ მოხერხებულო

ნოსამსახურე! საჭირო არი,

რომ განრისხებულთ უფაროთ, ვითა  
 მეხთა ამრიდი რკინის ისარი.  
 მალჩალინი, მაშ სხვა ვინ შეიძლებს  
 ასე ადვილად მათს დამშვიდებას?  
 აქ ბანქოსათვის მიიპატიებებს,  
 იქ მოუყვება ფინიის ქებას.  
 იგი უკვდავი ზაგორეცია!  
 თქვენ მალჩალინის ბევრი თვისება  
 მითხარით წელან, მაგრამ მრავალი  
 დაგვიწყებიათ!—ასეა, განა? (გადის)

### გამოსვლა მეთოთხმეტე

სოფია, მერე ბატონო №

- სოფია** (თავისთვის). ოჰ! ეს კაცი მე მუდამ მაშფოთებს.  
 რა რიგ ახარებს სხვის დამცირება!  
 შურიანია, ამპარტავანი  
 და როცა სხვას ჰკბენს, იმითი სტკებება!
- ბატონი №** (მიუახლოვდება). ფიქრში ბრძანდებით?
- სოფია**. ჩაუკიზე ვფიქრობ.
- ბატ. №**. მეზავრობის შემდეგ როგორ გეჩვენათ?
- სოფია**. ის აღარ არის თავის ჰკუაზე.
- ბატ. №**. ნუ თუ გაგიჟდა?
- სოფია** (ცოტა ხნის შემდეგ). არც თუ სრულიად...
- ბატ. №**. ეტყობა რამე?
- სოფია** (დაშტერებულით მისჩქრება მას). მე კი მგონია!
- ბატ. №**. ასე ყმაწვილ კაცს! როგორ იქნება!..  
 რისგან შეემთხვა ნეტა საცოდავს?
- სოფია**. რაღა უნდა ვქნა! (კანზე) ამასაც სჯერა!  
 აი ესეც თქვენ, ბატონო ჩაკი...  
 თქვენ ხომ ის ვიყვართ, რომ სხვებს დასცინოთ!

ახლა არ გნებავთ, ეს დაცინება  
და დამცირება თვითონ იგემოთ? (გადის)

### გაძოსვლა მეთესუთმეტე

ბატონი №, მეკე ბ-ნი D.

- ბატ. №. გაგიყებულა!... ამას ჰგონია?  
უთუოდ... აბა საიდან შესთხზა?  
არ გაგიყია?
- ბ-ნი D. რა?
- ბ-ნი №. რა და ჩაცკი!
- ბ-ნი D. რა დაემართა?
- ბ-ნი №. გაგიყებულა!
- ბ-ნი D. ტყუილია.
- ბ-ნი №. სხვები ლაპარაკობენ.  
მე ჩემით კი არ მომიგონია!
- ბ-ნი D. შენც სიხარულით ავრცელებ ყველგან?
- ბ-ნი №. წავალ, შევიტყობ, რა ამბავია?... (გადის).  
უთუოდ ვინმეს ეცოდინება.

### გამოვსლა მეთექვსმეტე

ბ-ნი D, მეკე ზაგორეცკი.

- ბ-ნი D. დაუჯერე ყბედს! ჭორს გაიგონებს  
და ამ სულელსაც ნამდვილად სჯერა!  
შენ გაიგონე რამე ჩაცკიზე?
- ზაგორეცკი. რაო?
- ბ-ნი D. რაო და გაგიყებულა!
- ზაგორეცკი. ჰო, ვიცი, მახსოვს, გამიგონია.  
როგორ არ ვიცი! რა საქმე მოხდა?

ცბიერმა ბიძამ შეშლილად იცნო  
და ის საწყალი გიჟებთან ჩასვა!  
წაავლეს ხელი, ყვითელ სახლისკენ  
გააქანეს და ჯაჭვით დააბეს!..

ბ-ნი D. რას ბრძანებთ! ის მე წელან აქ ვნახე!

ზაგორეც. მაშ, როგორცა სჩანს, ჯაჭვიდან ახსნეს.

ბ-ნი D. არა, ძმავე, შენი მე არა მჯერა!  
წავალ ამ წუთში, ფრთებს გამოვისხამ,  
ყველასთან მივალ, სათითველოთ  
და საიდუმლოდ გამოვიკითხავ. (გადის)

### გამოსვლა მეჩვიდმეტე

ზაგორეცი. შერე გრაფინია შვიდიშვილი.

ზაგორეცი. აქ რომელია ჩაცკი? მითხარით!

ერთ დროს ვიცნობდი რომელღაც ჩაცკის.  
გაიგეთ რაზე?

გრანფ. შვილ. ვიზე?

ზაგორეც. ჩაცკიზე.

აქ ამ ოთახში იყო წელან ის.

გრანფ. შვილ. ვიცი, ჩვენ ერთად ვლაპარაკობდით.

ზაგორეც. მაშ, მომილოცავს, შესცდა ქკუაზე!

გრანფ. შვილ. რას ამბობთ?

ზაგორეც. დიახ, სწორედ გაგიჟდა.

გრანფ. შვილ. წარმოიდგინეთ, რომ მეც შევატყე...  
საკვირველია, რასაც ვფიქრობდი.  
თქვენმა სიტყვებმა დაადასტურეს.

### გამოსვლა მეთვრამეტე

იგინივე და გრაფინია ბეზია.

გრანფ. შვილ. დიდვდავ, იცით, რა საქმე მოხდა  
და რანაირი უბედურება?



ყური დაუგდეთ ამ ახალ ამბავს!..

აი კარგი რამ, მშვენიერება!..

გრაფ. ბებია. ჩემო ძვირფასო, ხმა მაღლა მითხარ,

ყურში ბამბა მაქვს, არ მეყურება!

გრაფ. შვალ. არა მცალიან, წავალ შევიტყობ!

(უჩვენებს საგორეცოზე)

თქვენ კი ყველაფერს ეს მოგიყვება. (გაღის)

## კამოსვლა მეცხრამეტე

საგორეცო და გრაფინია ბებია

გრაფ. ბებ. რაო? რა მოხდა? აქ ცეცხლი გაჩნდა?

საგორეც. ჩაჯკიმ ჩაგვაგდო ამ განსაცდელში.

გრაფ. ბებ. როგორ? ჩაჯკიმ ვის რა დაუშავა,

რომ გაგზავნეს იგი ციხეში?

საგორეც. ციხე კი არა, მთებში რომ იყო,

თურმე ვილაცამ შუბლში ტყვია ჰკრა.

ახლა უწია მძიმე ჭრილობამ

და შეიშალა...

გრაფ. ბებ. რაო? გათათრდა?

საგორეც. მე ვერ შევასმენ ამას ვერაფერს! (შიდის)

გრაფ. ბებ. ანტონ ანტონი! ოჰ, ესეც მირბის!

ყველა იქითკენ მიეშურება,

სუყველა შფოთავს და სუყველა თრთის.

## კამოსვლა მეოცე

გრაფინია ბებია და კნიაზი ტუგოუხოვსკი

გრაფ. ბებ. კნიაზ, კნიაზო! ოჰ, ეს კნიაზი —

ძლივს სული უდგას და ბალში დადის.

კნიაზო, იცით რა საქმე მოხდა?

კნიაზ. აა?

გრაფ. ბებ. ამ საცოდავს, სულ არ-რა ესმის...

იქნება ისე შეჩედეთ მაინც

პოლიცმეისტერს, აქ რომ მოვიდა?

კნიაზ. ეე?

გრაფ. ბებ. ჩაცკი ჩასვა ციხეში.

კნიაზ. მერე!..

გრაფ. ბებ. გუდა-ნაბადი ზურგზე აჰკიდა!

გაასალდათა!—მაშ რა ეგონა,  
ხუმრობა არის რჯულის გამოცვლა?!

ო, იმ წყეულმა ვოლტერიანმა

რჯული უარ ჰყო... დიახ, გათათრდა.

ჰა? რაო? ყრუ ხართ, არა გესმით-რა?

ჩემო მამაო, ყურს გაკლია.

სასმენი მაინც მიიღეთ ყურზე.

ოჰ, ეს სიყრუე დიდი მანკია.

### გამოსვლა ოცდაშეერთე

იგინივე და ხლესტოვისა, სოჭია, მაღჩადინი, პლატონ მი-  
ხაილინი, ნატალია დმიტრეენა, გრაფინია შვილი-შვილი, კნეინა  
თაფის ქალიშვილებით, ზაგორეცკი, სკალოზუბი, მერე ფამუ-  
სოვი და მრავალი სხვა.

ხლესტოვისა. გაგიყებულა? თქვენი ქირიმე!

ასე უეცრად და ასე ჩქარა!...

სოჭია, შენ არ გაგიგონია?

პლატ. მიხ. ეგ ხმა პირველად ვინ გააერცელა?

ნატ. დმიტ. სუყველა ამბობს.

პლატ. მიხ. თუ ყველა ამბობს,

გინდა თუ არა, უნდა ირწმუნო!

თუმცა ეჭვი მაქვს!

**ფამუსოვი** (შემოდის). ვიზე! ჩაცკიზე?

ვერ გამოგია—რაა საექვო?

მე, ბატონებო, ყველაზე უწინ

მე შევამჩნიე, რომ გიჟი იყო.

მიკვირდა, რომ ის არვინ შეჰბოჭა

და დღემდე ხელი არავინ ახლო?

მთავრობაზე რომ ერთი სიტყვა ვთქვათ,

უფალმა უწყის, რაებს არ იტყვის,

მძიმედ რომ თავი დაუკრა ვისმე—

სულ-მდაბალ კაცად და უზნეოდ გთვლის.

**ხლესტოვი**. მაგისტანტებს გზაც იქითა აქვთ!..

ერთი რალაც ვთქვი და ხარხარს მოჰყვა.

**მოდჩად**. მე არხივიდან წასვლას მირჩევდა,

**გრადე**. **შვალ**. მე კი „მოდისტკა“ ქალი დამარქვა!

**ნატ**. **დმიტ**. ჩემს ქმარს ურჩია სოფლად ცხოვრება!

**ზაგორეც**. ყველაფრითა სჩანს, რომ შეშლილია!

**გრადე**. **შვალ**. მე შევამჩნიე გამოხედვაზე.

**ფამუსოვი**. რაც დედა იყო, ისიც შეილია:

განსვენებული დედა იმისი

სწორედ რომ რვაჯერ შესცდა ჭკუაზე.

**ხლესტოვი**. რა და რა გვარი საკვირველება

არ ჰხდება ხოლმე ამ ქვეყანაზე!

მაგ ხანში მყოფის ჭკუიდან შეშლა!

ეგებ ლოთობდა!

**კნენა**. ოჰ! ეგ კი მჯერა!

**გრადე**. **შვალ**. უეჭველია.

**ხლესტოვი**. შამპანით საესე

ჭიქას ჭიქაზე მიაყოლებდა.

**ნატ**. **დმიტ**. ბოთლებით სვამდა, დიდი ბოთლებით...

**ზაგორეც**. (გაცხარებით). რაო, რას ბრძანებთ? ბოთლებით

რა ბრძანებაა! ორმოცეულ კასრს

[სვამდა?

მოიყუდებდა და გამოსცლიდა.

- ფაშუსაგი.** მერე რა? დიდი საქმე მომხდარა,  
 თუ მამა კაცმა მეტი დალია!  
 სწავლა, ბატონო, სწავლა აგიყვებთ,  
 სუყველაფერი სწავლის ბრალია.  
 რაც ახლა არის, წინანდელ დროში  
 როდის ყოფილა ამდენი გიჟი!  
 გამრავლდა რიცხვი უჭკუოების;  
 იმათი საქმე და მათი აზრი...
- ხლესტოვ.** რალა თქმა უნდა, კაცს გააგიჟებს  
 სკოლა, ლიცეი და პანსიონი...  
 კიდევ რა ჰქვიაან? ჰო, ლანკარტთ სკოლა...  
 ღმერთმა დასწყევლოს იმის მომგონი.
- კენიან.** არა, პეტერბურგს ინსტიტუტია  
 საპედაგოგო... მგონი, ეს ჰქვიაან!  
 ვინაც იქ სწავლობს, იმას საჩვენო.  
 აღარა სწამს-რა, იმგვარად ზრდიან.  
 იქ ასწავლიდნენ ერთს ჩემ ნათესავს,  
 გამოვიდა და ახლა აქ არის  
 ქალს სიახლოვეს არ ეკარება,  
 ასე გასინჯეთ, მეც კი მეკრძაღვის.  
 აფთიაქშიაც კი გამოდგება.  
 არ მოსწონს ჩინი, არც სამსახური.  
 ვითომც ქიმიკოს-ბოტანიკოსობს  
 კნიაზ ფეოდორ, ჩემი ძმის წული.
- სკალოზ.** უნდა გახაროთ: ახლა ხმა დადის,  
 რომ სასწავლებლებს სხვა გვარად სცვლიან:  
 სკოლა, ლიცეი გიმნაზიებში  
 ჩვენსავით „რაზ-დვას“ შეასწავლიან.  
 წიგნებს კი ისე შეინახვენ  
 დიდ მნიშვნელოვან შემთხვევებისთვის.
- ფაშუსაგი.** სერგეი სერგიჩ! თუ ბოროტების  
 მოსპობა უნდათ, ასე უნდა ჰქნან:  
 რაც ქვეყანაზე წიგნები არის,

უნდა მოჰკრიბონ და უნდა დასწვან!..

**ზაგორეც.** (კრძაღვით). რათა, წიგნებშიც განსხვავებაა.  
მე კი რომ მომცენ დღეს ცენზორობა,  
მხოლოდ იგავენს მივჰყოფდი ხელსა...  
ოჰ, იგავენმა სწორედ მომწამლა!...  
სულ დაცინება ლომ-არწივებზე,  
რაც უნდა ბრძანოთ, მე კი მგონია,  
თუმცა პირუტყვებს კი ასახლებენ,  
მაგრამ მათგანი ყველა მეფეა.

**ხლესტოვ.** ეჰ, თუ კი ვინმე ჭკუიდან შესცდა,  
რისგანაც არის, ეს სულ ერთია:  
წიგნებისაგან, თუ ლოთობისგან—  
რალას უშველის, გიჟი გიჟია.  
მე კი საწყალი ჩაგვი მებრალვის;  
უნდა შეჰბრალდეს ყოველს ქრისტიანს.  
ჭკვიანი იყო, ენა-მახვილი  
და ბატონობდა სამას სულსა ყმას.

**ფამუსოვი.** ოთხასს.

**ხლესტოვ.** სამასსა, ბატონო ჩემო!

**ფამუსოვი.** ოთხასს!

**ხლესტოვ.** სამასსა!

**ფამუსოვი.** ჩემს კალენდარში... .

**ხლესტოვ.** კალენდრები ხომ ყველა სტყუიან.

**ფამუსოვი.** აი, ვიპოვე! სწორედ ოთხასი!

რა რიგად ჰყვირის!

**ხლესტოვ.** სამასი არის.

ვის რამდენი ჰყავს ყმა, მე არ ვიცი?

**ფამუსოვი.** ოთხასი არის, გთხოვთ გაიგონოთ!

**ხლესტოვ.** არა სამასი, გესმით? სამასი!

გამოსვლა ოცდაშეორე

იგინივე და ჩაცვი

ნატ. დრატრ. აი ისიცა!

გრანფ. შვილ. სუ!

ეგელანი. სუ! (ეგელანი ერიღებინ).

ხლესტოგ. რაღა ვქნათ,

ახლა რომ ჩხუბი დაგვიწყოს ყველას!

ფაქუსოგი. ოი, უფალო, მოგვხედე ცოდვილთ! (შიშით)

ჩემო ძვირფასო, როგორ გრძნობ შენს თავს?

მაჯა მაჩვენე, მგონი ავად ხარ?

ძილი გჭირიან შორის გზით მოსულს.

ჩაცვი.

ღიახ! ცუდად ვარ! მეგობართ ნახვამ

ათასი ტანჯვა მოუძღვნა ჩემს გულს.

ფეხები მტკივა ტყულად ფრატუნით,

ყურს ესმის მხოლოდ გაოცების ხმა.

იმდენს უბრალო რამეს ყბედობენ,

რომ ვეღარ ვუძლებ, თავ-ბრუ დამეხვა.

(შიდის სოქიასთან)

აქ სული ჩემი რაღაც ვარამმა

მწარედ შეჭხუთა, თავს ველარა ვცნობ.

ასე მგონია, ამოდენ ხალხში

მარტოდ-მარტო ვარ, სიობლესა ვგრძნობ.

არა! მოსკოვი მე ვერ მახარებს!

ხლესტოგ. მოსკოვს აბრალებს ყველაფერს, ჰხედავთ?

ფაქუსოგი (ანიშნებს სოფიას). მოშორდი მაგას! ჰმ! არცკი მიყუ-

სოქია (ჩაცვის). მითხარით, მაგრე რამ გაგაჯავრათ? [რებს!

ჩაცვი.

აიმ ოთანში, მცირე შეხვედრამ:

ვიღაც ბორდოდან მოსული ფრანგი

თავ-მოწონებით შუაზე იდგა

და მას გარშემო, წიწილებივით,

კნიაუნათ გროვა შემოჰხვეოდა..  
 ის უამბობდა იმ დროის ამბავს  
 რუსეთისაკენ რომ მოდიოდა:  
 „სულ ვტიროდიო!“! თურმე ეგონა,  
 ბარბაროსები დაუხვდებოდა...  
 როცა მოსულა, დარწმუნებულა,  
 მისდამი აღერსს ბოლო არა აქვს;  
 ერთ სიტყვას რუსულს ვერ გაიგონებს  
 და სახით რუსს ხომ ერთიც არა ჰგავს...  
 „ჩემს სამშობლოში, მეგობართ შორის  
 ტკბილად ვზივარო, ასე მგონია“.  
 რატომაც არა! აგერ მოსულა  
 და თავის თავი მეფე ჰგონია.  
 „სწორედ ფრანგივით სცოდნიათო აქ  
 სიტყვა-პასუხი, ჩაცმა-დახურვა.“  
 დიახ, ყველა ეს მოსწონს უცხოელს,  
 იმას ახარებს, მაგრამ ჩვენ—არა...  
 როცა დაჩუმდა, მოისმა გმინვა,  
 ქალთა გულიდან ამონაკვნესი:  
 „ოჰ, საფრანგეთო! დედა-მიწაზე  
 სად არის მხარე შენს უკეთესი!“  
 ორმა კნიაუნამ, ორივე დებმა,  
 ეს რამდენჯერმე გაიმეორა  
 და ამ საერთო სიყრმის გაკვეთილს  
 ყველამ თამამად კვერი დაუკრა.  
 სად დავემლოთ თავადის ქალებს!  
 მე კი ხმა-მალლა ღმერთს ესთხოვდი იმ დროს,  
 რომ ჩვენებურებს ეს სულელური  
 სხვათა მიბაძვა მოაშლევინოს.  
 გადმოუვლინოს ერთს მაინც ვისმე  
 სულის სიმტკიცე სამაგალიტოდ,  
 ვინც აღგვილაგმავს იმ მდაბალ სურვილს,  
 რომ ჩვენსას სხვისი არ ვამჯობინოთ!

დაე, ძველისა მიმდევრად მთვლიდნენ,—  
 მე კი მას ვიტყვი, ჩვენი ქვეყანა  
 ასს წილად უფრო წახდა მას შემდეგ,  
 რაც თავის სახე გამოიცვალა.  
 უარ ჰყო თვისი ზნე-ჩვეულება,  
 ენა მდიდარი და სამოსელი,  
 შეჰბღალა ერის წმიდათა წმიდა  
 და გადასცვალა ახალზე ძველი.  
 ახალზე, მაგრამ როგორ ახალზე?  
 რაც მასხარის მეტს, არვის შეჰფერის;  
 უკნიდან კუდი, წინ გული ღია,  
 არ მოსაწონი არც ღვთის, არც კაცის.  
 ველარ იძვრიან თავის ნებაზე,  
 თითქო ხელ-ფეხი რითმე შეუკრავთ;  
 როგორც კაბა და თმები აქვთ მოკლე,  
 ჭკუა გონებაც ისე მოკლე აქვთ.  
 ეჰ, თუ ჩვენ მიტომ გაეჩნდით ამ ქვეყნად,  
 რომ უცხოთაგან რამ გადმოვიღოთ,—  
 ნეტავი ჩინელთ მივბაძოთ მაინც,  
 სხვის არ მიბაძვა მათგან ვისწავლოთ!  
 განა თავს ვიხსნიოთ იმ სენისაგან,  
 რომ სხვათა „მოდებს“ აღარ მივდიოთ!  
 და ჩვენს ჭკვიან ხალხს, თუნდ ენით მაინც,  
 გადამთიელი აღარ ვეგონოთ?  
 ვილაცხმა სთქვა: ევროპიულთან  
 ჩვენი ენაო არ შეთანხმდება.  
 „როგორა სთარგმნით: მაღამ, მადმაზელ?  
 ქალბატონოო? რომ არ უხდება!“  
 წარმოიდგინეთ, სუყველა ერთად  
 ჩემზე სიცილსა და ხარხარს მოჰყვა:  
 „ქალბატონოო! საუცხოვოა!  
 ქალბატონოო! ხა-ხა-ხა-ხა-ხა!“  
 მე-კი გავბრაზდი იმათს ხარხარზე,



და დავიფიცე ციური ძალა,  
 რომ მეხად დავსცემ ჩემს პასუხს მეთქი,  
 მაგრამ სუყველა შემომეცალა.  
 აი, ეს გახლდათ, ამას ებრაზობდი:  
 ჩვენი მოსკოვი და პეტერბურგი  
 რუსეთისათვის იგივე არის,  
 რაც რომ ბორღოდან მოსული ფრანგი:  
 თუ რასმე იტყვას, იმავე წუთში  
 თვისკენ მიიმხრობს თავადის ქალებს  
 და ვაი იმას, ვინც თაყვანს არ სცემს  
 უცხოეთიდან გამოწერილებს.  
 ვის ვაგლახ თავსაც ბედმა არგუნა  
 ფხიზელი აზრი ცხოვრების სარკეთ  
 და ვინც ხალხს ამხელს ჭეშმარიტებას,  
 იმას ყველა ჰგმობს... მიმოიხედეთ...

(იქით-აქეთ იხედება: უველანი ვაღსს უველიან; მოხუცებულნი  
 ბანქოს სათამაშო სტოლებს შემოსხდომიან).

(დასასრული იქნება)

# „ს ა მ ნ ი“

მ. გარკისა

თარგმნილი ივ. პოლუმორდვინოვის მიერ

რამდენიმე დღის შემდეგ ილია პაშკა გრაჩოვს შეხვდა. სალამო ხანი იყო! თოვლი ბარდნიდა ზარმაცად და ფანჯრების სინათლეზედ ნაზათ ბზინავდა. მიუხედავად იმისა, რომ კარში საკმაოდ ციოდა, პავლეს თხელი ბამბაზეის ბლუზა ეცვა და წელზედ ქამარიც კი არ ერტყა. თავი ჩაექინდრა, ხელები ჯიბეებში ჩაეწყო და წელში მოღუნული, თითქო რალასაც დაეძებსო, ზღაზნით მოდიოდა. ილია გაუსწორდა თუ არა ამხანაგს დაუძახა, პავლემ თავი ასწია, შეხვდა ილიას სახეში და ცივად წაილაპარაკა:

— ოჰ! შენა ხარ!..

— როგორა სცხოვრობ?— გაჰყვა გვერდზედ და დაეკითხა ილია.

— ამაზედ უფრო ცუდი ცხოვრება საჭიროა, მაგრამ აღარ შეიძლება... შენ როგორა ხარ?

— არა მიშავს რა...

— ტკბილად არც შენა სცხოვრობ, როგორც გეტყობა...

\*) იხ: „მოამბე“ მე-10 №-რი.

კოტა ხანს გაჩუმებულნი მიდიოდნენ და იდაყვებით ეხლებოდნენ ერთმანეთს.

— ერთი რატომ აღარ შემოიარე ჩვენსკენ? ამდენს გეძახი, გეძახი.—საყვედურით უთხრა ილიამ..

— არა მცალიან, ძმაო, რავექნა... თავისუფალ დროს, ხომ იცი, ბევრს არ მოგცემენ...

— მოახერხებდი, რომ გდომებოდა...—უფრო მეტის საყვედურით განაგრძო ილიამ.

— მერე რა გაჯავრებს... მე მემდური, რატომ არ შემოივლიო და შენ არც კი მკითხე, სადა ვსცხოვრობ, არამც თუ მოსულიყავ... შენ კი არ გეკადრება?..

— მართლა, კაცო!—შესძახა ილიამ ღიმილით:—ნახე როგორ დამავიწყდა?

პავლემ გადახედა, გაიღიმა და უფრო გულიანად დაიწყო ლაპარაკი.

— მე მარტოკა ვსცხოვრობ, უამხანაგოთ, — როგორღაც ვერაფერს შევეწყე. ავად ვიყავ, სამი თვე მეტი საავათმყოფოში ვეგდე... ერთმა არაფინ მომხედა...

— რა იყო, რა გტკიოდა?

— მთვრალი ვიყავ და გავცივდი... საოფლზე მჭირდა... რჩენაში რომ შეველი, უფრო მეტი ტანჯვა გამოვიარე. ჰგდინხარ მარტოკა მთელი დღისა და ღამის განმავლობაში და გგონია, აღარც მესმის რამე და აღარც ლაპარაკი შემიძლიან და კატის კნუტსავით გადუგდივართ ორმოშიო... კიდევ კარგი, ექიმი პატროსანი კაცი შემხვდა.. სულ წიგნებს მაძლევდა წასაკითხად... თორემ მოკვდებოდი უსაქმობით.

— ხეირიან წიგნებს კი მაძლევდა?—დაეკითხა ლუნევი.

— ჰოო, მშვენიერი წიგნები იყო! სულ ლექსებსა ვკითხულობდი,—ღერმონტოვი წავიკითხე, პუშკინი, ნეკრასოვი, ხშირად ისე გამიტაცებდნენ, რომ სუყველაფერი მავიწყდებოდა. ეჰ, ძმაო, ისეთი ლექსები ყოფილა, რომ საყვარლის კოცნაზედ უტკბესად გეჩვენებთან ხანდახან, გადმოგკრავს ვულში მათრახს და სულ მთლად ცეცხლად აღგაგზნებს.

— მე კი გადავეჩვიე კიდევ წიგნების კითხვას, — ოხვრით უთხრა ილიამ.

— რას ამბობ?

— ღმერთმანი. რა? ჰკითხულობ ერთსა და ცხოვრებაში კი მეორესა ჰხედავ...

— კიდევ ეგ არის კარგი და!.. მოდი, დუქანში შევიდეთ პატარა ხანს! დავსხდეთ და პატარა ვილაყბოთ... მე ერთგანა ვარ წასასვლელი და ჯერ კი აღრეა... იქნება იქაც ერთად წავიდეთ...

— დუქანში? წამო! — დაეთანხმა ილია და მეგობრულად წაავლო პავლეს ხელი. პავლემ ერთი კიდევ გადახედა ამხანაგს, გაუღიმა და უთხრა:

— მე და შენ მეგობრები არასოდეს არა ვყოფილვართ, მაგრამ შენ რომ შეგხვდები, ძალიან მესიამოვნება ხოლმე.

— ეგ არ ვიცი... გესიამოვნები თუ არა... თუმცა კი არა მჯერა... მაგრამ მე კი...

— ეჰ, ძმაო! — შეაწყვეტინა პავლემ: — ისეთ საქმეებზედ ვფიქრობდი როცა წამომეწიე... რომ ისევ ისა სჯობს აღარ მოვიგონო!.. ჩაიქნია ხელი, გაჩუმდა და ფეხს მოუკლო ცოტა.

მეგობრები პირველსავე დუქანში შევიდნენ, მისხდნენ კუნჭულში და ლუდი მოითხოვეს. ლამპის შუქზედ ილიამ შენიშნა, რომ პავლე ჩამომხმარიყო, სახე ჩაჰყვითლებოდა, თვალები მოუსვენრად დაურბოდნენ და წინად ნახევარზედ დაღებული ტუჩები ეხლა მაგრა მოჰკუმშოდნენ.

— სადა მუშაობ ეხლა? — დაეკითხა ილია გრაჩევს.

— ისევ სტამბაში, — მიუგო უსიამოვნოთ პავლემ.

— ძნელი სამუშაოა?

— არა!.. მუშაობა კი არა მკლავს, დარდი, დარდი...

ილია რალაც გამოურკვეველ სიამოვნებას ჰგრძნობდა, რომ ოდესღაც მზიარულს და ცოცხალ პაშკას ეხლა დაღვრემილს და დაფიქრებულს ჰხედავდა. მას ძალიან უნდოდა გაეგო ამ ცვლილების მიზეზი და ლუდს სთავაზობდა, თან გამოკითხვას მოუხშირდა:

— ლექსების საქმე როგორღა მიდის?

— ეჰ, დავანებე თავი... წინაღ კი ბევრსა ვწერდი. ექიმ-საც ვაჩვენე და ძალიან მოიწონა. ერთი იმათგანი გაზეთშიც დამიბეჭდა... ოც-და-ცხრამეტი კაპიეკი მომცეს.

— ბიჭოს! — შესძახა ილიამ: — ყოჩაღ! რა ლექსი იყო? მითხარი თუ არ გეზარება!

ილიას ცნობის მოყვარეობამ და ლუდის რამდენიმე ქიქამ გრაჩევი გამოაცოცხლეს, თვალები გაუბრწყინვეს და ჩაყვითლებულ ლოყებზედ წითელი ფერი შეუთამაშეს.

— რა ლექსი იყო? — შეეკითხა გრაჩევი და შუბლზედ მოისვა ხელი. დამავიწყდა. მოიცა! ღმერთმანი, დამავიწყდა... დაიცა, იქნება მოვიგონო. ჩემ თავში ყოველთვის ისე ირევინ ლექსები, როგორც სკაში ფუტკრები.. ისევე ზმუიან! ხანდა-ხან, რომ დავიწყებ თხზვას, ამიჩქროლდება გული და ცრემლებიც კი გადმომცვივა ხოლმე თვალებიდამ..

— ღმერთმანი? რისგანა მერე? — გაკვირვებით და ურწმუნოდ დაეკითხა ილია.

— რა ვაცი... ცეცხლი გიკიღია, რალაცა სდულს შენში, გინდა კარგად, ლამაზად გადასცე და სიტყვები ვერ გიპოვნია გადასაცემათ... გეწყინება და გაჯავრდება. — ამოიოხრა, ჩაიქნია თავი და დაუმატა:

— გულში სათქმელი სისხლში და ნაღველში გაქვს გადარეული, ქალაღზე გადიღებ და ფუჭი გამოდის..

— ერთი რომელიმე ლექსი მითხარი! — შეეხვეწა ილია. რაც უფრო მეტს უყურობდა ილია პავლეს, მით უფრო მეტად ეზდებოდა ცნობის-მოყვარეობა, რასაც ნელ-ნელა რალაც კარგი, თბილი და ნაღვლიანი გრძნობა ემატებოდა.

— მე უფრო სამასხარო ლექსებსა ვსწერ... ჩემი ცხოვრებიდან, — უთხრა გრაჩევმა და დარცხვენით გაიღიმა.

— სასაცილო იყოს, სთქვი, რაც იცი! — ჩასცივებოდა ილია. მაშინ კი გრაჩევმა მიიხედ-მოიხედა, ჩახველა, თვალები კედელს მიაბჯინა და დაიწყო:

„ღამე, სულის შემხუთი,  
 ცაზედა მთვარე გუშაგობს,  
 ჩემს ოთახში სხივებს ისვრის,  
 თითქოს ჩემთან ღაზაკობს.  
 და დიმილით, მეგობრულად  
 სხივებს სევდით მიმოფანტავს  
 და ნესტიან კედლებზედა  
 რაღაც სურათს გამოჰსატავს!  
 ვზივარ, შევცქერ განახული  
 და ძილს არ მთხავს, არა, გული!“

პავლე შეჩერდა, ღრმად ამოიოხრა და უფრონელის ხმით, ღინჯათ განაგრძო:

„მე ბედი მარჩობს, მან თვის ბრწყინებში  
 რა მამიმწეველია გასაწელებული—  
 ხან გულს მიკუწავს, ხან ქოჩორში მტერს,  
 მტრულად შექცევა გაბრაზებული.  
 ჩემ დამტანჯველმა მე რა მარკუნა?  
 აი, ეს ბოთლი არაყიანი;  
 მთვარისა შუქსედ ელავს დიმილით  
 ჩემთვის მის ძალა გემოიანი.  
 გულის იარებს მე დვინით ვირჩენ—  
 დვინით თვალებსა ნისლი ედება,  
 დვინის წყალბით მე ძილსა ვიძენ—  
 ძილში სომ ტანჯვა მიგავიწელება?  
 სომ არ გადავკრა კვლავ ერთი ჭიქა,  
 რამ თვალთ ბურუსი გადამეფაროს?!  
 სხვებმა რაც უნდ თქვან, მე კი გადავკრავ  
 ამ სიხარულის ტანჯვისა წყაროს!..“

რომ დაამთავრა, ცერად გადახედა ილიას, უფრო ძირს დაღუნა თავი და ნელის ხმით უთხრა.

— აი... მეტი წილი ესეთი ლექსები მაქვს... რაღაცს უღე-  
 ლური..

პავლემ მაგიდის ნაპირს დაუწყო თითებით კაკუნი და მოუსვენრად შეინძრა სკამზედ.

ილია რამდენიმე წამს გაკვირვებით უყურებდა გრაჩევს. მას ჯერ კიდევ ყურში ედგა მწარე, მაგრამ მწყობრი სიტყვები და არ სჯეროდა, თუ ეს ჩამომხმარი, უწვე-რულვაშო და დაგლეჯილ ტანსაცმელში გამოწყობილი ყმაწვილი მათ შეთხზვას და გასულდგმულებას შესძლებდა.

— არა, ძმაო, აქ საცინელი ბევრი არაფერია! — დინჯათ, მაგრამ ხმა მალლა ეუბნებოდა ილია და თან უფრო და უფრო აკვირდებოდა ამხანაგს. — მშვენიერია... მე კი გული მომიკლა და... ღმერთმანი! აბა, ერთი კიდევ გაიმეორე...

პავლემ უცებ თავი აიმაღლა, მხიარულის, მოცინარის თვალებით შეხედა ამხანაგს, უფრო ახლო ამოეკრა და ნელის ხმით დაეკითხა:

— მართალი მითხარი — მოგეწონა?

— ღმერთმანი... მარა, მოგატყუილებ?

— მჯერა, მჯერა... შენ პირში თქმა იცი ხოლმე... კაი ბიჭი ხარ, ღმერთმანი!

— ერთი კიდევ წამიკითხე რამე!

პავლემ დაფიქრებულად, ნელი ხმით დაიწყო კითხვა და როცა ჰაერი აღარ ჰყოფნიდა, მწარედ ოხრავდა. ახალმა ლექსმა ილიას ეჭვი დაუბადა — არა მგონია, რომ ეს ლექსები პავლეს დაწერილები იყვნენო.

— აბა, სხვები წაიკითხე? — უთხრა ილიამ.

— იცი, რა გითხრა? ისევ ისა სჯობიან მე როდისმე მოვალ შენთან და რვეულისაც წამოგიღებ... თორე უმეტესი ნაწილი ლექსებისა დიდრონია და მე კი წასასვლელი ვარ! მეორეც ეს ერთი — კარგად არ მახსოვს... თავი და ბოლოები მადგანან ენაზედ... აი, მაგალითად, ბოლო: არის ისეთი ლექსი, — მითომც მივდივარ ღამე ტყით და გზა დამეკარგა, დავიღალე... და მეშინიან... ირგვლივ სიჩუმეა... მხოლოდ მე ვარ მარტო... ჯამოსასვლელ გზას ვეძებ და ვჩივი:

„ღონე დაჟვარგე,  
გული მდალატობს  
და გზა კი მაინც  
ვერ გამოგნია!

მიწავ, დაშხადო,  
შენ მაინც მითხარ;  
საით წავიდე,  
და ვის მივმართო?

დავემხე ჰირქვე  
და ჩავეკარი  
მის გულსა შესსა,  
გაუმადარსსა.

და გავიგონე  
გულის სიღრმითა  
მისი ჩურჩული:  
„მადი ჩემთანა!“

— ხომ მართალია, არა? სცხოვრობ, თითქოს ტყეში მი-  
ღიხარ, სინათლეს ჰხედავ, ძილტვი მისკენ და გზისთვის კი  
ვერ მიგიგნია!.. მოდი — ილო, ერთად წავიდეთ, ღმერთმანი!  
არ მინდა მოგშორდე...

გრაჩევი ფეხზე წამოდგა, ეხვეწებოდა, კლავში ეწეოდა  
და აღერსიანი თვალით შეჰყურებდა ამხანაგს თვალებში.

— კარგი, მოვდივარ! — უთხრა: ილიამ. — არც მე მინდა  
შენი მოშორება... სწორე გითხრა — კიდევ მჯერა მე შენი  
სიტყვები და კიდევ არა... მეტად საინტერესო ხარ — მერე  
ლექსებსაც რა კარგათა სთხზავ...

— არა გჯერა, რომ ჩემებია, განა? არა უშავს-რა. როცა  
ნახავ დაიჯერებ... — ეუბნებოდა პავლე, დუქნიდან ქუჩაზე რომ  
გამოდიოდნენ.



— თუ მართლა შენებია და ყოჩაღ, მე და ჩემმა ღმერთმა! — გულწრფელად უთხრა ილიამ: — გაუსვი და გააგებინე ქვეყანას როგორა სცხოვრებენ ნამღვილი ადამიანნი...

— ცოტა გავვარჯიშდე კიდე, მერე ნახე, რაები დავწერო!

— სწერე, ეგებ გაიგონ და მიხვდნენ...

— მე ხანდახან ვფიქრობ: თქვე ოხრებო, თქვენ მაძლარნიცა ხართ, ჩაცმულ-გამოწყობილნიცა და მე?

— მაშ, კაცო!

— რა — მე ადამიანი არა ვარ?

— ყველანი თანასწორნი ვართ!

— ვისაც ქულაჯა აცვია და კაბა, — იმას ქადა და ვისაც გული აქვს ტიტველი — იმას კუჭიც ცარიელი? არა, მიჰქარავ!

— მიჰქარავენ! სუყველანი თანასწორნი ვართ!

— ეჰ, ილია! მე რომ სწავლა მქონდეს მიღებული!..

ამხანაგნი გაჩქარებულნი მიდიოდნენ ქუჩაში და ერთმანეთს სიტყვის დაბოლოვებას არ აცლიდნენ, პირიდან სტაცებდნენ და თან-და-თან უფრო ფიცხდებოდნენ, უფრო უახლოვდებოდნენ ერთმანერთს და უფრო მეგობრდებოდნენ. ორთავეს უხაროდათ, ჰხედავდნენ რა, რომ ერთიც ისევე ფიქრობდა და სჯიდა, როგორც მეორე, და ეს სიხარული უფრო აღფრთოვანებდა და ასულდგმულებდა ორთავეს. ხშირ კვირტებად დაცემული თოვლი ადნებოდათ სახეზედ, აჩერდებოდათ ტანთსაცმელზედ და ფეხსაცმელზე ეკროდათ, ისინი კი მიტოპავდნენ თოვლ-ჭყაპსა და უხმაურო ბუქში და ვერას ამჩნევდნენ.

— მე კარგათა ვხედავ ყველაფერს! — დაბეჯითებით ამბობდა პავლე.

— ასე ცხოვრება არ შეიძლება! — ბანს ეუბნებოდა ლუნევი.

— შენ თუ გიმნაზიაში გისწავლია — ბატონი ხარ, თუ გინდ მამაშენი მენაგვეც ყოფილიყოს.

— მაშ! მერე, რა ჩემი ბრალია, რომ გემნაზიაში არ ვიყავი?

— შენ სწავლა-განათლებაც და მე კი სულ არაფერი?—  
ეუბნებოდა აღფრთოვანებული გრაჩევი:— ეგ სამართალია?

— ოჰ, დასწყევლოს ღმერთმა!— შეიგინა ილიამ, ფეხი  
რომ წუმპესა და თოვლში ჩაუვარდა.

— მარცხნივ წადი...

— სად მივდივართ, მერე?!..

— სიღორიხასთან...

— სადა?

— სიღორიხასთან... არ იცნობ?

— არა ვყოფილვარ...— ცოტა ხნის სიჩუმის შემდეგ სიცი-  
ლით უთხრა ილიამ:— დიდი არ ყოფილა, ძმაო, ჩვენი გზა...

— ეჰ!— ნელის ხმით უთხრა პავლემ. — მეც კარგად მესმის,  
კარგათა ვხედავ, მაგრამ რას იზამ... საქმე მაქვს იქა...

— მე არაფერს გეუბნები... მეც წამოვალ, სულ ერთია!

— ეჰ ილია! ადვილი არ არის ჩემთვის ამაზედ ლაპარაკი...  
პავლემ გაათურთხა და გაჩუმდა.

— რა იყო, რაზედ ლაპარაკი?— დაეკითხა ყურებ დაცქვე-  
ტილი ლუნევი.

— იცი, — უცბათ დაიწყო პავლემ, — იქ ერთი გოგოა...  
შენ თითონ ნახავ ეხლა, როგორიცაა... ცეცხლს მოუკიდებს  
ადამიანს, სულ ნაცრად და ფერფლად აქცევს... იმ ექიმს ჰყავდა  
მოსამსახურეთ, მე რომ მწამლობდა. მე ჯერ წიგნებისათვის  
დავიარებოდი... მერე, როცა მოვრჩი... მივდიოდი ხოლმე და თუ  
ექიმი სახლში არ იყო, სამხარეულოში ვუცდიდი... ისიც იქ იყო  
ხოლმე.. დახტოდა მხიარულად, კისკისებდა... მე ისე ვიყავ იმის  
გვერდით, როგორც დაგიზგიზებულ ცეცხლთან თივა... მიველი  
ერთხელ — უსიტყვოთ დამნებდა... მერე დაგვეწყო... ირაქრა-  
ეებდა თუ არა... მე იქ ვიყავი... ჩავეკონებოდი, ვკოცნიდით,  
ერთმანეთს — ტუჩები დაგვისივდებოდა, ძველები კვნესას  
დაგვიწყებდნენ, მაგრამ ეჰ! პაწაწკინტელაა და კოპწია სათა-  
მაშო ნივთსავით მოეხვევი და ხელში გიქრება! თითქო ჩიტად  
იქცა, შემოგიფრინდა გულში და ჭიკჭიკებს... მღერისო..

პავლემ გაჩუმდა და ღრმად შეისუნთქა ჰაერი.

— მერე? — დაეკითხა მისი ამბით გატაცებული ილია.

— ექიმის ცოლმა მოგვასწრო... შეაჩვენოს ის ღმერთმა. კაი ადამიანი კი იყო ის ოხერი! ხშირად ისიც მელაპარაკებოდა ხოლმე... ტკბილად... ლამაზიც იყო...

— მერე? — გაუმეორა კითხვა ილიამ.

— მერე და ასტეხა ერთი ალიაქოთი... ვერკაც გააგდეს... და მეც... ისიც გალანძღეს... მეცა.. ვერკა, რასაკვირველია, ჩემთან მოვიდად, მე კი უადგილო ვიყავ იმუამად... ეჰ, გაგვიჭირდა... სულ შევეჭამეთ, რაც კი გვებადა, უკანასკნელ ძაფამდის... ჯიუტი რამ არის... გამექცა უცბათ... ორი კვირა ველარც სადმე ვნახე და ვერც ვერაფერი გავიგე იმის შესახებ... მერე მობრძანდა... მორთულ-მოკაზმული... ბრასლეტით, ფულებით...

პაშკამ კბილები გააკრაჭუნა და გაჩუმდა.

— კინალამ ცემით მოვკალი.

— მერე წავიდა? — დაეკითხა ილია.

— აარა!.. ის რომ წასულიყო, ხომ მე თავს დავირჩობდი.

— დარჩა?

— ან მომკალი, ან ხელს ნუ მახლეობო... ასე მე ბარგი ვარ შენი... სულს კი არავის მივსცემო.

— მერე შენა?

— მე სუყველაფერი ვსცადე: ვსცემე... ბევრი ვიტირე... სხვა რაღა შემეძლო? მე იმის შენახვის თავი არა მქონდა...

— ადგილზედ ყოფნა არ უნდა?

— იმას რა ეშმაკი გასტეხავს! კარგიო, ამბობს. ვსთქვათ დაგიჯერე და შენთან დავრჩი, მერე შვილები მოგვეცემიან, ისინი როგორ-ღა უნდა შეინახო! ასე კი—არც შვილები გვეყოლება და მაინც შენი ვიქნებო...

ლუნევმა, ცოტა დაფიქრების შემდეგ, სთქვა:

— ჭკვიანი ყოფილა.

თოვლის ბურუსში ჩქარის ნაბიჯით მიმავალმა პავლემ არა უთხრა-რა ილიას; მან სანი თუ ოთხი ნაბიჯით გაასწრო ამხანაგს, მერე მობრუნდა, შეჩერდა და ყრუდ, მსტვინავი ხმით უთხრა:

— როცა წარმოვიდგენ, რომ სხვებიც ჰკოცნიან... ტყვია ჩამესხმის ხოლმე გულში...

— თავს ვერ დაანებებ?

— იმასა?— შეჰკვივლა გაკვირვებულმა პავლემ.

ილიამ მაშინ შეიგნო მისი გაკვირვება, როცა ვერკა ნახა. მეგობარნი ქალაქის განაპირას მდგარ ერთ სართულიან სახლს მიადგნენ. მისი ექვსივე თანჯარა დარაბებით იყო მჭიდროთ დახურული და ეს გრძელ სარაიას უფრო ამსგავსებდა მას. სველი თოვლი ხშირად შეჰკროდა მის კედლებსა და ჭერს, თითქოს დაფარვას ან გაქყლეთას უპირებსო.

პაშკამ კარი დააკაკუნა და ამხანაგს მოუბრუნდა:

— ეს შესანიშნავი დაწესებულებაა. სიდორიხა ოთახებს გოგოებს მიაქირავებს ხოლმე, თითონვე ინახავს და ამაში ხუთ ხუთ თუმანს ართმევს თვეში... აქ სულ ოთხი გოგოა. რასაკვირველია, სიდორიხა ღვინოს ინახავს, ლუდსა, ტკბილეულობას და სხვას... მაგრამ არაფრით კი არ ავიწროებს გოგოებს: გინდა—წადი და ისეირნე, გინდა შინ იჯექ... მხოლოდ ხუთი თუმანი კი ჩაუჩხრიალე თვეში... გოგოები სულ კარგები არიან და ძვირფასნი... მათ ამ ფულის შოვნა არ გაუჭირდებათ... ერთია აქ—ოლიმპიადა—ოც და ხუთ მანათ ნაკლებ არა ფასობს..

— შენი როგორღაა?—დაეკითხა ილია და თოვლი ჩამოიბერტყა ტანთსაცმელიდან.

— არ ვიცი... არც ის არის იაფი...—მიუგო გრაჩევმა, ცოტა სიჩუმის შემდეგ.

კარებს იქიდან ხმაურობა მოისმა და ჰაერში სინათლის შუქმა შეითამაშა...

— ვინ არის?

— მე ვარ, ვასსა სიდოროვნა... გრაჩევი..

— ააა!—კარი გაიღო და დაღეულმა, დიდ ცხვირა მოხუცმა გზის მინათებით აღერსიანად უთხრა:

— გამარჯობა, პაშა.. ვერუნკა კი თავს იკლავს, რად დაიგვიანაო. ეგ ვილაა?

— ამხანაგია...

— ვინ მოვიდა? — იკითხა ვილაცამ გრძელი დერეფნის ბნელი კუნჭულიდან.

— ვერასთან მოვიდნენ, ლიპა... — მიუგო მოხუცმა.

— ვერკა, შენი მოვიდა! — დაიყვირა ისევ იმ ხმამ და დერეფანმა ბანი გამოსცა.

დერეფნის სიღრმეში უცბათ კარები გაიღო და იქიდან მოფენილ სინათლეში პატარა, კეკლუცი, თეთრ ტანთსაცმელში გამოწყობილი და ოქროს ფრად მობიბინე ხუჭუჭ თმიანი ქალი გამოჩნდა.

— კარგა დაიგვიანე! — დაბალი, გულიდან ამონახეთქი ხმით შესძახა ქალმა. მერე ფეხის თითებზედ შესდგა, ხელები პავლეს დააწყო მხრებზედ და თავისი ცის ფერი ალერსიანი თვალებით ილიას გადმოხედა.

— ეს ჩემი ამხანაგია... ილია ლუნვეი.. ამას შეეხვდი და იმიტომ დავიგვიანე... — უთხრა პავლემ.

— გამარჯობათ!

ქალმა ხელი გაუწოდა ილიას და თეთრი კოფთის განიერი სახელო თითქმის მხრამდის აეწია. ილიამ მოწიწებით და ფრთხილად ჩამოართვა პატარა ცხელი ხელი და არა უთხრა რა. პავლეს მეგობარს ქალი იმისთანა ნათელის სიხარულით უყურებდა, როგორც ხშირ ტყეში, ქაობის ჩირგვებს შორის სუნნელოვან და ლამაზ არყის ხეს რომ წააწყდები და გაშტერებული შეაჩერდები. როცა ქალი ჩამოეცალა გზიდან, რომ კარებში ილია გაეტარებინა, ილიამ თითონ წასდგა ფეხი უკან, პატივის ცემით დაუკრა თავი და უთხრა:

— თქვენ — პირველი!

— ჰხედავ, რა კვალერი ყოფილა! — გაიცინა ქალმა. სიცილიც მხიარული, ლამაზი და ნათელი ჰქონდა. პავლემ იცინოდა და ეუბნებოდა:

— სულ გადარიე, საწყალი... შეხე, ისე გაჩერებულა შენს წინ, როგორც დათვი გაჩერდება ხოლმე სკასთან.

— მართლა? — მხიარულად დაეკითხა ქალი ილიას.

— მართალს ამბობს! — დაეთანხმა ღიმილით ილია. თქვენის სილამაზით ფეხებ ქვეშ ნიადაგი გამომაცალეთ, ბატონო!

— აბა შეიყვარე! დაგკლავ... — დაემუქრა პავლე მხიარულის ღიმილით. მას უხაროდა, რომ იმისმა სულიკომ ასეთი მძლავრი შთაბეჭდილება მოახდინა ილიაზედ და ბედნიერი, ამაყად შესცქეროდა ვერკას. ისიც ჰგრძნობდა თვის დიაცურ ძალას და თავი მოჰქონდა. პერანგს ზევით მას მხოლოდ განიერი კოფთა ეცვა და თეთრივე, თოვლსავით სპეტაკი ქვედა ტანი. შეუეკინდავი კოფთა უფარფარებდა და მაგარს, ქორთა ბოლოკსავით გატენილ-გაქუეკენილ ხორცს უჩენდა. მისი კოპწია ბაგენი და მაყვლის ფერი ტუჩები ბავშვურ კმაყოფილების ღიმილით ჰკრთოდნენ; კაცს ეგონებოდა ეს საუცხოვო ქმნილება თითონვე სტკებდა თვისი სიმშვენისგან, როგორც ბავშვი სტკებდა ხოლმე იმ სათამაშო ნივთით, რომელიც ჯერ არ მოჰბეზრებიაო. ილია თვალ მოუშორებლად უყურებდა მის კოპწია სიარულს, ტურთა სიცილს და ლაპარაკს და ის აზრი, რომ მას არა ჰყავს ასეთი მეგობარი, ნადევლსა ჰგვრდა და გულს უჩქროლებდა. ილია იჯდა გაჩუმებული და აქეთ-იქით იყურებოდა.

პატარა, ნათელ და სუფთად მორთულ-მოკაზმულ ოთახში თეთრ სუფრა გადაფარებული მაგიდა იდგა; მაგიდაზედ მხიარულად ჩუხჩუხებდა სამოვარი და ირგვლივ სინათლე იყო. მაგიდაზედ ჭიქები, ბოთლით ღვინო, ძხვითა და პურით სავსე ჭურჭელი ელაგა და ყველა ეს ახალი და სუფთა ილიას მეტად მოსწონდა და მადას უღვიძებდა. პავლე იჯდა მხიარული და გატაცებით ლაპარაკობდა:

— შენ რომ გიყურებ, ასე მგონია მზეზე ვთბები-მეთქი... სუყველაფერი მაგიწყდება და ბედნიერებას მოველი... კარგია, როცა ტურთა გყავს შენა, კარგია მასთან ყოფნა და ლხენა...

— ოჰ! ჩემო საყვარელო! რა კარგათ მოაწყვი!.. შეჰყვირა აღტაცებულმა ვერკამ.

— ცხელ-ცხელია! ეს არის, ეხლა გამოვაცხე... ეი, ილია! გეყოფა; კაცო!... თუ, ჯერ ვერ გაძიხი ცქერითა? შენი გაიჩინე თუ გინდა, სხვისას რას შესცქნავი?...

— კარგისა კი იშოვნეთ!—საოცარი, რაღაც სხვა ხმით უთხრა ქალმა და ილიას თვალებში შეხედა.

— თქვენზედ კარგს ღმერთი ვერ მომცემს!—ოხვრით და ღიმილით მიუგო ილიამ.

— რაც არ იცით, ნუ ამბობთ იმას...—ნელის ხმით მიუგო ვერამ.

— მაგან იცის... — სთქვა პავლემ, მოიღუშა, მიუბრუნდა ილიას და უთხრა;— გესმის, ხარ ასე შენთვის კარგათ და მხიარულად... მაგრამ მოგაგონდება ყველა... და ტყვიასავით დაგეძგერება გულში!..

— შენც ადექი და ნუ მოიგონებ, რა, — სთქვა ვერამ და თავი მაგიდისკენ გაღიხარა. ილიამ შეხედა და შეამჩნია, რომ ყურები დასწითლებოდნენ.

— ასე იფიქრე, — ნელის ხმით, მაგრამ დაბეჯითებით განაგრძობდა ქალი, — ერთი დღეა, მაგრამ ჩემია თქო!... არც მე მაქვს ადვილი ცხოვრება... მაგრამ დარდასა და სიხარულს კი არ გადურევ ერთმანეთში... — როგორც სიმღერაშია ნათქვამი — ტანჯვის ფიალას მე შევსვამ მარტო, სიხარულისას გავიზიარებ...

პავლე ყურს უგდებდა და უფრო იღუშებოდა. ილიამ რაიმე სანუგეშოს თქმა მოინდომა და ცოტა ხნის ფიქრის შემდეგ სთქვა:

— მაშ რა დაგრჩენია, თუ კი ვერა ხსნი კვანძსა? მე კი... აი, რას გეტყვით ორივეს: მე რომ ათასი, ათი ათასი მანათი მქონდეს — თქვენ მოგცემდით! მიყავით წყალობა და მიიღეთ-მეთქი, გეტყოდით... თქვენი სიყვარულისა და მეგობრობის გულისთვის... იმიტომ, რომ მე ვგრძნობ — თქვენი საქმე სუფთა, სინიღისიერი და წმიდა არის... დანარჩენის ცოდნაც კი არ მინდა!

ილიას გულში რაღაცამ იფეთქა და ცხელ ტალღათ მოედო მთელს მის არსებას. ის ფეხზედაც კი წამოდგა, როცა დანახა, რომ ქალს თავი აეწია და მადლიერის თვალებით შესცქე-

როდა და პავლეც ისე უღიმოდა, თითქოს კიდევ რაღასაც მოელოის ამხანაგისაგანო.

— მე პირველად ვხედავ ჩემ სიცოცხლეში იმისთანა სილამაზეს, როგორიც თქვენა გაქვთ... და პირველადვე ვხედავ როგორ უყვართ თურმე ადამიანებს ერთმანეთი... შენი ფასიც, პავლე, დღეს გავიგე პირველად... გიცქერით და, არ დაგიმაღავთ, მშურს თქვენი ბედნიერება... ნაღველითა ვარ სულ მთლად მოცული, მაგრამ მაინც ბედნიერი ვარ... ღმერთმა ჰქნას, რომ ეგრევე კარგათ დასრულებულიყოს თქვენი საქმე. დანარჩენის შესახებ კი... აი რას გეტყვით: ბილწი, უსუფთაო ხალხი არ მიყვარს... მაგრამ, იმავე მდინარეში ვბანაობ, რომელშიაც ისინი ბანაობენ... იმავე წყალს ვსვამ, რომელსაც ისინი სვამენ. ნუ თუ, იმათი სიბილწის გულისთვის მე მდინარეზედ უარი უნდა ვსთქვა? რადა? მე მრწამს და მჯერა, რომ ღმერთი უნდა სწმინდადეს მას.

— მართალს ამბობ, ილია! ყოჩაღ! — შესძახა გახარებულმა პავლემ.

— წყაროს წყალი სვით რა, — გაისმა ვერას ნელი, წკრი-  
ალა ხმა.

— მერე სად ნახავ? — დაეკითხა ილია. — ისევ ის სჯობს, ვერა, ჩაი დამისხათ!

— გვრიტიკო! — შესძახა ქალმა. — რა კარგი რამ ყოფილხართ!

— დიდათა გმადლობთ! — დინჯათ მიუგო ილიამ; დაუკრა თავი და დაჯდა.

ილიას სიტყვებმა და ამ პატარა სცენამ ღვინოსავით იმოქმედეს პავლეზედ. სახე წამოუწითლდა, თვალები გაუბრწყინდა; წამოხტა და ოთახში სიარული დაიწყო.

— ეჰ, დასწყევლოს ღმერთმა, რა კარგია ცხოვრება, როცა ადამიანნი ბავშვებსავეთ არიან! რა კარგი ვქენი, რომ წამოგიყვანე, ილია... დავლიოთ, ძმაო! დავვისხი, ვერუნკა...

— გამოცოცხლდა! — აღერსიანი ღიმილით სთქვა ქალმა და ილიას მიუბრუნდა: — აი, ასეა ყოველთვის — ხან განათდება მზესავით, ხან მოიღუშება, ჩამობნელდება და ვაბოროტდება...



— ეგ კარგი როდრა!—წარმოსთქვა მტკიცეთ ლუნეგმა და სამთავემ მხიარულად, უდარდელი სიცილით განაგრძეს ლაპარაკი.

კარები დააკაკუნეს და ვილაცამ იკითხა:

— ვერა! შეიძლება შემოვიდე?..

— მოდი, მოდი! აი, ილია იაკოვლევიჩი, ეს ჩემი მეგობარი ლიპაა...

ილია წამოდგა და კარებისაკენ მიბრუნდა. მის წინ მაღალი, წერწეტი ტანის ქალი იდგა და დამწვიდებული ცის-ფერი თვალებით იყურებოდა, მის ტანთსაცმელისგან სასიამო და დამბნინდავი სურნელება მოკანკარებდა. ლოყები ქორფა, ალის-ფერი ჰქონდა და თავზედ კუნაპეტსავეით შავი, საუცხოვოთ დაფარცხნილი თმა გვირგვინს მოგაგონებდათ.

— მარტოკა ვიყავ, — მომწყინდა... შენს ოთახში სიცილსა და ლაპარაკს მოვკარ ყური და წამოველი... ხომ არ დაგიშლით? აი, ერთი კვალერი უქალოთ არის... მე ამას გავართობ, — გინდათ?

— ქალმა კობტად მისწია ილიასკენ სკამი, ჩამოჯდა და ჰკითხა:

— მოგწყინდათ მაგათთან, არა? ეგენი არშიყობენ და თქვენ კი გშურთ, ხომ?

— მაგათთან რა მომაწყენს? — უთხრა ქალის სიახლოვით დარცხვენილმა ილიამ.

— აფსუს! — სთქვა დინჯად ქალმა, მიბრუნდა და ვერას დაელაპარაკა:

— ბცი — გუშინ საღამოს ლოცვაზედ ქალების მონასტერში ვიყავ და ისეთი მონაზონი ვნახე, რომ ჰა!.. საუცხოვო გოგონა იყო... უყურებდი და ვფიქრობდი: რად წასულა ეს საწყალი მონაზვნათ? მეტად მებრალებოდა საცოდავი.

— მე კი არ შევიბრალებდი, — მიუგო ვერამ.

— ჰო, მითომც! დაგიჯერებ, დიახ.

ილია ქალის ირგვლივ მოფენილ ტკბილ სუნს ჰყნოსავდა, შესტკეროდა მას გვერდიდან და მის ხმას გაუმადლოთ ყურს

უგდებდა. ქალი კი საკვირვლად დინჯათ ლაპარაკობდა და მის ხმაში ისეთი რაღაც გამოიხატებოდა, რაც აყუჩებდა კაცს და ადუნებდა: კაცს ეგონებოდა, ამის სიტყვებსაც ისეთივე სასიამოვნო, ხშირი და დამათრობელი სუნი აქვსთ, როგორც მის ტანთსაცმელსაო...

— იცი, ვერა, მე სულ იმაზედ ვფიქრობ—წავყვე თუ არა პოლუექტოვსა მეთქი?

— მე ვერაფერს გირჩევ, ჩემო კარგო...

— იქნება წავყვე... პოლუექტოვი ბებერია—ეს ერთი, მდიდარია—ეს მეორე... მაგრამ ძუნწი კია... მე ვეუბნები: ხუთი ათასი ხაზინაში შეიტანე ჩემ სახელზედ და თვეში ხუთმეტი თუმანი მაძლიე-მეთქი და არა შერება—სამი ათასი ხაზინაში და ათი თუმანიც თვეში შენაო...

— ლიპა! ნუ ლაპარაკობ მაგაზედ, — შეეხვეწა ვერა.

— კარგი, კარგი, აღარ ვილაპარაკებ, — დაეთანხმა დინჯათ ლიპა და ისევ ილიას მიუბრუნდა: აბა, ვილაპარაკოთ, ყმაწვილო... მე მომწონხართ... ლამაზი სახე გაქვთ და ჭკვიანი თვალები... თქვენ რას მეტყვით ამაზედ?

— რა შემიძლიან გითხრათ?—შეკრთომილი ღიმილით მიუგო ილიამ და იგრძნო, რომ ქალი თან-და-თან ღრუბელსავით ეხვეოდა ყოველი მხრით და თვისი სიმშვენურიტ ჰხიბლავდა.

— აბა რას მეტყვით? თქვენთან კაცს დაეძინება, ისე მოსაწყენი ყოფილხართ.. რა ხელობისა ხართ?

— ხელზედ მოვაჭრე...

— ჰოო? მე კი მეგონა სადმე ბანკში თუ მსახურებს-მეთქი, ან კაი სავაჭრო სახლში ნოქრად თუ არის-მეთქი. მეწვრილმანისთვის თქვენ მეტად კარგათ გამოიყურებით.

— მე სისუფთავე მიყვარს, — უთხრა ილიამ. მას საშინლად დასცხა და სუნნელოვანმა ჰაერმა თავს ბრუ დაახვია.

— სისუფთავე გიყვართ? ეგ კარგია... თქვენ მიხვედრილი კაცი ხართ?..

— როგორ მიხვედრილი?

— თქვენ მიხვდით თუ ჯერ ვერა, რომ ამხანაგს უშლით? — დაეკითხა ქალი.

— კი!.. ამსაათში წავალ!.. — მიუგო დარცხვენით ილიამ.

— დაიცადეთ! ვერა, ხომ არ გამიწყრები, რომ ეს ყმა-წვილი მე მოგტაცო?

— წაიყვა, თუ კი წამოგყვება! — სთქვა ვერამ და გაიცინა.

— სად უნდა წამოვიდე? — დაეკითხა აღელვებული ილია.

— წაჰყე, შე სულელო, — დაუყვირა პავლემ.

ილია იდგა თავ-ბრუ დახვეწილი და დაფანტულად იღიმებოდა, ქალმა ხელი წაავლო და დინჯი ლაპარაკით გაიყვანა ოთახიდან.

— თქვენ ველური კაცი ყოფილხართ, მე კი ჯიუტი და ჩემი ნება ვარ. თუ ჩავიდე გულში მზის ჩაქრობა, შევძვრები სახლის სართულზედ და იმდენ ხანს ვუბერავ, სანამ სული არ გამძვრება.. გაიგეთ, როგორი ვყოფილვარ?

ილია მისდევდა ხელი ხელს ჩაქიდული, არ ესმოდა, თითქმის არც კი უგდებდა ყურს იმის ლაპარაკს და ჰგონებდა მხოლოდ ერთს, რომ მის გვერდზედ მდგარი ქალი თბილია, რბილი და სუნნელოვანი...

ამ მოულოდნელმა და ჯიუტმა კავშირმა, პირველ ხანებში სულ მთლად მოიცვა ილიას ბუნება და ანაყი კმაყოფილების გრძნობა დაჰბადა მასში. ამან, ცოტა არ იყოს, თითქოს დაუსაღებუნა დაკოდილი გული და ცხოვრებისგან მიღებულ იარებს მალამო წასცხო. ის გრძნობა და ფიქრი, რომ ლამაზი და ფაქიზად ჩაცმული ქალი თავისუფლად, თავისნებით ეძლევა მას და თვის ძვირფასს კოცნის სანაცვლოდ არრას თხოულობს მისგან, უფრო უმატებდნენ ილიას სიამპარტავენეს და თვის ღირსებებზედ უფრო მალალ აზრისას ხდიდნენ. ამ დღის შემდეგ ილიამ ისე დაიწყო ცხოვრება, თითქოს დიდს, განიერ მდინარეში შესცურებულყოს და მის მშვიდ ტალღებს მისცემოდესო და ტალღები თითქოს მის სხეულსა და ჯანს იღუმალად ეალერსებიან და სიფხიზლე, სიმამაცეს ერთი-ათად უორკვევენო.

— ჩემო ძვირფასო ჟინო!— ეტყოდა ხოლმე ოლიმპიადა და თან ან მის ხუჭუქ თმებს ეთამაშებოდა, ან ახლად ამოხეთქილ კოკორ უღვაშს გადუსვამდა ხოლმე ხელსა.— რაც ხანი გადის, თან-და-თან უფრო ძლიერ მიყვარდები... საიმედო მძლავრი გული გაქვს და ვხედავ, რომ თუ მოინდომე რამე, უეჭველად მიაღწევ შენს მიზანს... ო, ეს ძალიან კარგი თვისებაა... მეც ეგრეთი ვარ... და ცოტა რომ ყმაწვილი ვყოფილიყავ, უსათუოდ ცოლად მოგთხოვდებოდი... მაშინ... ოო, მაშინ მთელ ჩვენ სიცოცხლეს ნოტებზე ჩავატარებდით...

ილია დიდის პატივისცემით და მოკრძალებით ეპყრობოდა ოლიმპიადას: ის ჰხედავდა, რომ ქალი ჭკვიანი იყო და, მიუხედავად თავისს უწმინდურ ცხოვრებისა, თავის მოყვარეობა ძლიერა ჰქონდა განვითარებული. სხეული ისეთივე მოქნილი და მაგარი ჰქონდა, როგორც ძლიერი, გულის სიღრმიდან ამონახეთქი ხმა და იგეთივე მწყობრი და მოყვანილი, როგორც ხასიათი. ილიას ძალიან მოსწონდა ქალის ფულის ყადრი, სისუფთავის და რიგიანობის სიყვარული, მისი დამოუკიდებელი ლაპარაკი და თავის ამაყად დაქერა. მაგრამ ხანდახან, ლოგინში მწოლარეს რომ მოასწრობდა და მის დათეთქვილ, დაჭმუჭვნილ სახეს და გაწეწილ თმას დაინახავდა— გულში ამ ქალისადმი რაღაც ბასრი ზიზლის გრძნობა დაებადებოდა და მის მღვრიე, თითქოს გახუნებულ თვალებს მკაცრად და ჩუმად ჩააცქერდებოდა და მისალმების სურვილიც კი ვერ მოეძებნა ხოლმე გულში.

ქალი უსათუოდ ჰხედავდა მის ამგვარ გრძნობას და ყოველთვის, ამისთანა შემთხვევებში, თავზედ საბანს წაიხურავდა და ეტყოდა:

— ვერასთან გადი!. ბებერს უთხარი, თოვლიანი წყალი მომიტანოს...

ილია გავიდოდა პავლეს მეგობრის სუფთა ოთახში და დაინახავდა თუ არა ვერა ილიას უკმაყოფილო და წარბ-შეკრულ სახეს, ისე გაიღიმებდა, თითქო ეს ყოფილიყოს დამნაშავე და

ამას მიეყენებინოს მისთვის უსიამოვნება. ერთხელ, ამისთანა დროს ვერა დაგიკითხა ილიას:

— რა, ილია იაკოვლევინი, ტკბილი ვერ არის განა ჩვენთან ცხოვრება?

— ეჰ, ვერა!— მიუგო ილიამ:— თქვენ ცოდვაც კი თოვლსავითა გაქვთ... ერთს გაიღიმებთ და შემოგადნებთ...

— რა საცოდავები ხართ შენ და პავლე!— შეიცოდა ქალმა.

ვერა უყვარდა ილიას, ბავშვსავით ებრალებოდა და წრფელის გულითა სწუხდა, როცა პავლესა და იმას უსიამოვნება მოუხდებოდათ ხოლმე და ყოველთვის გაბუტულ მეგობრებს ეს არიგებდა. მას ძალიან უყვარდა ვერას ოთახში ჯდომა და ცქერა, როცა ის თვის ოქროს ფერ თმებს ივარცხნიდა, ან და, როცა იკერავდა რამეს და ჩუმიდ ღიღინებდა. ხანდახან ქალის თვალებში ილია გულის დამწველ და დამდაგ სევდას ამოიკითხავდა, ხან უიმედო, მწარე ღიმილს შეასწრობდა ხოლმე თვალსა. ამისთანა წუთებში ილიას უფრო მეტად მოსწონდა ვერა და უფრო მძლავრად ჰგრძნობდა მის უბედურებას და როგორც კი შეეძლო, ნუგეშსა სცემდა ხოლმე. ქალი კი ამბობდა:

— არა, არ შეიძლება ასეთი ცხოვრება, ილია იაკოვლევინი, არა. აბა, დაფიქრდით ერთი!.. მე კიდევ ჯანი გამვარდეს... მეტის ღირსიც არა ვარ, მაგრამ პავლე რალად უნდა იღუპებოდეს ჩემთან ერთად?

— კაცია და ბუნება... თავისს ნებაა და იტანჯვის..

— თავისს ნება კია მერე?— ჩაეკითხა ქალი.

შათს მასლაათს ოლიმპიადა დაარღვევდა ხოლმე, როცა მთავარის ცივ შუქსავით უხმაუროდ, განიერ ცის-ფერ კაბაში გამოწყობილი გამოჩნდებოდა კარებში და ეტყოდა:

— წამო, ჩემო კარგო, ჩაი დავლიოთ!.. მერე შენც მოდი, ვერა...

ცივი წყლისაგან შეწითლებული, ჯანსალი, მძლავრი და მშვიდი ბავშვივით გაიყოლებდა ხოლმე ილიას. ილია უყურებდა და თავისს თვალებს აღარ უჯერებდა— ნუ თუ ეს

იყო, ამ ერთი საათის წინ, რომ ვნახე მითეთქვილი, გაბურძენული და ქუჩუციანო?

ჩაის სმის დროს ოლიმპიადა ეტყოდა ხოლმე:

— ეჰ, აფსუს, რომ გლები ხარ და ცოტა გისწავლია... ძნელია შენთვის ცხოვრება. ვაჭრობას კი მაინც უნდა დაანებო თავი და სხვა რამე უნდა სცადო. ცოტა დამაცა, მე გიმოვნი კაი ადგილს. როგორმე უნდა მოგაწყო... პოლუექტოვს რომ გავყვები, მაშინ ადვილად მოვახერხებ ყველას...

— რა, იძლევა ხუთიათასსა? — ჰკითხა ილიამ.

— ჯანიც არ გავარდება, — სთქვა დარწმუნებით ქალმა.

— მაგრამ, იცოდე, თუ მოვასწარი როდისმე შენთან, წიწილასავით წავგლიჯავ თავსა... — ზიზლით წარმოსთქვა ილიამ.

— რადა? ის შენ რას დაგიშლის?..

— ალბათ, რომ დამიშლის..

— ეჰ, კარგი ერთი და! იმ საზიზლარმა ბებრუცუნამ რა უნდა დაგიშალოს? — უთხრა ღიმილით ოლიმპიადამ.

— ილაპარაკე! მე ჩემ ხელებსა და ღონეს არ დავიშურებ და ცოდვა კიდევ დიდი არ იქნება, რომ მრუშე ბებერი გავსრისო...

— ის მაინც დააცალე, რომ ფულები მომცეს! — იცინოდა ქალი.

ვაჭარმა ყველაფერი აუსრულა, რასაც კი ოლიმპიადა სთხოვდა. დიდ ხანს არ გაუვლია, რომ ილია ოლიმპიადას ახალ სახლში იჯდა და იატაკზედ დაფენილ სქელ ხალიჩებს, ხავერდ გადაკრულ ძვირფასს ავეჯუეულობას ათვალიერებდა და საყვარელის მშვიდ ლაპარაკს ყურს უგდებდა. ოლიმპიადას დიდ სიხარულსა და ბედნიერებას ვერ ამჩნევდა ილია. ის ისევე მშვიდი და დინჯი იყო, როგორც წინათ; კაცს ეგონებოდა, კაბა გამოუცვლია მხოლოდ და არა მთლად ცხოვრებამ:

— ეხლა ოც-და-შვიდის წლისა ვარ, ოცდა ათისას ათი ათასი მექნება. ამოვკრავ მაშინ ბებერს ჭიტლაცსა და გაენთავისუფლდები... შენ მომებარე, მე გასწავლი ცხოვრების უნარსა!..

მართლაც, ილია მისგან სწავლობდა მიზნის მისაღწევით შეუდრეკლად მისწრაფებას. მაგრამ ხანდახან, გაიხსენებდა თუ არა რომ ოლიმპიადა თვის აღერსს ორადა ჰყოფს და ერთ ნაწილს სხვასაც აძლევსო, მიძიმე შეურაცხებას იგრძნობდა და თავს დამცირებულად იცნობდა ხოლმე. მაშინ უფრო ნათლად და აშკარათ აენტებოდა და აღევზნებოდა პატარა დუქნის და სუფთა, კოპწია ოთახის ოცნება, სადაც ოლიმპიადას მიიღებდა და მასთან ყოფნით, მისი აღერსით დასტკებოდა. ილია ჯერ არ იყო დარწმუნებული, უყვარდა ოლიმპიადა თუ არა, მაგრამ ეს კი იყო, რომ ეგონა—ეს ქალი, როგორც ჭკვიანი და კარგი ამხანაგი, ჩემთვის უსაჭიროებსობას შეადგენსო... ასე ამ ყოფით ორმა თუ სამმა თვემ გაიარა.

ერთხელ, ვაჭრობის შემდეგ, შინ რომ დაბრუნდა ილია, მეჩექმის სარდაფში ჩავიდა და გაკვირვებული შეჩერდა—მაგიდას ბედნიერად მოლიმარი ფერფიშკა და იაკობი უსხდნენ და წინ დიდი ბოთლით არაყი ედგათ. იაკობი გულით მაგიდას დაჰბჯინებოდა, თავს აქანდურებდა და ენის დაბმით ლაპარაკობდა:

— კიდე კარგი, თუ ღმერთმა ყელაფერი უწყის... და ყველასა ჰხედავს... მაშინ მეც დამინახავდა... ყველამ ხელი აიღო ჩემზედ... და მარტოდ მარტო ვარ!.. მამასაც ვეჯავრები... ის დიდი გაიძვერაა, ყაჩალი და უსინიღისო,—არა?

— მართალია, იაშა! კარგი კი არ არის, მაგრამ მართალია, რასაც ამბობ!—უთხრა მეჩექმემ.

— ჰო და!.. როგორ იცხოვროს კაცმა? რა უნდა სწამდეს?... — თავის ქანდურით ეკითხებოდა იაკობი და თან ძლივს აბრუნებდა ენას.

— მამას ვერ დავუჯერებ, მე იმის რჩევაზედ ვერ წავალ... ილია მოგვმორდა... მაშო პატარაა... სად არის ხალხი, პერფიშკა? არა, არავინაა ქვეყნიერობაზედ, არავინ!..

ილია იდგა კარებში, ამხანაგის ლაპარაკს ყურს უდებდა და რაღაც ისეთ უსიამოვნობას ჰგრძნობდა, რომ სული ეხუთე-

ბოდა, თითქოს გულზედ ჭახრაკები მოუჭირესო. ილია ჰხედავდა, რომ იაკობის წვრილ კისერზედ თავი უიმედოთ ქანაობდა, ჰხედავდა პერფიშკას გამხდარ და გაყვითლებულ სახეს, ნეტარის ღიმილით განათებულს, ჰხედავდა ყველა ამას, მაგრამ როგორღაც არ უჯერებდა თავის თვალებს; მას არა სჯეროდა, რომ მის წინ მშვიდი და ჩუმი იაკობი იჯდა ამ მდგომარეობაში. ილია მიუახლოვდა იაკობს და საყვედურით ჰკითხა:

— მაგას რას სჩადი, ჰა?

იაკობი შეკრთა, შეხედა შეშინებულის თვალებით ამხანაგს და, ძალ - დატანებულის ღიმილით, შესძახა:

— ოჰ, ილია?... ეგ არაფერია! მე მამა მეგონე...

— მაინც, რას სჩადი-მეთქი?—დაეკითხა მეორედ ილია.

— შენ ილია იაკოვლიჩი, იაკობს თავი დაანებე, — დაიწყო პერფიშკამ, წამოდგა სკამიდან და ქანაობით სიარული დაიწყო: — მაგას სრული უფლება აქვს... კიდევ მადლობა შენთვის, ღმერთო, რომ სვამს....

— ილია! — შეჰღრიალა ტირილით იაკობმა. — მამამა... მცემა!

— ჭეშმარიტებაა, — მე მოწამე ვარ! — გამმოაცხადა პერფიშკამ და გულში მუშტი ჩაირტყა: — მე ყველაფერი დავინახე... თუ გინდა, დავიფიცავ! კბილებიც ჩაამტვრია და ცხვირიც გაუტეხა... ჰო..

მართლაც იაკობს სახე დასიებული და ჩალურჯებული ჰქონდა, ზეითა ტუჩი გადმოვარდნოდა, იდგა ამხანაგის წინ, საბრალოთ იღიმებოდა და ეუბნებოდა:

— განა, შეიძლება ეხლა ჩემი ცემა? — მე ცხრამეტი წლისა ვარ... არც არაფერი დამიშავებია.

ილია ჰგრძნობდა, რომ ვერც ნუგეშსა სცემდა ამხანაგს და ვერც გაამტყუნებდა.

— რისთვისა გცემა?..

იაკობმა ტუჩები ააცმატუნა, რაღაც უნდოდა ეთქვა, მაგრამ ვერ მოახერხა. სახე დაეღმიჭა, დავარდა სკამზედ, წაივლო თავში ხელები და სლოკინ-სლოკინით შეჰღრიალა. სკამზე როცა



ეცემოდა, პერფიშკამ შეიმაგრავ, მაგრამ იმ წუთსვე მოშორდა, არაყი დაისხა და სთქვა:

— დეე იტიროს... კარგია, როცა კაცს ტირილი შეუძლიან... მაშოც გაჭივის რაც ძალი და ღონე აქვს... თვალებს ამოგაკაწრავო — ჰყვირის! ხე, ხე!.. მატყასთან გავგზავნე...

— რაზედ მოუვიდა იაკობს მამასთან უსიამოვნება? — იკითხა ილიამ.

— ე მაგას მე ვიამბობ... მივიდა ბიძა შენი, ტერენტი პეტრუხასთან და ეუბნება: ნება მომეცი კიევში წავიდე, წმინდანებს თაყვანი ვცე და ჩემი ცოდვილი სული შევავედროვო... პეტრუხას გაეხარდა კიდევ: დიდი ხანია მისი კუზი თვალებსა სჩხვლიტავდა და, სული სწორედ უნდა ამოვიდეს, დიდი ხანია ტერენტის მოშორება უნდოდა... ყველა საქმეში როდია ამხანაგი კარგი და სასურველი, ხე, ხე!.. კარგი, წადიო და მეც არ დაგავიწყდე, მეც შემავედრო... უცბათ იაკობიც გაჩნდა იქა, მეც გამიშვი, მამაო...

პერფიშკამ თვალები გადმოიბრუნა, ბრაზიანი სახე გაიხადა და ყრუ ხმით შეჰღრიალა:

— რაო?.. მეც გამიშვი, მამაო?.. როგორ თუ გამიშვიო? — მეც შენთვის მინდა ვილოცო, რომ გეპატიოს შენი ცოდვებიო... პეტრუხამ შეჰყვირა: მე შენ გალოცებ! იაკობი თავისას გაიძახის — გამიშვი, შეილის ლოცვას შეიწყნარებენ წმინდანნიო... აქ კი ჩასცხო პეტრუხამ ცხვირპირში, ერთი თუ ორი, ერთი თუ ორი...

— აღარ შემძლიან იმასთან ცხოვრება! — შეჰღრიალა იაკობმა, — მე წავალ! თავს ჩამოვიხრჩობ! რისთვისა მცემა? რისთვის? მე წრფელის გულით ვუთხარი...

ილიამ ველარ აიტანა მეგობრის ყვირილი და მხრების აშშუშვნით სარდაფიდან გავიდა. ის ამბავი, რომ ბიძა სალოცავად მიდიოდა, მისთვის სასიამოვნო იყო: წავა ბიძა და ესეც მოშორდება ძლივს ამ დაწყევლილ სახლს, დაიჭერს ცალკე პაწაწა ოთახს და იცხოვრებს მარტო...

ილია რომ შევიდა თავისს ოთახში, უკან ტერენტი მიჰყვა. სახე გაბრწყინებული ჰქონდა, თვალები უცინოდნენ; მიუახლოვდა ილიას და უთხრა:

— მივდივარ, ძმაო! ღმერთო, რა მიხარიან... თითქოს ორმოდან ამოველი, ან ეს არის ეხლა გამომიყვანეს სატუსალოდან თავისუფალ ჰაერზედ... ალბათ, მიიღებს ის ჩემ ლოცვა-ვედრებას, რომ ეხლავე გამანთავისუფლა და შემიმსუბუქა ტანჯვა:.

— იცი, იაკობს რა უქნია?—დაეკითხა უგულოთ ილია.

— რა?

— გამობლენილა...

— ოოო! კარგი ვერ უქნია! აბა უყურე, ჯერ პირზედ დედის რძეც არ შეშრობია და ლოთობს კიდევცა, ჰა!.. ჩემთან კი უნდოდა წამოსვლა...

— მამამ ნომ შენთანა სცემა იაკობს?

— ჰო.. მერე რა იყო?

— მერე ვერ შეგიგნია, რომ იმიტომ დამთვრალა?—დაეკითხა მკაცრად ილია.

— მითომ მაგიტომ? მართლა, შეიძლება...

ილია ნათლად ჰხედავდა, რომ იაკობის სვე-ბედი ბიძას სრულიად არ ეკითხებოდა და ამან უფრო შეაძულა ტერენტი. ილიას ჯერ არც ერთხელ არ ენახა ტერენტი ასე გახარებული და ეს სიხარული, იაკობის ცრემლების შემდეგ, რაღაც გაუგებარ მღვრიე გრძნობას იწვევდა მასში. ილია ფანჯარას მოუჯდა და ბრძანების კილოთი უთხრა:

— წადი დუქანში..

— იქ თითონ პეტრუხა... მე შენთან მოსალაპარაკებლად მოველი...

— რა იყო... რა გინდა?

კუზიანი მიუახლოვდა და საიდუმლოებით დაიწყო:

— მე საცაა წავალ და შენ მარტოკა დარჩები აქ, მაშასადამე...

— სთქვი, რაღა ენა გებმის?— დაუყვირა. ილიამ.

— ბარემ მეც მინდა, რომ უცხად გითხრა...—თვალების ხშირი ხამხამით, დაბალის ხმით უთხრა ტერენტიმ, — ადვილი არ არის...

— ჩემ შესახებ გინდა მითხრა რამე?

— ჰო, შენ შესახებაც... მაგრამ სხვა რამეც.. აქ ყოფნის დროს ცოტა ოდენი ფული მოვაგროვე..

ილიამ შეხედა და ცუდათ ჩაიცინა.

— რა იყო?—დაეკითხა შემკრთალი ბიძა.

— ვიცი... კარგი, ვსთქვათ, მოაგროვე, მერე?—უთხრა ილიამ ისე, რომ სიტყვა „მოაგროვე“ უფრო მკაფიოდ და გარკვევით გამოსთქვა.

— ჰო და...—დაიწყა ტერენტიმ და თან თვალი აარიდა ილიას:—ორასი მანათი მონასტერს მინდა შეეწირო...

— მერე?

— ასი შენ მინდა მოგცე...

— ასი?—აჩქარებით დაეკითხა ილია და მიხვდა, რომ ბიძისგან თურმე უფრო მეტის მოლოდინი ჰქონოდა გულში. ილიას ეწყინა და შერცხვა ამ ცუდი იმედისაც და ბიძის მაგიერადაც, რომ ასე ცოტას მაძლევსო. ილია ფეხზედ წამოდგა, წელში გაიშალა და მკაფიოდ, ბოროტად წარმოსთქვა:

— არ მინდა მე შენი მოპარული ფულები... გესმის?

კუზიანმა წაიბოროძიკა და გადაფითრებული ლოგინზე ჩამოჯდა. მთლად მოკრუნჩხული და პირ-დაღებულის შესცქეროვდა ილიას რაღაც სულელურის გამომეტყველებით და სდუმდა.

— რაღას მიყურებ? არ მინდა-მეთქი, მგონი, აშკარად გითხარი.

— ეჰ, ღმერთო ჩემო!—ხრინწიანის ხმით წამოიძახა ტერენტიმ:—დაიცა, ჩემო კარგო! მერე, როგორ არ გინდა?

— რაი?—დაეკითხა ილია, როცა შეატყო, რომ ტერენტის რიღასიც თქმა უნდა და ვერ მოუხერხებიაო.

— ილიკო... შენ შვილის მაგიერი იყავი ჩემთვის... მძიმე ოხვრით და თითქმის ჩურჩულით ამბობდა ტერენტიმ:—მე მხოლოდ შენთვის, შენი ბედისთვის ჩავიდინე ცოდვა...

გამომართვი ფული... გამომართვი, თუ ღმერთი გწამს!.. თორემ არ შემინდობს მე ღმერთი...

— ჰოოო? — დაცინვის კილოთი შესძახა ილიამ. — ანგარიშებით მიდიხარ ღმერთთანა, ჰა?.. ე, თქვე ავაზაკნო! მე გთხოვე, პაპა ერემის ფულები მოჰპარე-მეთქი? მერე რა კაცი გასცარცვეთ, რა კაცი?

— ილიკო! შენ არც ის გითხოვნია, რომ ეშვეთ შენ დედ-მამას — ხელის გაწოდებით უთხრა ბიძამ, — არა, ფული გამომართვი, თუ ქრისტე გწამს, გამომართვი! ნუ წამწყმინდავ... დაებრუნდები და სულ შენ მოგცემ... მანამ კი ეგ იქმარე... ჩემო კეთილო! ღმერთი არ შემინდობს ცოდვას, თუ შენ არ გამომართვი...

ტერენტი ემუდარებოდა თავის ძმისწულს, ტუჩები უცახცახებდნენ და თვალებიდან შიში გამოსჭვიოდა. ილია უყურებდა და ვერ გაეგო — ეცოდებოდა ბიძა თუ არა?

— კარგი! გამოგართმევ... — უთხრა ილიამ და იმ წამსვე კარში გავიდა. თავისი გადაწყვეტილება თითონაც არ მოეწონა, რადგან თავისსავე თვალში ამდაბლებდა მას. ან რაში ეკნაჭება ასი მანათი? ასი მანათით რა გაკეთდება? აქ გაიფიქრა, ბიძას ასო მანათის მაგიერ რომ ათასი მაინც მრეცა, ჩემს მოუსვენარ, ბნელ ცხოვრებას სუფთა და ადამიანურ ცხოვრებაზედ შეესცვლიდიო, რომელიც უსათუოდ ხალხის მოშორებით და განმარტოებით დაიწყებდა დენასაო. რა იქნება, რომ ვკითხო: მეძონძის ფულებიდან შენ წილად რამდენი შეგხვდა - მეთქი? მაგრამ ეს აზრი იმ წუთსვე საზიზღრად ეჩვენა...

იმ დღის შემდეგ, რაც ილიამ ოლიმპიადა გაიცნო, ფილიმონოვის სახლი უფრო ჭუჭყიანად და საძაგლად ეჩვენებოდა, ვიდრე წინად. სივიწროე და მისი მუდმივი ჭუჭყი რალაც გულის ამრევ საზიზღარ გრძნობებს ჰბადავდნენ მასში. ამ გრძნობებმა დღეს უფრო შეაწუხეს ილია, უფრო მძლავრად დაუწყეს მის გულს ქენჯნა და სული შეუხუთეს. გულის გადასაყოლებლად, სახლში რომ ვეღარ გასძლო, მატრიცასთან წავიდა, თუმცა საქმე არაფერი ჰქონდა მასთან, კიბეზე რომ მიდიოდა, რალაც

წინასწარმეტყველურმა გრძობამ გაუელვა გულში და გაიფიქრა—ეს სახლი ოდესმე რაღაც საშინელს და მოულოდნელს რამეს ჩამადენინებსო.

ამისთანა აზრებით შევიდა მატეცასთან და დედაკაცი საწოლის გვერდით სკამზე მჯდარი დაინახა. ქალმა გადახედა ილიას და თითის ქნევით, სისინით რაღაც წაიჩურჩულა, თითქოს ქარმა დაჰქროლაო:

— ჩუ! სძინავს!..

ქალის ლოგინზედ მაშო მოკუნტულიყო და ეძინა.

— როგორ მოგწონს?—ჩურჩულებდა მატეცა, მკაცრად გადმობრუნებული თვალებით.—ეხლა ბავშვების ცემაც და გაწყვეტაც დაიწყეს. მაგ დაწყვეტილმა იროდებმა. ოი, გაუსკდეთ მაგათ დედამიწა და ჩაიტანოს თანა...

ფეჩთან მდგარი ილია ყურს უგდებდა, ათვალიერებდა რაღაც ძონძებში გახვეულ მაშოს და ჰფიქრობდა: რა მოვლის ეხლა ამ გოგოს და რა გადახდება კიდევ ცხოვრებაშიო?..

— იცი, რომ ნაწნავები დააგლიჯა ამ საბრალოს იმ უსინდისო ქურდმა და მტაცებელმა? შეილსაცა სცემა, ამასაც და იმუქრება სახლიდან გაგრეკავთო? იცი? სად წავა ეხლა ეს საბრალო?

— იქნება მე ვუშოვნო ადგილი, ..—სთქვა ჩაფიქრებულმა ილიამ და მოიგონა, რომ ოლიმპიიდა მოსამსახურე-გოგოს დაეძებდა იმ ჟამად.

— შენა?—საყვედურით ჩურჩულებდა მატეცა:—შენ ისე დადიხარ, გეგონება დიდი ბატონიაო... იზდები, როგორც ახალგაზდა მუხა, არც ჩრდილი ვიცი თ შენგან, არც სოკო... შენ დიდი ხანია შეგეძლო ეგ გექნა... განა არ გებრალემა საცოდავი ბავში?..

— დაიცა, ნუ კი სისინებ!—უთხრა გაჯავრებულმა ილიამ და დაინახა, რომ მშვენიერი მიზეზი გაუჩნდა ოლიმპიადასთან წასასვლელად.

— რამდენი წლისაა მაშეიკო?—იკითხა ილიამ..

— თხუთმეტისა.. მა რამდენისა იქნება? მერე რა არის, რომ თხუთმეტისაა? თორმეტიც ბევრია ამისთვის... სუსტია, სულ ბავშვია ჯერა! რის მაქნისია?! რა საციცოცხლოა? სძინებოდა ესე და აღარ გამოღვიძებოდა მეორედ მოსვლამდის— ის ვერჩინა...

ილია გაბრუებული თავით გავიდა მატყას ოთახიდან.

ერთს საათს შემდეგ კი ოლიმპიადას კარებთან იდგა და ელოდებოდა, როდის შემიშვებენ სახლშიო. კაი ხანი იცადა, ბოლოს კარებს უკან ვილასიც წვრილი და უკმეხი ხმა გაისმა:

— ვინა ხარ?

— მე ვარ..— მიუგო ლუნევა და თან უკვირდა, ვინ არის ეს და ვინ მეკითხებაო. ოლიმპიადას პირ წაყვავილარს დედაკაცი ბოხის ხმით ლაპარაკობდა და ხმა ამოუღებლივ აღებდა ხოლმე კარებს.

— ვინ გინდათ?— გაიმეორეს კარებს იქით.

— ოლიმპიადა დანილოვნა შინ არის?

კარები გაიღო და უცბათ ილიას სახეში სინათლემ შეუჭვრიტინა— ყმაწვილმა უკან გადასდგა ნაბიჯი და თვალებს არ დაუჯერა.

მის წინ განიერ მაყვლის ფერი ხალათით და აცახცახებულს ხელში სანათით. პატარა ტანის მოხუცი იდგა, თავი თითქმის სულ მთლად მოტვლებილი ჰქონდა, მხოლოდ ერთი ყურიდან მოყოლებული მეორემდის თხელი თმა ჰქონდა ამოსული და ნიკაპზედაც რამდენიმე ჭალარა ბანალი ეკიდა, რომელნიც საცოდავთ უცანცარებდნენ. მოხუცი შეჰყურებდა ილიას, წვრილი თვალები ეშმაკურად უბრწყინავდნენ და ჯაგარსავით მაგარი ბანლით დაფარული ზედა ტუჩი უთამაშებდა. გამხმარ ხელში სანათი უცახცახებდა.

— ვინა ხარ, შემოდი... შემოდი..— ამბობდა მოხუცი აკანკალებულის ხმით, — ვინა ხარ?

ილია მიხვდა, ვინც იდგა იმის წინ. მან იგრძნო, რომ სისხლი ეცა სახეში და გულში რაღაც საძაგელი და საზიზღარი.

გრძნობა აემღვრა.—აა, აგერ თურმე ვინა ყოფილა მისი თანამოზიარე სუფთა და ლამაზი ქალის აღერსში.

— მე ვაჭარი გახლავართ...—ყრულ წაილაპარაკა ილიამ და გადააბიჯა კარის ზღრუბლს ფეხი.

მოხუცმა ჩაუკრა ცალი თვალი და გაუცინა. პოლუექტოვს უწამწამო თვალის ქუთუთოები წითლები ჰქონდა; პირში რამდენიმე ყვითელი კბილი-ლა შერჩენოდა.

— აა, ახალგაზდა ვაჭარი? ხე, ხე! რის ვაჭარი ხარ, ჰა? ეშმაკურის ღიმილით ეკითხებოდა მოხუცი და თან სანათს უახლოვებდა სახესთან, რომ უკეთ გაეშინჯა მოულოდნელი სტუმარი.

— მეწვრილმანე ვარ... ვვაჭრობ დუხებით, ძაფებით, ნემსებით და სხ.-და-სხ. წვრილმანი საქონლით...— ჭუბნებოდა ილია თავჩალუნული და ჰგრძნობდა, რომ თავ-ბრუ ეხვეოდა და თვალები უჭრელდებოდნენ.

— ეგრე, ეგრე.. ლენტები, ბუზმენტები... სულიკოები, მეგობრები.. ჰო, რა გინდა მერე?

— მე ოლიმპიიდა დანილოვნა მინდა ვნახო.

— ჰოო? ოლიმპიიდა? მერე რასთვის გინდა?

— მე... ფული მაქვს მისაღები..—ძლივს წარმოსთქვა ილიამ.

ილია რალაც გაუგებარს და მისთვისვე უცნობ შიშსა ჰგრძნობდა ამ მოხუცის წინ და იმოდენად ეზიზღებოდა, რომ მის ცქერასაც კი ველარ იტანდა. მის დაბალ და წვრილ ხმაში, ისევე, როგორც მის გაიძვერა თვალებშიც, იყო ისეთი რალაც, რაც გულს უღრღნიდა, ამცირებდა და გესლსა ჰგვრიდა ილიას.

— ფული? ვალი... ჰა? კარგი...

მოხუცმა უცბათ სანათი ჩამოაშორა, ფეხის თითებზედ შესდგა, მიუახლოვა თვისი დამკვნარი ყვითელი სახე და გესლითა და შხამით სავსე სიცილით ჰკითხა:

— ბარათი სადღაა? მომე ბარათი!

— რა ბარათი?—შეშინებულმა უკან გაიწია და დაეკითხა ილია.

— შენი ბატონისაგან! ბარათი ოლიმპიადა დანილოვნასთან გამოტანებული? ხომ მოიტანე? ჰმ? მოიტა! მე გადავცემ, აბა, ჩქარა, ჩქარა! — ბებერი ზედ ვარდებოდა და ილია კარებთან მიჭუჭქნა. საცოდავს შიშისაგან პირი გამოუხმა.

— მე არაფერი ბარათი არა მაქვს! — მალლა და სასოწარკვეთილად შესძახა ილიამ და იგრძნო, აი, ამ საათში რაღაც არა ჩვეულებრივი მოხდებოდა.

მაგრამ ამ დროს მეორე მხრიდან მალალი და წერწეტა ტანის ოლიმპიადა გამოჩნდა. ქალი მიუახლოვდა და დამწვიდებული გაჩერდა — თვალების დაუხამხამებლივ გადახედა ილიას მოხუცის მხრებიდან და მშვიდის, უშფოთველის ხმით დაეკითხა:

— რა ამბავია, ვასილ გავრილიჩ?

— ვაჭარი გახლავთ. აი! ვალი გქონიათ რაღაცა. რაღაცეები გიყიდნიათ ამისგან და ფული კი არ მიგიციათ... ხე, ხე! ჰო, და აგერ მობრძანებულა ეხლა...

მოხუცი ქალის წინ ტრიალებდა და გესლიანი თვალებით ხან ილიას აკვირდებოდა, ხან ოლიმპიადას. უკანასკნელმა ხელით ჩამოიშორა მოხუცი, ჩაბყო ჯიბეში ხელი და მკაცრის ხმით დაელაპარაკა ილიას:

— რა, სხვა დროს ვერ მოხვიდოდი?

— ჰო! — შეჭკივლა მოხუცმა. — სულელი. იმ დროს მოდიხარ, როცა საჭირო არა ხარ, ჰა? ვირი!

ილია გაქვავებულსავით იდგა.

— ნუ ჰყვირით, ვასილ გავრიელიჩ! არ შეგფერით, — სთქვა ოლიმპიადამ და მიუბრუნდა ილიას: — რა გეკუთვნის, სამი და ორი აბაზი, არა? აჰა, მიიღე...

— და გაიგავე! — კიდევ დაიყვირა მოხუცმა, — მოითმინეთ, მე თითონ დავკეტავ, მე... მე!..

მოხუცმა ხალათი მოიხურა, გააღო კარი და დაუყვირა ილიას:

— გასწი!

ილია მოკეტილ კარებთან იდგა ყინვაში, გამოყრუებულად შეჭყურებდა მას და არ ესმოდა, ცუდი სიზმარი ნახა,



თუ ცხადი იყო ყველა ეს? ერთ ხელში ქუდი ეჭირა, მეორეში კი მაგრა ჩაებლუჯა ოლიმპიადასაგან მიღებული ფული. კაი ხანს იდგა ასე, სანამ ყინვამ კახრაკები არ მოუჭირეს თავში და ფეხებმა ტეხა არ დაუწყეს. მაშინ კი დაიხურა ქუდი, ჩაიდო ფული ჯიბეში, ხელები პალტოს სახელოებში შეჰყო, მოიკრუნჩხა და თავ-ჩაღუნულმა გასწია ქუჩისაკენ. მას ეგონა, გული გამყინვია, მისი ძგერა შემჩერებია და თავში რაღაც მძიმე რამეები მიგორავენ და საფეთქელში მცემენო... მის წინ ცივი სინათლით განათებული მოხუცის ბნელი ფიგურა მისცურავდა... და მისი გამარჯვებული სახე გესლიანად და ეშმაკურად უღიმოდა....

(შენდეგი იქნება)

# ს ე ნ თ ი \*

რუს-ოსმალის (1877—1878 წ.) უკანასკნელ ომის  
დროის ისტორიული რომანი

რ ა ვ ვ ი ს ა

(თარგმანი სომხურიდან)

XXII

ბ. სალმანის ბაგრევანდის მაზრაში შესვლის ერთი თვის წინათ არზრუმელმა მექარვანე ჰაჯი. მისაქამ თავისი ჯორების ქარავანი დააბარგა და არზრუმის გზას გაუდგა. მისაქას „ჰაჯი“ მიტომ დარქმეოდა, რომ წმ. იერუსალიმს ორჯელ ყოფილიყო სალოცავათ და თუ ღმერთი აღირსებდა—ერთხელ კიდევ აპირებდა წასვლას, რათა აღთქმული რიცხვი შეემთავრებინა. საზოგადოთ მისაქა კეთილი ქრისტიანი იყო, მისი ღვთის მოსავეობა ხომ თითქმის ფანატიკოსობამდე მიდიოდა.

გზათ მდებარე ყოველ ქალაქში, სოფელში თუ სადგურზე ჰაჯი მისაქას ყველა იცნობდა. ოც წელზე მეტი იყო, რაც თავისი კირკიტი ჯორებით ქსელავდა მცირე აზიისა და სომხეთის გზებს და ერთი ადგილიდან მეორე ადგილს მძიმე საპალნეები გადაჰქონდ-გადმოჰქონდა. იგი ერთი ჩასხმული, მაგარი, შუათანა ტანისა და საშინელი სხლარტი (მსწრაფლ-მოძრავი) ვინმე იყო. მისი სახის მოყვანილობის გარჩევა სწორეთ

შეუძლებელი იყო, რადგან მთელი სახე ხშირი ბალნითა ჰქონდა დაფარული; მარტო ოდენ უშველებელი სომხური ცხვირი უჩანდა, აგრეთვე მოელვარე თვალები, რომელთა სიღრმე იაც მუდამ გულ-კეთილობის ბრწყინვალე შუქი გამოკრთოდა.

რომელ მხარესაც-კი ჰაჯი მისაქა გაივლიდა, ყოველგან საერთო მხიარულებას იწვევდა. ვინ გინდა, რომ მის მოლოდინში არ ყოფილიყო? ვაჭარი საქონელს ელოდდა, ცოლი— შორს გადახვეწილი ქმრის წერილს, გზათ მყოფი წვრილი და მსხვილი მოხელენი-კი სხვა და სხვა საქმელ-სასმელისა და ჩაცმადანსურვის საგნებს. მისაქას ქარვანის მისვლასვე ელოდდა აგრეთვე მრავალი ავადმყოფობისაგან დასუსტებული, გზათ დავარდნილი ბედის მძებნელი სომეხი, რომ სამადლოთ სასურველ ადგილს მიეყვანა. რადგან ჰაჯი მისაქა მუდამ მზათ იყო გაჭირვებულს დახმრებოდა, ამიტომ ნაცნობთა შორის დიდი სიყვარული და პატივისცემა ჰქონდა დამსახურებული. — „ჰაჯი მისაქ დაბრუნებისას რამდენიმე ოყა (შ გირვანქა) თუთუნის მომიტანე“, — „ჰაჯი მისაქ, ყავა გაგვთავებია, მოგვიტანე“, — „ჰაჯი მისაქ, ეს ზეითუნის ზეთი ჩვენსა წაიღე,“ — ამ გვარ დანაბარებს ყოველთვის დაუზარებლივ უსასყიდლოთ ასრულებდა და თუ საჭირო იქნებოდა — თავისასაც ზედ ადებდა. ამიტომაც იყო, რომ გზების მცველნი ცუდათ არ ეპყრდბოდნენ: საბაჟოებს მუდამ უვნებლათ სცილდებოდა და არც თუ მოხელენი აწუხებდნენ.

მექარვანეს, მეტადრე ცნობილს მექარვანეს აღმოსავლეთში დიდი ნდობი აქვს მოპოვებული. მას ატანენ უძვირფასეს საქონლის ცალეებს, ოქრო-ვერცხლით სავსე ჰარკებს და სხ. არც ბარათი, არც არა სხვა რამ თამასუქი, მიაქვს მიბარებული საქონელი თუ ფული და უვნებლათ აბარებს დანიშნულებისამებრ.

ყველგან იცოდნენ, ჰაჯი მისაქას როდის უნდა გაევიდა. მისი ქარვანის მისვლა-მოსვლა იმდენათ წესიერი იყო, რომ, თუ არ რაიმე შემთხვევა, დანიშნულ დროს ერთი საათითაც არ გადააცილებდა. მაგრამ ამ ხელათ-კი მისი ქარვანი ძალიან მძიმეთ მიემართებოდა. მიუხედავათ იმისა, რომ საპალნე თვალით პატარა ჩანდა, სიმძიმით კარგა მძიმე იყო. საპალნის მე-

ტი წილი რკინის სალტებით დაშარტული ოთხ-კუთხა და მოგრძო ყუთები იყო, რომლებსაც ინგლისურად ეწერა: „სპარსეთს“ და „თეირანს“. ქარვანი უფრო ღამით დადიოდა. ჰაჯი მისაქა გაიძახოდა—დღის საშინელ სიცხეში ჯორებს ვერ დატანჯავო...

ქარვანზე ერთი სხვა პირიც იყო, რომელიც თავის თავს მელიქ-მანსურს უწოდებდა. ხელობით ვაჭარი იყო და, როგორც თითონ ამბობდა—სპარსელი სომეხი.

უკანასკნელი 20-30 წლის განმავლობაში სპარსეთის მთავრობამ შეიარაღების საქმეში კარგა დიდი ცვლილება მოახდინა, ასე რომ ამ საქმეს ევროპიული სახე მისცა. ამ გარემოებამ სომხებს ვაჭრობის სულ ახალი ასპარეზი გაღუშალა წინ და იმათაც მთავრობისთვის საჭირო იარაღის ზიდვას მიჰყვეს ხელი. მელიქ-მანსურიც სწორეთ ამ გვარ ვაჭართა რიცხვს ეკუთვნოდა და ჯორებზე გადაკიდებული მძიმე ყუთებიც მის საკუთრებას შეადგენდა. საბაჟოებში ამ ყუთებს განსაკუთრებულ ყურადღებას არ აქცევდნენ, რადგან, როგორც „ტრანზიტის“ საქონელი, სპარსეთში უნდა გაეტანათ. ტრაპიზონისა, არზრუმისა და ბაიაზეთის გზით ამ გვარი საქონლის შეტანა სპარსეთში ახალი საქმე არ იყო.

მელიქ-მანსური ასე 36 წლის კაცი იქნებოდა, საკმაოდ სანდოშიანი სახისა; მისი მუდამ მხიარული, სიცილის მომგვრელი ხასიათი და, ცოტა არა, ყბედი ენა რაღაც სიცოცხლის ელფერს აძლევდა მისსა და ჰაჯი მისაქას საუბარს, მეტადრე როდესაც შორს ქვეყნებში მოგზაურობის დროის შემთხვევებით სავსე თავგადასავალს უამბობდა. ქარვანის მომამბეზრებელი და გულის გამაწვრილებელი მგზავრობის დროს ამ გვარი ამბების თხრობა სწორეთ მისწრებაა ხოლმე. უფრო საყურადღებო იყო იმ სომხის „მატანტალა ურის“, (როგორც მას უწოდებდნენ) მარცხენა ხელის სამი თითის მოჭრის ამბავი, რომელიც ინდოეთში შემთხვევად ველურებთან ბრძოლის დროს.

მელიქ-მანსური მრავალ აღმოსავლეთისა და დასავლეთის ენაზე ლაპარაკობდა და რადგან მთელი თავისი სიცოცხლე

ადამიანთა შეხლა-შეჯახებაში გაეტარებინა, ამიტომ ყოველი მათი ეშმაკობა-გაიძვერაობა კარგათ ჰქონდა შესწავლილი და ისიც კარგათ იცოდა, სად როგორ უნდა მოქცეულიყო. სწორეთ ეს იყო მიზეზი, რომ ნამდვილათ ისეთი არ იყო, როგორც გარეგნულათ გამოჩანდა. ამ საიდუმლოებით მოცულ ადამიანს ჰაჯი მისაქა მინც განსაკუთრებული პატივისცემით ეპყრობოდა, მაგრამ მარტო იმიტომ-კი არა, რომ, როგორც ქარვანის მებატრონე მოვალე იყო თავისი მოქირავნისთვის პატივი ეცა, არამედ უფრო იმიტომ, რომ ამ კაცში კიდევ რაღაცას ვპოვებდა, რაც მართლა პატივ საცემი იყო.

რომელ ქარვასლაშიაც-კი მელიქ მანსური ჩამოხტებოდა, მებაკეები ძალიან ემადლიერებოდნენ, რადგან ხელ გაშლილათ იქცეოდა და ფულს ბზესავით აბნევდა.

— ძალიანა რყენით მაგათ, უენიშნავდა ხოლმე ჰაჯი მისაქა:— მაგ ავაზაკებისაგან შემდეგში ერთი ქიქა წყლის თხოვნაც-კი გაგვიძნელდება.

— არა უშავს-რა, სიცილით მიუგებდა, — ოქროს ბზინვა ადამიანს თვალს უბამსო...

ქარვანმა არზრუმი უენებლათ გაიარა და ერთი კვირის შემდეგ ბაიზეთის მაზრაში შევიდა. აქ-კი მელიქ-მანსურის საქონელს რაღაც ცვლილება დაეტყვა: ღამ-ღამე ყუთები სადღაც იყლაპებოდა და სანაცვლოდ სულ სხვა გვარი ცალები ჩნდებოდა. ეს ცვლილება სწორეთ მაშინ ხდებოდა, როცა ქარვანი ამა თუ იმ სომხის სოფელში შევიდოდა ხოლმე. ხშირათ მელიქ-მანსურთან ერთგვარი უცნობი პირები მოდიოდნენ, რომელიღაც უცნობ ენაზე ესაუბრებოდნენ და ისევ სადღაც ჰქრებოდნენ. ბოლოს ქარვანი ოსმალეთისა და სპარსეთის საზღვარს მიუახლოვდა, საზღვარს გასცილდა და სპარსეთის სამფლობელოში გაჩერდა. მაგრამ ვიდრე ამ ადგილს მიაღწევდა, ჰაჯი მისაქას ჯორების ზურგს არც ერთი იმ ყუთთაგანი აღარ შერჩენია, რომელსაც ინგლისურათ ეწერა: „სპარსეთს“ და „თეირანს“. თიხონ ვიფომდა ვაჭარი მელიქ-მანსურიც სადღაც ჩაიყლაპა...



მოხუცი ხაჩოს ოჯახის უკანასკნელი დროის ჩვეულებრივი ცხოვრება საკმაოდ შეცვლილიყო. ბ. სალმანი (სახლში ჯერ ისევ ბ. დუდუკიანს უხმობდნენ) ხშირათ სადღაც იყლაპებოდა. ხან და ხან ისა და ვარდანი სოფ. ო...დან სადღაც მიდიოდნენ და მთელი დღეობით აღარ ბრუნდებოდნენ. ჰაირაპეტა და აპო ძალიან დაღვრემილიყვნენ და რაღაც ფიქრებს მისცემოდნენ. ორი უცხო სტუმრის იქ ყოფნა დანარჩენი ძმებისთვის აუტანელი გამხდარიყო, რადგან მათი ყოფა-ქცევა და „სისულელები“ ქუაში არ უჯდებოდათ. თითონ მოხუცი ხაჩოც სოფლის საქმეებში იყო გართული, რომლებიც დღე და დღე უფრო რთულდებოდა, მძიმდებოდა და მოხუცისთვის თავსახეთქი ხდებოდა. ამიტომაც მისი ოდა სიცოცხლეს თითქმის მთლათ მოჰკლებოდა და ის ბოლო დროინდელი ღამეების სჯა-ბაასი და არა ჩვეულებრივი მსჯელობაც იშვიათი შექმნილიყო.

მარტო ერთი „საქალებოს“ ცხოვრება მიმდინარეობდა უცვლელათ; თავისი ერთფერობა საუკუნოებითაჲ ჰქონდა და-ცული და ამ ჩვეულებას არც ეხლა ჰღალატობდა. სომხის ოჯახის ხსენებული ნაწილი მთლათ განმარტოებულია, დაშორებული და მამაკაცთა წრეს სრულიათ მოწყვეტილი; ამიტომაც არავითარ მონაწილეობას არ იღებს იმაში, თუ მამაკაცები რას ლაპარაკობენ ანუ რას ჰფიქრობენ. გარეშე დიასახლისობისა და ოჯახის შინაური საქმის ფიქრისა სხვა არავითარი ფიქრაზრი არ იტაცებთ; სწორეთ ეს იყო მიზეზი, რომ ოდაში მომხდარ მსჯელობა-თათბირობის შესახებ არაფერი იცოდნენ. შამასახლისის ოდა, რომელიც ნამდვილ სოფლის კლუბის მაგიერობას ეწეოდა, ჯერ სადღედაკაცოთ არ გამხდარიყო.

— საქალებოს ოთხ-კედელ შუა ჩაკეტილი მათი ძაღ-  
ლონე და უნარიც უნდა ჩავითრიოთ საქმეში, მაშინ, უეჭვე-

ლია, გამარჯვებაც ჩვენ მხარეს იქნებაო... ხშირათ იტყოდა ხოლმე ბ. სალმანი.

— ჯერ აღრეა, უპასუხებდა ვარდანი, — უპირველესად ყოვლისა მათი მომზადებაა საჭირო.

— შეუძლებელია რაიმე განახლების შეტანა რომელიმე ერის ცხოვრებაში, თუ დედაკაცი არ იღებს მონაწილეობას, — თქვა ბ. სალმანი: — ჩვენი ერის ასეთი უმოძრაობის უპირველესი მიზეზი ის არის, რომ საზოგადო საქმეში ქალი არავითარ მონაწილეობას არ იღებს. ეს ძალა, ეს მაცოცხლებელი ნექტარი საქალების ოთხ-კედელ შუა იღევა და უქმად იკარგება. თუ-კი საჭირო იქნებოდა ჩვენი ერის განათლების საქმის დაწყება, საძირკველის ჩაყრა უეჭველათ ქალების განათლებიდან უნდა დაგვეწყო. ამ ხელათ მთელი სომხეთი მოვიარე და ყველგან იმას ვცდილობდი, რომ სომხის ქალი დაწვრილებით შემესწავლა. ამ შესწავლისა და დაკვირვების შედეგი ძლიერ სანუგეშოა. რამდენადაც მამაკაცი ოსმალთა გავლენით დაცემულა, გაფუჭებულა; რამდენათაც მას თავისებურობა დაუკარგავს, — იმდენათ ქალს შეუმწიკვლელ ზნეობასთან ერთათ თავისებურობაც შეურჩენია. არ არის ბოროტება, რომელსაც თან სიკეთეც არ სდევდეს. თუმცა საქალებოს ოთხ-კედელ შუა შეკეტილი ქალი საუკუნოებით იტანჯა, დაჩლიუნდა და საზოგადოებრივ კაცად ყოფნასაც მოსწყდა, — მაგრამ სამაგიეროთ ამ კარ-ჩაკეტილობამ სომხობა შეანარჩუნა. ეს-კი დიდი საქმეა.

— რამდენათაც მამაკაცი გარეთ, მაჰმადიანების ზეგავლენის ქვეშ განსაკუთრებული ეროვნულ თვისებებსა ჰკარგავდა, იმდენათ ამ გავლენას დაშორებული ქალი ეროვნობას იფარავდა, განაგრძო ბ. სალმანი. — ამ გვართ ეროვნული განძინებურათ ინახებოდა და მამაკაცის დანაკარგსაც დედაკაცი იბრუნე და. ეს თვით უბრალო წვრილმანებშიაც-კი ემცნევა. მაჰმადიანობისადმი დედაკაცის ზიზღი საშინელ თანატყოსობამდინ მიდის; ყველაფერი, რაც-კი მაჰმადიანის ხელიდან გამოდის, მურტლათ, წაპილწულათ მიაჩნია: არც მის დაკლულ ხორცს,

არც მის გამომცხვარ პურს, არც მის გაკეთებულ ყველს ახლოს არ ეკარება. მამაკაცები-კი ამას არ დაგიდევენ. ასობითაა იმისთანა მაგალითები, რომ მაჰმადიანის მიერ მოტაცებული ქალიშვილი თუ დედაკაცი ან გაიქცევა და, თუ ეს ვერ მოახერხა, თავს იკლავს. მამაკაცთა შორის-კი ამ გვარი მაგალითები ძლიერ იშვიათია. არის კიდევ ერთი რამ, რაც უფრო მეტათ საყურადღებოა: ბევრგან, მეტადრე ქალაქებში, ოსმალოს ენა მამაკაცს სავსებით შეუთვისებია. დედაკაცი-კი ერთიც ვერ ვნახე, რომ ამ ენაზე ელაპარაკოს ანუ სკოდნოდეს მაინც. ოჯახში სომხური ენის დამცველი და ბავშვის პირში შთამბერველიც დედაკაცია. ამ თვისებას არც მაშინ ივიწყებს, როცა საქმე უცხოებთანა აქვს. სომხების მოსამსახურე ქურთები, ქალი იყოს გინდა მამაკაცი, სომხურათ ლაპარაკობენ. დედაკაცმა შეგვიჩინახა ენა, ეროვნება, და სომხის ოჯახის ზნეობრივი საფუძველიც მხოლოდ მან დაიცვა. ჩვენ ხელში ეხლა იგი შეუმწიკვლეელი, გაუფუჭებელი და დაუმუშავებელი მასალაა, რომლისგანაც შეიძლება საოცარი რამ შეიქმნას...

უკანასკნელ დროს ბ. სალმანი სულ ამ გვარ საგნებზე ლაპარაკობდა. მაგრამ მიუხედავად იმისა, რომ სომხის დედაკაცს ასეთი კარგი თვალით უყურებდა, მოხუცის ოჯახის ქალებს მაინც არ მოსწონდათ იგი.

რალა თქმა უნდა, მისი შინაგანი, ზნეობრივი და გონებრივი ღირსებათა დიფასება იმათ არ შეეძლოთ, მაგრამ ბ. სალმანს გარეგნულათაც ჰქონდა ბევრი იმისთანა ღირსება, რომელსაც შეეძლო ყოველი ქალის ყურადღება დაემსახურებინა. მაგრამ მამაკაცის შეყვარებისა და მის ღირსებათა დაფასების საქმეში, განათლების სხვა და სხვა საფეხურისა და ხალხის წოდების ანუ კლასის სხვა და სხვაობისა გამო, დედაკაცის გემოვნებაც სხვა და სხვა გვარია. ამიტომაც არ უნდა გვიკვირდეს, რომ მოხუცის რძლები ვარდანს უფრო მაღლა აყენებდნენ, ვიდრე ბ. სალმანს.

ერთხელ, საღამოხანზე, რძლებს დარბაზში მოეყარათ თავი და ჩვეულებრივ საქმობდნენ: ერთი მატყლსა სჩეჩავდა, მეორე



თითის ტარით დაჩეჩილ მატყლს ართავდა, მესამეს საფეიქრო-  
გაება და მშვენიერ ფერად ხალიჩასა ქსოვდა, მეოთხე თავის  
ბავშვებს ტანისამოსს უკერავდა, ერთი სიტყვით, ყველა სხვა-  
და სხვა საქმეში იყო გართული. ლაპარაკის საგანი ბ. სალმა-  
ნი იყო.

— სარა, ეგ კაცი ჩვენ სოფელში რა საქმეზეა მოსული?  
ჰკითხა ახალგაზდა ფარიშანმა თავის უფროს რძალს.

— ამბობენ, სკოლა უნდა გახსნასო, მიუგო სარამ.

— მერე და დიაკვანი ხომ არ არის? ჰკითხა ფარიშანმა,  
რომლის აზრითაც მასწავლებელი უეჭველათ დიაკვანი უნდა  
იყოს.

— დიაკვანია მაშ! სტამბოლის დიაკვანია, მიუგო სარამ.

— მაშ რატომ საყდარში არ დადის და შარაკანს\*) არ ამ-  
პობს?

სარამ სხვა ვერა მოახერხა რა და დაუფიქრებლათ მიუგო:

— ეგ სულ სხვანაირი დიაკვანია.

ლაპარაკში აბოს მეუღლე, ლამაზი მარო ჩაერია:

— ჩემმა ქმარმა მითხრა, რომ ქალებსაც უნდა ასწავლოსო.  
მაროს სიტყვებმა საერთო სიცილი გამოიწვია.

— ქალს რათ უნდა სწავლა? ღვდღათ ან ბერათ ხომ არ  
უნდა ეკურთხოს? უპასუხეს მაროს.

ერთი რძალი იქ მდგომ პატარა ქალს მიუბრუნდა და  
უთხრა:

— გესმის, ნაზლუ? დღეიდან სკოლაში უნდა იარო და  
ან-ბანი ისწავლო.

ნაზლუ ჰაირაპეტას ქალი იყო; თავის ძალუას მამაცათ  
უპასუხა:

— რა უშავს? ვისწავლი, შემდეგ წირვაზე წავალ; დია-  
ჩოკის პერანგს ჩავიცვამ და ვიგალობებ.

— მეხი-კი დაგაყარე მაგ თავზე! ეგლა გაკლია! მიადახეს  
საბრალო გოგონას.

\*) საეკლესიო საგალობელია. მფ.

ფარიშანმა ახლა სხვა კითხვა მისცა სარას:

— ჩვენ შეილებს ხომ სიმონა ღიაკვანი ასწავლის, სხვა მასწავლებელი რაღათ გვინდა? მაგას ხომ სიმონაზე მეტი არ ეცოდინება?

— რასაკვირველია, არა, — მიუგო სარამ, — სიმონა ღიაკვანია ძალიან ნასწავლია, მაგრამ ერთი ნაკლი აქვს: საძაგლათ ითვრება და ბავშვებსა სცემს ხოლმე. ხომ გახსოვს, გასპარას ბიჭისთვის როგორ ეცემნა? საბრალო გვერდებ ჩამტვრეული მიიყვანეს შინა და რამდენიმე დღის შემდეგ სულიც განუტევა.

— სიმონა ღიაკვანმა რაქნას? ბავშვს თუ არა სცემო, მაშ როგორ უნდა ასწავლო?

ამ მითქმა-მოთქმასაც თავისი მიზეზი ჰქონდა. იმ დღეებში ბ. სალმანს გლეხებთან სჯა - თათბირი ჰქონდა და ურჩევდა, რომ ორი სკოლა გაეხსნათ — ერთი ქალებისთვის და მეორე ვაჟებისთვის. პირობას აძლევდა, რომ მასწავლებლებს მე თითონ მოგიყვანთ, თქვენ არაფერი დაგეხარჯებათ და თქვენი შეილები წერა-კითხვას უფასოთ შეისწავლიანო. საჭირო სასწავლო საგნებსაც უფასოთ ჰპირდებოდა. მაგრამ მუქთს გლეხი ყოველთვის ეჭვის თვალით უყურებს. ამიტომ გლეხთა მოდრეკას, დარწმუნებას დიდი შრომა სჭირდებოდა, მეტადრე უფრო იმიტომ, რომ ქალების სკოლის გაგონებაც კი ბრაზსა ჰგვირიდა მათ. ხალხი მისჩვეოდა მღვდლებისა და ღიაკვანების მასწავლებლობას, ამიტომ თავისი შეილების აღზრდის საქმის იმისთანა კაცის ხელში ჩაგდება, რომელიც საყდარში არ დაიარება, საგალობლებს არ ამბობს და, როგორც ესმოდათ, — შარხვასაც არ ინახავს, — ამისთანა კაცის ხელში ჩაგდება არა თუ შეუფერებლათ, არამედ დიდ ცოდვათ მიაჩნდათ.

მოხუცი ხაჩო, რომელიც ბ. სალმანს თითქმის ყველაფერში ეწინააღმდეგებოდა, სკოლების გახსნის საქმეში დაეთანხმა. როგორც სოფლის თავმა და მამასახლისმა, გლეხობა დაიყოლია და სოფელს ერთი ნაქერი მიწა გამოაღებინა, რომელზედაც ბ. სალმანს სკოლებისთვის სახლი უნდა აეგო. საქმეს კიდევ

შეუდგნენ და საჭირო საძირკველი გათხარეს; მაგრამ უცებ ხალხი რალაცაზე აღელდა, ღამით შეიკრიბა და საძირკველის ორმოები ისევ მიწით ამოავსო. მეორე დღითაც სამუშაოთ არავინ მივიდა, თუმცა ბ. სალმანი სამუშაო ფასს უმატებდა.

რა მოხდა?

როგორც დედაკაცების ლაპარაკიდან შევიტყუეთ, სოფელში ცხოვრებდა ერთი სიმონა დიაკვანი, რომელიც მასწავლებლობის მაგიერობასაც ეწეოდა: ზამთრობით ბავშვებს თავს უყრიდა ერთ გომურის მზგავს ფარდულში და დავითნს, ლოცვანსა და მაგვარ წიგნებს აკითხებდა; გაზაფხულზე კი, როცა სოფელში მუშაობა გახურდებოდა, შეგირდებს ითხოვდა, დარადგან ბავშვები შემოდგომამდინ წიგნს თვალითაც ვეღარ ხედავდენ, რალა თქმა უნდა, ყველაფერი ავიწყდებოდათ. ეს სიმონა დიაკვანი იმ სოფლის მღვდლის, ტერ-მარუქას სიძე იყო — ერთი მუდმივი ლოთი და ხალხის ამრევე-დამრევი. ახალი სკოლების დაარსება თავისი პირადი ანგარიშების საზარალოთ მიიჩნია და ამიტომ ხალხი ააჯანყა, რომ საქმე როგორმე ჩაფუშულიყო.

ხალხის ფანატიკოსობისა და საქმის ჩაშლისათვის მხოლოდ ერთი სიტყვა იყო საჭირო. თავის ქადაგებაში მღვდელი ბ. სალმანს შეეხო და გამოაცხადა, რომ ეგ კაცი „ფარმასონია“ (პროტესტანტი), სომხის ღმერთი არა სწამს და შვილებსაც სულ გადაგვირჯულებსო. თან დაუმატა: ქალების წიგნის სწავლება დიდი ცოდვაა, სოლომონ ბრძენმა და იოანე ნათლისმცემელმა დედაკაცი დასწყევლეს, რადგან იოანე ნათლისმცემლის თავის შოკვეთის მიზეზი დედაკაცი იყოვო. შემდეგ სამღვთო წერილიდან მოიტანა მაგალითები: სამსონ წინასწარმეტყველის (?) სიკვდილის მიზეზიც ქალი იყო, ადამიც ევამ შეაცდინა და იმითომაც სამოთხიდან განიდევნენო. ერთი სიტყვით, თავისი ქადაგება ათასი ამ გვარი მაგალითებით შეამკო და ბოლოს თქვა, ქალების სწავლება ძალიან საშიშოა, რადგან ბევრს რომ ისწავლიან, ეშმაკებათ გადიქცვიანო.

გარდა ამისა, სიმონა დიაკვანს სოფლის ქალებზე გავლენა სხვაფორივაც ჰქონდა: უწერდა სხვა და სხვა ავგაროზებს, თილისმის ქალაღდებს, აგრეთვე მკითხაობდა, მისნობდა და ამ გვართ მათი პატივისცემა ჰქონდა დამსახურებუღი. სწორეთ ეს იყო მიზეზი, რომ დდაკაცებმა ლავიანთი ქმრები უფრო აღელვეს, რომ დიაკვანს დახმარებოდნენ და ლუკმა არ გაეწყვიტნათ.

ხალხის აჯანყების საქმეში მღვდელსა და დიაკვნს დიდი დახმარება აღმოუჩინა აგრეთვე თომას ეფენდიმაც, რომელსაც სასწავლებელი და საზოგადოთ სწავლა-განათლება ჰქირივით ეჯავრებოდა. გარდა ამისა დიაკვანი მისი უფასო მწერალიც იყო: ანგარიშებს უწერდა და კალოობას სოფლიდან სოფლათ დასდევდა მოსავლის ათის-თავის ასაკრებათ.

ამ ამბებმა გულკეთილ ხაჩოზე საშინლათ იმოქმედა, ბ. საღმანის მტკიცე ხასიათი და რწმენა-კი ვერაფრით შეარყია. საღამოზე რომ შინ დაბრუნდა, ვარდანს უთხრა:

— ამ საძაღლებს მისიონერივით უნდა მოვექცე. რომელ ხალხსაც-კი მისიონერი მიმართავს, მისი უპირველესი მოწინააღმდეგენი სასულიერო წოდება და მწიგნობრებია. ხოღმე. მაგრამ მისი პირველი მიმდევარნიც სწორეთ ისინი შეიქმნებიან ხოღმე, რომლებიც პირველში ეწინააღმდეგებიან. მისიონერი მათ სხვა და სხვა თანამდებობას აძლევს, ე. ი. თანამდებობას-კი არ აძლევს, არამედ მხოლოთ ჯამაგირს უნიშნავს. ამ გვართ ახალი სარწმუნოებისა თუ აზრის მდევნელი მის გატაცებულ დამცველათ გარდაიქმნება ხოღმე.

— ეგ მართალია, — მიუგო ვარდანმა, — მაგრამ რას აპირებ?

— აქ საქმიანობაა საჭირო, — თქვა ბ. საღმანმა იმ გვარი კილოთი, რომელშიაც საკუთარი ძალ-ღონის იმედი გამოიხატებოდა. — იმ საიდუმლოებას უნდა მივაგნო, რითაც ხალხს იმხრობენ. საყურადღებოა აგრეთვე ვიცოდეთ — მაგ სულელ დიაკვანს. თავის შეგირდებისაგან რა შემოსავალი ჰქონდა: მე მინდა წინადადება მივეცე, რომ ის ფული ჩემგან მაიღოს, ვითარცა ჯამაგირი, და სკოლებში ერთ ერთი თანამდებობა ასრუ-

ლოს, ე. ი. არაფერი აკეთოს. დარწმუნებული ვარ, რომ ამ წინადადების შემდეგ დილით ადრე თითონვე მოვა, ბარსა და ნიჩაბს მოიტანს და ჩემ მუშებთან ერთად სკოლების შენებას შეუდგება.

— მეც მაგ აზრისა ვარ, — მიუგო-ვარდანმა, — მაგრამ მღვდელსაც პირში ცოტა ერბო უნდა გამოვუსოთ.

— ეგეც ადვილია.

მიუხედავად ამ უსიამოვნო შემთხვევისა ბ. სალმანი მაინც ჩვეულებრივზე მხიარულად იყო. საქმის დასაწყისშივე დაბრკოლებათა შეხვედრამ ენერგია უფრო აღუნთო, გაუათქვეცა და მომავლის ბრწყინვალე იმედებმაც გული განუსაზღვრელი სიხარულით აღუესო.

— იცი, ვარდან, სკოლა რა ბედნიერსა და აყვავებულ მომავალს გვიქადის? ჩვენს ნატვრა-სურვილს სულ ის შეგვის-სრულებს! ჩვენს საუკუნოთა წყლულებსაც მხოლოდ ის გაკურნავს და სალი, ახალი ცხოვრებისთვის რიგიან ახალ თაობას მოგვიმზადებს... მართალია, ჩვენმა წინა მორბედებმა საუკუნო უმოქმედობისა გამო შრომა გაგვიათქვეცეს, საფიქრებელი და საზრუნავი საქმე არაფრით შეგვიმსუბუქეს, — მაგრამ არა უშავს-რა: ჯერ კიდევ შეიძლება ვიმედოვნოთ, რომ მომავალი ჩვენია. მხოლოდ მტკიცე და შეუდრეკელი შრომისა საჭირო. ჩემი აზრით, მარტოს არ კმარა, რომ გონება განათლდეს და სული გაკეთილშობილდეს: სხეულის განკურნება, გახალისებაც საჭიროა. უეჭველია, შენც შეგინიშნავს, ვარდან, აქაური ყმაწვილები რამდენათ სუსტი და დუნეები არიან. საჭიროა მათი სხეულის გამაგრება, კუნთების დაჭიმვა და ნერვების დონეზე დაყენება. ამ მხრივ ჩვენ სკოლებში ფიზიკურმა ვარჯიშობამ მიზნის შესაფერი ადგილი უნდა დაიჭიროს; მან ჩვენს ბავშვებს უნდა განუფითაროს მამაცობა, გამბედაობა და დაჩაგრულ-დასუსტებული გულიც გაუმთელოს...

— მართლა, ერთი სასიხარულო ამბავი უნდა გიამბო, ვარდან, — განაგრძო ბ. სალმანმა: — დღეს შემთხვევით რამდენსამე ქურთს გამოველაპარაკე; ჩემი ლაპარაკი შვილების განა-

თლების სარგებლობას შეეხებოდა. წარმოიდგინე ჩემი განცვიფრება! პასუხათ მითხრეს. თუ სწავლა მართლა მაგეთი სასარგებლოა, მხათა ვართ ჩვენი შვილები სომხების სკოლებში მივაბაროთო. მათი ლაპარაკიდან ჩანდა, რომ არც თითონ არიან მადლობელნი, შვილები რომ ავაზაკები გამოსდიან. მართლაც და ეს ხალხი რითია დამნაშავე, რომ ველურათ დაჩინილა და საზრდოს ავაზაკობითა და კაცის მკვლელობით მოულობს? დამნაშავენი ჩვენა ვართ, რომ მათს განათლებაზე დღევანდლამდინ არაფერი გვიზრუნია. ამას თვით ჩვენი საკუთარი სარგებლობა მოითხოვდა. თუ გვინდა მხეცთა გააფთრებამ არაფერი გვავნოს, უნდა მოვაშინაუროთ, უნდა ვეცადნეთ, რომ უფრო მშვიდობიანსა და განვითარებულ ცხოვრებას შეეჩვიოს. ქურთების განათლებისთვის ოსმალეთი არაფერს ზრუნავს, და ეს ასეც უნდა იყოს, რადგან მისთვის ქურთების ველურობა უფრო ხელსაყრელია. გარნა ამ საგანზე ჩვენ უნდა ვიფიქროთ, რადგან მათი გაუნათლებლობის შედეგი ჩვენ გვიკაკუნებს თავში. მათს სარწმუნოებას ნუ შეეხებით, ჩვენ მხოლოდ განათლება უნდა მივცეთ და როდესაც ამას მოვახერხებთ, მაშინ „წყალი თავის კალაპოტში ჩადგება“....

#### XIV

საომარი სამზადისის ნიშნები ოსმალეთის მთავრობას აშკარად ემჩნეოდა. ეს ნიშნები უფრო საგრძნობი იყო ბაგრევანდის მაზრაში, რომელიც რუსეთის საზღვარს არც ისე შორავს. ხარჯის კრებას ძალიან სასტიკად ეპყრობოდნენ; იმ წლის ხარჯს რომ აღარ ჯერდებოდნენ, ძველ ჯარიმებსა და მომავალი რამდენიმე წლის ხარჯსაც ერთად ახდევინებდნენ. ხალხის ოხვრა-გმინვასა და უკმაყოფილებას საზღვარი არა ჰქონდა. ვისაც ხარჯის გადახდა ფულით არ შეეძლო, უყიდდნენ სახლის ავეჯს, სულადს და ხარკამბეჩსაც კი აღარ ინდობდნენ, იმ ხარკამბეჩს, რომელიც გლეხის მარჯვენას წარმოადგენს! ამასაც ხომ არ აკმარებდნენ, გლეხებს ავალებდნენ, რომ ამდენი

და ამდენი ოკუა სუხარი დაემზადებინათ. ან კიდევ მთლად ართმევდნენ, რაც კი სახლში დამზადებული სურსათი გააჩნდათ: საკორკოტეს, შინაურ დამზადებულ ვერმიშელს, ერბოს, ყველს, ბრინჯსა და სხ... გლახთა ტირილის, ცრემლისა და ხვეწნა-მუღარას პასუხად გაიძახოდნენ: „მთავრობას ომი აქვსო“...

ხსენებულ უწყსოებათა გამო თომას-ეფენდის მოღვაწეობის სულ ახალი და ფართო ასპარეზი გადაეშალა. როგორც სახაზინო ხარჯის მკრებავს, დავალებული ჰქონდა ხარჯები და სხვა გარდასახადები დროით მოეკრიბა და თანაც ჯარებისთვის სურსათის ერთი ნაწილი შეემზადებინა. თომას-ეფენდის წინ გადაშლილი იყო თვალ-გადუწვდენელი სამკალი და მისი მჭრელი ნამგალიც დაულალავად მოქმედებდა... მთავრობისაგან „ბუიროულთუ“ (ОТКРЫТЫЙ ЛИСТЪ) მოსვლოდა და ორი პოლიციელის ნაცვლად ნება ჰქონდა, რამდენიც თავის სურვილი იქნებოდა იმდენი ჰყოლოდა.

ყველა ეს რბევა-ზარალი მთლად სომხებს ატყდებოდა, რადგან მუსულმანები საომრად ემზადებოდნენ და მათგან მეტს არაფერს თხოულობდნენ.

გარდა იმისი, რომ სომხის გლახობა იძარცვებოდა და ათიოცი წლის ნაშრომ-ნაღვაწზე ხელს იღებდა, — ამ მწარე გაღარბების გარდა ყველა საშინელ შიშსა და საგონებელს მისცემოდა, რადგან უფრო შემზარავ უბედურებას მოელოდა. მაჰმადიანობას ემჩნეოდა მხეცური გააფთრება წინააღმდეგ ქრისტიანებისა, წინააღმდეგ ყველა „გიაურებისა“. ყველას პირიდან საშინელი და თავზარ დამცემი სიტყვა — „ჯაჰთ“ ი ისმოდა. მოლოები, მუფთებო, ყადები და შეიხები ისედაც გზა-დაბნეულსა და გაფანატიკებულ ბრბოს უფრო მეტად აღელვებდნენ. აქეზებდნენ, უქადაგებდნენ, რომ ეს ომი სარწმუნოებრივია, სტამბოლში ჩქარა „სანჯაკ შერიფს“\*) აღმართავენ, წმინდა ომს გამოაცხადებენ, ამიტომ მთელმა ისლამმა ხმალი უნდა აიღოს ქრისტიანების გასაჟლეტადო...

\*) დროშაა, რომელსაც მაჰმადიანები სარწმუნოებრივი ომის დროს აღმართავენ ხოლმე. მთარგ.

ამ ამბებმა ბ. სალმანი დიდ საგონებელში ჩააგდო, რადგან ამგვარი მოძრაობის მნიშვნელობა კარგად ესმოდა და ისიც კარგად იცოდა, ადგილობრივ სომხებისთვის რა საშინელი შედეგიც მოჰყვებოდა.

— ბოლგარიის ხოცვა-ჟლეტა ჩქარა აქაც მოხდება, — უთხრა მან ერთ დილით ვარდანს, — თავის დასაცველად ხალხის მომზადება უნდა დაეაჩქაროთ.

— მეც სწორედ მაგვარი მტარვალობის სუნი მომდის... მიუგო ვარდანმა.

ამგვარი ლაპარაკით ოდიდან გამოვიდნენ და ტერ-მარუქას სახლისკენ გაემართნენ. რამდენიმე დღის წინად გადაწყვეტილი აზრი სისრულეში უნდა მოეყვანათ, ესე იგი, როგორც ვარდანმა სთქვა — მღვდლისთვის „პირში ცოტა ერბო გამოესოთ“, რომ გაჩუმებულიყო. სიმონა დიაკვანი მუშების ზედამხედველად უნდა დაეყენებინათ და შემდეგისთვის მომავალ სკოლებში რაიმე თანამდებობას დაჰპირებოდნენ.

უცებ რაღაც ხმაურობა შემოესმათ; სოფლად ერთი უცნობი ჩარჩი დადიოდა და თავის სავაჭრო საქონლის სახელებს თიხო თითოდ გაჰყვიროდა, რომ მუშტარი მიეზიდნა.

— ლამაზო ქალებო, წითურო რძლებო! გამოიტანეთ ფარები, მტერს დაუყენეთ თვალები, საბადლოდ მოგცემთ ნემსებსა, ლამაზ ქრელ-ქრელსა ძაფებ'ა, ოქროს ბჭყვრიალა ბეჭდებსა..

ჩარჩი თავიდან ფეხებამდინ კონკმანებში გახვეული ერთი ბრგე კაცი იყო. ზურგზე თუმცა საწვრილმანოს ვეება ყუთი ეკიდა, მაგრამ მის უშველებელ ტანთან შედარებით ისეთსავე შთაბეჭდილებას ახდენდა, როგორც აქლემის ზურგზე გადაკიდებული საცერი. მარცხენა თეძოთი საშინლად კოჭლობდა და რამდენჯერაც ამ მხარეს გადირწეოდა, ასე გეგონებოდათ, ეს გოლიათი კაცი ეს არის გაგორდებაო, მაგრამ ხელში უშველელი კეტი ეჭირა და ზედ ებჯინებოდა..

ამ ხმის გაგონებაზე ბ. სალმანს ტანში სიამოვნების რაღაც ჟრუანტელმა დაუარა, თითქო ქვეყნის სიკეთესა და ბედ-



წიერებას მის გულში დაუბუნდნიათო. ამ მატანტალასა და ბ. სალმანს რა უნდა ჰქონოდათ საერთო? ჩარჩი კვალად გასძახოდა საწვრილმანოს სახელებს და მძიმე ნაბიჯით სოფლის ვიწრო ქუჩებსა ქსელავდა. ბ. სალმანმა გვერდზე გაუარა, უცნობთა თვალები ერთმანეთს შეეჯახა: არც ერთს ხმა არ ამოუღია, მაგრამ ერთი შეხედვითაც ერთმანეთს ბევრი რამ გარდასცეს... ვარდანმა ვერაფერი შენიშნა.

— ამასაც დრო შეურჩევია ნემსებისა და ძაფის გასაყიდათ! საბრალო გლეხებს ერთი ფარაც კი აღარ შერჩენიათ და რითი უნდა იყიდონ?—სთქვა ვარდანმა სიცილით, როდესაც ჩარჩს დაშორდნენ.

— მის ყუთს, ჩემო მეგობარო, „ყუთიკების“ ყუთივით ორი ძირი აქვს,—მიუგო ბ. სალმანმა:—ძირითა განყოფილებაში ისეთი საგნები უწყევია, რომლის გასასაღებლად საუკეთესო დრო სწორედ ახლაა...

ამ მრავალ-მნიშვნელოვან სიტყვებს ვარდანმა ყურადღება არც კი მიაქცია, მისი მთელი ფიქრი და გონება სულ სხვა აზრით იყო შეპყრობილი. მისი საფიქრებელი მხოლოდ ლაღა იყო. საქმეთა უეცარი ცვლილება და არეულობის ნიშნები მოსვენებას არ აძლევდა; არ იცოდა, ლალას ბედ-იღბლისთვის რა მალამო დაედო, სად დაემალნა, ან რა მოეგვარებინა, როდესაც დღეს თუ ხვალ იძულებული იქნებოდა სხვა საქმეს გამოჰკიდებოდა?...

— კარგი ნემსები, ჭრელ-ჭრელი ძაფები, ლამაზი ლილეები!..—შორიდან კვლავ გაისმა კოჭლი ჩარჩის ბოხი და გაქიანურებული ხმა.

სწორედ ამ დროს ბ. სალმანი და ვარდანი თომას-ეფენდის შეეხეჩნენ. მის წინ ლამაზი ცხენი გაეჩერებინათ და შეჯდომას აპირებდა. გარშემო შემოხვეულ გლეხებს სხვა-და-სხვა ბრძანებასა და განკარგულებას აძლევდა. ბ. სალმანი და ვარდანი რომ დაინახა, შეგროვილ ხალხს ჩამოშორდა, თავისი ჩვეულებრივი იუდის ღიმილით ყმაწვილი კაცებისკენ გაეშურა და შორიდანვე გამოეხმაურა:

— დიდი ხანია გულით მინდოდა თქვენი ნახვა, ბატონო დუღუჭიანო (ჯერ არ იცოდა, რომ მისი ნამდვილი გვარი სალმანი იყო)! — ოჰ, ჩემო საყვარელო, რამდენად ბედნიერი ვარ, რომ თქვენი ხილვის შემთხვევა მომეცა! იქნება არც კი იცით, რომ მეც კოსტანტინეპოლელი ვარ?

ეფენდის ამგვარმა ქლესობამ ბ. სალმანი არა თუ გააოცა, არამედ საშინელი ზიზღიც კი მოჰგვარა, რადგან სრულიად არ იცნობდა და ეხლა მხოლოდ პირველად ხედავდა. პასუხი არა გასცა-რა. ეფენდიმ კი ხელი დაუჭირა და განაგრძო:

— იმედი მაქვს, ნებას მომცემთ, რომ გადაგეხვიოთ, როგორც კოსტანტინეპოლელი. ამის თხოვნის ნებას მე თითონ ვაძლევ ჩემს თავს. დიდი ხნით მოწყვეტილ სამშობლოს წყურვილს თქვენი ცქერით ვიკლავ.

ვარდანი შორი-ახლო იდგა და ამ კომედიას გაჩუმებული უცქეროდა. ბ. სალმანმა არ იცოდა ამ უხერხული მდგომარეობისგან თავი როგორ დაეხწია. ეფენდი ახლა ვარდანს მიუბრუნდა:

— ახლოს მოდი, ჩემო შლეგიანო (ხენთო) მეგობარო! ხომ იცი, რომ ბავშვის გული მაქვს: ერთ წამს რომ გავჯავრდები, მეორე წამს ყველაფერი მავიწყდება. „ქურთი თავის თლე ში არ იტყვის, ჩემი ხარშო მყავეაო.“ შენც ისევ ჩემი ხარ, ავი ხარ თუ კარგი, მაინც ჩემი ხარ. ყველაფერი დავიწყებას მივეცი. ხელი გამომიწოდე.

ვარდანმა სიბრაზისგან თავი ძლივს შეიმაგრა. ძაგრამ რადგან კარგათ იცოდა, რომ ეფენდი ქრელ-ქრელ სიტყვებს უმიზეზოთ არ დახარჯავდა, მიუახლოვდა და ხელი ჩამოართო.

ეფენდი ისევ ბ. სალმანს მიუბრუნდა:

— ბატონო დუღუჭიანო, თქვენზე ძლიერ გულ-ნაკლულათა ვარ, — თქვა მან უფრო სერიოზული კილოთი: — ოსმალური ანდაზა ხომ გაგიგონიათ? „ჯერ მამასახლისი ინახულე და შერე სოფელი გაძარცვეო“. ამ ქვეყანაში თომას-ეფენდიც კაცათ იხსენიება. თქვენ რომ პირველშივე ჩემთან მოგელაპარაკნათ, ყველა თქვენს განძრახვას ისე მოვაგვარებდი, რომ ეგ

უსიამოვნება აღარ შეგმთხვეოდათ. ჰეი, ყმაწყილებო, ყმაწვი-  
ლებო! გული კარგი გაქვთ, მაგრამ მოქმედების ჰანგი არ იცით!  
მართალს არ ვამბობ?

— მე სწორეთ არ მესმის, რაზე მელაპარაკებით! მიუგო  
ბ. სალმანმა.

თითქო ბ. სალმანის სიტყვები არ გაუგიაო, ეფენდი მი-  
ბრუნდა იქ შეგროვილ გლეხებისკენ და წარმოსთქვა:

— ოჰ, თქვე ავაზაკებო, ავაზაკებო! ჭკუაზე როდის უნდა  
მოხვიდეთ?—ახლა ისევ ბ. სალმანს მიუბრუნდა და განაგრძო:  
ადამიანმა განა თავის ხელით თვალი უნდა გამოითხაროს? ესე-  
ნიც (გლეხები) სწორეთ ისე იქცევიან. მე მხოლოდ დღეს შე-  
ვიტყე და, სწორე გითხრა, თმა სულ ყალბზე დამიდგა. ჩვენ  
ვცდილობთ, რომ სასწავლებლები გავუხსნათ, სწავლა-განათლე-  
ბა მივადებინათ, თვალები გავუხილოთ, რა არი ბრმათ არ  
დარჩნენ, ქვეყნის ავი და კარგი გაიგონო და მაგათ-კი არაფე-  
რი ესმით, ისევ თავისას გაიძახიან: „გამიშვით, ცხვარი წამი-  
ვიდაო“...

— „ჩვენ ვცდილობთ“!..—გაიმეორა გუნებაში ბ. სალმანმა  
—მაგრამ ეს „ჩვენ“ ვინ არიან, რომ თომას-ეფენდი ასე ყო-  
ყოჩობსო.

თომას-ეფენდი-კი თავისას არახუნებდა:

— ბ. დუდუკჩიანო, სულით და გულით გავიხარე, როდესაც  
თქვენნი განძრახვანი შევიტყე. და აი სწორეთ ამიტომაც მოგმარ-  
თეთ, რომ უღრმესი მადლობა გამოგიცხადოთ. ჩვენი ხალხი სიბნე-  
ლეშია, მისთვის სინათლეა საჭირო. მათი ხსნა მხოლოდ სასწავ-  
ლებელს შეუძლია. რამდენიმე დღის წინათ მომხდარი უწყესობა-  
გულს ნუ გაგიტეხთ: ყოველ კეთილ საქმეს დასაწყისში ეკლე-  
ბი სდევს ხოლმე. როგორც თქვენნი სამშობლოს ქვეყნელი-  
თანაგრძნობასა და დახმარებას არ მოგაკლებთ და ჩემს მცირე  
დახმარებას ნურც თქვენ იუკადრისებთ. დღეს დრო არა მაქვს,  
მახლობელ სოფელში მივდივარ, ხვალ-კი, დავბრუნდები თუ  
არა, შევეყრი გლეხობას, მე თითონ დავადგები თავზე და სა-

ძირკვლის თხრილებს ამოვაწმენდინებ. აქ ისეთი არავინაა, რომ თომას-ეფენდის წინააღმდეგობა შეიძლოს.

— მადლობელი ვარ, — მიუგო ბ. სალმანმა, — იმდენი საქმეები გაქვთ, რომ არ მინდა ძვირფასი დრო დაგაკარგვინოთ,

— არაფერია, — თქვა ხარჯის მკრებავემა განსაკუთრებული სიამოვნებით: — კეთილი საქმისთვის დროს ყოველთვის ვიპოვი.

ამის შემდეგ ორივეს ხელი ჩამოართვა და გაემართა გლეხებისკენ, რომელნიც იქვე ელოდნენ.

— საძაგელი... შატყუარა!.. უკან მიაყოლა ვარდანმა.

— ამგვარ ადამიანთაგან შეიძლება რამე ვისარგებლოთ. უთხრა ბ. სალმანმა.

— ნუ თუ მაგის სიტყვებისა გჯერათ რამე! ვინ უწყის, რა ქსელს აბამს?

ამ ლაპარაკში ტერ-მარუქას სახლს მიადგნენ და კარები დააკაკუნეს.

— ლამაზი ნემსები... ჭრელ-ჭრელი ძაფები... კარგი ხრიკები... კვლავ გაისმა ქუჩაზე მიმავალი ჩარჩის ხმა.

— ვარდან, მოდი ტერტერას ნახვა სახვალიოთ გადავდოთ, უთხრა ბ. სალმანმა.

— რათა? ჰკითხა ვარდანმა.

— ამ ჩარჩისგან მინდა რამდენიმე რამ ვიყიდო...

მეგობრის უადგილო სურვილზე ვარდანს ჩაეცინა.

— მომყევით, აქ სხვა საქმეა... უთხრა ბ. სალმანმა ისეთი კილოთი, რომ ვარდანი უნებურათ დაემორჩილა.

ტერტერას სახლის კარებიდან გამობრუნდენ, მეორე ქუჩა გაიარეს და ჩარჩს შორი-ახლო აედევნენ. ჩარჩს სოფლის ბიჭები ასდევნებოდენ და ჭრიამულით ედიჯინებოდენ — ცოტა კევი მოგვეცი, ცოტა კევი მოგვეციო. ჩარჩმა ჯიბიდან კევის ნატეხი ამოიღო და ბავშვებს გაუნაწილა.

— ეს კაცი ამ ერთი კვირის წინათაც ვნახე, ვანის მახლობელ სოფლებში დაჰქონდა საწვრიძალო, უთხრა ერთმა გლეხმა მეორეს.

— ამ გვარი ჩარჩები ყველგან დატანტალებენ, — მიუგო მეორემ. — რა საშინელი შეხედულობა აქვს! ერთი შეხედე, გრიგოლ, ღმერთმა ნუ ქნას, რომ ღამით არა ვნახო! თითქო წყეული ეშმაკიაო.

ეს კოჭლი ჩარჩი მთელ სოფელს უვლიდა. ხანდა ხან აქეთ იქიდან სახლებში ეძახოდნენ რისამე საყიდლოთ და მთელი საათობით აბანდებდნენ; ხან-კი ქუჩაზევე გაახსნევენებდნენ საწვრილმანოს ყუთს, შემოეხვეოდნენ სოფლის დედაკაცები და გააბამდნენ ერთ გაუთავებელ ყატყატს. ამ გვარათ ჩვენი კოჭლი ჩარჩი საღამომდის ძლივს მორჩა თავის სავაჭროს. ასე რომ სოფლიდან გაშოსვლისას კარგათ იყო შებინდებული. მახლობელ სოფელში მიმავალ პირდაპირ გზას მხარი აუქცია და გასწია ღრმა დელესკენ, რომელიც გაზაფხულის ნიაღვრებს ძალზე დაეხრამა, თუმცა ეხლა წყალი აღარ მოდიოდა. თავ აუღებლივ წინ მიდიოდა, მაგრამ მის სიარულს რაღაც ცვლილება დასტყობოდა. მართალია, წინანდელებს ისევე მძიმეთ მიაბიჯებდა, რადგან ზურგზე მოკიდებული ყუთი კარგა მძიმე იყო, მაგრამ კოჭლობით-კი სრულებით აღარ კოჭლობდა. დელეში რომ ჩავიდა, მოიხსნა საპალნე, მარცხენა ხელის ორი თითი ტუჩებზე მიიღო (დანარჩენები თითქო დაჭრილი ჰქონდა) და რაღაც მნიშვნელობიანი ხმით გაუსტვინა. ცოტა ხნის შემდეგ დელეშივე გაჩნდნენ ვარდანი და ბ. სალმანი. ეს უკანასკნელი ჩარჩს გადაეხვია, კარგა ხანს იყვნენ ასე გადახვეული.

— ახლა-კი დავსხდეთ, თქვა ბ. სალმანმა და ქვაზე ჩამოჯდა. — მაამბე, ვაჭრობა კარგი გქონდა?

— ძალიან კარგი, — მიუგო ჩარჩმა მხიარულათ: — ვასპურაკანის მეტი წილი სულ ჩემი საქონლით მოვეფინე...

— რასაკვირველია, უფასოთ, არა?..

— რაღა თქმა უნდა... მთელ საწვრილმანოს სულ მუქთად ვარიგებდი...

მეგობრების ლაპარაკს ვარდანი გაშტერებული უგდებდა ყურს და არაფერი ესმოდა.

— ეხლა ხომ გჯერა, რომ ჩემი მეგობრის ყუთს „ჟული-კის“ ყუთსავით ორი ძირი ჰქონია? უთხრა ბ. სალმანმა.

— ძალიან მინდა ვიცოდე, თვალთ-მაქცობის უმთავრეს განყოფილებაში რა იყო დაფარული? იკითხა ვარდანმა.

— იარალი...

ვარდანი მიხვდა ყველაფერს და თითონაც გადაეხვია ვითომდა ჩარჩს.

ეს ჩარჩი გახლდათ მელიქ-მანსური.



თვით დიდბუნებოვან კაცთაც-კი მოეპოვებათ დიდი ნაკლი. მართალია, თომას-ეფენდი ამ გვარ კაცთა რიცხვს არ ეკუთვნოდა, მაგრამ ალაშკერტის მაზრაში-კი დიდათ მიაჩნდათ. სადაც ლომი არ არის, იქ მელიაც დიდი მხეცი ჰგონიათ. მიუხედავად იმისა, რომ თომას-ეფენდი ბეჯითი საქმის მოყვარე და მოხერხებული კაცი იყო, მაინც თავისი ნაკლულევენება ჰქონდა. მთელი დღეობით სამსახურის აღსრულებაში გართული, ღამეებს სხვა-და-სხვა უზნეო ქეიფებში ატარებდა. აჰყოლოდა ოსმალოს მოხელეთა ზნე-დაცემულებას, ძალზე ლოთობდა, ზნე-დაცემულ ქალებსა და ბიჭებს დასდევდა და თავს სხვა და სხვა დამკვრელებით ირთობდა. რომელ სოფელშიაც უნდა შესულიყო, ყველას კარი მისთვის ღია იყო. აბა, ამ მაღალ ხარისხოვან სტუმარს ვინ არ მიიღებდა! პირ-იქით, ყოველ გლეხს დიდ პატივისცემათ მიაჩნდა, თუ-კი თომას-ეფენდი იკადრებდა და მისი კარის ზღრუბელს გადააბიჯებდა. მართალია, არავითარი სარგებლობა არ ჰქონდა, — მუქათათ აქმევდა, ასმევდა, — მაგრამ ის იმითაც კმაყოფილდებოდა, რომ თომას-ეფენდი შემდეგში „კარგი თვალით“ დაუწყებდა ყურებას.

ერთს სალამოს ერთი ღარიბი გლეხის ოჯახს გზირმა შეატყობინა, რომ ამალამ ეფენდი უნდა გეწვიოთო. ამ ოჯახის მამაკაცი რამდენიმე სოფლის ერთათ-ერთი ხელოსანი იყო. სხვა-და-სხვა სამეურნეო იარაღებს აკეთებდა, ანახლებდა დაძ-

ველებულ გუთნებს, სახნის-საკვეთსა და სხ. მეტი წილი შინ არ იყო, სამუშაოზე დადიოდა სოფლიდან სოფლათ. ხსენებულ საღამოსაც შინ არ იყო. ხელოსნის ცოლმა უპასუხა გზირს, ქმარი შინ არა მყავს და უფმისოთ ეფენდი როგორ უნდა მივიღო.

— ქმარი თუ შინ არ არის, სახლი ხომ არსად გარბის? უპასუხა გზირმა უზრდელათ.

ეს გზირათ წოდებული ვაჟ-ბატონები გლეხისათვის ნამდვილ სასჯელს წარმოადგენენ. მოხელეთა ნამდვილი მწვეარ-მეძებრები არიან: საშინელი სუნის აღება იციან და ისე არიან გაგეშილნი, რომ ერთხელაც არ შესცდებათ მსხვერპლს საიდან უნდა მოუარონ...

ხელოსნის ცოლი გამშრალი იდგა და არ იცოდა, რა პასუხი მიეცა.

გზირმა-კი მოვალეობა აღსრულებულათ დასახა და გამობრუნებისას უთხრა:

— იცოდე, ეფენდი სანთლების ანთების უმაღვე გეწვევათ.

საბრალო ქალი კარგა ხანს გაქვავებული იდგა ქოხის კარებთან და არ იცოდა რა ექნა. ქმარი შინ არა ჰყავდა და მეტად შეუფერებლათ შიაჩნდა ვილაც უცხო და უცნობი სტუმრის მიღება. ბოლოს მეზობელ ოპოსთან მივიდა და ნაღვლიანათ სთხოვა:

— ძმაო ოპო, გზირმა შემატყობინა, რომ ამდამ ეფენდი გეწვევათო; ჩემი ქმარი-კი შინ არ არის. თუ ღმერთი გწამთ, მობძანდით და გაუმასპინძლდით.

— ეს რა ამბავია? — მიუგო გაჯავრებულმა ოპომ, — ამ სოფელში სხვა ველარავინ ჰპოვა?

— არ ვიცი, — თქვა დედაკაცმა ნაღვლიანათვე, — გზირმა-კი ასე მითხრა და!

მეზობელი შეჰპირდა, სტუმარს მე დავუხვდები და შენ მარტოს არ დაგტოვებო.

თომას-ფეფენდის მთელი მაზრის სოფლები ისე ჰქონდა შესწავლილი, რომ რომელ სოფელშიაც-კი შევიდოდა, ძალიან კარგათ იცოდა ვისთან სჯობდა ჩამოხდომა და ღამესად უფრო მხიარულათ გაატარებდა. ამ მხრივ ჩვენ ეფენდის გემოვნება ჩინებულათა ჰქონდა განვითარებული. მისი მოთხოვნების პირველი მუხლი ის იყო, რომ მასპინძელი ღარიბი და ცოტა სულელი ყოფილიყო, სულელი თუ არა, ღვინის სმა მაინც ჰყვარებოდა (ეს ორი თვისება ერთმანეთისგან არც თუ ბევრით განირჩევა); ყველაზე უპირველესი-კი ის იყო, რომ სახლში უეჭველათ ღამაში ქალი ყოფილიყო და მისი სახის ყურებით დამტკბარიყო.

გარნა იმ ღამის არჩეული ბინა ეფენდის გემოვნებას საფესობით ვერ აკმაყოფილებდა; სახლის უფროსი, ოსტატი პეტრე პატიოსანი და შრომის მოყვარე ხელოსანი იყო, არც სულელი და არც ღვინის სმის მოყვარული. ეს ზომ ასეთ, მაგრამ ეფენდი რის ეფენდი იქნებოდა, რომ არჩევანში მოტყუებულიყო? კარგათ იცოდა, რომ პეტრე შინ არ იყო და მისი ცოლი-კი საკმაოთ ღამაში ქალი იყო, პეტრეს ჰასაკში მოსულ დას ზომ სიღამაზით სოფელში არავინ სჯობდა.

სოფლის ქოხებში ქრაქები აინთო. ხელოსნის ცოლი, შუშანა, ქურაზე საქმელებს ამზადებდა; მისი მული, ახალგაზდა ბარბარე ვარიის ტაბაკებსა ხრაკავდა; მეზობელი ოჰო-კი სხვა და სხვა განკარგულებას ახდენდა, რომ ღირსეული სტუმრის დასახვედრათ ყველაფერი მზათ ყოფილიყო და არაფერი დაკლებოდათ. ის იყო ყველაფერი მოამზადეს, რომ თომას-ფეფენდი გზირის წინამძღოლობით ქოხში შებრძანდა. ამ ხელათ ზაფთები თან არ ახლდნენ, სხვა გლეხისთვის ესტუმრებინა.

მეზობელი ოჰო მიეგება და სრულის მორჩილებით მიიღო ეფენდი, რომელიც მძიმე ნაბიჯით გაემართა და მისთვის გამზადებულ მუთაქაზე ჩამოჯდა.

— სად არის ოსტატი პეტრე, რომ არა სჩანს? — იკითხა ეფენდიმ და იქაურობას თვალი გადაავლო: — მისი ნახვა მინდოდა, ძალიან საჭირო საქმე მაქვს.



ოჰომ უპასუხა, რომ მახლობელ სოფელშია სამუშაო-  
თაო.

— ვწუხვარ, ძალიან ვწუხვარ, რომ ვერა ვნახე! საჭირო  
საქმე მქონდა, გაიმეორა ეფენდომ: — სეხელმწიფო ჯარების სურ-  
სათის გადასაზიდათ ბევრი ურმები მჭირდება და ამიტომ მინ-  
დოდა მუდმივ ოსტატი დამეჭირა, რომ გზაში გაჭირვების დროს,  
ე. ი. ურმების ფაფუჭების დროს, გამომდგომოდა. ამ საქმის-  
თვის ოსტატ პეტრეზე შესაფერს კაცს ვერსად ვიშოვნე და  
მიტომ მინდოდა მისთვის „კეთილი მექნა“, რომ ესარგებლნა  
და რამდენიმე თვე გამოუღვეველი საქმე ჰქონოდა.

თუმცა ეფენდომ კარგათ იცოდა, რომ პეტრე შინ არ  
იყო და არც ოსტატი იყო მისთვის საჭირო, რადგან ჯარების  
სურსათის გადასაზიდათ გლეხების ურმებსა და საქონელს ამუ-  
შავებდა, ისიც სრულიად უსასყიდლოთ, და თუ ვისიმე ურემი  
გატყდებოდა, თითონ პატრონებივე აკეთებდნენ, დიად თუმცა  
ეფენდომ ყველა ეს კარგათ იცოდა, მაგრამ მას სულ სხვა აზ-  
რი ჰქონდა. ლარიბი ხელოსნის ცოლმა რომ ეფენდის დაპი-  
რებით სავსე ლაპარაკი მოისმინა, ძალიან გაეხარდა და გაიფიქრა:  
ამ სტუმრისაგან დიდი სარგებლობის ნახვა შეიძლებაო, თუმცა  
არა-მკითხვე სტუმრის წვევა პირველში დიდ უსიამოვნებასა  
ჰგვრიდა. არა რომ რაიმე იმედით უნდა გაებრწყინებინა გულ-  
უბრყვილო დიასახლისის გული? — აი რა იყო საჭირო ეფენ-  
დისთვის!

მხოლოდ ეფენდი იჯდა. მეზობელი ოჰო ჯერ ისევ ფეხზე  
იდგა და მის ნება-რთვას ელოდდა, რომ თითონაც დამჯდარიყო.  
ეს წყალობა მიიღო. გზირი-კი ისევ ფეხზე იდგა და მოსამსა-  
ხურის მაგიერობას ეწეოდა, რადგან ხელოსნის სახლში. არც  
მოსამსახურე ჰყავდათ და არც მოსწრებული ვაჟიშვილი. მართა-  
ლია, პეტრეს რამდენიმე შეგირდი ჰყავდა, მაგრამ სადაც მიდიოდა  
სამუშაოთ, იმათაც თან ატარებდა. დიასახლისი და ბარბარე  
არსად ჩანდნენ, იგინი შემალულიყვნენ მეორე პატარა ოთახ-  
ში, რომელიც თხელი ფიცრის ღობით იყო განცალკევებული  
უმთავრეს ოთახისგან; ეს ფიცრის ღობეც ქერამდის არ იოყ

ამართული და ამგვარათ მხოლოთ „შირმის“ მაგიერობას ეწეოდა.

მაგრამ რადგან საჭირო იყო, რომ ძვირფასი სტუმრისთვის თავიანთი პატივისცემის გამოცხადებინათ, ამიტომ შუშანა და ბარბარე თავიანთი საფარიდან გამოვიდნენ, ეფენდის მიუახლოვდნენ, გულზე ხელები მიიწყეს და უხმოთ თავი დაუკრეს. ამით ეფენდის განუცხადეს: „შვილობა თქვენი მობრძანებაო“.

— გაიხარდენით, უთხრა ეფენდიმ პასუხად და თან აღმოცერათ შეჰხედა.

დიასახლისს პირ-ბადე ეფარა, ახალგაზდა ქალს-კი სახე ღია ჰქონდა. ქალები გაბრუნდნენ და სუფრის გაშლის თადარიგს შეუდგნენ.

ქობში ღრმა სიჩუმე სუფევდა, ყველა გაჩუმებულიყო და იმის ლოდინში იყო, რომ ლაპარაკი ეფენდის დაეწყო.

— რა საქმეში ხარ, ოჰო? ჰკითხა ეფენდიმ.

— უსაქმოთა ვარ, ალა,— მიუგო ოჰომ და თან კისერი მოიფხანა:— ღმერთმა დამსაჯა და ერთი წლის განმავლობაში რამდენიმე უბედურება დამატყდა თავს: უფროსმა შვილმა „შენი ქირი წაიღო“... საქონელი „თავს შემოგეველო“ (ვითომ გამიწყდაო)... ეხლა გუთანიც ველარ შემიბამს... ვარ ესე უსაქმოთ!..

— მეწყინა, ძალიან მეწყინა,— უთხრა ეფენდიმ გულმტკივნეულათ:— კარგი კაცი ხარ, ოჰო, მე კარგათ გიცნობ. ნუ გეშინია, უსაქმოთ არ გაგიშვებ, ეხლა ჩემთვის ბევრი კაცია საჭირო, რაიმე საქმეს გაგიჩენ.

ოჰოს სიხარულს საზღვარი არა ჰქონდა.

— ალა, თქვენ მხოლოთ მომანდეთ რამე, მაშინ ნახავთ როგორი სამსახურიც ვიცი.

— „ვირი რამდენიც კარგად იმუშავენს, იმდენი ქერს შეტს შიიღებს“...

— ჰაი ჰაი, რომ მაგრეა.

ეფენდი იმ ჯურა კაცთაგანი იყო, რომელიც ალაგას ისე გაიბერება, გაამაყდება და თავის თავს ისე მალლა ასწევს,

რომ უშველებელ კარებშიაც კი ვერ შეეცევა; ხან კი ისე დაპატარავდება, ისე დაწვრილდება, რომ ნემსის ყუნწშიაც კი გაძვრება. ეფენდი გლეხის ქოხში ხშირად იმდენად თავდაბალი იყო და სწორედ ისევე შინაურულად იქცეოდა, როგორც იქცევია ხოლმე ცნობილ სახლში, რომლის მდგმურთაც სირცხვილით ქუჩაში თავსაც კი არ უკრავენ!..

ოჰოს გულიც რითიმე უნდა მოეგო, რადგან იმ ღამეს მასპინძლის მაგიერობას ეწეოდა. გულ-უბრყვილო გლეხს ეფენდის სიტყვები სრულ ჭეშმარიტებად მიაჩნდა, ამიტომ დიდი მადლობა გადაუხადა და უთხრა:

— ღმერთმა დიდხანს გადღეგრძელოთ, ალა, შამა უფალმა თქვენი მარჯვენის მადლი უკლებელი ამყოფოს ჩვენზე.

ვახშმობის დროც მოვიდა. ბარბარე ოთახში შევიდა, თან ხელსაბანი შეიტანა, კოპწია მოძრაობით ეფენდის წინ დადო და ხელი დააბანინა. შემდეგ სუფრა გაშალა, დააწყო ზედ პური, მარილი და მთელი საჭმელები, რაც კი მზათ ჰქონდათ. ამ მოძრაობის დროს უმანკო ქალის სახეზე შიშსა და მორცხვობასთან ერთათ რაღაც გაუბედაობა იხატებოდა, რაც კარჩაკეტილობისა და ფაყთა საზოგადოებაში გამოუსვლელი უეჭველი შედეგი იყო.

— შვილო!— მიმართა ეფენდიმ ყმაწვილ ქალს, — სახელად რა გქვია?

ქალი გაწითლდა, დაიბნა და დამფრთხალ ირემივით აქეთ-იქით დაიწყო ყურება, რომ პასუხი სხვა ვისმეს გაეცა. ოჰომ უპასუხა, რომ ბარბარე ჰქვია.

— რა მშვენიერი სახელია! ჭეშმარიტათ ძლიერ მშვენიერი სახელია!— გაიმეორა ეფენდიმ აღტაცებით: — მე ერთი დამყავს, მისი სახელიც ბარბარეა.

ბარბარეს გამშრალ სახეზე ღიმილის მსგავსად რაღაცამ გაიბრწყინა; უეჭველია, გაეხარდა, რომ იმისთანა დიდი კაცის დის სეხნია ყოფილიყო. მართალია, ეფენდიმ იცრუვა და არც თუ და ჰყავდა, მაგრამ ბარბარეც უნდა რითიმე გაეხარებინათ თუ არა!..

სუფრაზე მარტო ეფენდი და ოპო ისხდნენ. ამ ქვეყანაში დედაკაცები მამაკაცებთან ერთად პურს არა სჭამენ. — „უწყლო წისქვილი პურს ვერ დაფქვავსო“, — შენიშნა ეფენდი.

ეს იმას ნიშნავდა, რომ ვითომ უღვინოთ პური არ იკმევაო. ამიტომ გზირს უბრძანა, რომ წასულიყო და არაყი მოეტანა. ოპომ ბოდში მოიხატა: უკაცრავად, ვე აღარ გაგვახსენდაო. დიასახლისმა, რომელიც სრულიად ხმას არ იღებდა, თავის ქნევით გააგებინა, რომ სასმელს ამ საათში მოვატანიებო.

— არა, — მიუგო ეფენდი, — ჩემი ჩვეულება ასეთია: სადაც და ვისთანაც უნდა ვიყო, არაყი და ღვინო ჩემი ხარჯია.

ეფენდი მართალს ამბობდა: იმისთანა ღარიბ ოჯახში ყოფნის დროს სასმელს თითონ ატანებდა, მხოლოდ საფასურს კი სოფლის ხარჯებს აკერებდა. მაგრამ ამ საქმეში მისი ეშმაკური ხრტიანობა იმაში გამოიხატებოდა, რომ, რადგან სასმელს თითონ ყიდულობდა, რამდენიც თავის სურვილი იყო, იმდენს შეექცეოდა.

გზირი ჩქარა დაბრუნდა და ვეებარა დოქით არაყი შემოიტანა.

— ეხლა კი შენც შეგიძლია დაჯდე და მერიქიფობა (ღვინის დამსხმელი) გაგვიწიო, — უბრძანა ეფენდიმ გზირს.

გზირმა სუფრის ბოლოს მოიკალათა და არყით სავსე დოქიც გვერდით მოიღვა. გზირს კარგად ახსოვდა ეფენდის ჩვეულებრივი ღარიგება: „როცა ვისიმე სახლში შედიხარ და გინდა კარგი ღროება გაატარო, ჯერ მასპინძელს პირში ბამბა უნდა დაუცოვო“, ესე იგი ტვინი უნდა შეუხურო, ღვინით უნდა დაათროვო. თუკა მასპინძელი არსად იყო, მაგრამ მის თანამდებობას მეზობელი ოპო ასრულებდა. ამიტომ გზირიც სავსე ჭიქებს იმას უმარჯვებდა.

მეზობელ ოპოს, ცოტა არაა, გადაკვრა უყვარდა. უკანასკნელ უბედურობათა შემდეგ ხომ არაყი მისი სალოცავი შეიქნა, რომლითაც დარდების განქარვებას ცდილობდა. ამიტომაც ყოველ გაწვდილ ჭიქას ისე უურავდა, თითქო ბამბა გამოუვლიათო. ცალკე არყის ძალამ, ცალკე ეფენდის დაპირებამ—

საქმეს გაგიჩენ და გამუშავებო,—ისე შეახურა, ისე გაამხიარულა ჩვენი ოჰო, რომ დარდ-ვარამი ყველაფერი დაავიწყდა და სხვა-და-სხვა ოსმალური სიმღერები მოაყოლა.

— „კბილის ჩიჩქნით მუცელი არ გაძღებო“—სთქვა ეფენდიმ და გზირს უბძანა—დამკვრელები მოიყვანეო.

ეს დამკვრელები ადგილობრივი სომხები იყვნენ, რომელნიც სხვა-და-სხვა აზიურ საკრავებს უკრავდნენ და თან მღეროდნენ. ადგილას ამ დამკვრელებს „ჩალკებს“ უწოდებენ. რომელ სოფელშიაც უნდა წასულიყო ეფენდი, ეს ჩალკები განუშორებლივ თან დასდევდნენ, რადგან კარგად იცოდნენ, რომ ეფენდი „უქეიფოდ“ ლამეს არ გაატარებდა—ალხენდნენ, ართობდნენ და მით ფულებს შოულობდნენ.

„ჩალკებმა“ არ დაახანეს, მივიდნენ, ეფენდის თავი დაუკრეს და სუფრას შემოუსხდნენ. დიასახლისი იძულებული იყო საქმელების რაოდენობა გაედიდებინა.

— სხვა რასა იქო, როგორა ხართ?—მიმართა ეფენდიმ „ჩალკებს“.

— თქვენი წყალობით ყველანი კარგათ გახლავართ,— მიუგეს დამკვრელებმა.

როდესაც კარგა ლაზათიანად გამოძღნენ, ბარბარე ხელახლად გამოვიდა თავის საფარიდან და სუფრას ალაგება დაუწყო. არყის დოჰი კი იქვე დარჩა. იგი სამიკიტნოში რამდენჯერმე ცარიელი წაბძანებულიყო და უკან სავსე დაბრუნებულიყო. ქიქები ისევ ხელიდან ხელში გადადიოდა. ამასობაში „ჩალკებსაც“ თავი შეუბურდათ.

— ეხლა კი დაიწყეთ,—უბრძანა ეფენდიმ.

იმათაც დაიწყეს. პატარა ქოხი აზიური საკრავების დამაყრუებელმა და შეუწყობელმა ხმებმა ცოტა არა გაამხიარულა.

ეფენდი ისეთს კარგს გუნებაზე იყო, რომ მხიარულებისგან აღარ იცოდა რა ექნა.

ცოტა ხნის შემდეგ ოსტატი პეტრეს ქოხს მფობლის დედაკაცები და ყმაწვილი ქალები შემოეხვივნენ და ფანჯრები-

დან და ქოხის ქუჭრუტანებიდან ჰვრეტა და ყურას გდება დაუწყეს, რომ მუსიკას დანატრულეული სმენა დაეტკობთ. სოფლის ქალს ისე არა ართობს-რა, როგორც მუსიკა, რომელსაც დიდი ხნობითაა მოკლებული, და თუ მისი მოსმენის ბედნიერება ეძლევა, — ისიც მხოლოდ ზამთრობით, ქორწილების დროს.

„მეჯლისი“ თან-და-თან გახურდა და უფრო გაერთიანებული ხასიათი მიიღო. არყისაგან გაღეჭილთა და „ჩაღკების“ ხმას საერთო ღრიანცელიც ზედ დაერთო. რომ იტყვიან ხოლმე: ძალი თავის პატრონს ვეღარ სცნობდაო, სწორედ ისეთი ამბავი იყო. მამაკაცებს აღარაფერი გაეგებოდათ, მხოლოდ ერთი ეფენდი იყო ფხიზელი და თავის შეკავებაც მარტო იმას-ღა შეეძლო. გარედ მდგომმა მეზობლის დედაკაცებმა და ქალიშვილებმა ამ გარემოებით ისარგებლეს და ნება-ნება შიგნით შელაგდნენ, მივიდნენ და შუშანა და ბარბარესთან ჩამოსხდნენ, რომ საკრავების ხმა უფრო კარგად მოესმინათ.

— ცეკვა, ცეკვა! — წამოიძახა ეფენდიმ ტაშის ცემით — ცეკვა გაიმართოს!

ამ დროს წამოდგა ოპო, რომელიც სიმთვრალისგან ფეხზე ძლივსღა დგებოდა, სეირის მაყურებელ ქალებთან მივიდა, ორ პატარა ქალს ხელი მოჰკიდა და თითქმის ძალით ქოხის შუა ადგილს მიათრია. დამკვრელებმა რომ ეს ნახეს, ადგილობრივი სათამაშო უაახურეს. პატარა ქალებს ჯერ ცოტა შერცხვათ, ცოტა კიდევ წამოწითლდნენ, თან ცოტა კიდევ გაინაზნენ — „არ ვიცი თო“, — მაგრამ ბოლოს მაინც ჩამოუარეს.

— შაბაშ, შაბაშ!\* — ღრიალებდნენ დამკვრელები და თან დაკვრას ახურებდნენ.

ეფენდიც ყოველ მოთამაშეს მუქაში თითო ვერცხლის ფულს უდებდა, რომელიც მაშინვე დამკვრელთა ჯიბეში გადადიოდა.

\*) „შაბაში“ იმ ფულს ჰქვიან, რომელიც მოცეკვავეს ეძლევა საჩუქრად. ეს ფული ბოლოს დამკვრელების საკუთრებაა.

ჩვეულებისამებრ ცეკვა პატარებიდან დაიწყო და თან-და-თან დიდებსაც იყოლიებდა. პირველი მოცუვეთა წყვილი რომ დაიღალა, ხელსახოცი ახლა სხვა ორ ქალს გადუგდრო იმის ნიშნად, რომ ახლა თქვენ ითამაშეთო. ამგვარად ჯერი ჯურზე იცვლებოდა და სათამაშოდ თითო წყვილი ქალი გადადიოდა. ეფენდიც უხვად ირჯებოდა და მოცუვეთ შაბაშით მუჭებს უვსებდა. ეს გარემოება დამკვრელებს უფრო აქეზებდა და რაც ძალი და ღონე ჰქონდათ, აწრიპინებდნენ თავიანთ საკრავებს.

ბოლოს ჯერი ბარბარეზე მიდგა. ლამაზმა ქალმა თავისი საუცხოვო ცეკვა-თამაშით ყველა დაჩრდილა. მის ყოველ მიხვრამოხვრამში თვალწარმტაცი სიკეკლუცე და მომჯადოებელი მიმზიდველობა იხატებოდა. პირველში ცოტა მორცხვობა ეტყობოდა, შემდეგ კი გაშალა ხელები და ისე დაცქრიალებდა, თითქო გაზაფხულის მერცხალიაო. ეფენდი აღტაცებაში მოვიდა და, რომ როგორმე ახლოს მიიკაროს, წარმოსთქვა:

— ჩვენი მხრის სომხებში ერთი ჩინებული ჩვეულებაა: ქალი რომ თამაშობას მორჩება, მიუახლოვდება სახლის საპატიო სტუმარს, დაიჩოქებს მის წინ, თავს კალთაში ჩაუდებს და იმ დრომდე არ აღდგება, ვიდრე კარგ საჩუქარს არ მიიღებს\*).

— ეგ ძალიან კარგი ჩვეულება ჰქონიათ, — ბანი მისცეს დამკვრელებმა: — უეჭველად აქაც შემოვიღოთ.

— ბარბარე, პირველი მაგალითი შენ უნდა მისცე ხალხს! — უთხრა ეფენდიმ: — მაშ მომიახლოვდი, შევილო!

ბარბარე სირცხვილისგან მთლად დაიბნა და გაშეშდა. მისთვის უმჯობესი იყო მიწა გაჰხეთქოდა და თან ჩაეტანა, ვიდრე თავი უცხო კაცის კალთაში ჩაედო. გარნა აქეთ-იქიდან წააქეზეს, ხელი წაპკრეს და თან ყურში წაჩურჩულეს: „მიდი, ქალო, ნუ გრცხვენია! საჩუქარს მოგცემსო“. — ბოლოს ხელი მოჰკიდეს და ეფენდისთან მიიყვანეს. ბარბარემაც ნახა, რომ

\*) სომხეთში არსად ამნაირი ჩვეულება არა აქვთ; მხოლოდ აზიის ბოშათა ქალები და ბიჭები ხვარობენ ამ საშუალებას ფულების დასაცინ-  
ულად.  
აგტორი.

ველარას გააწყობდა, დაიჩოქა და მშვენიერი თავი ეფენდის კალთაში ჩაუდო. სიამოვნებისგან ცამდინ აწეულმა ეფენდიმ მშვენიერ წაბლის ფერ თმაზე ალერსიანად ხელი გადაუსო და მუქაში ორი ოქრო ჩაუდო.

ეფენდი რომ ამ ქეიფში იყო, ერთი მისი პოლიციელთა განი ოთახში შევიდა, მიუახლოვდა და ყურში წასჩურჩულა: — „თქვენ რომ გვიბრძანეთ, ის კაცი ვიპოვნეთო“. — ამ საათში შეიპყარით და, ვიდრე დაილაზე რაიმე განკარგულებას მოგცემდეთ, ძლიერ სიფრთხილით იყავითო. — უბრძანა ეფენდიმ ჩუმათვე.

პოლიციელი წავიდა.

ეს ჩურჩული და განკარგულება ვის შეეხებოდა? — ჯერაგინ შეიტყო.

შუალამე გადასული იყო. ოსტატი პეტრეს ქოხი თან-და-თან ცალიერდებოდა. დამკვრელებიც წავიდნენ. სიმთვრალი-საგან უგრძობლად მყოფი ოპო თავის სახლში ძლივს მიიტანეს. აღარც მაყურებელთაგანი დარჩა ვინმე.

ქოხში მარტო ეფენდი და გზირი-ლა დარჩნენ. ამ უკანასკნელს იმდენი დაელია, რომ ერთად-ერთი სალი თვალითაც ველარას არჩევდა. შუშანამ ეფენდის ლოგინი გაუშალა. ქრატებიც ჩააქრეს და იქაურობა სრულ მყუდროებამ მოიცვა.

რაც იმ ღამეს იქ მოხდა, ეს ერთმა ღმერთმა უწყის. მხოლოდ ეს კია, მეორე დილით ბარბარე ძალიან დაღონებული იყო და საბრალოს რამდენსამე დღეს თვალზე ცრემლი არ შესრობია...

იმავე დილით, ბინდ-ბუნდისას, სოფელში ერთი სხვა სამწუხარო ამბავიც მოხდა: ერთი ახალგაზდა კაცისთვის ფეხში ბორკილი გაეყარა და იმ სამხედრო საქმეთა მწარმოებელთან მიჰყავდათ, რომელიც ახლათ იყო დანიშნული ომიანობის დროისათვის საჭირო განკარგულებათა მისაცემად.

გლახთაგან არავის შეუნიშნავს; მარტო ერთი თომას-ეფენდი მისდევდა შორი-ახლო და თან რაღაც ამაყური სიამოვნე-



ბით ამბობდა გუნებაში: „წადი ეხლა და იმდენი უბერე მაჭ შენ ღუღუკს, ვიდრე მოგბეზრდებოდესო“...

ახალგაზდა კაცი ბ. ღუღუკჩიანი იყო, ანუ ახლანდელი ჩვენი ბ. სალმანი.

### XXVI.

მოხუცი ხაჩოს სახლში ჯერ არაფერი იცოდნენ, მხოლოდ ძალიან-კი სწუხდნენ, რომ ბ. სალმანი ღამე შინ არ დაბრუნდა. ყველაზე მეტათ კი ვარდანი, ჰაირაპეტა და აპო სწუხდნენ, რადგან კარგათ გრძნობდნენ, რომ რაღაც ცუდი რამ უნდა შემთხვეოდესო. დილით ადრე სამნივე ერთათ გავიდნენ სოფელში, იქნება რამე შეეიტყოთო.

შუადღის ხანს მოულოდნელათ თომას-ეფენდი გაჩნდა. მოხუცმა რომ შეხედა, ძალიან ეუცხოვა, რადგან თან არც შახური და არც ზაფთები ახლდა; ეფენდი-კი მუდამ განსაკუთრებული ამალით დაბძანდებოდა. მოხუცს მიუახლოვდა, ხელი მოჰკიდა და განზე გაიყვანა, ვითომდა საიდუმლო რამე მაქვს სათქმელიო.

— იცი, „მედუღუკე“ დაატუსაღეს და წააბძანეს „წიაღსა შინა აბრაამისასა“, უთხრა დამცინავი და თან ვითომ სერიოზული კილოთი.

მოხუცი მიუხედა, შეეზარა და მთლათ კანკალმა აიტანა, ასე რომ ცოტას გასწყდა, არ წაიქცა.

— გული შეიმაგრე, მამასახლისო, კანკალის დრო არ არის: ჯერ ბევრ მაგისტანებს შეიტყობ!— განაგრძო ეფენდი და თან შემდეგი უამბო: — „ბ. სალმანი თურმე ერთ სოფელში მისულა, ერთ სახლში რამდენიმე ახალგაზდა მუშა შეუგროვებია და სხვა და სხვა საგნებზე ულაპარაკნია, მაგალითათ „კაცთა პიროვნულ უფლებებზე“, მუშათა „შრომაზე“, „ძალ-მომრეობაზე“, აგრეთვე იმაზე, თუ ადამიანმა „უფრო თავისუფალ და უფრო ბედნიერ ცხოვრებას რა საშუალებით უნდა მიადწიოს“... ერთი სიტყვით, ვინ მოსთვლის, რამდენ ამ გვარ „სისულელეზე“ არ

ულაპარაკნია! უცებ რამდენიმე პოლიციელი თავს წამოსდგო-  
მონა და დაეტუსადებინა. თურმე მთავრობა მაგ „ხენთსაც“  
დიდი ხანია დაეძებდა, რადგან რამდენიმე მაგისი ამხანაგი უკვე  
შეუპყრია. ამ გვართ ეგ წრიპინაც მოჰყოლია ხაფანგშიო“.   
თომას ეფენდომ ყველაფერი უამბო, მხოლოდ იმისი-კი არა  
სთქვა-რა, რომ ბ. სალმანის დამსმენი თითონ ეფენდი ბრძან-  
დებოდა.

პატარა ხანს უკან ხელ-ახლა დაიწყო:

— ახლა-კი ახალ არაკს შევეხოთ,—თქვა მან მეტათ  
დამცინავი ღიმილით, თითქო განგებ ცდილობს მოხუცს გული  
უფრო მეტათ-დაუკოდოსო:—ჩქარა პოლიციელები მოვლენ  
და შენს სახლს გასჩხრეკენ. როგორც შენი მეგობარი, მოველი,  
რომ გაგაფრთხილო.

სიტყვა „მეგობარი“ რაღაც განსაკუთრებული კილოთი  
წარმოსთქვა. მიუხედავად ამისა, პოლიციელებისა და გაჩხრე-  
კის გაგონებაზე მოხუცს მთლათ თავზარი დაეცა.

— ხსნა ჯერ კიდევ შესაძლებელია,—განაგრძო ეფენდომ  
უფრო ცივათ:—შენ მხოლოდ ის მითხარი, დუდუქჩიანისა აქ  
ხომ არაფერია დარჩენილი?

თუმცა ეს ამბავი მოხუცისთვის მეტათ საშინელი იყო,  
მაგრამ მაინც ცოტა დამშვიდდა, როდესაც ნახა, რომ ეფენ-  
დისთანა დიდი კაცი ამისთანა გაჭირვების დროს „სამეგობროდ“  
ხელს უწვდიდა.

— მარტო ერთი ხურჯინია დარჩენილი, მიუგო მოხუცმა  
და თან აქეთ-იქით მიიხედა, არავინ გაიგონოსო.

— მოდი ეხლა და ვირი ტალახიდან ამოიყვანე! — თქვა  
თავისთვის ეფენდომ:—მარტო ხურჯინია დარჩენილი!.. თითქო  
ხურჯინი ცოტა რამ იყოს!..

თვალეზი უფრო დააჭკიტა და ისევ მოხუცს მიმართა:

— ჩვენთვის ერთი წუთიც-კი ძვირათ ღირს, ჩქარა წავი-  
დეთ და ის ხურჯინი სადმე მივმალეთ, ვიდრე პოლიციელები არ  
მოსულან.

ეფენდის გულწრფელობაზე საბრალო მოხუცს ექვიც-კი არ შეჰპარვია, ოდაში შეუძღვა და ბ. სალმანის სამგზავრო ხურჯინი უჩვენა:

— კარები ჩაკეტეთ, ურჩია ეფენდიმ, თითონ-კი ხურჯინი გახსნა და შიგ მყოფ საგნებს სინჯვა დაუწყო.

ხურჯინში აღმოჩნდა სხვა და სხვა მინდობილებათა წერილები, სხვა და სხვა პირებთან მიწერილი ბარათები, რომლებითაც გაქირვების დროს ბ. სალმანს ფულის მიღება შეეძლო, სხვა და სხვა ინსტრუქციები, პროგრამები და სხ. იყო აგრეთვე დაბეჭდილი რვეულები, წიგნაკები, რომლებსაც ახალგაზდა პროპაგანდისტი სოფელთა შორის ავრცელებდა. ერთი სიტყვით, ხურჯინში ქალაქდების მეტი არა იყო-რა. ეფენდო ყველაფერს დიდი ყურადღებით სინჯავდა და თან მძიმეთ თავს იქნევდა.

— ეს რომ მთავრობას ხელში ჩაუვარდეს, — თქვა მან, — ამ ქალაქდების თვით ერთი ცალიც-კი საკმაოა, რომ შენა და შენი შვილები თოკზე ჩამოგაკონწიალონ და მთელი შენი სიმდიდრე ხაზინას მიაკუთნონ.

მოხუცი მთლად გაქვავდა, პასუხის მიცემა ველარ მოახერხა; ეფენდის უკანასკნელმა სიტყვებმა მთლათ დავთრები დაუბნია და გონს ველარ მოსულიყო.

— ყველაფერი უნდა ცეცხლს მივცეთ, წარმოსთქვა ეფენდიმ და ქალაქდები ხურჯინშივე ჩააწყო.

— არაფერი არა მესმის-რა, თავში ჭკუა აღარ შემრჩენია! წამოილულულა ცახცახით საბრალო მოხუცმა და მიმქრალი თვალები კრემლით ავესო.

ეფენდიმ გადიფიქრა: „დაწვა რა საჭიროა? ფიქრობდა იგი, — კარგათ უნდა გავჩხრიკო; უეჭველია, რისთვისმე გამომაღდება... რათ გავაუქმო“-ო?

შემდეგ მოხუცს შეეკითხა:

— ამ სახლში ისეთი საიდუმლო ადგილი არაფერია, რომ ეს ხურჯინი დროებით დავმალოთ?

— არის, მიუგო მოხუცმა.

მოხუცის სახლს მართლაც რამდენიმე საიდუმლო საკუჭნაო ჰქონდა, რომლებშიაც შიშიანობის დროს ძვირფას ნივთეულობას ინახავდნენ. რადგან ამ ქვეყანაში შიშიანობა ყოველთვის იყო, — მეტადრე სომხებისთვის, — ამიტომ რამდენიმე მათგანი დაებანდებინათ და ცარიელი მხოლოდ ერთი და იყო, რომელიც შეიძლება ეფენდისთვისაც ეჩვენებინა.

ასწიეს საუბედურო ხურჯინი და გაემართნენ სარდაფისკენ, რომელშიაც ზეთს, ერბოს, ღვინოს და სხვა ოჯახში საჭირო საგნებს ინახავდნენ. სარდაფი ბრტყელი ქვებით იყო დაგებული. მოხუცი მივიდა და ორი ქვა ახადა. ქვების ქვეშ ორი პატარა რკინის კარები გამოჩნდა, რომლებიც საიდუმლო საკუჭნაოს შესავალს ციაგათ ჰქონდა გადაფარებული. მოხუცმა ჯიბიდან გასაღები ამოიღო, ქუჭრუტანაში ჩაუყარა და რამდენჯერმე გადაატრიალა; უცებ რკინის კარები თავის თავად აიხადა და რაღაც ქვესკნელის მსგავსი ხარო გამოჩნდა. ვიწრო კიბის საშუალებით ორივენი ძირს ჩავიდნენ და ხურჯინიც თან ჩაიტანეს.

ხაროში ისე ბნელოდა, რომ შეუძლებელი იყო რისამე გარჩევა. ნოტიო ჰაერი-კი ადამიანს სულის უხუთავდა. ხურჯინი გვერდზე მიაგდეს და მაშინვე მალა ამოვიდნენ. მოხუცმა კარები ისევ დაჰკეტა და ზედაც კვალად ბრტყელი ქვები დააწყობა, რომლის შემდეგაც ძნელათ შეატყობდით, რომ ქვეშ რაიმე სამალავი არსებობდა.

— მომეცი გასაღები, — უთხრა ეფენდიმ: — მე შევინახავ ამის შემდეგ ჩემზე სანდო კაცი ნულარ გინდა.

მოხუცი სწორეთ არც-კი დაფიქრებულა, აიღო და მაშინვე გადასცა. საბრალო მოხუცი შიშს იმდენათ შეეპყრო, რომ მზათ იყო ეფენდის ყოველი სურვილი აღესრულებინა.

— შენთან ბევრი სალაპარაკო მაქვს, ხაჩო, მაგრამ დროება ნებას არ მძლევს: ვაი თუ გამჩხრეკავებმა მოგვისწრონ, — სთქვა მან საჩქაროდ: — ჯერ ხნობით-კი რამდენსამე რჩევას მოგცემ. მაშ ყური დამიგდე: არავინ უნდა იცოდეს, რომ ჩვენ ერთმანეთი გვინახავს; ყველა ეს საიდუმლოდ უნდა დარჩეს.

თვით შენმა შეილებმაც-კი არაფერი უნდა იცოდნენ. გამჩხრეკავები რომ მოვლენ, ეცადე რაც შეიძლება გულგრილათა და არხეინათ ეჩვენო. დეე რამდენიც უნდათ, ჩხრიკონ, ეძიონ, აქოთონ, ძაღლის კუდი (ხურჯინი) ისეთს ალაგასა გვაქვს დამარხული, რომ ეშმაკიც-კი ვერ მიაგნებს. უარს ნუ იტყვი, რომ ის „მედუღუკე“ შენს სახლში ყოფილა, მხოლოდ უთხარი: არც ვიცნობ და არც ვიცი რა მიზნითაა მოსული ამ ქვეყანაში, არც არა ჩემმა შეილებმა იციან-თქო.

ეფენ ღიმ რომ რჩევა-დარიგება გაათავა, სარდაფიდან მალლა ამოვიდა.

— ახლა ერთი სხვა გზა მიჩვენე, რომ აქედან საიდუმლოდ გავიდე,—თქვა მან და თან გარემოს თვალი მოაგლო:—უნდა ვეცადო, რომ აქედან გასვლისას არავინ მნახოს.

მოხუცი გაუძღვა ეზოს უკანა კარებისაკენ, საიდანაც საქონელს რეკავდნენ მინდვრათ.

— ახლა-კი მშვიდობით. როდესაც გამჩხრეკავები თავიანთ საქმეს შეასრულებენ, მაშინ კიდევ გნახავ. შენ არხეინათ იყავი, როგორმე პირში ბურთს დავუცომ.

ეფენდი წავიდა. გზაში წამდა-უწუმ გუნებაში იმეორებდა: „ჩემო ბებერო ხაჩო, შენი სული ეხლა ჩემ ხელშია: რასაც მინდა, გიზამო“...

ნაშუადღევის პირველი საათი იქნებოდა. ვარდანი ჰაირაპეტა და აპო ჯერაც შინ არ დაბრუნებულიყვნენ. მოხუცის დანარჩენი შეილები-კი ჩვეულებრივ მინდვრათ მუშაობდნენ. დედაკაცებიც თავიანთ საქმეში იყვნენ გართულნი: მინდორში მომუშავეთ ჯერს უმზადებდნენ. გლეხები სადილს თითქმის მუდამ მინდვრათა სკამენ და შინ მხოლოდ ვახშობისას ბრუნდებიან. ჯერ არავინ იცოდა, რაც სახლში მომხდარიყო.

მოხუცი ხაჩო გამჩხრეკავებს ისე მოუთმენლათ ელოდდა, როგორც სასიკვდილოთ გამზადებული კაცი სასჯელს მოეღის, რადგან არსაიდან ხსნის იმედი არა აქვს. მომხდარი ამბის შესახებ სახლში არაფერი სთქვა, რადგან არ უნდოდა წინათვე შეეშინებინა.

ბოლოს მოვიდა ნახევარ ასის-თავი, რომელსაც თან პოლიციელები, ჟანდარმები და რამდენიმე ჯარის კაცი ახლდა.

ამ დაუპატიუებელ სტუმრების დანახვა სახლში მყოფთ პირველში არც ისე შეშინებიათ, რადგან ჯერ ერთი, მიზეზი არ იცოდნენ და მეორეც—იმათი სახლი ამგვარ სტუმრებს ჩვეულო იყო: მოდიოდნენ, ხშირათ მთელი დღეებით რჩებოდნენ, სჭამდნენ, სვამდნენ და უკანვე მიდიოდნენ. ოსმალოს ჯარის კაცთა ჩამოხდომა გლეხის სახლში, მეტადრე მამასახლისის სახლში, ჩვეულებრივ ამბავს წარმოადგენდა.

— ნაბძანები მაქვს, რომ თქვენი სახლი გავჩხრიკო, — უთხრა მოხუცს ნახევარ ასის-თავმა.

— ჩემი სახლი თქვენთვის მუდამ ღიაა, სადაც და რაც გნებავდეთ, გასჩხრიკეთ, — მიუგო მოხუცმა და თან ცდილობდა გულგრილათ სჩვენებოდა.

ნახევარ ასის-თავმა კარები ჩააკეტინა, ყოველ მხარეს მცველები დააყენა და ჩხრეკას შეუდგა. ჯერ ოდაში შევიდა, შემდეგ სხვა ოთახებიც დაიარა, ყოველი კუნჭული გაჩხრიკა, ყოველ საგანს თვალი გადავლო, მაგრამ საეჭვო ვერაფერი ჰპოვა. ამის დანახვაზე დედაკაცები მიხვდნენ, რომ აქ რაღაც არა ჩვეულებრივი რამ უნდა მომხდარიყოს და ტირილ-ღრიალი გააბეს. მოხუცმა შეტუქსა—„დაჩუმდითო“ და თან დაამშვიდა: საშიში არაფერიაო.

ნახევარ ასის თავმა რომ გაჩხრეკა გაათავა, ახლა გამოკითხვას შეუდგა:

— მიხეილ დუდუკჩიანის სახელით აქ ცხოვრებდა ვინმე?

— აქ მხოლოდ რამდენსამე ღამეს დარჩა.

— წინათაც იცნობდით მას?

— პირველათ ვნახე.

— მაშ სახლში რაღათ იღებდი?

— მე ამ სოფლის მამასახლისი ვარ და თქვენც კარგად მოგეხსენებათ აქაური ჩვეულება: მამასახლისის სახლი ერთგვარი ქარვასლაა, სასტუმრო, რომელშიაც ყოველი უცხო მგზავრი,

უცნობი კაცი ბინას შოულობს. ამიტომ საიდან უნდა ვიცოდე, ან ვინ მოდის ან ვინ მიდის?

— აქ არაფერი დაუტოვებია?

— არაფერი.

— ვერ შეიტყუეთ, რა აზრით დადიოდა აქეთ?

— ჩვენთვის არაფერი უთქვამს. მხოლოდ ეს ვიცი, რომ მასწავლებელი იყო.

— არ იცით ვის მეგობრობდა ან ვისთან დაიარებოდა?

— როგორც მასწავლებელი, ყველასთან დაიარებოდა, რომ შეგირდები. ეშოვნა.

— იცით ეხლა სად არის?

— არ ვიცი.

— დატუსაღებულია.

— უფრო კარგი, თუ მართლა ცუდი ვინმეა.

ამ დროს სახლის კარები ვიღაცამ დააკაკუნა.

— სახლში არავინ შემოუშვათ! ბრძანა ნახევარ-ასის თავმა.

კარის მცველმა მოახსენა, რომ თომას-ეფენდი ბრძანდება.

— შეუძლია შემოვიდეს.

ეფენდი შევიდა და, ნახევარ ასის-თავი რომ თავისი ამალით დაინახა, ვითომდა გაოცდა, თითქო არაფერი იცისო.

— მშვიდობა აქა მყოფელთა. — რა ამბავია? იკითხა ეფენდიმ სერიოზულათ.

ნახევარ ასის-თავმა თავისი მოსვლის მიზეზი უამბო. ეფენდის უხეშ სახეზე ცრუ ღიმილმა გადაჰკრა, ხელი მოჰკიდა და უთხრა:

— თავს მოვიჭრი, თუ მამასახლის ხაჩოს სახლში საექვო რომ იპოვებოდეს. თქვენ არ იცნობთ, როგორი კეთილი და კარგი კაცია!

ეფენდიმ ნახევარ ასის-თავი ოდაში შეიყვანა, პოლიციელები, ჟანდარმები და ჯარის კაცები-კი გარეთ დარჩნენ და კვალათ სახლის კარებებს დარაჯობდნენ.

— მაძასახლისო! მიუბრუნდა ეფენდი მოხუცს, — ეს კაცები მშივრები იქნებიან, უბრძანე, რომ სადილის სამზადისს შეუდგნენ. არაყი ქარბათ უნდა იყოს, გესმის?

უკანასკნელი სიტყვები ეფენდომ სომხურათ უთხრა. გახარებული მოხუცი გარეთ გამოვიდა. დიად, გ ხარებული, რადგან ქარიშხალი უკვე ჩამდგარი ეგონა.

მაგრამ არა, ქარიშხალი ჯერ არ ჩამდგა იყო! ოსმალები მოხუცის საკინძეს ხელიდან ასე ადვილათ არ გაუშვებდნენ: ჯერ უნდა ეწვალეზინათ, ეტანჯნათ, მთელი თვეობით ციხეში ჩაეღობათ და შემდეგ როგორც მათი სუნიდისი ამხილებდით, ისე მოეპყრობოდნენ. მართალია, მოხუცის სახლში საექვო არაფერი უპოვებიათ და არც თუ სხვა რაიმე გასამტყუნებელი საბუთი ეპყრათ ხელთ, რომ მისი საძარბალში მიცემა შესაძლებელი ყოფილიყო, მაგრამ ისიც ჰკმაროდა, რომ სომეხი იყო და ამას გარდა — მდიდარიც... ამისთანა მსუქანი მსხვერპლი-კი ოსმალეთის მოხელისთვის დიდი ბედნიერებაა.

ეს „ბოზბაში“ თითონ თომას - ეფენდომ „მოხარშა“, ბ.. სალმანიც თითონვე დაასმინა ახლათ მოსულ სამხედრო საქმეთა მწარმოებელთან: მოხუცის სახლის გაჩხრეკის ქსელიც ეფენდომ გააბა, ამიტომ მოხუცის ამ ქსელიდან გამოხსნაც ადვილად შეეძლო. მაგრამ არა! თავისი ჯოჯოხეთური მიზნის მისაღწევად სცდილობდა საქმისთვის უფრო რთული ხასიათი მიეცა.

სადილის განკარგულების მისაცემათ რომ მოხუცი ოდიდან გამოვიდა, ნახევარ ასის-თავმა ეფენდის ჰკითხა:

— ეფენდა, თქვენ რას იტყვი? მე მგონია, ეს მოხუცი არაფერშია დამნაშავე.

— თქვენთვისაც ცხადია, ბეგო, — მიუგო მელა ძუამ, — რომ თომას-ეფენდი საქმის ასე ადვილათ გადამქრელთაგანი არ არის. ჩემთვის საქმე ჯერ ისევ ბნელითაა მოცული. დარწმუნებული ვიყავი, რომ სახლში რაიმე საექვო საგანს ვიპოვნედი, ანუ



რაიმე სამზადისის ნიშანს, რომლითაც შესაძლებელი ყოფილიყო იმის აღსნა, თუ რამდენათ თანაუგრძნობდნენ დატუსაღებულის (ბ. სალმანის) აზრებს, — მაგრამ გაოცებული ვარ, რომ სამართალში მისაცემათ ჯერ ხნობით არავითარი გამამტყუნებელი საბუთი არ აღმოჩნდა! მაგრამ მაინც იმედს არ ვკარგავ: ჩვენ, სომხებს, ერთი საეკლესიო წესი გვაქვს, რომელსაც „განდობა“ ეწოდება, — მეც ესენი კარგათ უნდა გავანდო.... ეჭვი უფრო მოხუცის ორ შვილზე მაქვს და ერთს უცხოელზე, რომელიც აქვეა ჩამომხდარი.

— ეგ რომელი უცხოელია? — ჰკითხა ნახევარ ასისთავმა.

— ერთი რუსეთელი ახალგაზდაა, წრეს გადასული საშიშროვინმა და ჩვენი მთავრობის დაუძინებელი მტერი. აქეთ მხარეს ვაჭრის ნიღაბით დატანტალებს, მაგრამ ნამდვილათ-კი რუსეთის ჯაშუშია.

— თუ მართლა რუსეთის ქვეშევრდომია, მისი დატუსაღება ცოტა არა გავგიძნელდება, უპასუხა ბეგმა.

— ომიანობის დროს ჯაშუშების დატუსაღება არავითარ სიძნელეს არ წარმოადგენს. თქვენც ხომ იცით, რომ ჩქარა ომი უნდა გამოცხადდეს?

— ეგ ვიცი....

— ხსენებულ ახალგაზდის შესახებ მე კიდევ მოველაპარაკე მათ აღმატებულებას, სამხედრო საქმის მწარმოებელ ფაშა-ეფენდის. ნუ თუ თქვენთვის არაფერი უბრძანებია?

— ფაშა-ეფენდიმ მხოლოდ ის მიბრძანა, რომ ყოველი თქვენი განკარგულება აღსრულებაში მოვიყვანო.

— ძალიან კარგი, — თქვა ეფენდიმ და თან სახეზე სიამოვნების ღიმილი გამოეხატა: — რაც საჭირო იქნება, გეტყვით. მაგრამ ერთი სხვა საქმეცა მაქვს, ამას-კი შემდეგ გეტყვით.

— არა, ეფენდი, მე ძალიან მოუთმენელი კაცი ვარ; — უბა-სუხა ოსმალოს მოხელემ: — „შემდეგების“ ლოდნა არ შემძღ-ლია.

— მაშ ყურში გეტყვით.

ბეგმა ეფენდის ყური მიუშვირა, თუმცა ოდაში სხვა არა-ვინ იყო, რომ მათი ლაპარაკი გაეგონა. ეფენდომ წასჩურჩულა: „მოხუცი კარგა მდიდარია. მოწველა უნდა“ — ო...

ოსმაღეთის მოხელეთა სუსტ მხარეს ეფენდი კარგად იცნობდა და ისიც ძალიან კარგად იცოდა, რომ მოქრთამე მხეცე-ბი საქმის ვითარებასა და მის დაწვრილებით და მიუდგომელ გამოკვლევას იმდენ ყურადღებას არ აქცევდნენ, რამდენსაც იმ გარემოებას, თუ საქმეს რა მიმართულება და რა სახე უნდა მისცემოდა, რომ ბრალდებულისაგან მეტის გამოარჩენა შესძლე-ბოდათ. ამიტომ თომას-ეფენდი ცდილობდა მოხელეთა აღნი-შნულ ნაკლულევიანებით ესარგებლნა და დაგებული მახე მი-ზნის შესაფერად ეთამაშებინა. ეფენდის ძალიან გაეხარდა, რო-დესაც შეატყო, რომ ნახევარ ასის თავს მისი ნათქვამი ჭკუა-ში დაუჯდა.

— ეფენდი, როგორ გნებავთ, რომ საქმეს ისეთი მსკლე-ლობა მივცეთ. უთხრა პასუხად ბეგმა?

— ბატონო ნახევარ ასის-თავო, თან საკმაო კაცები გყავთ, უბძანეთ, რომ მოხუცსა და მის ორ შვილს, ჰაირაპეტასა და აპოსს, სასტიკი თვალყური ადევნონ. გარდა ამისა, უბძანეთ, რომ დაატუსაღონ რუსის ჯაშუშიც, რომელსაც სახელათ ვა-რდანი ჰქვია.

ნახევარ ასის-თავმა ჰაირაპეტასი, აპოსი და ვარდანის სა-ხელები ჩაიწერა.

— დღევანდელი თქვენი მოვალეობის აღსრულება — განა-გრძო ეფენდომ, — მარტო ერთი უბრალო გაჩხრეკა იყო, გამო-ძიება-კი ჯერ დასრულებული არ არის. მაშ ასე: ხსენებული პირები თქვენს მხედველობის ქვეშ უნდა იმყოფებოდნენ, ვი-

დრე მათი აღმატებულება ფაშა - ეფენდი გამოძიებას დაამთავრებდეს.

— კეთილი.—უბასუხა ნახევარ ასის-თავმა.

— მე-კი სანამ შუამავლის როლი უნდა ვასრულო: თავი ისე უნდა მოვაჩვენო, ვითომ ბრალდებულთა მფარველი ვარ, რათა საჭირო სიტყვები და საბუთები დავაფქვევინო. გესმით?

— მესმის... გაიმეორა ნახევარ ასის-თავმა.

ბ. ევანგულაჯი



## მეფე ლირი

„მეფე ლირი“ შეუძლებელია დაწერილიყო 1603 წელზე ადრე, რადგან ამ წელს გამოვიდა გარსნეტის წიგნი „გამხილება პაპის მატოურებისა“, საიდანაც შექსპირმა ისესხა სხვა და სხვა მანერე სულების სახელები, რომლებსაც ასახელებს ედგარი თავის მოგონებულ სიგიჟის დროს. გარდა ამისა ვიცით, რომ „ლირი“ წარმოდგენილი იყო „გლობის“ თეატრში 1606 წლის 26 დეკემბერს; ასე რომ ლირი უნდა იყოს დაწერილი ამ ორის წლის შუა, ერთსა და იმავე დროს „მაკბეტთან“. მალე ამ წარმოდგენის შემდეგ გამოვიდა (1608წ.) სამი გამოცემა ამ ტრაგედიისა in 4<sup>o</sup>: ეს იმას ამტკიცებს, რომ პიესა ყველასათვის სასიამოვნო საკითხავი წიგნი იყო.

გადმოცემა მეფე ლეირის და მის ქალიშვილებს შესახებ ნაამბობი აქვს გოტფრედ მონმოუსს, რომლის სიტყვით ეს მეფე უნდა გარდაცვლილიყო 800 წელს ქრისტეს დაბადებამდის. მონმოუსიდან ლეირის ლეგენდა შეიტანა თავის წიგნში გოლინშედმა. ჯერ კიდევ შექსპირამდის იყო გადაკეთებული ეს ლეგენდა დრამათ. სტივენსმა ხელახლა გადაბეჭდა იგი თავის გამოცემაში: *six old plays etc.* დრამა პირველათ გამოვიდა 1594 წ. მაგრამ ალბათ უფრო ადრე იყო დაწერილი და ეწოდებოდა სახელათ: „the true chronicle history of king Le-

ir and his three daughters“.\*) დრამაში მოხუცი მეფე კითხვას აძლევს ქალიშვილებს, თუ რამდენათ უყვართ მათ მამა. მეფეს უნდა მშობლიურათ გამოეთამაშოს უმცროსს ქალს, მოატყვილოს, დაიჭიროს სიტყვაზე, როდესაც იგი დაუწყებს სიყვარულის მტკიცებას, რაიც სრულიათ მოსალოდნელია, და მისის სურვილის წინამდებ მიათხოვოს ბრიტანიის მეფეს. მაგრამ მეფე მოტყვილდება, წაართმევს მემკვიდრეობას უმცროსს ქალს და უკანასკნელი მითხოვდება საფრანგეთის მეფეს, რომელიც მოდის ინგლისში პილიგრიმის ტანისამოსში გამოწყობილი და შემთხვევით შეხვდება ლეირის ქალს. სუსტს და მოხუცებულს მეფეს ჯერ გონერითა გააგდებს სახლიდან; მერე ორივე და ჭ მკვლელს მიუგზავნის მამას, რომელმაც უნდა მოჰკლას მეფეც და მისი ერთგული პერილლაც (იგზვია, რაც კენტი შექსპირის პიესაში); მეფე და პერილლა ერთი-ერთმანეთისათვის შეევედრებიან მკვლელს და იგიც შეიბრალებს მათ. ორივენი გაიქცევიან საფრანგეთში, სადაც შეხვდებიან მეფეს და კორდელიას, რომლებიც უბრალო სოფლელებათ გამოწყობილნი ზღვის პირად დასეირნობენ. შემდეგ ლირი დაბრუნდება ინგლისში და ქალიშვილები კი და მათი ქმრები განდევნილნი იქნებიან. ამ რომანტიულის თვისებიდან ეტყობა პიესას, რომ იგი უფრო ნაზის შინაარსისა, ვიდრე შექსპირის ტრაგედია. მისი მოქმედება ქრისტიანობის დროსაა; გონერითა იმას უჩივის მოხუცებულს, ჰკუთახელს და უდანაშაულო მამას, რომ ყოველთვის მლანძღავ. როდესაც ახალს ტანისამოსს ვიკერავ, ან ნადიმს ვმართავო. ლირი ტირილით წავა მისგან და ცრემლებიანი მიადგება კარს რეგანას, რომელიც აღერსით მიიღებს მამას, მუხლებზე დაუჩოქებს, გულში კი განიზრახავს მის მოკვლას.—საკვირველი არ არის, რომ ჩვენმა პოეტმა, რომელიც ცხოვრობდა უფრო განვითარებულს დროს, უფრო შესაზარად დაგვიხატა უმადურის შვილების ისტორია ვიდრე იმ პოეტმა, რომელიც განუვითარებელს დროს ეკუთვნის?

\*) მართალი ისტორია მეფე ლეირის და მისის სამის ქალის შესახებ.

შექ პირმა მეტი სისასტიკე შეიტანა ტრაგედიაში ჯერ მით, რომ გააფართოვა პირვანდელი შინააღსი. ღირის ამბავს მიუმატა ეპიზოდი გლოსტერის შესახებ, რომელიც ამოიღო სიდნის არკადიიდან (II, 10). კიდევ ერთი ოჯახის დაქცევა, სადაც ერთი მხრით საძაგელი შვილი წინააღმდეგა მამას და ძმას, მეორეს მხრით მოტყუილებული მამა ამხედრდება უდანაშაულო შვილის წინააღმდეგ, — ყველაფერი ეს მშვენიერათ შეეფერება იმ უსამართლობას, რომელიც ღირმა მიაყენა თავის ქალს და რომელსაც განიცდის თვითონაც უმაღურ ქალიშვილებისაგან. ეს ეპიზოდი, რომელიც ასე უახლოვდება ტრაგედიის უმთავრეს შინაარსს, შექსპირმა ნიჭიერათ და მოხერხებულათ შეუსისხლხორცა დრამის უმთავრეს მოქმედებას, ისე რომ ორი სიუჟეტი შეერთდა, გარდაიქმნა ერთათ; მაგრამ შეერთების გამო შექსპირს არ შეეძლო არ მიეცა ტრაგედიისათვის უფრო სასტიკი ხასიათი. მართლაც, იმ სიყვარულისა და სამსახურისა გამო, რომლით შეუკავშირა შექსპირმა გლოსტერის უკანონო შვილი საშინელს დებს, გონერია განიზრახავს თავის ქმრის მოკვლას და დის მოწამვლას. ეს სიყვარულივე იწვევს კორდელიის სიკვდილით დასჯას და თვითონ ღირის სიკვდილს. ამ სამის და ოთხის ოჯახობის დაქცევას უფრო ღრმა საფუძველი აქვს, — სახელმწიფო განხეთქილება. ღირის ქალიშვილებს საიდუმლო შეთქმულობით განუზრახავთ შეაერთონ დანაწილებული სახელმწიფო, რომელსაც გარედან საფრანგეთი ემუქრება. საიდუმლო შეთანხმება, რომელიც არსებობს კორდელიასა და ინგლისის დიდკაცობასა შორის, იწვევს გლოსტერის მხეცურად დაბრმავებას და შემდეგ კორნვალის ჰერცოგის სიკვდილს. თუ ეს პიესა შექსპირის სხვა პიესებზე უფრო საშინელ შთაბეჭდილებას ახდენს თავის მრავალის ველურ და ბუნების წინააღმდეგის დანაშაულობით, კიდევ უფრო საზიზღარია იგი იმ საშუალებებით, რომლითაც სრულდება სხვა-და სხვა დანაშაულობა პიესაში. გლოსტერის დაბრმავებას, როდესაც მის თვალებს ფეხით გასრესენ სცენაზე, თვითონ კოლორიჯი — მუდმივი დამცველი შექსპირისა, სთვლიდა ისეთ სცენათ, სა-

დაც ტრაგიკული მოქმედება მიყვანილია უკიდურესობამდე, შემაძრწუნებელის ეფექტის *ne plus ultra*-მდის. ბევრის კრიტიკოსის აზრით უნაყოფოთ სასტიკია - ის საშუალება, რომლითაც მოკლავენ კორდელიას, და თვითონ სიკვდილიც კორდელიის. ერთი ინგლისური ბალადა, რომელიც, ეტყობა, ტრაგედის შემდეგაა შეთხზული, გვიხატავს კორდელის სიკვდილს უფრო კეთილშობილურად — კორდელია კვდება ბრძოლის ველზე. რესტავრაციის დროს საზოგადოებისათვის. აუტანელი იქნებოდა ასეთი ტრაგიკული კატასტროფაც. ამიტომ გადააკეთეს ეს პიესა ტეტმა და კოლმენმა, და ბევრს გადაკეთებულ პიესებში ჩვენ ვხედავთ, რომ ედგარდს უყვარს კორდელია, და ტრაგედიას შერიგებითი დასასრული აქვს მიცემული, როგორც სჩვევია კომედიებს. ჯონსონმა და ზოგიერთმა სხვა კრიტიკოსებმა მოიწონეს ასეთნაირი გადაკეთება და გარრიკის დროსაც „ლირს“ ამ სახით არღვენდნენ: აღტაცებით ეგებებოდა საზოგადოება კორდელიის მოსაკლავათ მოგზავნილ მტარვალის მოკვლას თვითონ ლირის მიერ.

შეიძლება ვიფიქროთ, რომ რაკი შექსპირმა დასწერა ასეთი პიესა და იგი მოსწონდათ მის დროს, ეს დრო ბარბაროსული დრო იყო? ან ის რომ შექსპირი, თუმცა მაღალის ნიჭის პატრონი იყო, მაინც ვერ აცდა თავის დროის გავლენას? ან შეიძლება, შექსპირმა განგებ აამა მაშინდელ დროის გემოვნებას? ჩვენ არ ვეთანხმებით არც ერთს ამ აზრს. რომ მაშინდელი დრო განვითარებას არ იყო მოკლებული, ეს სჩანს იმ დროის მდიდარ მწერლობიდან; მართალია, მაშინდელს დროს ემჩნეოდა ცოტაოდენი ველურობა, მაგრამ უსამართლობა იქნება ველურის სახელი ვუწოდოთ იმ საუკუნეს, როდესაც გაჩნდა ასეთი საკვირველი კაცი, როგორიც იყო შექსპირი? უფრო მართალი იქნება, ვსთქვათ, რომ მაშინ ნერვები უფრო მაგარი და ჯანმრთელი ჰქონდათ, საზოგადოების სულიერი მდგომარეობა და ისტორიული სინამდვილე წარმოდგენდა მეტს ტრაგიკულს. შინაარსს, ადამიანის სიცოცხლეს-კომდენი ფასი არა ჰქონდა, და ყველაფერი ეს ხელს უწყობდა

ტრაგიკულის პოეზიის განვითარებას. ტრაგედია მხოლოდ მაშინ განვითარდება და აყვავდება და იქ, სადაც მას ხელს უწყობს საზოგადოების სულიერი მდგომარეობა: წყნარი, ბედნიერი მშვიდობიანობის დრო ვერასოდეს ვერ დაბადებს დიდებულ ტრაგედიებს. მაგრამ შეიძლება ვსთქვათ, რომ შექსპირი დროებით დაემორჩილა თავის დროის ველურ ხასიათებს, როდესაც სწერდა „ლირს“? შეუძლებელია, ასეთი დაცემა ვიფიქროთ იმ შექსპირის შესახებ, რომელმაც დასწერა რამეოდა ჯულიეტა, ჰამლეტი და ციმბელინი. თუ დავეთანხმებით კოლრიჯს, რომ შექსპირმა განავითარა „ლირში“ ტრაგიკული შინაარსი უკიდურესობამდის, მაშინ ხომ იმის ბრალი უნდა დავდვათ შექსპირს, რომ მან, მხატვარმა, ხელოვნების ღირსება მსხვერპლათ შესწირა გაველურებულ შეხედულობას. თუ ცოტაც არის, რაშიმე დაამცირა მან თავის ხელოვნების ღირსება, მაშინ უნდა ვუსაყვედუროთ, რომ ბრბოს საამოთ სწერდა. მაგრამ თუ დაკვირვებით შევისწავლით შექსპირის პიესებს, დავინახავთ, რომ უბრალო სახალხო პიესების ქუჩურ კარიკატურებსაც-კი აკეთილშობილებდა კომედიებში და აძლევდა მათ მაღალის მხატვრობის თვისებებს. და განა არ შეეძლო ამ პოეტს სულ სხვა ხასიათი მიეცა თავის შემოქმედებისათვის და უმაღლესის სამხატვრო და ზნეობრივ მიზნებისათვის ესარგებლნა იმ საშინელის ამბებით, რომლებით სავსეა მის წინა დროის ველური ტრაგედიები? განა მას არ ჰქონდა უფლება გაეხადა თავის ხელოვნურ ნაწარმოების უმთავრეს საგნათ უკიდურესობამდის მოსული საშინელი და ველური ვნება? შეიძლება, ასეთს დიდებულს პოეტს არ ეგრძნო, რომ უმაღლეს გენიოსურ მოქმედებას შეუძლია სავსებით გაშალოს ფრთები და თავისუფლათ იმოქმედოს მხოლოდ უკიდურესის და უძლიერესის ვნების გამოხატვაში? განა შეიძლება, ვიფიქროთ, რომ შექსპირმა არ იცოდა, თუ ძველი ტრაგიკოსები რისთვის იღებდნენ შინაარსს უძველესის გმირულ დროიდან, სადაც მათ შეეძლოთ დაეხატათ ძლიერი ადამიანები, აღჭურვილნი ძლიერის სულით, ვნებით და მისწრაფებით? ნამდვილათაც ყველასგან



აღიარებულია, რომ შექსპირის მხატვრულმა ნიჭმა იმ ტრაგედიაში მიაღწია უმაღლეს ხარისხამდის, სადაც გვიხატავს ამ აღვირ-აშვებულს კაცობრიობას: მაკბეტში, ჰამლეტში და განსაკუთრებით „ლირში“. ყოველს შემთხვევაში, როგორც ეს გვესმის და ვკითხულობთ ყველგან, „ლირი“—შექსპირის უდიდებულესი და უმაღლესი ტრაგედიაა. რა აღტაცებით ლაპარაკობს, მაგალითათ, შლეგელი ამ „გენიოსის არა-ადამიანურ აღმაფრენაზე“, „მიუწდომელის სიმაღლის და განუზომელის სიღრმის სულის შთაქცევტაზე“. ასეთი და სხვა მრავალი აღტაცება წარმოუთქვამთ ან უსაყვედუროდ შინაარსის გადამეტებულის სასტიკობის წინაამდგე ან თვითონ ასეთის საყვედურების წინაამდგე, ამიტომ უფლება გვაქვს ვკითხოთ ჩვენს თავს: ამ აღტაცების მიზიზი ხომ არ არის სიდიადე შინაარსისა, საშინელება და სისასტიკე ტრაგედიისა და აგრეთვე მისი მოქმედების უკიდურესი განვითარება?

ტრაგედიას ყოველთვის სულ სხვა (წინაამდგე) საგანი ჰქონდა, ვიდრე ეპოსს. ეპოსი გვიხატავს ადამიანების დიდებულს საქმეებს, რომლებიც არ ეწინააღმდეგება განგების კეთილს განზრახვას და მიზანს, იმ ადამიანებისა, რომლებიც არიან იარაღნი ბედის წერისა, საყვარელნი პირნი ღმერთებისა. ტრაგედია, პირიქით, გვიხატავს ყოველთვის ადამიანის უთანხმოებას განგებასთან, ბედის წერასთან. ტრაგედიაში ყოველთვის ვხედავთ ამაყს, ამპარტავანს და მასთან ძლიერს ადამიანებს, რომლებიც წინააღმდეგებიან ღვთისა და კაცის კანონებს, რისთვისაც ღმერთები სჯიან მათ. ბედის წერას, განგებას ჩვენ აქ ვუწოდებთ არა იმ ბრმა გარეგან ძალას, რომელიც ათამაშებს ადამიანს, როგორც ყოველგვარს ნებას და დამოუკიდებლობას მოკლებულს. შექსპირის ბედის წერა იგივეა, რაც ადამიანის საკუთარი ბუნება. ასეთი ბედის წერა ბატონია ჰამლეტის, ოტელოოს და მაკბეტის. საკუთარი ვნებანი,—აი ის ძაფები, რომლებისაგან მოქსოვილია მათი ცხოვრება. რაც უფრო ძლიერია ეს ვნება, მით უფრო—იზიდავს იგი ჩვენს ყურადღებას; რაც უფრო გაბედული იყო ის დანაშაულობა,

რომელსაც იწვევდა ვნება, მით უფრო სწრაფი იყო დრამატი-  
ული მოძრაობა, მით უფრო რთული იყო ნასკვი, მით უფრო  
ცხადი იყო მოქმედების საშინელება, მით უფრო ტრაგიკული  
იყო კატასტროფა. მეორეს მხრით, რაც უფრო კეთილშობი-  
ლური იყო ენების საფუძველი, მით უფრო დიდი იყო შტაბეჭ-  
დილება შეცდომისა და დანაშაულობისა, მით უფრო ღრმა  
იყო ჩვენი თანაგრძობაც. ჩვენ ვხედავთ, რომ იმდენათ ღრმაა  
შტაბეჭდილება სასცენო მხატვრულ ნაწარმოებისა, რამდენათ  
ფართოა, ძლიერი, ღრმა წარმოდგენილი ენება. მაგრამ შტა-  
ბეჭდილება თუ უღრის დახატულს საგანს, მიტომ რომ აქ  
პოეტური გენიოსებაც, რომელმაც ახმარს საგანს მთელს  
თავის ღრმა სულს და გონებას. ამიტომ სრულებით ბუნებ-  
რივია, რომ პოეტი თან და თან მალღდება, როდესაც გვიხა-  
ტავს იმ საშინელის ცთუნებას, რომელიც აცდენს ისეთს კე-  
თილშობილს ადამიანს, როგორც არის მაკბეტი და სხ. ეს  
წმალდება პოეტისა უფრო და უფრო ძლიერდება „ლირში“ საგ-  
ნის გაფართოვების დაგვართ. ჰამლეტსა და მაკბეტში, ოტე-  
ლლოსა და ტიმონში ყველაფერი ერთის უმთავრესის ხასიათის  
გარშემო ტრიალებს. „ლირსა“ და ციმბელინში-კი შექსპირს  
უფრო ვრცელი შინაარსი აქვს ადებული. თუ იმ ტრაგე-  
დიებში საქმე ერთის ენების განვითარებაა, „ლირსა“ და ციმ-  
ბელინში დახატულია მთელი საუკუნეები და თაობანი. ორი  
და სამი მოქმედება შეერთებულია აქ; ერთნაირის მნიშვნე-  
ლობის და ერთნაირი მიმზიდავი ხასიათები მოძრაობენ ერ-  
თათ; ეს მეტს ღირსებას აძლევს დრამის ფაქტიურს მხარეს.  
კარვით და განცალკევებით რომ დაუკვირდეთ რომელიმე  
კენტის ან ოსვალდის მოქმედებას, დავინახავთ, რომ ძლიერ  
ბევრი ფაქტიური შინაარსია უბრალო რამეებშიც, რაიც მკი-  
თხველმა, შეიძლება, არც-კი დაინახოს პირველის შეხედვით.  
აი ამიტომ ეს პიესები (ლირი და ციმბელინი) უფრო მდიდა-  
რია მოქმედებით ვიდრე სხვა პიესები, ამიტომ უფრო მეტი  
ეპიკური ხასიათი აქვს მათ, ვიდრე ისტორიულ პიესებს, ამი-  
ტომაც უფრო არა ჰგვანან ისინი ანტიკურს დრამას, ვიდრე

სხვა პიესები შექსპირისა. ეს შინაარსის სიმდიდრეა მიზეზი, თუ რატომაც კოტა ამ პიესებში სენტენცია, რომელმაც უნდა განმარტოს ტრაგედიის აზრი; ამ პიესებში თვითონ მოქმედებამ უნდა აგვიხსნას ყველაფერი, ამიტომაც აქ დიდი ყურადღება უნდა მივაქციოთ ფაქტიურს მხარეს ისე, როგორც ხასიათების ფსიხილოგიურს განვითარებას.

მაგრამ ჩვენ უნდა მივაქციოთ ყურადღება იმასაც, თუ როგორ ნაზათ და თან და თან უახლოვდება შექსპირი ამ თავის ძლიერ და მაღალ ტრაგიკულ ხასიათების დახატვას. თუ თვალს გადავაგვლებთ ჩვენის პოეტის წინანდელ ნაწერებს, დავინახავთ, რომ რომეოში დაგვიხატა ვნება თუმცა მშვენიერი და სწრაფი, მაგრამ არა მამაცურ-ღიადი; დავინახავთ, რომ მისი რიჩარდ II—სუსტი ადამიანია: რიჩარდ III არა ჩვეულებრივი ადამიანია მხოლოდ თავის სიმდაბლით, და მეფე იოანე მცირედან დამოუკიდებელი პირი. და როდესაც პოეტმა მიიხედ-მოიხედა საზოგადოებასა და ისტორიაში ისეთის ხასიათების გამოსანახავათ, რომელნიც აღჭურვილნი უნდა ყოფილიყვნენ სრულის ძალით, რომ ამ ძალიდან აღმოცენებულიყო დემონური ვნება, რაც ესაჭიროებოდა პოეტს უმაღლეს ტრაგიკულ მიზნისათვის, — მან ვერ ჰპოვა ასეთი ხასიათები ვერც შინის დროის განათლებულ საზოგადოებაში და ვერც ახლობელ წარსულში. თუ დიდმა ომებმა არ შეარყიეს ჩვენი მყუდრო ცხოვრება, ჩვენ ვხედავთ ტრაგიკულ და უსაზღვრო ვნებას მხოლოდ განსაკუთრებულ შემთხვევაში, საზოგადოების ველურ წრეებში. ასეთი შემთხვევები იშვიათია და თან საზიზღარი; ამიტომ ძალდატანება და არა-ბუნებრივობა ემჩნევა იმ ხელოვნურ ნაწარმოებს, რომელსაც შემოაქვს ეს ველურობა ჩვენს განათლებულ საზოგადოებაში, როგორც ეს არის შილოერის „ყაჩაღებში“.

ასეთი განსაკუთრებული შემთხვევა ჰპოვა შექსპირმა ოტელოში: აქ დაგვიხატა ველური ადამიანი ევროპის განათლებულ საზოგადოებაში, მაგრამ აქაც, ვგონებთ, უმრავლესობა შეურაცხყოფილი იყო უფრო იმ არეც-დარეულობით, რომელიც შეი-

ტანა საზოგადოებაში ამ მოშინაურებულმა ველურმა, ვიდრე ჩაგოს საზიზღრობით, იმ იაგოსი, რომელიც ეკუთვნოდა ამ საზოგადოებას. იულიოს კეისარში კი შექსპირს ჰქონდა უკვე ისეთი ეპოქა და წრე, რომელიც შესაფერისია ტრეგიკულ ამბებისათვის. გმირული ხალხი შორებული წარსულში, განათლებული, თუმცა მეტად მებრძოლი დრო, განხეთქილება მოქალაქობრივის ომების და სახელმწიფო არეულობის გამო—ყველაფერი ეს წარმოადგენს ისეთს ნიადაგს, რომელსაც ეძებდა შექსპირი და რომელსაც კიდევ დაუბრუნდა შემდეგ ორჯერ. მაგრამ ასეთი ხანაც ჯერ კიდევ ძლიერ განვითარებული იყო, რომ შესაძლებელი ყოფილიყო მაშინ ვნება თავის ბუნებრივის ძლიერებით და სრულიად თავისუფალი და აღვირავებული. მხოლოდ თავის მაკბეტისა და ჰამლეტისათვის მიმართა შექსპირმა გალების და გერმანელების გმირულს და მითიურს ეპოქას. ამ გვართვე ძველი მწერლები ეძებდნენ ტრაგიკულ შინაარსს ცივილიზაციის გაღმა, ტროის დროის წინა საგებში და საშინელი ისტორია ლაის და ტანტალის ოჯახობათა იყო ის წყარო, რომლითაც ყველაზედ უფრო სარგებლობდა ანტიკური ტრაგედია. როდესაც პოეტი გადაგვასახლებს ხოლმე ასეთს ეპოქაში, ისტორიული ტაქტი გვაგრძნობინებს სიამოვნებას ამ გმირულ პირებს ხილვით, ამ უზომოთ ამაღლებულის კაცობრიობით, ამ ნახევარ-ღმერთებით და ტიტანებით; ბუნებრივად მიგვაჩნია ასეთის ადამიანების ვნებათა და მისწრაფებათა ძლიერი განვითარება; ჩვენ არ გვაწუხებს მათის მოქმედების გადამეტებული სისასტიკე, რადგან ვგრძნობთ, რომ იმ დროში უფრო მეტის ტვირთის და ტანჯვის ატანა შეეძლოთ. ამასთანავე შეცდომაში არ შევყავართ იმ მოსაზრებას, რომ ასეთი ადამიანების არსებობა მითია, შეთხზული ამბავი, და ვითომც იმდენათ განსხვავდებიან ისინი ნამდვილ ადამიანის ბუნებისაგან, რომ შეუძლებელი იყოს მათი არსებობა. დანამდვილებით ვიცით ბურგუნდიის და მეროვინგთა სამეფო სახლის ისტორიიდან, რომ ასეთი ეპოქები და ასეთი საშინელი ოჯახური ამბები, რომელთა, შესახებ ვკითხულობთ „ლირეში“, რამდენისამე საუკუნის

განმავლობაში არსებობდა ქრისტიანე ადამიანებსა შორის; რომ ძველის ტრაგედიის ტანტალის ბორბლებანი ბუნებითათ სრულებით არ წარმოადგენს არც მითს და არც გამოგონებულს ამბავს. აი ასეთს დროში გადაგვიყვანა შექსპირმა ყველა თავის ტრაგედიასზე უფრო ტრაგიკულ ნაწარმოებში და შეიძლება მისის გენიოსობის ინსტიქტიური სიდიადე არსათ არ გამოხატულა ისე, როგორც ამ პიესაში. უკვე აღვნიშნეთ ზევით, რომ მაკბეტსა და ჰამლეტში შექსპირმა მიგვიყვანა ამ ეპოქების სამზღვრამდე, თითქოს იმ განზრახვით, რომ მოამზადოს განვითარებული საზოგადოება უფრო სასტიკის შინაარსის შესათვისებლათ.

ჰამლეტში შექსპირმა წარმოგვიდგინა ისეთი ადამიანი, რომელიც განშორებია ამ გვარ ველურ დროს!, მაკბეტში კი დაგვიხატა მეორე ადამიანი, რომელიც ეწინააღმდეგება მოახლოებულ მშვიდობიან საუკუნის გაღვინას და მტკიცეთ იცავს ველურის დროის ჩვეულებებს. „ლირში“ გადაყავართ ამ ველურ საუკუნეში და გამოჰყავს ჩვენს წინაშე ადამიანები, რომლებშიც მკვდარია და ულონო გონება და სინილისი და რომელთაც არ ძალუძთ რაიმე წინააღმდეგობა გაუწიონ სისხლის დღლილს. ასეთივე ადამიანები დაგვიხატა ციმბელინშიც, მხოლოდ იქ ისინი უფრო განვითარებულნი არიან და წინააღმდეგ „ლირისა“, მოეპოვებათ ზნეობრივი ენერგია, რომელიც მეტად ძლიერია და შეუძლია დასძლიოს ამგვართვე ძლიერ ვნებათა ღელვა. აქედან სჩანს, რომ „ლირში“ პოეტს განზრახუნდოდა ვნების უზომოთ განვითარება, შემთხვევით არ არის აგრეთვე დახატული ამ პიესაში კორნვალისის ჰერცოგის ბარბაროსობა: მეორე ასეთი მაგალითი არ მოიპოვება ჩვენის პოეტის არც ერთს პიესაში.

კენტსავით კადნიერს და თავზე ხელ-აღებულს არ დაგვიხატავდა სხვა დროის ადამიანს; შვილების უმადურობას და უძლიერესის ბუნებრივის მამაშვილურის კავშირის გაწყვეტას არ წარმოგვიდგენდა სხვა ცხოვრების დახატვის დროს. მისის პიესების მომქმედ პირთა უმრავლესობა არაა საზიზღარი და

მოკლებული ყოველსავე სინიდისს ნასახს. პირიქით ისეთი ადამიანებიც კი, როგორც რიჩარდი და იაგოა, არ არიან მთლად მოკლებულნი სინიდისს: „ადამიანი არის ისეთი, როგორც არის მისი დრო“. ამბობს ედმუნდი ჩვენს პიესაში: „ხმაღს არ შეჰფერის ნაზი გრძნობანიო“.

ჩვენის პოეტის შეხედულობითაც ნაზი გრძნობები არ შეჰფერის რკინის დროს, როდესაც ვნება უზომოთ განვითარებულია და ბიწიერებას არ აქვს საზღვარი.

რომ ამ პიესაში ჩვენ გადავდივართ ასეთ საუკუნეში, ეს მაყურებელმა უნდა იგრძნოს თავიდანვე სცენის მოწყობილობით. ტიკმა სთქვა ამ პიესის შესახებ: ტანისამოსები სულ ერთიაო. ამაზე უფრო შემცდარი აზრი შეუძლებელია. როდესაც „ლირში“ ვხედავთ პარიკების დროის სახლებს, სახლის ბრწყინვალე მოწყობილობას და რაინდების ისპანურ ტანისამოსებს, მაშინ ყოველივე ილუზია იკარგება. პირიქით, უშნო არქიტექტურის ოთახებს, ველურ და უდაბურ ადგილებს, ჰუნურ სისასტიკეს სახეებისას და ტანისამოსების ველურობას, რომელსაც ცოტათი აღმოსავლეთის მედიდურობაც უნდა ემჩნეოდეს, — ყველაფერს ამას შეუძლია იქონიოს ისეთი შთაბეჭდილება, რომელიც მოგვამზადებს იმ შთაბეჭდილებისათვის, რომელსაც იქონიებს ჩვენზე ამ პიესის ადამიანების მოქმედება. შექსპირი, რომლის დროს არ იყო ასეთი სასცენო მოწყობილობა, თვითონ ხედავდა საჭიროთ, დაეხატა პიესის დროისთვისები პირველ სცენებში მოქმედ პირების სიტყვებით მაინც. ედმუნდი უხატავს ძმას ამ დროს, როდესაც მოუყვება გამოგონებულ წინასწარმეტყველობას, რომელიც უქადის ქვეყანას სიკვდილს, სიმშინლს, ძველებურ მეგობრობის მოსპობას, განხეთქილებას სახელმწიფოში, წყევას და მუქარას მეფეს და თავად-აზნაურობას, უნდობლობას, მეგობრების განდევნას, უთანხმოებას ჯარებში და ცოლ-ქმრების განშორებას. მოხუცი გლოსტერიც ამბობდა წინათ (და ამბობდა, რაც ნამდვილად იყო), რომ აღარ არის სიყვარული და მეგობრობა, ძმებ-

შორდებიან ერთმანეთს; ქალაქებში ამბოხებაა, სახელმწიფოში განხეთქილება, სასახლეებში ლალატი. გაწყვეტილია კავშირი შვილსა და მამას შორის. მის საკუთარ სახლში შვილი წინა აღუდგება მამას; მეფემ დაჰკარგა სამართლიანობის გრძნობა და მამამ აღმართა ხელი შვილის წინააღმდეგ. „ჩვენ ვნახეთ, ამბობს გლოსტერი: ჩვენი დროის სიმშვენიერე: ვერაგობა, ლალატი და ყოველგვარი უგულობა“.

ეს არის იმ დროის მკრთალი სურათი, რომელიც შემდეგ უფრო ფართოთ და გარკვევით გადაიშლება ჩვენ წინ, და ჩვენ ვხედავთ უსაშინლეს სასტიკობას, დემონურ ვერაგობას, უდიდეს უმადურობას, უსაზღვრო რისხვას და სიფიცხეს. ეს დრო კერპთაყვანის მცემლობის დროა და შექსპირი დიდს ყურადღებას აქცევს ამ გარემოებას. ბუნება არის ღირის ღვთაება ისე, როგორც ედმუნდისათვის; შემთხვევა მეფობს ცათა შინა, დედამიწაზე-კი გაბატონებულია ძალა და ძალმომრეობა. ამ დროის საუკეთესო ადამიანებს არა აქვთ არავითარი წარმოდგენა არც შინაგან ძალაზე, არც კეთილშობილურ მოსწრაფებაზე, არც თავის დაჭერაზე, არც ზნეობრივ საფუძველზე, რომლებითაც შეიძლება აღუდებულის სისხლის დამშვიდება, გადამეტებულის ვნების შეკავება. ყოველი საქმე, საუკეთესო ადამიანების ყოველივე საქციელიც კი ფატალისტურად ბუნების და ვარსკვლავების ბრალია. გლოსტერის შეხედულებით მზისა და მთვარის დაბნელება იწვევს ყოველგვარს უბედურებას; პატიოსანი კენტის აზრით კი ღირის ქალიშვილების ხასიათების სხვა და სხვაობა გვიმტკიცებს, რომ არც აღზრდა, არც სისხლი არა ჰქმნის ადამიანის ხასიათს, არამედ ვარსკვლავები. მხოლოდ ყველაზე უფრო ბოროტი, თავისუფალის აზრის ედმუნდი დასცინის ბიწიერების და ვნების ასეთნაირათ გამართლებას, დასცინის მიტომ, რომ კარგათ გრძნობას თავის ნებას და სულის ძალას, თუმცა ამ ძალას ბოროტ საქმეებისათვის ხმარობს. მან თუ გაბატონა თავისი ეგოიზმი თითქოს რაღაც მოსაზრების გამო, სხვები კანონათ აღიარებენ ბოროტ ცხოვრებას და არ იციან სრულებით, თუ რა არის სინიდისის ქენჯნა და ზნეობრივი

ტანჯვა. ეს ისეთი დროა, რომლის შესახებ მაკბეტმა თქვა: თუ დასჭრიდენ ვისმე, დასჭრიდენ სასიკვდილოთ“. არც ერთს ავაზაკს არ სტანჯავს სინიდისის ქენჯნა არც დანაშაულობამდის, არც დანაშაულობის ჩადენის დროს, არც შემდეგ. არავითარი შიში შედეგებისა არ აკავებს ამ დროის ადამიანებს. აქ ვერ შევხვდებით ძლიერის ფანტაზიის, მაღალის წარმოდგენის, ნაზის ზნეობრივის ბუნების ჰამლეტს და მაკბეტს. ეს ქალიშვილები ღირისა, ედმუნდი, ეს კორნვალი, ეს ოსვალდი, — კვდებიან სრულიათ უსინანულოთ მას შემდეგ, რა-კი ვერ განახორციელეს თავიანთი სურვილები. საუკეთესო ადამიანები, როგორც ღირი და გლოსტერი, მაშინ როდესაც მათი ბიწიერება მათშივე ჰპოვებს ბუნებრივს სასჯელს, ბედნიერებიდან სასოწარკვეთილებაში ვარდებიან და ერთი ჭკუიდან შეიშლება და მეორეს ღმერთების სათამაშოთ მიაჩნია ადამიანები. ეგვევ მოუვიდა მაკბეტს: მასაც უნდოდა თავში მსხვერპლათ შეეწირა მომავალი ცხოვრება, რათა აქ დამსტკბარიყო ბრწყინვალე ცხოვრებით; მაგრამ როდესაც სასოწარკვეთილებაში ჩავარდა, ის ცხოვრება, რომელსაც ოდესღაც გაბრწყინვებულათ ხედავდა, ეხლა მოეჩვენა მხოლოთ ჩრდილათ მოარულათ, სულელის ენით მოთხრობილ ამბათ, რომელსაც არავითარი მნიშვნელობა არა აქვს. ასეთ დროში ყოველი ადამიანის თვისება უკიდურესობამდის ვითარდება. სიკეთეც, სადაც-კი არის, ერთგულობა, გულ-ახდილობა, სიმშვიდე — ყველაფერი გადამეტებულია. ამ დროის კაცობრიობა ისეთია, რომელსაც არ შეხებია არავითარი კულტურა, რომელსაც არავითარი წარმოდგენა არა აქვს არც რელიგიის დადგენილებაზე, არცა ზნეობის კანონზე.

პირველ დროში ერთათ ერთი კანონი, ერთათ ერთი გამაწესრიგებელი და გამსაზღვრელი არის ოჯახი. ეს სისხლის ნათესაობა ამშვიდებს კერძო პირებს ეგოიზმს და პატივის წყურვილს. მაგრამ აქ („ღირში“) ეგოიზმი სწყვეტს ბუნების ამ უძლიერესს კავშირსაც. ფიცხს მამას უნდა ყველაფერი შესწიროს შვილებს და უმადურობას კი მოიპოვებს მათის მხრით, განრისხებულად.



წინააღმდეგება სიმართლეს და ერთგულობას და თავის გულკეთილობას იჩენს პირფერობასა და სიცრუეს თან, რის გამო თვითონაც უსაშინელეს შეურაცხყოფას მიიღებს. ამასთანავე წყნარმა მამამ აღზარდა გველი — თავისი უკანონო შვილი, რომელსაც უნდა დაღუპოს იგი და მისი კანოეიერი შვილიც. ძმა ძმის წინააღმდეგ, და დის წინააღმდეგ, შვილები მშობლების წინააღმდეგ და მშობლები — შვილებისა, ყველანი ერთმანეთის წინააღმდეგ მიდიან, ერთი მეორეს დევნის: ესაა უსაშინელესი სურათი ადამიანის სიმხეცისა! ისეთი ადგილი უკავია ოჯახების განხეთქილებას პიესაში, რომ კაცს ეგონება, ვითომც შვილების უმადურობა შეადგენდეს პიესის უმთავრეს იდეას. მაგრამ პიესის აზრი ნამდვილათ უფრო ფართოა და ოჯახური განხეთქილება უფრო სხეულია პიესისა, ვიდრე სული. ამგვარ განხეთქილების გამო შინაარსი მეტს საშინელ შთაბეჭდილებას ახდენს, ვიდრე მოახდენდა მაშინ, როდესაც ასე დაახლოვებული პირები არ იქნებოდნენ ერთმანეთის ძტრები. მრავალი ბოროტება, რომელიც ხდება ახლო ნათესავეებს შორის, შლევგელის სიტყვით, წარმოგვისდგება რალაც ღიად ზნეობრივ ამბოხებათ; საშინელი სურათი გვეხატება წინ და ვგრძნობთ ისეთს შიშს, რომელსაც ვიგრძნობდით, პლანეტები რომ თავის წრიდან გამოვიდნენ და სულ სხვა გზით დაიწყონ სიარული.“

(შემდეგი იქნება).

# უცხოეთის მიმოხლვა

1. რუმინის მეფე კარლოს ჰოჰენცოლერნი.—2. ირლანდია.—3. გერმანიის შინაგანი პოლიტიკური მდგომარეობა.—4. „ევროპის ფედერაცია“.

ეხლახან შტუტგარტში გამოსულა ოთხ-ტომიანი მოგონებანი რუმინის ეხლანდელ მეფის კარლოს ცხოვრებიდან. როგორც სჩანს, ავტორი ამ წიგნისათვის თვით მეფე უნდა იყოს, რომელსაც ბავშვობიდან ჩვეულება თურმე აქვს „დღიური“ იქონიოს.

„მოგონებანი“ ბევრის მხრით არის საინტერესო; ბევრ შესანიშნავ პირების წერილია შიგ. მოყვანილი (ვილჰელმ პირველის, ბისმარკის, ნაპოლეონ მესამის, ალექსანდრე მეორის, კრონპრინც ფრიდრიხის და სხვების); განსაკუთრებით ძვირფასია ეს წიგნი რუმინის ახალ ისტორიისათვის 1866 წლიდან დაწყებული.

როცა სამოცდა ექვსში კარლოს ჰოჰენცოლერნი რუმინის მეფედ აირჩიეს, მას ბევრი მოწინააღმდეგე ჰყავდა; განსაკუთრებით წინააღმდეგი ავსტრია იყო. პრუსიის მეფე ვილჰელმ პირველი ვერ ურჩევდა თავის ნათესავს რუმინის ტახტის მიღებას. სამაგიეროდ ბისმარკი სულ სხვა აზრისა იყო და შეაგონა კიდევ კარლოსს რუმინიაში წასვლა. „მთელმა ერმა ავირჩიათ მთავრად და თქვენც მიჰყევით ამ მოწოდებასო, ეუბნებოდა ბისმარკი კარლოსს; წადით იმ ქვეყანას, რომელმაც ამოგიჩიათ. რა კი თქვენი უმაღლესობა რუმინიაში იქნება, კითხვაც გადაწყდება: წინააღმდეგი სახელმწიფოები, რასაკვირ-

ველია, პროტესტს განაცხადებენ, მაგრამ პროტესტი ქალაქებში იწერება და სინამდვილე კი სინამდვილედ რჩება—მას ვეღარ გამოაბრუნებენ“ო.

ბისმარკი კარგად იცნობდა ევროპის საერთაშორისო დამოკიდებულებას და ამ დამოკიდებულების ხასიათს და მისი წინასწარმეტყველებაც გამართლდა; პროტესტი ცალიერ პროტესტად დარჩა და კარლოს ჰოჰენცოლერნი რუმინიის მეფედ-

რუმინიის ახალი მთავარი გონიერი და წინდახედული მართველი გამოდგა. დიდ ღირსებად ჩათვლება კარლოსს, რომ არასოდეს არ უღალატნია ფიცისათვის და არ დაურღვევია თავის სამეფოს კონტიტუცია, თუმცა შემთხვევა ბევრი ჰქონდა ჯერ კიდევ მოუწყობელ და კანონიერებას არ შეჩვეულ რუმინიაში. მაგრამ ამ შემთხვევაში ჩვენ უფრო რუმინიის გარეშე პოლიტიკა გვინტერესებს.

ავიდა ტახტზე თუ არა, კარლოსს ყოველის მხრიდან ურჩევდნენ რუსეთის დახლოებას და მეგობრობას; ასეთ მრჩეველთა შორის იყვნენ ვილჰელმ პირველი და ბისმარკიც, მაგრამ ახალმა მთავარმა მრჩევლებს არ დაუჯერა—იგი მუდამ ექვის თვლით უცქეროდა რუსეთის პოლიტიკას, რადგან დარწმუნებული იყო, რომ ძლიერი რუმინია სრულებით არ იყო სასურველი რუსეთის იმპერიისათვის.

მართალია, კარლოსმა სიხარულით მიიღო მონაწილეობა რუს-ოსმალთა უკანასკნელ ომიანობაში (1878), რომ რუმინიის სრული დამოუკიდებლობა ეშოვა (მანამდე რუმინია სამთავრო იყო და არა სამეფო და ოსმალეთის ქვეშევრდომად ითვლებოდა), მაგრამ ბერლინის კონგრესიდან დაწყებული რუმინიის პოლიტიკა რუსეთის წინააღმდეგია უცვლელად. რუსეთის დიპლომატიამ ბერლინის კონგრესზე ისე იმოქმედა რუმინიის საზოგადოების აზრზე, რომ რუსოფილებმა სრულებით დაჰკარგეს ნიადაგი და ამ გვარად მომზადდა ჯერ ავსტრიასთან და შემდეგ სამთა კავშირთან დაახლოვება და დაკავშირებაც, როგორც ეს ეხლა ხან გამომჟღავნდა.

1878-იდან რუმინიის გარეშე პოლიტიკა არ შეცვლილა.

წინააღმდეგ ბალგარიის და სერბიის პოლიტიკისა, რომელიც მუდამ რყევაში იყო და ეხლაც არის.

მეტად საინტერესო ცნობები და დოკუმენტებია ხსენებულ წიგნში 1878 წლის ომიანობის და ბერლინის კონგრესის შესახებ.

როცა რუსეთმა ომი გამოუცხადა ოსმალეთს, რუსის ჯარების ოსმალეთის ტერიტორიაზე გადასაყვანად საჭირო შეიქნა რუმინიაზე გავლა, რისთვისაც რუსეთისა და რუმინიის მთავრობანი ერთმანერთს პირობით შეეკვრნენ. ერთი მუხლი ამ პირობისა ამბობს— „მის უდიდებულესობის რუსეთის იმპერატორის მთავრობა პირობას სდებს, რომ რუმინიის ტერიტორია ხელუხლებელი და დაურღვეველი დარჩება“. როცა ომი ატყდა, თავადმა გორჩაკოვმა, რუსეთის იმპერიის გარეშე საქმეთა მინისტრმა, რამდენჯერმე გამოაცხადა, რომ რუსეთი უარს ამბობს რუმინიის სამხედრო დახმარებაზე, რადგან არ სურს დავალებული იყოს ამ სამთავროსაგანო. რუსეთის სამხედრო მართველობა სულ სხვა აზრის იყო ვიდრე გორჩაკოვი, რაც რუსის ჯარების მთავარ სარდალს დიდ მთავარს ნიკოლოზ ნიკოლოზისძეს პირდაპირ, გულ ახდილად ეთქვა რუმინიის მთავრისათვის. მთავარ სარდალი კარგად ხედავდა, რომ რუსეთი არ იყო იმდენად ძლიერი, რომ უარ ეყო რუმინიის დახმარება. მართლაც, როცა რუსის ჯარი მეორედაც დამარცხდა განთქმულ პლენასთან, რუსეთის იმპერატორმა ალექსანდრე მეორემ არა თუ სთხოვა რუმინიის მთავარს დაუყოვნებლივი დახმარება ჯარით, პლენასთან თავმოყრილ ყველა ჯარების მთავარ სარდლობაც მას გადასცა.

რუმინიის მთავარმა და მისმა ჯარმა თავი ისახელეს ბრძოლის ველზე და რუსის ჯარს გაამარჯვებინეს. მაგრამ ბერლინის კონგრესზე რუსეთის დიპლომატია იმდენს ეცადა, რომ რუმინიის სამფლობელო ბესარაბია თავის იმპერიას შეეუერთა. რუმინიის მთავრობამ პროტესტი გამოუცხადა გორჩაკოვს და მოაგონა ზემოდ მოყვანილ პირობის მუხლი, მაგრამ არა გაუვიდა რა: ბესარაბია, რუმინიის ტერიტორიის ნაწილი და რუმინელე-

ბით დასახლებული, დღესაც რუსეთის ხელშია. ეს გარემოებაა, რომ შეუძლებელად ხდის რუსეთისა და რუმინიის დაახლოებას. რუმინია რუსეთის მეტოქეებისაკენ არის მუდამ.

კარლოს ჰოჰენცოლერნის გარეშე პოლიტიკა მისი პირადი პოლიტიკა არ არის, იგი რუმინიის ეროვნული პოლიტიკაა, რაც ხშირად მოწვეულ, უცხო, დინასტიის კი არა, ეროვნულ დინასტიასაც არ სჭირს.

ირლანდიელ გლეხის მდგომარეობის შესახებ მკითხველს ბევრი რამ ექნება წაკითხული; მას ეცოდინება, რომ ირლანდიელი გლეხი მოკლებული იყო და არის მიწას, რომ ირლანდიის მთელი ადგილ-მამული ინგლისელ მემამულეების საკუთრებაა და ირლანდიელი მხოლოდ მოიჯარადრეა. 1870 წლამდე ირლანდიელი ფერმერი მემამულის თვითნებობის უუფლებო მსხვერპლი იყო—უნდოდა განდევნიდა მიწიდან, უნდოდა იჯარას მოუმატებდა. მხოლოდ ამ წელს მიხედა ინგლისის მთავრობამ ირლანდიელ გლეხის უკიდურეს გაჭირვებას და გამოსცა პირველი აგრარული კანონი, „ლანდაქტა“დ წოდებული. ამ კანონით მემამულეს უფლება არ ჰქონდა გლეხისთვის მიწა წაერთმია, თუ მას მამულზე დანახარჯს არ აუნახლაურებდა. მაგრამ „ლანდაქტა“მაც არაფერი უშველა გლეხის გაჭირვებას: მემამულე თავისუფალი იყო, როგორც უნდოდა ისეთ იჯარის პირობით შეეკვროდა გლეხს და როცა მის განდევნას მოისურვებდა, ისეთ პირობებს მოსთხოვდა, რომ გლეხი იძულებული ხდებოდა უარი ეთქვა ახალ კანონის სარგებლობაზე.

სანამ შესანიშნავი მოღვაწე პარნელი არ გახდა ირლანდიელების მეთაური, გლეხის მდგომარეობის გამჯობესობაზე ინგლისელი არ ჰფიქრობდა. პარნელი მოურიდებლად, მედგრად შეებრძოლა ინგლისელ მთავრობის უსამართლობას. მას მხარს აძლევდა გაჭირვებული ირლანდიელი გლეხი და ამ სასტიკ ბრძოლას შედეგად ის მოჰყვა, რომ ინგლისელმა ძალა-უნებურად მიაქცია ყურადღება ირლანდიელ გლეხის მდგომარეობას; მთავრობა იძულებული გახდა დაენახა ამ მდგომარეობის აუტანე-

ლობა. 1881 წელს ინგლისის პარლამენტმა მიიღო მეორე აგრარული კანონი: დაარსდა საგანგებო საადგილმამულო სასამართლოები; ამათი დანიშნულება იჯარის რაოდენობის სამართლიანი განსაზღვრა, თუ ფერმერი და ლენდ-ლორდი თვითვე ვერ მორიგდებოდნენ; ფერმერს ეძლეოდა უფლება არენდის გაყიდვისა; სასტიკად იყო განსაზღვრული ორივე მხრის უფლებანი და მოვალეობანი: ლენდლორდს არ ჰქონდა განუსაზღვრელი უფლება ფერმერის განდევნისა.

როს გამჭვრეტი პარნელი კარგად ხედავდა, თუ რამდენად სასარგებლო იყო ახალი კანონი ირლანდიელ გლეხებისათვის, მაგრამ ისე შეხვდა მას, რომ ყველა გააკვირვა: იგი თხოულობდა, რომ იჯარაში, რომელსაც გლეხი იხდიდა, ადგილის ღირებულობის წილიც ყოფილიყო, რომ ოცდაათის წლის განმავლობაში გლეხი მესაკუთრე გამხდარიყო. გლადსტონმა არ მიიღო პარნელის წინადადება და პარნელმაც ახალ კანონს „შესაბრალოსი ხრიკი“ და „ნახევარი წამალი“ უწოდა. შესანიშნავ მოღვაწის პრაქტიკულ პოლიტიკის უმთავრესი პრინციპი იყო — რამდენს მეტს დაუთმობდნენ, იმდენი მეტი მოეთხოვა. მას არ ეშინოდა ინგლისის მთავრობის გაჯავრებისა, რადგან სიმართლის და კანონის გზაზე იდგა და მთელი ირლანდია ზურგს უმაგრებდა!

თუ შესანიშნავი იყო პარნელის მოღვაწეობა, არა ნაკლებ შესანიშნავი იყო ირლანდიელების თავგამოდება, და მათი მომზადება ბრძოლისათვის. ბოიკოტის ამბავი მკითხველს ეცოდინება — უსამართლოდ განდევნილ გლეხის ფერმას არც ერთი ირლანდიელი გლეხი არ მიეკარებოდა და თუ გამოჩნდებოდა ასეთი მოღალატე, ისე გაუჭირვებდნენ საქმეს, რომ იძულებული იქნებოდნენ, ისევე თავი დაენებებია „აკრძალულ“ ფერმისათვის.

პარნელი რომ ციხეში ჩასვეს (1881 წელს) და ირლანდიაში სასტიკი საგანგებო კანონები შემოიღეს, პარნელმა სატუსაღოდან შეუთვალა ხალხს — არ გადაიხადოთ იჯარა, სანამ მთავრობა უარს არ იტყვის სასტიკკანონებზეო; მთელ ხალხის

პასივურ წინააღმდეგობასთან მთავრობის სამხედრო ძალა უიარაღოა“-ო. ხალხი, როგორც ერთი კაცი, დაემორჩილა თავის საყვარელ გმირის სიტყვას.

ასეთ მეთაურსა და ასე მომზადებულ ხალხს მთავრობა წინააღმდეგობას კი გაუწევს, მაგრამ შეჩერებით ვერასოდეს ვერ შეაჩერებს.

1881 წლის აგრარულ კანონის შემდეგ პარნიელის და ირლანდიელების ბრძოლის საგანი უფრო ირლანდიის თვითმართველობა იყო.

პარნიელის სიკვდილისა და ირლანდიის პარტიის დასუსტების შემდეგ როგორც ჰომრულის საქმე, ისე აგრარული კითხვა წინ არ წასულა. მაგრამ როცა ირლანდიელების პარტია ისევ გაერთიანდა და მხნედ, გაბედულად შეებრძოლა ინგლისის მთავრობას, ირლანდიის საქმე ისევ წინ წაიწია.

კონსერვატიულირ სამინისტრო, \*) რომელიც ჯერ კიდევ ინგლისის მართველია, იმ აზრის იყო, რომ ხსენებულ აგრარულ კანონების შემდეგ ირლანდიელ გლეხების მოძრაობა „რევოლუციონერების“ და აგიტატორების საქმე იყო და არა ნამდვილ გაჭირვებით გამოწვეული. ამიტომ იყო, რომ იგი სასტიკ ღონისძიებით, ტერორით სცდილობდა გლეხების მოძრაობის მოსპობას. მაგრამ მალე დარწმუნდა, რომ პოლიციისა და ჟანდარმების საშუალებით საქმეს არაფერი ეშველება.

ინგლისი სხვა სახელმწიფოს არა ჰგავს—იქ რომ შეცდომას დაინახავენ, როდი რცხვენიათ ან ეშინიათ გამოტყდნენ და შემდეგ ეცადონ მის გასწორებას. ეხლაც ეგრე მოხდა: რაკი მთავრობა დარწმუნდა, რომ მთელი ირლანდია თხოულობს ნამდვილ აგრარულ რეფორმას, დაუყოვნებლივ შეუდგა საქმის შესწავლას, რომ ახლო მომავალში შესაფერი პროექტი წარმოადგინოს პალატას.

მანამდე უნდა მოხდეს ირლანდიაში მოლაპარაკება მემამულეთა და გლეხებ შორის. ორივე მხარე თანახმაა, რომ არსებული ფორმა მიწად-მფლობელობისა ყოველად უვარგისია და რომ მიწა იმის ხელში უნდა გადავიდეს, ვინც მას ამუშავებს.

\*) აქედან დაწყებული მე-22 გვერდის მე-15 სტრიქონამდე „ცნ. ფურც.“ დანარის ამოდებული.

გარდა ამისა, საჭირო აღარ იქნება ილაპარაკონ მიწის იძულებით გაყიდვაზე, რადგან მემამულეთ ისევე სურთ მოიშორონ მიწა თავიდან, როგორც გლეხებს მისი შექენა. მაგრამ დიდ სიძნელეს წარმოადგენს საკითხი, თუ როგორ უნდა მოხდეს მემამულეთაგან მიწის გამოყიდვა. მემამულეების სურვილია, რომ პირდაპირ გლეხებთან დაიჭირონ საქმე; მხოლოდ იმასაც ამბობენ, რომ მიწის გამოსასყიდათ დადებული გადასახადი არ უნდა იქნეს იმაზე მეტი, რასაც გლეხები წინაღ წლიურად იხდიდნენ იჯარაში. გლეხები კი თხოულობენ, რომ ეს გადასახადი უდრიდეს იმ იჯარას, რომელსაც საადგილ-მამულო კომისიანიშნავს (ირლანდიაში კანონით მიწის იჯარის რაოდენობას მემამულე როდი იშნავს, არამედ საგანგებო საადგილ-მამულო კომისია). საადგილ-მამულო კომისიამ კი 340,000 შემთხვევაში დაუკლო წინანდელ იჯარას 20% ან ერთი მეხუთედი და 80,000 შემთხვევაში კიდევ მეტიც. ჩვენ ისე ძალიან გვინდა მიწის საკუთრებად შექენაო, ამბობენ გლეხები, რომ თუ პირდაპირ ლენდლორდებთან გვექნა საქმე, დიდ ფულს გამოგეტყუვილებენო, ამიტომ მიწის გამოსასყიდ ფულის რაოდენობის დანიშვნა ლენდლორდების საქმე ნუ იქნებაო.

მეორე ძნელი საკითხი საქმის ფინანსიური მხარეა: საიდან იშვოვონ მიწის გამოსასყიდი ფული? მემამულენიც და გლეხებიც იმის მსურველი არიან, რომ ხაზინა დაეხმაროს მათ ამ საქმეში.

სიძნელე ბევრი არისო, ამბობს აგრარულ რეფორმის მხურვალე მომხრე როსელი, მაგრამ არც ერთი არ არის ისეთი, რომ მისი გადაწყვეტა შეუძლებელი იყოსო. „გაიხსენეთ მთელი საუკუნეები სასოწარკვეთილებისა და ტანჯვისა; გაიხსენეთ შეურიგებელი მტრობა, რომელიც ხშირად ავკაცობის ხასიათს იღებდა! და ბოლოს კი ორივე მხრის წარმომადგენელი ერთად იკრიბებიან სათათბიროდ! დუბლინში ბევრი მნიშვნელოვანი კრება ყოფილა, მაგრამ ის, რომელიც 1903 წლის დასაწყისში უნდა მოხდეს, ყველაზე უფრო მნიშვნელოვანია“.



ირლანდიის ეროვნული პრესა ამბობს, რომ ეხლა განზრახულ აგრარულ რეფორმის გამო ჰომრულის საქმე დროებით გადადებული იქნება. ყოველ ეჭვს გარეშეა, რომ მიწის გამოყიდვა არა თუ არ მოსპობს ირლანდიის თვითმართველობის კითხვას, პირ იქით, გააძლიერებს კიდევ, როგორც 1898 წლის საერობო თვითმართველობის კანონმა გააძლიერა. „და ადვილად შესაძლებელი არისო, ამბობს „რუს. ვედ.“ ის კორესპონდენტი, რომ კონსერვატიული სამინისტრო იძულებული გახდეს წარუდგინოს პალატას ირლანდიის ჰომრულის ბილი. ვისაც პარადოქსალურად ეჩვენება ეს მოსაზრება, შემდეგ ფაქტს გავახსენებ: ოთხმოცდაათიან წლების დასაწყისში ლორდ სოლსბერი ამტკიცებდა, რომ მუნიციპალური (ქალაქების) თვითმართველობა ირლანდიაში ჰომრულზე უფრო საშიში არისო. არ გასულა ექვსი წელიწადი და ეს „საშიში“ რეფორმა განახორციელა თვით სოლსბერის სამინისტრომ“.

საკუთრების უფლება მიწაზე უსაზღვროდა და ხელ შეუხებლად იყო აღიარებული მეცხრამეტე საუკუნის დასაწყისში სახელმწიფო მთელ თავის ძალ-ღონით უძლური. იყო საკუთრების პრინციპის წინაშე. საკუთრება წმინდათა-წმინდა იყო ეხლა კი არა თუ თეორეტიულად, პრაქტიკულადაც მიღებულია პრინციპი სახელმწიფოს ჩარევისა საკუთრების საქმეში.

გერმანიის ეხლანდელი მთავრობა შეიქნა სრული მორჩილი პრუსიის თავად-აზნაურობისა; კათოლიკე პარტია, რომელიც ბისმარკის დროს „თავისუფლების“ მოტრფიალე და დამცველი იყო, ეხლა მთავრობის მონა-მორჩილი გახდა და მთავრობასთან ერთად თავად-აზნაურობის მხარეზე გადავიდა; ნაციონალ-ლიბერალები დიდი ხანია დამოუკიდებლობას მოკლებული არიან და იმ მხარეზე გადადიან, საითაც მინისტრები უქნევენ თვალს, და ყველა დასახელებული პარტიები, გერმანიის საუბედუროდ, რეიხსტაგის უმრავლესობას შეადგენენ.

უცხოელ პურის ბაჟის გადიდება, რომელიც ხსენებულ უმრავლესობამ ახალ სადამოყნო პროექტის დაკანონებით შე-

მოილო, მხოლოდ თავად-აზნაურობის ჯიბეს გაასუქებს. მთავრობამ, თავად-აზნაურობამ, კათოლიკე პარტიამ და ნაციონალ-ლიბერალებმა ხალხის არსებითი ინტერესები მსხვერპლად შესწირეს ბარონების და გრაფების ფუფუნებით და განცხრომით ცხოვრებას. ესეც არ იკმარა რეიხსტაგის უმრავლესობამ: როცა დაინახა, რომ ოპოზიცია (სოციალ-დემოკრატები და თავისუფალ-მოაზრენი) მზად არის იხმაროს ყოველი კანონიერი საშუალება და უკიდურესი წინააღმდეგობა გაუწიოს ხალხის წინააღმდეგ მიმართულ კანონ-პროექტს, უმრავლესობამ არსებული კანონი დაარღვია და ამით ხალხის ინტერესების დამცველს ბრძოლის იარაღი წაართვა: მთავრობის პროექტში ცხრაასზე მეტი მუხლი იყო და კანონით თითოეული მუხლი რეიხსტაგს ცალკე უნდა განეხილა და მიეღო ან უარეყო. უმრავლესობამ მოსპო კერძო მუხლების განხილვა და პროექტს ერთბაშად უყარეს კენჭი; რეიხსტაგის თავმჯდომარეს მიანიჭეს თითქმის უსაზღვრო უფლება სიტყვის ნების მიცემისა თუ არ მიცემისა მსურველისათვის.

ამ გვარად უმრავლესობამ ფეხ ქვეშ გათელა ხალხის ინტერესებიცა და არსებული კანონიც, რომ თავად-აზნაურობამ ერთი-ორი გროში კიდევ ამოაცალოს ჯიბიდან საწყალ ხალხს. და ხალხი, რასაკვირველია, ამას არ დაივიწყებს!

აღსანიშნავია ერთი საყურადღებო მოვლენა გერმანიის ეხლანდელ პოლიტიკურ ცხოვრებაში: ერთი ნაწილი გერმანიის საზოგადოებისა აღარ უყურებს სოციალ-დემოკრატის როგორც ისეთ რევოლიუციონურ პარტიას, რომელთანაც კავშირის დაკერა „ქვეყნის ღალატი“ და „ქვეყნის დანგრევა“.

სახელგანთქმულმა მომსენმა ეხლახან დაბეჭდა გაზეთ „ნაციონ“-ში მეტად საყურადღებო წერილი, რომელმაც დიდი შთაბეჭდილება მოახდინა და დიდი მითქმა-მოთქმა გამოიწვია მთელ გერმანიის იმპერიაში და საზღვარ-გარედაც. მოგვყავს უმთავრესი ადგილები შესანიშნავ ისტორიკოსის წერილიდან, რომელსაც სათაურად აქვს—„რამ უნდა გვიშველოს?“

„იმპერიის კონსტიტუციის დარღვევა სიჩქარით მიდის წინ... გერმანიის რეიხსტაგში ლაპარაკის უფლება უკვე რეიხ-

სტაგის თავმჯდომარის ნებაყოფლობისაგან არის დამოკიდებული და მაშასადამე აღარც უფლებას შეადგენს. ადვილი მისახვედრია, თუ რა უნდა მოჰყვეს ასეთ ნაბიჯს. ეს მხოლოდ დასაწყისია კონსტიტუციის დარღვევისა და გერმანიის იმპერატორი (?) და გერმანიის ხალხის წარმომადგენლები უნდა დაემორჩილონ ბარონებისა და ბერების ინტერესების აბსოლუტისმს.

ძველ მონარხიის აბსოლიუტისმი იმასთან შედარებით, რომელიც ჩვენ მოგველის, რბილი და ჰუმანური მთავრობა იყო. მეფე არც ვაჰარია, არც მემამულე (?) და არც მღვდელი და კერძო ინტერესების მალლა სდგას (?). ეხლა უმდაბლეს ხარისხის ინტერესების კოალიციამ უნდა გადასწყვიტოს, საჭიროა თუ არა არხების გაყვანა და ფლოტის გაძლიერება, ან როგორ უნდა გაძვრეს ტყავი მოქალაქეს და მეცნიერებს როგორ უნდა ამოდონ ლაგამი პირში.

თუ არის კიდევ რაიმე საშუალება კონსტიტუციის დარღვევის წინააღმდეგ, ეს არის ყველა იმ პარტიების კავშირი, რომელნიც „შეთქმულება“-ში არ იღებენ მონაწილეობას; რასაკვირველია, ამ კავშირიდან უნდა გამოირიცხოს ის პარტია, რომელმაც სახელი გაუტეხა და პატივი ახადა როგორც „ლიბერალი“ სისე „ნაციონალისტის“ სახელსაც, და სამაგიეროდ უნდა მიღებულ იქმნას სოციალ-დემოკრატია“. მომზენი მტკიცედ თხოულობს სოციალ-დემოკრატისთან კავშირს, როგორც აუცილებელ შედეგს ეხლანდელ მდგომარეობისას. მომზენის აზრით, აღარ არსებობს სინამდვილეში ძველი განაწილება „წესის მომხრე“ და „წესის წინააღმდეგ“ პარტიებად, ან უკედ რომ ვსთქვათ, არსებობენ მხოლოდ წესის წინააღმდეგი პარტიები: არც ერთ პარტიას არ შეუძლია უსაყვედუროს შეორეს რევოლუციონერობა, რადგან ყოველი პარტია იმის მეცადინეობაშია, რომ არსებული დაწესებულებანი შესცვალოს“. შემდეგ მომზენი განაგრძობს: „არსებულ მძიმე და საშიშ პირობებში ისე არაფერი არ არის საჭირო, როგორც კავშირი ლიბერალებისა, რომელთაც ჯერ კიდევ უფლება აქვთ ატარონ ეს სახელი, სოციალ-დემოკრატისთან.“

მე არასოდეს არ ვყოფილვარ სოციალ-დემოკრატი და არც ვფიქრობ, რომ შემდეგში გავხდე, მაგრამ სამწუხაროდ სოციალ-დემოკრატია ერთად-ერთი პარტიაა, რომელსაც უფლება აქვს პოლიტიკურ პატივისცემაზე. რაც შეეხება ნიქს, ტალანტს, აქ ლაპარაკიც მეტია. გერმანიაში ყველამ კარგად იცის, რომ ბებელისებურ თავის ტვინი თორმეტ ბარონს რომ გაუნაწილონ, თავიანთ წრეში ბრწყინვალე ვარსკვლავები იქნებიან. სოციალ-დემოკრატ ამომრჩევლების თავდადება, მსხვერპლისათვის მზად ყოფნა პატივისცემას იწვევს მათ შორისაც კი, ვინც მათ სრულებით არ ეკუთვნის. პარტიის დისციპლინა ეხლანდელ ძნელ პირობებში, როცა მის კონგრესებზე ამდენი სიძნელე იჩენს თავს, საშურველი მაგალითი უნდა იყოს ლიბერალებისათვის“...

მომხენი და მისი თან-მოაზრე დეპუტატი ბარტი ეხლა იმ აზრს დაადგენენ, რომელიც უკვე განახორციელა ვალდეკ-რუსომ საფრანგეთში. როცა ბნელი ძალა საფრანგეთის კონსერვატორებისა და კლერიკალებისა აშკარად, პირდაპირ შეებრძოლა რესპუბლიკას და დემოკრატიულ პრინციპს და მას მხარი მისცა გადაგვარებულ რესპუბლიკელების ერთმა ნაწილმა, ვალდეკ-რუსომ ცხადათ დაინახა მდგომარეობის მთელი საშიშროება და გაბედვით მიჰმართა რესპუბლიკისა და დემოკრატიისათვის თავ-დადებულ სოციალისტებს და მათს დახმარებით ძირს დასცა თავადებული და გალაღებული რეაქცია.

ერთსა და იმავე მიზეზებს ერთი და იგივე შედეგი მოჰყვება ხოლმე. გერმანიაში შეერთდნენ თავადაზნაურობა და ერთ დროს ვითომ თავისუფლების დამცველი ცენტრი, ამათ მიემხრნენ გადაგვარებული ძველი ლიბერალები და შეერთებულის ძალით იერიში მიიტანეს ხალხის არსებით ინტერესებისა და უფლების წინააღმდეგ. რა საკვირველია, რომ ყველანი, ვისთვისაც ხალხის ეს ინტერესები და უფლება ძვირფასია, სცდილობდნენ შეერთებას გალაღებულ მტრის წინააღმდეგ, რომელსაც ეხლანდელი მთავრობა ასე ქომაგობს.

ევროპის სახელმწიფოების საერთოერთო დამოკიდებუბულების აწეწილ-დაწეწილობა ცნობილია. ერთი მეორეს უნდო

თვალთ უყურებს და მტრობს, სადაც კი ეხერხება და შეუძლია. თვით „მოკავშირენიც“, რომელთაც ენაზე „გულითადი მეგობრობა და სიყვარული“ აკერიათ ენაზე, ერთმანერთის წინააღმდეგ მოქმედებენ, სადაც ამას მათი ინტერესი მოითხოვს. მიუხედავად ასეთ საერთა-შორისო პირობებისა, არიან პირები, რომელთაც სწამთ, რომ ევროპის სახელმწიფოების „ფედერაცია“ ადვილათ შესაძლებელი საქმეა. ასეთ პირებს ეკუთვნის ფრანგი დე სტურნელ დ, ეკონსტანიც. მოგვყავს დ, ეესტუნელის მოსაზრებანი.

„არ არის საკმარისი ვაქოთ და ვადიდოთ მშვიდობიანობა; ჩვენი დანიშნულება და მოვალეობაა მისი ორგანიზაცია, მოწყობა. მე არა ვარ მომხრე ტოლსტეისებურ მშვიდობიანობისა; არ ვამბობ—იყოს მშვიდობიანობა, რაც უნდა დაჯდეს იგი, ავიყაროთ იარაღიო. ეს ვხა პირდაპირ მონობისაკენ და ომი საკენ წაგვიყვანდა. არც იმის მსურველი ვარ, რომ ქვეყანა განაზღეს, მაგრამ ვამტკიცებ, მშვიდობიანი მუშაობა, შრომა საუკეთესოდ მოამზადებს სამშობლო ტერიტორიის დაცვას. მშვიდობიანობის ორგანიზაცია პატრიოტიზმს კი არ შეასუსტებს, პირიქით გააძლიერებს კიდევ...“

მშვიდობიანობა ოცნება არ არის; იგი სინამდვილე ხდება, მას ეძლევა ფორმა, სახელი, იგი კავშირია სიცოცხლისათვის, რომელიც წინააღმდეგია არსებობისათვის ბრძოლისა, კავშირი ევროპიელ ხალხებისა, მათი ფედერაცია.

ფედერაცია აუცილებელი საჭიროება ხდება წინააღმდეგ მსოფლიო კონკურენციისა, წინააღმდეგ ამერიკელების გაბატონებისა დღეს და ყვითელკანიანებისა (მონგოლებისა) ხვალ. არც ერთ ხსენებულ მოვლენის წინააღმდეგ იარაღი არ გვაქვს. არ გვიშველის არც თავისუფალი ვაჭრობა, არც მფარველობითი სისტემა. დიდ სამსახურს გაგვიწევდა ჩვენ ეროვნულ საშუალებათა და სიმდიდრეთა მოხმარება, მაგრამ ამასაც დიდი ღონისძიება სჭირდება და ჩვენი წლიურ შემოსავლის 54 პროცენტის კი ხმარდება „შეიარაღებულ მშვიდობიანობას“, ე. ი. ისეთ საქმეს, რომელიც არაფერს აწარმოებს. ღონისძიებათა ამ ფლან-

გვას, უწარმოო ხარჯვას, ზედ ერთვის ჩვენი ახალგაზდობის ძალთა ფლანგვაც—ვამზადებთ ომს, რომელიც არავის უნდა, რომელზედაც არც კი სურთ ილაპარაკონ. ამ ორგვარ ფლანგვას შედეგად უთუოდ უნდა მოჰყვეს დემორალიზაცია და არეულობა. არ გვაქვს ნამდვილი პოლიტიკა, მოქმედების პროგრამა, არც შინ და არც გარეთ. ევროპა ხელ-ფეხ შეკრულია ასეთ პოლიტიკის არ-ქონებით, რასაც ვმაღავთ სხვა და სხვა ვითომდა პოლიტიკის სახით.

მე კარგად ვხედავ იმ სიძნელეთ, რომელთაც შევუკრავართ, განსაკუთრებით ჩვენ ფრანგები; მე არავის საყვედურს არ ვეუბნები და დიდათ ვაფასებ იმ შრომას, რომელმაც 30 წლის განმავლობაში აღგვიდგინა ფინანსები და ჯარი, შეგვძინა მოკავშირე. მაგრამ ეს ყველა ხომ მოქმედების საშუალებაა და არა მიზანი; და დღეს ყველა კარგად ხედავს, რომ, ეროვნულ სიმდიდრისა არ იყოს, ვერც ამ საშუალებას ვხმარობთ შესაფერად. რუსეთთან კავშირს უნდა გაესწორწონავებია ევროპის სახელმწიფოების ძალები და ამით შესაძლებელი უნდა გამხდარიყო თავისუფალი ეკონომიური განვითარება და გაერთიანებული მოქმედება ევროპის გარეთ. ნამდვილად კი სულ სხვა მოხდა: „შეიარაღებული მშვიდობიანობა“ ისევ მძიმე დარჩა ხალხებისათვის; ჩინეთზე გალაშქრებამ და ოსმალეთის მიტოვებამ ყველასათვის ცხადი გახადა უძლურება პოლიტიკისა, რომელსაც მხოლოდ მაშინ შეუძლია მოქმედება, როცა ფაქტი უკვე მოხდა და დასრულდა.

მიუხედავად ამისა, ყველა გრძნობს, რომ დადგა მომენტი, როცა შემთხვევის აყოლას თავი უნდა დაანებონ და სხვებთან ერთად შეებრძოლონ საერთო გაჭირვებას. ყველგან იჩინა თავი ფედერაციის ნიშნებმა. ჩინეთის და კრეტის ექსპედიციებს ის კარგი მხარე ჰქონდათ რომ, აიძულა სახელმწიფოები საერთაშორისო ჯარი შეექნათ, ჰააგისა და შაჰრის კონფერენციებზე მოხდა ისეთი დადგენილებანი, რომელიც წინეთ ყოველ სახელმწიფოს თავის შინაურ საქმედ მიაჩნდა. მსოფლიო საფოსტო კავშირი? რკინის გზებისა და ჰიგიენის ბიუროები? პარლა-

მენტის წარმომადგენელთა საერთაშორისო თათბირები? კონგრესები?

ჩნდება ფედერაცია, რომელსაც ჯერ განსაზღვრული ფორმა არ მიუღია, და არც შეიძლება, რომ არ ჩნდებოდეს.

გაყოფილი, დანაწილებული ევროპაა პარადოქსი და ქეშმარიტებაა გაერთიანებული, დამშვიდებული ევროპა. ამას ყველა გრძნობს ეხლა გარდა მთავრობებისა. მთავრობების პოლიტიკა, რომელიც გამოიხატება ლოდინში და გაჩუმებაში, უარყოფილია როგორც საღის გონებისაგან, ისე კიდევ უფრო თავის უნაყოფობით. ასეთმა პოლიტიკამ დაგვაკარგვინა ეგვიპტე, მანვე შექმნა ახალი იმპერია ბრიტანიის აფრიკისა.

ეგვიპტის დაკარგვას ალზას-ლორენის საქმით ხსნიან ჩვენი პოლიტიკოსები მაგრამ ამ კითხვაშიც ხომ ლოდინისა და გაჩუმების მეტს არას ვაკეთებთ. გაგვიზვიანებია გამბეტას განთქმული სიტყვები—მუდამ მაზედ (ალზასზედ) ვიფიქროთ, ნუ ვილაპარაკებთ კიო—და მეტს არაფერს ვაკეთებთ. ეგ ხომ უფრო მიძინება ეროვნულ მგლოვიალებისა ვიდრე მისი გულწრფელი პატივისცემა!

ალზას-ლორენის კითხვაა ერთად ერთი მიზეზი რომ აფერხებს ევროპის კონფედერაციას და რამდენად ცოტას ლაპარაკობენ მაზედ, იმდენად ნაკლები იმედია იმის გადაწყვეტისა

პოლიტიკა ლოდინისა და გაჩუმებისა თავის მოტყვილეობა. სად მიგვიყვანს ასეთი პოლიტიკა? დავიწყებასთან თუ რევანშთან? ერთიცა და მეორეც შეუძლებელია. როგორ დავივიწყოთ, როგორ არ ვილაპარაკოთ იმათზე, ვინც დაგვიკარგავს! ეგ ხომ ორჯელ დაკარგვა, წარსულის მოსპობა იქნება! ალზასის დაკარგვით ჩვენ დავკარგეთ ეროვნულ ერთობის ერთი ელემენტი.

გარდა ამისა დავიწყება დაგვამცირებდა მეტოქის თვალში, რომელიც ეხლა პატივისცემით გვიყურებს, და დამცირებას ჩვენი აბუჩად აგდება მოჰყვება.

ერთის სიტყვით, დავიწყება, რომლისკენაც მივყევართ ჩვენ სიჩუმის „პატრიოტულ“ პოლიტიკას, მეტად საშიში იქნება საფრანგეთისთვისაც და მშვიდობიანობისთვისაც საზოგადოდ.

მაშ რამისთვის უნდა მოვემზადოთ? არა. რამი კითხვას ვერ გადაწყვეტს, რადგან იგი გაუთავებელია: როსბახს იენა მოჰყვა, იენას ვეტერლოო და სხვა. მერე სად უნდა მოხდეს რამი? ალზას-ლორენში, სადაც ამდენი უბედურება დატრიალებულა? არა, ეს რამი საშინელია იქნებოდა, მით უმეტეს, რომ ალზასელები ორივე ჯარში იქნებოდნენ. მაშ როგორღა გნებავთო, მკითხვენი ის პირები, რომელნიც ჩვეული არიან აბსოლუტურად კითხვის გადაწყვეტას; ან ერთი უნდა იქნეს, ან მეორეო. აბსოლუტური გადაწყვეტილებანი მეტ წილად ბუნების წინააღმდეგია. მივბაძოთ ბუნებას. ნუ თუ შეუძლებელია შეთანხმება იმისა, რაც ორივე მხარეს კანონიერი და პატივსაცემი აქვთ თავიანთ მოთხოვნებში?

პირველად საფრანგეთმა უნდა დაიწყოს საქმე და აუხსნას გერმანულ საზოგადოების აზრს საქმეთა მდგომარეობა. ჩვენ უნდა ავუხსნათ და შევაგნებინოთ გერმანელებს, რომ არსებული განხეთქილება ხელს უწყობს და ამარჯვებინებს ზღვის იქითა კონკურენციას, რომელიც ჯერ გერმანიას ჩანთქავს და მერე ჩვენ. რაკი ამას გაიგებენ, დასკვნა თავისით მოვა. ორივე მხარე იძულებული გახდება ერთმანერთს დაუთმოს, რომ შეიმსუბუქოს საერთო ტვირთი. ორივე მხარე თან-და-თან მივა შეთანხმებამდე, რაც, გერმანელებს რომ ჰგონიათ იმაზე ბევრით ადრე მოხდება, რადგან წარღვნის ზვირთები გვიახლოვდება.

ევროპისათვის შეუძლებელია სხვა პოლიტიკა, ვარდა მშვიდობიანი პოლიტიკისა, რომლის საფუძველი აუცილებლად ევროპის ფედერაცია არის. ფედერაცია კი შესაძლებელი იქნება მხოლოდ ალზას-ლორენის კითხვის გადაწყვეტის შემდეგ. ამას უნდა მიხვდეს ევროპის საზოგადოებრივი აზრი და შემდეგ მიახვედროს მთავრობანიც“.

საქმებურია ავტორის ასეთი იდეალისმი და ჰუმანური გრძობიანი, მაგრამ საბუთები, რომელიც მას მოჰყავს თავის აზრის დასამტკიცებლად, მიზანს ვერ აღწევენ.



საერთაშორისო ჯარის მოქმედებამ ჩინეთში ბრმასაც კი დაანახვა, თუ რამდენად შეურიგებელია ევროპის სახელმწიფოების ინტერესები. ხშირად საქმე პირდა-პირ შეტაკებამდე და სისხლის ღვრამდე მიდიოდნენ „მოკავშირენი“ ჩინელების სასიხარულოდ და სასიამოვნოდ.

ჰააგის კონფერენციის მნიშვნელობა და შედეგი იქიდან სჩანს, რომ ერთად-ერთი საქმე, რომელიც უნდა განეხილა „საერთაშორისო სამართალს“—ბურებისა და ინგლისელების საქმე—სამართალმა არ მიიღო—ჩემს კომპეტენციას არ ეკუთვნისო. ჯერ ამ სამართლის გასამართლებული საქმე არავის უნახავს.

კონგრესებს დიდი სარგებლობა მოაქვთ საერთაშორისო დამოკიდებულობისათვის, მაგრამ იგი ვერ გახდება ევროპის ფედერაციის საფუძველი.

დ'ესტურნელს ერთი ავიწყდება კიდევ—ევროპაში ბევრი ერია ალზას-ლორენისთანა და ბევრად უარეს მდგომარეობაშიაც, და განა შესაძლებელია იქ ფედერაცია, სადაც ამდენი უკმაყოფილო ელემენტებია? სანამ ეროვნული კითხვა არ გადაწყდება საბოლოოდ, ხალხთა ფედერაციაზე ლაპარაკი უნიადგო ოცნებაა. ფედერაცია შესაძლებელია დამოუკიდებელი თანასწორ-უფლებიანებ შორის. ბატონ-ყმობა ვერაფერი ნიადგო ფედერაციისათვის.

„მოამბის“ შინაარსი 1902 წლისა

- სრატკვასშირელი შ.—ბედის მსჯავრი (ეტიუდი). № VII.
- ეეს, მეტივე (ლექსი პროზად). № VI.
  - ანტონ ზურაბიძე (ეტიუდი). № V.
  - კურცხაღია და ხატი (გაკონილი ამბავი). № VIII.
  - დიდიდედა მარიაში და ხატაურა, მოთხრობა. № III, IV.
- ახობაძე.—მკოსანს (ლექსი). № VII.
- აზიანა.—ცოდვა—სტენები. № I.
- ბაძნოვი ვ.—დაეწავა სურვილით. № VIII.
- სოკო, სოკო, მოთხრობა.
- გოგოლა ა.—ტარას ბუღბა—თარგ. ინ-ანისა. № VI, VII, VIII, IX, X, XI.
- გორკა ძ.—სამნი, თარგ. ივ. პოლუმორდენინოვისა. № VII, VIII, IX, X, XI და XII.
- გერგინიუსი.—ჭამლეტ. № VI, VII.
- შაკბეტ. № VIII, IX, X.
  - მეფე ღირი. XII.
- გრიბოედოვი.—ვაი ჭკუისკან.—კომ. თარგ. კანდეკილისა. № XI, და XII.
- გვბიციკაა.—უუვართ ერთმანეთი? (ეტიუდი) თარგ. ნინოსი. № III.
- გიქტორ ჭიუგო.—ტორკვემდა დრამა 5 მოქ. კ. უიფიანისა. № IV, V და VI.
- ზუდერძანა.—სასიკვდილოდ განწირულნი. თეია (ისტორიული დრამა) ინ-ანისა. № VIII.
- თაყაიშვილი ე.—ანხელოგიური მოგზაურობანი და შენიშვნანი. № II, VII, X და XI.
- ბრძენი აღმოსავლეთისა ანუ კანზრახვაი მისი. № II.

კოვალესკი. — წინაპრების თაყვანისცემა კავკასელებში. თარგ. —  
ასსი. № IV.

ძარკე ტვენი. — სიკვდილის წრე, თარგ. აღ. საათაშვილისა. № I.

ძელანია. — ღადიკო — მოთხრობა. № II.

ჰუშენი. — \* \* ღექსი, თარგ. კონ. ნიკოლაძისა. № II.

რადფი. — ხენთი — რძმანი სომხურიდან. თარგ. ევანგელაფისა. № VIII,  
IX, X, XII.

სახოკაა თ. — მებრძოლნი (ამბავი ბურ-ინკლისელთა ომიდან). № V.

ფრონელი ა. — დიდებული შესხეთი. № III.

ჩეხოვი ან. — შიში — თარგ. ა. მათაშვილისა. № VI.

ციცინათელა (ეტიუდი) \* \* — სს № VI.

ჩახანაშვილი ა. — თელავის რექტორის გაიფის სიტყვა სწავლის  
შესახებ. № V.

ჯორჯაძე არჩ. — ირლანდია მეცხრამეტე საუკუნეში. № I.

— თეატრი და მწერლობა. № II.

ჯანაშვილი მ. — ვახუშტი და მისი შრომა. III.

ჯორჯანსა ვერგა. — ევა — რძმანი. თარგ. აღ. დ. წინამძღვრიშვი-  
ლისა. № II.

ჭაუბტძანი გ. — დამირული ზარა — დრამა 5 მოქმ. თარგმანი ინ-ანისა.  
№ II, III და IV.

**უცხოეთი 1901 წელს.** — 1. საერთაშორისო დამოკი-  
დებულებანი: სამთა კავშირი. — რუს-ფრანგთა კავშირი. — ინგ-  
ლისი. — სამხრეთ-აფრიკის ომიანობა. — ჩინეთის ამბები. — 2.  
ევროპის უმთავრესი სახელმწიფოების შინაური საქმეები; ავს-  
ტრია და ეროვნული კითხვა. ინგლისის პარტიები, ირლანდია,  
გერმანია და ეროვნული კითხვა. დემოკრატიული პარტია. საფ-  
რანგეთი № I.

**უცხოეთის მიმოხილვა № II.**

**უცხოეთის მიმოხილვა.** — 1. კიდევ საერთაშორისო კი-  
თხვებზე: ორთა კავშირი და სამთა კავშირი. — 2. ამერიკელი  
მრეწველი № III.

**უცხოეთის მიმოხილვა** — 1. აგრარიული კითხვა იტა-  
ლიაში. — 2. მფარველობით სისტემა (პროტექციონისმი) ინგ-  
ლისში. — 3. საფრანგეთის საპარლამენტო არჩევნები. — 4. კა-

თოლიკური პარტია (ცენტრი) გერმანიაში და პოლონელები; პოლონელი წარმომადგენლები პრუსიის ზემო-პალატაში № IV.

**უცხოეთის მიმოხილვა.**—სამხრეთ-აფრიკა და ინგლისი № V.

**უცხოეთის მიმოხილვა.**—პოლონელები პოზნანში.—საფრანგეთის საქმეები № VI.

**უცხოეთის მიმოხილვა.**—ინგლისი: ლორდ-სოლსბერის სამსახურიდან გამოსვლა.—ბაღდური—მისი მემკვიდრე —გაცურებული იმედი.—ჩემბერლენის გავლენა ძველ და ახალ პრემიერზე. — რამ გააძლიერა კონსერვატორთა პარტია. — რამ დააუსტა ლიბერალები.—წარსული კაბინეტის რეაქციონური პროგრამა. — ნიშნები ოპოზიციის გძლიერებისა. — მეფე ედუარდ VII დაგვირგვინება. — საფრანგეთი. ბრძოლა კონგრეგაციების წინააღმდეგ.—კლერიკალების ოინები და მათი მოქმედება პროვინციაში.—როიალისტური ხასიათი მოძრაობისა.—აფიკერის პროტესტი. № VII.

**უცხოეთის მიმოხილვა.**—გერმანია.—სამთა კავშირის განახლება. — ვილჰელმ II პოზნანში. — გერმანელების აღტაცება.—როგორ ჰქმნიან „აღტაცებას“. — პოლონელების სიჩუმე.—ლანდმარშალის სიტყვა.—იმპერატორის პასუხი.—რუსის აფიცრები პოზნანში.

საფრანგეთი.—დე-სენ-რემის საქმე.—ორგვარი დისციპლინა.—ვიქტორ-ჰიუგოს ძველი ბეზანსონში. № VIII.

**უცხოეთის მიმოხილვა.** — 1. რუსეთი და ჩინეთი. — 2. ალზას ლორენი და საფრანგეთი. — 3. ირლანდია. — 4. სლოვინები. — 5. კრამარჯის წერილი. — 6. ერთი იუბილეი № IX.

**უცხოეთის მიმოხილვა.**—1. სერბია.—2. რუმინია—3. Laisser faire, laisser passer.—4. მაკედონია.—5. კლერიკალიზმი. № X.

**უცხოეთის მიმოხილვა.** — 1. ავღანისტანი.—2. ინგლისის ლიბერალები. — 3. ამერიკის შეერთებულ შტატების პრეზიდენტი რუზველტი და პატრიოტიზმი.—4. დელკასე და პელტანი.—5. გერმანელი კათოლიკე და პოლონელი № XI.

**უცხოეთის მიმოხილვა.**—1. რუმინიის მეფე კარლოს

პოპენცოლენი.—2. ირლანდია.—3. გერმანიის შინაგანი პოლიტიკური მდგომარეობა.—4. „ვეროპის ფედერაცია“ № XII.

დამატება.—საბერძნეთის ძველი ისტორია დასაწყისიდან დამოუკიდებლობის დაკარგვამდე. გ. ლორთქიფანიძისა. № II, III, IV, V, VI, VII, VIII, IX, X, XI, XII.

დამატება.—ფიზიოლოგია დ—რი ფოსტერისა. (დასასრული) თარგ. ი. ს. ფანცხვასი. № I.

საქმეს კი ერთობ ცოტას აკეთებენ: ღარიბი ათინელი მოქალაქე სჩივის ხოლმე, რომ შვიდზე მეტი მონა ვერ შეუნახავს. როგორც აღმოსავლეთში, საბერძნეთშიაც იყო მონების ბაზარი, რომელსაც კვე ავდა ომი ან მეკობრეობა. ამ გვარად თვით ბერძნები იყვნენ შიშში, რომ დღეს არა ხვალ დაჰკარგავდნენ თავისუფლებას, რასაც, შეიძლება, გავლენა ჰქონდა მონების მდგომარეობაზე—ისე სასტიკად აღარ ეპყრობოდნენ. ათინაში, მაგალითად, მონების მდგომარეობა არ იყო მაინცა და მაინც ძნელი: პატრონს უფლება არ ჰქონდა სიკვდილით დაესაჯა მონა, რომელსაც ამასთანავე შეეძლო მოეთხოვა პატრონისაგან თავის გაყიდვა. ძნელია იმის გამოანგარიშება, თუ განსაზღვრულ დროს რამდენი მონა იყო საბერძნეთში; მაგრამ შესაძლებელია დაახლოვებით წარმოვიდგინოთ მათი რაოდენობა შემდეგის ფაქტიდან: 309 წელს ქრისტეს დაბადებამდე ათინაში იყო 400,000 მონა, 21,000 სრულუფლებიანი მოქალაქე და 20,000 მეტიქი.

7. კერძო სახლები. კარგათ არ ვიცით, თუ რა ფორმა და წყობილება ჰქონდა კერძო სახლს საბერძნეთში; საზოგადოთ კი ვიცით, რომ კერძო სახლი პატარა, უშნო და ცუდათ აშენებული იყო. ბერძენი, რომელიც ასეთის ზრუნვით ეკიდებოდა საზოგადო მონუმენტებს, უყურადღებოდ სტოვებდა თავის სადგომს, რაც სრულებით წინააღმდეგია ეხლანდელ ცხოვრებისა. ბერძნულ სახლის უმთავრესი ნაწილი ეზოსაკენ ქალებისა იყო. თავდა-პირველად სახლი კირით იყო შელესილი; პირველად ალკიბიადემ შემოიღო კედლების მხატვრობით შემკობა და ისე მალე გავრცელდა ეს ჩვეულება, რომ უმხატვრო სახლი დიდი სისაწყლის ნიშანი იყო. მაკედონიის ეპოქიდან ბერძნებმა მეტი ყურადღება მიაქციეს თავის სახლს და უკეთ ჰქონდათ მოწყობილი.

8. აგეჯი. ავეჯიც სახლის შესაფერი ჰქონდა ბერძნებს: სკამი, ტახტი და სტოლი. სკამი მეტ წილად ჩვენი ღროის ტაბურეტის მზგავსი იყო, იყო აგრეთვე დასაკეცი სკამი, რომელიც მონას მიჰქონდა ხოლმე თავის ბატონისათვის, და სავარ-

ძელიც, ხისა—კერძო პირებისათვის და მარმარილოს—საზოგადო  
შენობებისათვის, თეატრებისათვის, სასამართლოებისათვის და  
სხვა. ცივ მარმარილოზე ჯდომა სასიამოვნო არ არის და ამი-  
ტომ ზედ ბალიშს სდებდნენ ხოლმე. ლოგინი, საბანი, ბალი-  
შები დიდათ არ განირჩეოდნენ ჩვენი დროის ამ გვარ საგნე-  
ბიდანვე; სტოლი, რგვალი თუ ოთხკუთხი, უფრო დაბალი  
იყო ვიდრე ეხლა: ბერძნებს ერთი ჩვენთვის გაუგებარი ჩვეუ-  
ლება ჰქონდათ—ნახევრად წამოწოლილი (მხარ თედოზე) ჰკით-  
ხულობდნენ, სწერდნენ და სკამდნენ. ბერძნებს ჰქონდათ აგ-  
რეთვე პატარა ყუთები ნივთებისათვის და ზანდუკები (სკივრი)  
ტანისამოსისათვის.

9. **ჭურჭლეულობა.** მეტი იქნებოდა ბერძნულ ჩვეულებ-  
რივ ჭურჭლეულობაზე ლაპარაკი, რომ ერთხელ კიდევ არ  
გვინდოდეს იმის აღნიშვნა, თუ რამდენი გემოვნება და შნო  
ჰქონდა ბერძენს უბრალო ყოველ დღიურ ცხოვრებაშიაც.  
აუარებელი სხვა-და-სხვაობა და მრავალ ფეროვნება ბერძნულ  
თიხის ჭურჭლეულობის ფორმისა ერთხელ კიდევ მოწმობს  
ბერძნის გამოხატულების სიმდიდრეს.

ღვინის დიდი ჭურჭელი იმოდენა იყო, რომ ადამიანს  
ადვილად იტევდა; ქაკედი, რომელშიაც დიოგენე ცხოვ-  
რობდა, ცნობილია ისტორიაში; ეს ქვევრი თიხისა იყო. შემ-  
დეგ მოდის ამფორა, ორ ყურიანი ქილა სხვა და სხვა. სიდი-  
დისა, კრატეროსი, რომელშიაც ღვინოს წყალს ურევდნენ  
ძველთა ჩვეულებისამებრ, ლეკათოსი, ზეთის ჭურჭელი, ათას-  
გვარი სასასმო ფიალა, ყანწები და სხვა. წნული არ ჩამოუვარ-  
დებოდა თიხიდან ნაკეთებს არც მრავალგვარობითა და არც  
სილამაზიზო. ათინელ ქალებს ძაფის მურგისათვის (დახვეული  
ძაფი) ჰქონდათ პატარა კალათები (ბერძნულად kalathos) დიდის  
ხელოვნებით დაწნულები. სხვა კალათები დაჰქონდათ თავზე,  
როგორც ეს ეხლაც არის ხოლმე სამხრეთ ქვეყნებში. ათინისა  
და დიონოსის დღესასწაულზე წარჩინებულ ათინელების ქა-  
ლებსაც ედგათ თავზე კალათები, სადაც ქადები და გუნდრუ-  
კი ეწყო: აქედან წარმოსდგა ამ ქალების სახელი—„კანეფო“

რეს“ ე. ი. კალათის მიმქონნი. სანათიკ ბევრგვარი და ხელოვნურად ნაკეთები იყო, მაგრამ თვითონ განათება კი მეტად პრიმიტიული იყო. პირველში ხმარობდნენ ნაძვის ან ვაზის ლიფლიფას; შემდეგ, სპარსელებთან ომის დროს, შემოიღეს მეტად პრიმიტიული ზეთის ლამპა, რომელსაც ორი ნახვრეტი ჰქონდა, ერთი ზეთის ჩასასხმელი და მეორე პატრუქისათვის. მიუხედავად ჰაზისა და ელექტრონისა, ჯერ კიდევ ხმარებაშია ასეთი ლამპა.

**10. ტანისამოსა.** ბერძნული ტანისამოსი უბრალოა, ბუნებრივი და მოხდენილი იყო. ძველი ბერძენი რომ გაცოცხლდეს და ჩვენი ქუდები და ტანზე შემოტნასული ტანისამოსი დაინახოს, სიცილისაგან მეორეთ მოკვდებოდა. ძველი ბერძნული ტანისამოსი კაცისა და ქალისათვის იყო: 1) **ხიტონი** (პერანგი)—ოთხკუთხი ნაჭერი, რომელსაც სურვილისამებრ შემოიხვევდნენ. დორიელების ხიტონი გრძელი იყო, იონიელების მოკლე. პელოპონეზის ომიანობის დროს ათინელი კობტა ყმაწვილები დორიულად იცვამდნენ ან თავისებურ პროტესტის გამოსაცხადებლად (არისტოკრატები იყვნენ) ან და იმიტომ, რომ არ უნდოდათ ისე ჩაცმა, როგორც ყველანი იცვამდნენ: 2) **ქამატონი**—მოსახურავი, რომელსაც დიდის შნოითა და მოხდენილობით გადიგდებდნენ ხოლმე მხარზე. დორიელების ჰიმატიონი მოკლე იყო, იონიელების გრძელი. ჩვენამდე მოუღწევიათიხიდან გაკეთებულ ქალის ფიგურას, რომელიც სულ ერთიან გამოხვეულია ჰიმატიონში. ამტკიცებდნენ, რომ ეს ფიგურა წარმოადგენს დანიშნულ ათინელ ქალს, მაგრამ შესაძლებელია, რომ იგი მხოლოდ სიცივისაგან შეწუხებული ქალი იყოს. იყო აგრეთვე **ხლამიდა**, მოსახურავი, რომელსაც ომში ან მგზავრობის დროს ხმარობდნენ. მასალა, რომლიდანაც იკერავდნენ ბერძნები ტანისამოსს, იცვლებოდა დროის მიხედვით—ზამთარში ხმარობდნენ შალს, ზაფხულში წმინდა ტილოს, ბამბას, აბრეშუმს. საზოგადოთ ბერძენს თეთრი ტანისამოსი უყვარდა, მაგრამ ქალები კი რჩეობდნენ ფერად ტანისამოსს, ქუდს მხოლოდ სოფელში ან მგზავრობის დროს ხმარობდნენ; ხელთა-



თმანი, რომელიც სპარსეთში უკვე შემოღებული იყო, ბერძენ-  
მა არ იცოდა. რაც შეეხება ფენსაცმელს, ბერძენს ფენ-შიშვე-  
ლი სიარული ერჩია ან თუ ეცვა გარეთ, შინ მისვლისას უთუ-  
ოდ გაიხდიდა, ჩვეულება, რომელიც ეხლაც არის აღმოსავლე-  
თში. რომ წვრილმანიც მოვიხსენოთ, ათინელ ქალებს ქოლ-  
გაც ჰქონდათ და მარაოც, ვაყები კი უჯოხოთ სახლიდან არ  
გამოვიდოდნენ.

**11. ზურას ჭამა.** ისტორიულ დროის ბერძენი ჩვეულებ-  
ბრივ სამჯერ სჭამდა პურს: ერთს დილით ადრე, მეორეს შუა-  
დღეზე და მესამეს მზის ჩასვლისას. ნამდვილი სადილი სალა-  
მოს პურის ჭამა იყო. ბერძენი იშვიათად სჭამდა სადილს მარ-  
ტო. მეგობრებისა და ნაცნობების მიწვევა ჩვეულებრივი იყო  
და სადილის დროს ტკბილი და მხიარული საუბარი იცოდნენ.  
პლატონის დიალოგი „ნადიმი“ საუკეთესო ნიმუშია იმისი, თუ  
როგორ გონივრულად და გემოვნებით ატარებდნენ ბერძენები  
სადილს. ხანდახან სადილის დროს შემოაყვავდათ ჯამბაზებიც  
გრძელ და სერიოზულ ბასით დაღლილ სტუმრების გასამხიარ-  
ულებლად. ბერძენები მხარეთეძოზე წამოწოლილნი სჭამდნენ.  
ეს ჩვეულება აღმოსავლეთიდან გადმოვიდა და ისე გავრცელდა.  
რომ თვით სასტიკი სპარტანელებიც იძულებული შეიქნენ  
დამორჩილებოდნენ მას. ქალები და ბავშვები დამსხდარნი  
სჭამდნენ და როცა სტუმრები იყვნენ, მონაწილეობას არ იღ-  
ებდნენ სადილში. ჩანგალი არ იყო; დანას ცოტას ხმარობდ-  
ნენ, რადგან ხორცი დაჭრილი შემოჰქონდათ. წვენზე ყოვე-  
ლთვის კოვზს ხმარობდნენ; სხვას კი ხელით სჭამდნენ, რო-  
გორც ამას ეხლაც შვრებიან აღმოსავლეთელები; ხელს პურის  
გულზე ან დამხადებულ ცომზე იწმენდნენ.

ბერძნული სადილი, როგორც სჩანს, ორ ნაწილად იყო-  
ფეხოდა: პირველი ნაწილი შესდგებოდა პატარა საუზმისა,  
ხორცისა, თევზისა და წვანილისაგან; მეორე ნაწილი დესერ-  
ტისაგან შესდგებოდა. ამ ნაწილისათვის მოსადილენი სურნე-  
ლებას გადაისხამდნენ და გვირგვინებს გაიკეთებდნენ.

ბერძნებს ბევრგვარი საქმელი ჰქონდათ. პური ქერისა და ხორბლის იცოდნენ; აკეთებდნენ აგრეთვე ქაღებსა და ფაფას; ეს უკანასკნელი საქმელი ძალიან გავრცელებული უნდა ყოფილიყო ღარიბებ შორის; არისტოფანე ხშირად იხსენიებს ფაფას თავის კომედიებში. მცენარეულობიდან ბერძნები სქამდნენ ლობიოს, ცერცვს და ყველაზედ უფრო მუხუდოსა და ოსპს, განსაკუთრებით ეს უკანასკნელი საქმელი იყო გავრცელებული ათინელებ შორის. ბერძენი წვანილის დიდი მოყვარული იყო. ულისი, აქილესი და აგამემნონი სალათს არ სქამდნენ, მათი ჩამამაყალნი კი სიამოვნებით მიირთმევდნენ სალათას, ვარდ-კაქაქას და არტიშოკს. ხილის ქამაც ძალიან გავრცელებული იყო ბერძენთა შორის, განსაკუთრებით ლეღვი, ნედლი თუ გამხმარი, უყვარდათ ბერძნებს; ბევრ სოფელში ლეღვი პურის მაგიერი იყო. ატამი და ლიმონი მხოლოდ ალექსანდრე მაკედონელის დროს შემოვიდა საბერძნეთში. ინდის ხურმა ჯერ კიდევ პერიკლეს დროს მოჰქონდათ ფინიკიელ გემებს. ზეთის ხილს დამარილებულს სქამდნენ.

რაც შეეხება ხორცეულობას, ჰომეროსის დროს ხარის ხორცი იყო გავრცელებული და ილიადის გმირები დიდის მადლით შეექცეოდნენ მას. მაგრამ უკვე ოდისეაში ვხედავთ, რომ ლორის ხორცი უფრო მოწონებაშია. თხისა და ცხვრის ხორცი ნაკლებ გავრცელებული იყო. ყურდგელი, ბაქია, ქათამი ხოხობი და სხვა ფრინველი ხშირად ამშვენებდა ბერძნის სუფრას. თევზეულობის ქამაც დიდათ გავრცელებული ყოფილა. ათინელ დაბალ ხალხის საყვარელი საქმელი სარდინის თევზი ყოფილა. არისტოფანეს ერთ კომედიაში კლეონის მოკილე აგორაკრიტესი სხვათა შორის იმით სცდილობს გაიმარჯვოს მეტოქეზე, რომ ხალხს სარდინის თევზის ფასის დაწევას ახარებს. რძისა და ყველის ხმარებაც ძალიან გავრცელებული ყოფილა.

**12. მკზავრობა და სტუქმართ მოყვარეობა.** თემის მიტოვება და სამოგზაუროთ წასვლა ყველგან თავისუფალი არ იყო. მაგალითად, სპარტაში ეფორების განსაკუთრებული ნებრთვა

იყო საჭირო. ათინაში კი შეტე თავისუფლება იყო და ამ თავისუფლებამ დიდი სარგებლობაც მოუტანა ათინას. მოგზაურობდნენ მეტ წილად ფეხით, რაც სასარგებლო იყო ფიზიკურ განვითარებისათვის. მოგზაურს უკან დატვირთული მონა მისდევდა და, რასაკვირველია, მას არაფერად მოსწონდა ფეხით მოგზაურობა. იშვიათად ცხენითაც მოგზაურობდნენ, მაგრამ უნაგირი და უზანგები არ იცოდნენ.

პირველ ხანებში სასტუმროები არ ყოფილა. სამაგიეროთ გავრცელებული იყო სტუმრათ-მოყყარეობა: მოგზაურს უთუოდ ჰყავდა უცხო ქალაქში ისეთი ვინმე, რომელსაც დიდი ხანია კავშირი ჰქონია მის ოჯახთან და რომელიც თავის წმინდა მოვალეობად სთვლიდა მის მიღებასა და პატივისცემას. ევრიპიდეს დრამა „ალცესტა“ ში ჰერკულესი სტუმრად მიდის ადმეტესთან, რომელსაც ისიც იყო ცოლი მოუკვდა. ადმეტესი მეტად მწუხარეა, მაგრამ არც კი ატყობინებს ჰერკულესს თავის უბედურებას, რომ არ შეაწუხოს იგი. ბოლოს სასტუმროებიც შემოიღეს, მაგრამ ხალხი მათ ცუდის თვალთ უცქეროდა. არეოპაგმა ერთი თავისი წევრი გააგდო, რადგან მას სასტუმროში ესაუზმა. ეხლაც რომ ეგრე იყოს, არეოპაგი უწევროდ დარჩებოდა.

**13. მკურნალობა.** იმ თავითვე არიან საბერძნეთში მკურნალები და ლეკრები (ხირურგები). ილიადის მახაონი და პოდალირი ჩვენი მკურნალების წინაპრები არიან. მაგრამ დიდხნის განმავლობაში წამლობას შემთხვევითი და ემპირიული ხასიათი ჰქონდა. წამლობის საიდუმლო ესკულაპის ქურუმებმა იცოდნენ. თვითონ ტაძარში უვლიდნენ ავათმყოფებს. ჯერ მოამზადებდნენ ავათმყოფს და ამ მომზადებაში პირველი ადგილი დიეტას ეკავა. შემდეგ მსხვერპლს შესწირავდნენ ღმერთს და ლოცულობდნენ; ღმერთი თვითონ უნდა გამოცხადებოდა ავათმყოფს და ეთქვა, თუ რა წამალი არგებს. მეხუთე საუკუნეში ჰიპოკრატე კოსელის წყალობით მკურნალობამ უფრო მეცნიერული ხასიათი მიიღო; გაჩნდნენ საზოგადო და კერძო ექიმები, რომელნიც წამალს თვითონვე ამზადებდნენ.

14. სიკვდილი და დასაფლავება.— ექიმები, როგორც ენ-  
ლა, მაშინაც ვერ შევლოდნენ ყველა ავთმყოფებს. მოკვდე-  
ბოდა თუ არა, თვალებს დაუხუჭავდნენ, პირში ერთ ობოლს  
ჩაუდებდნენ მდ. სტიქის ბებერ მენავის მისაცემად (ისე არ  
გადაიყვანდა იმ ქვეყანაში), ტანზე თეთრ სუდარას შემოახვევ-  
დნენ. თავდაპირველად დასაფლავება ათინაში მეტად უბრალო  
იყო: დამარხავდნენ მიცვალებულს და საფლავზე პურის მარ-  
ცვალს მოაბნევდნენ; შემდეგ გაიმართებოდა ქელები, რომლის  
დროსაც გარდაცვალებულის ღირსებებს იგონებდნენ და აკრძა-  
ლული იყო ვისმე ქეშმარიტებისათვის ელალატნა. როგორც  
ვხედავთ, ეს ნამდვილი პირვანდული ზნე-ჩვეულებაა. შემდეგში  
კი დასაფლავება უფრო რთული და მდიდრული იყო ხოლმე:  
წინ დაქირავებული მოტირალნი მიდიოდნენ და სინიდისიერად  
ასრულებდნენ თავიანთ მოვალეობას, მათთანვე იყვნენ ფლეიტის  
დამკვრელნი, რომელნიც შემთხვევის შესაფერ ხმებს უკრავდნენ;  
მათ მოსდევდნენ თავმოპარსული და შავში ან ნაცრის ფერ  
ტანისამოსში გამოწყობილი კაცები; ბოლოს ნათესავებსა და  
მეგობრებს მოჰქონდათ თვით მიცვალებული.

მიცვალებულებს ჩვეულებრივ დასაფლავებდნენ ქალაქის კა-  
რებთან შარა გზის გაყოლებით. რაც შეეხება მიცვალებულის  
დაწვას, ეს ჩვეულება უძველეს დროიდანვე არსებობდა. ილია-  
დაში აქილესი სწავას თავის მეგობარ პატროლოსის გვამს და  
ფერფლს ოქროს ურნაში (ქოთანი) ინახავს. მაგრამ ეს ჩვეუ-  
ლება გავრცელებული არ ყოფილა და მშობლებისა და ნათე-  
სავების სურვილისაგან იყო დამოკიდებული, დაეწვათ თუ დაე-  
მარხათ მიცვალებული. სიტყვის თქმა დასაფლავების დროს მა-  
შინ იყო მიღებული, როცა დასაფლავება თემის ხარჯით ხდე-  
ბოდა.

„ოცდაათის“ მართველობა ათინაში — „ათი ათასის“ უკან დასვლა. — სპარტას პოლიტიკა ანტიკვიდას სელშეკრულებაჲდჳ\*).

საჩხევა. 1. ოლიგარხიის უკიდურესობანი ათინაში. — 2. განხეთქილება ოლიგარხებ შორის. — 3. ბრძოლა კრიტიასსა და თერამენეს შორის. — 4. თერამენეს სიკვდილი. — 5. ოლიგარხების ახალი უკიდურესობანი; მათი ტირანიის დამხობა. ათინის აღება თრაზიბულოსის მიერ. — 6. „ათი ათასის“ გალაშქრება. კიროსის განზრახვანი. — 7. კიროსის ჯარების გალაშქრება არტაქსერქსეს წინააღმდეგ. კუნაქსის ბრძოლა (401). — 8. „ათი ათასის“ უიმედო შდგომარეობა. ქსენოფონი ამხნევებს ჯარს; უკან დაბრუნება. — 9. ლიზანდროსის ძლიერება და ამ ძლიერების დაცემა. — 10. სპარტას პოლიტიკა აზიაში — 11. აგეზილასი. — 12. აგეზილასის გალაშქრება მცირე აზიაში. — 13. საბერძნეთის აჯანყება სპარტას წინააღმდეგ. — 14. აგეზილასის აზიიდან გამოწვევა. — 15. ანტიკვიდას ხელშეკრულება. — 17. იონიის ქალაქების დამონავება სპარსელების მიერ. საარტას ძლიერება ეგროპაში.

1. ოლაგარხიას უკიდურესობანი ათინაში: სპარტანელების გამარჯვების შემდეგ და მათის დახმარებით საბერძნეთის უმრავლეს ქალაქებში არისტოკრატია გაბატონდა. მაგრამ არსად ისე დაბლა არ დაცემულა იგი, როგორც ათინაში, სადაც ლიზანდროსმა მის დასახმარებლად 700 ლაკედემონელი დასტოვა. არის-

\* ბიბლიოგრაფია: ძველი ავტორები — პლუტარხოსის ბიოგრაფიები — ლიზანდროსი, აგეზილასი და არტაქსერქსეს; ქსენოფონი — საბერძნეთის ისტორია, წ. II და III და ანაბაზისი; კორნელიუს ნეპო — კონონის ცხოვრება. ეხლანდელი ავტორები: კურციუსი ტ. 4 და დიურუი თ. XXVII და XXVIII.

ტოკრატიამ შეადგინა „30-ის რჩევა“, რომელიც ტერორის საშუალებით განაგებდა ქალაქს. კრიტიკისი, თერამენე და მათი თანამოაზრენი ნამდვილი მტარვალები იყვნენ; სახალხო კრება არც ერთხელ არ მოუწვევიათ; ყველა თანამდებობაზე სულ უღირს პირებს ნიშნავდნენ, ოღონდ მათი ერთგული მომხრე ყოფილიყო; მბებზღრებისა და ჯაშუშების რიცხვი გამრავლდა და დაიწყეს ნადირობა. დემოკრატების ერთი წილი დაიღუპა; სხვები, როგორც მაგალითად თრაზიბულოსი, გადახვეწილები იყვნენ. ალკიბიადე ფარნაბაზს მოაკვლევინეს. არც სიცოცხლე და არც ქონება უზრუნველ-ყოფილი არ იყო. მოქალაქეთა აგორებისა და ტაძრების გარეთ მიათრევდნენ და ხოცდნენ; თან ნათესავებს უკრძალავდნენ მათ დასაფლავებას. ბოლოს „ოცდაათნი“ ხოცდნენ მდიდარ ხალხს მხოლოდ იმიტომ, რომ მათი ქონება ეგდოთ ხელში: გადაწყვეტილი იყო, რომ რჩევის თითოეულ წევრს უნდა მოეკლა თითო მეტოქე და მის ქონებას დაპატრონებოდა.

2. განხეთქილება ოლაგარხებ შორის. „რჩევის“ წევრებ შორის რომ თანხმობა და ერთობა ყოფილიყო, ათინასრულეებით დაღუპული იქნებოდა; მაგრამ თვით მათ შორის იყო განხეთქილება; ერთი წილი ბრმად ემორჩილებოდა კრიტიკას, ამ აღვირ ახსნილ მტარვალს, დანარჩენები შიშით შეჭყურებდნენ მომივალს და სურვილი ჰქონდათ შეჩერებულიყვნენ. ამით მოთავეობდა თერამენე, უმთავრესი იარაღი ოლიგარხების გამარჯვებისა. თერამენე გაქნილი, გაიძვერა, სინილისს მოკლებული და ყალბი კაცი იყო, მაგრამ მას შურდა კრიტიკისის გავლენა. ერთი უფრო ურცხვი იყო, მეორე შემპარავი და მლიქვნელი. ერთხელ კრიტიკისმა უთხრა თერამენეს: „შენ გინდა გაიმარჯვო და ის კი არ გინდა მოწინააღმდეგენი მოიშორო თავიდან? თუ იმას ჰფიქრობ, რომ, რადგან ჩვენ ოცდაათი ვართ და არა ერთი, ტირანსავით არ გვეჭივრება სიფრთხილე, ვულუბრყვილო ბავშვი ყოფილხარ“. ვულუბრყვილობა არ უშლიდა ხელს თერამენეს!

3. კრიტიკისა და თეკემენეს ბრძოლა. კრიტიკისი და თერამენე მალე აშკარა ბრძოლამდე მივიდნენ. მომხრეების უფრო გულის მოსაგებად „ოცდაათმა“ შეადგინა 3000 მოქალაქის სია; მხოლოდ ამათ ჰქონდათ უპირატესობა სამართალში მიუცემელად არ ყოფილიყვნენ დასჯილი; დანარჩენები კი მართველების სრულ თვითნებობის ქვეშ იყვნენ. თერამენე წინააღმდეგი იყო ამ ღონისძიებისა და ამ დროიდან დაულალავად ებრძოდა მართველ ოლიგარხების ყოველ ბოროტ-მოქმედებას, თუმცა უფრო ჩვეული იყო ბოროტების მრჩეველად ყოფნას. ეხლა იგი ხელს უშლიდა მტარვალებს და ამათაც გადასწყვიტეს მისი თავიდან მოშორება.

4. თეკემენეს საკვდალი. კრიტიკისი მოქმედების კაცი იყო; მან დასცა ძირს თავისი ძველი მეგობარი და თანამოაზრე გულცივად, უპირფეროდ, გრძნობიერ სიტყვების წარმოუთქმელად. ერთ დღეს კრიტიკისმა მოუწოდა რჩევას, იქვე დააყენა ხანჯლებით შეიარაღებული ახალგაზდანი და, როცა თერამენე შემოვიდა, იგი წამოდგა და სასტიკის ლოლიკით პირდაპირ დაუწყო ბრალდება: „რევოლიუციის მოხდენა უმსხვერპლოდ შეუძლებელია; გარს მტრები გვახვევია და ძირს უნდა დაგსკეთ ისინი. თუ მტერი ჩვენ შორისაც არის, არც ის უნდა შევიბრალოთ; თერამენე ჩვენი მტერია და მე ვითხოვ მის სიკვდილს. პირველად იგი შეეკრა კავშირით ლაკედომონელებს, პირველად მას სურდა დემოკრატიის დამხობა; სხვაზე უფრო ეგ თხოულობდა ბრალდებულთა სასტიკ დასჯას და ეხლა, როცა ჩვენ ხალხის აშკარა მტერი შევიქენით, მას აღარ მოსწონს, რაც ხდება; რასაკვირველია, იმ მიზნით, რომ ჩვენ გაგხადოს მომხდარის პასუხის-მგებელი და თვითონ კი განზე გადგეს“. შემდეგ კრიტიკისმა ზიზღით დაუმატა: „ეს კაცი იქითკენ არის, საითაც ქარი დაუბერავს. სასაცილო სახელად მას კოტურნს (ქოში) ეძახიან, კოტურნს, რომელიც ორივე ფეხს ერთნაირად უდგება. თერამენე, კაცი, რომელიც ღირსია სიცოცხლისა, არ უნდა ხმაობდეს თავის ნიჭს მომხრეების ისეთ საქმეში ჩათრევისათვის, რომელსაც თვითონ თავს ანებებს; როცა შემა-

ფერხებელი რამ გამოჩნდება. იგი, ეგრე ვსთქვათ, გემზება და მანამ უნდა იმუშაოს, სანამ საჭირო ქარი ჰქრის. თუ ეს ასე არ იქნება, თუ ყოველ შემთხვევებელ გარემოების გამო უკან დაბრუნდებიან, მიზანს თავის დღეში ვერ მიაღწევენ“. დასასრულ ერთხელ კიდევ მოითხოვა კრიტიკისმა თერამენეს სიკვდილი: „თუ ეგ ღარჩა ცოცხალი, ჩვენი მტრების რიცხვი და გაბედულება იმატებს; თუ მოკვდა, ქალაქში და ქალაქ გარეთ მყოფთათ მოესპობათ ყოველ-გვარი იმედი“.

ასეთ საშიშ ბრალდებასა და ადვილად მოსალოდნელ სიკვდილს არ შეუშინდა თერამენე და ხერხიანად შეუდგა თავის დაცვას. მან ახსნა, რომ წინააღმდეგ კრიტიკისის ღონისძიებათ, რადგან ისინი ააღლევებენ ყველას — არისტოკრატის, ხალხსა და მეტეეებს. „კრიტიკისი კოტურნს მეძახის იმიტომ, რომ ვითომ მე ვსცდილობდე ორივე პარტიის კაცად ყოფნას, მაგრამ, რა დაფუძახოთ იმას, რომელიც არც ერთ პარტიას არ ეკუთვნის? დემოკრატის დროს შენ გთვლიდნენ ხალხის უდიდეს მტრად და ეხლა არისტოკრატის დროს კი ყოველ პატიოსან კაცის უსაშინელესი მტერი ხარ“.

რჩევა უფრო თერამენეს მხარეზე იყო. მაშინ კრიტიკისმა უბრძანა დაქირავებულ ახალგაზდებს მზად ყოფნა და ხმა მალღოს სთქვა: „ახალ კანონების ძალით სამიათას მოქალაქეთაგან ვერც ერთი ვერ დაისჯება სიკვდილით თქვენ ნება დაურთველად, დანარჩენებს კი „ოცდაათიც“ გადაუწყვეტს სიკვდილით დასჯას. თანახმად ყველა ჩემი ამხანაგებისა, მე ვშლი თერამენეს სამიათასის სიიდან და სიკვდილით დასჯას ვუწყვეტთ მას.“ ტყვილა ებღუჭებოდა თერამენე ჰესტიას (ვესტა) საკურთხეველს, ტყვილა უყვიროდა და იწვევდა თანამოქალაქეთ; ყველა გაჩუმებული და გაშეშებული იდგა. შემოვიდნენ „თერთმეტნი“ და კრიტიკისის ბრძანებით თერამენე საკურთხეველს მეთაურობდა. იგი გაიყვანეს მთრთოლვარე ხალხს შუა — არავის ხმა არ ამოუღია. საპატიმროში თერამენე დამშვიდდა და როცა საწამლავი დალია, რამდენიმე წვეთი მიწაზე დაღვარა და სთქვა — „მშვენიერ კრიტიკისის სადღეგრძელოდ“.



5. ოლიგარქების ახალი უკადურესობანი. მათა ტირანის დამხობა. ათინას აღება თრაზიბულოსას მაერ. თერაპენეს სიკვდილმა ჩააჩუმა ყველა ისინი, ვინც უკიდურეს მტარვლობის წინააღმდეგი იყო. არა საიმედო პირები განდევნეს ათინიდან, მათი ქონება დაურიგეს მთავრობის წევრებს; არსენალები დაანგრის; ორატორების ტრიბუნა აკროპოლისისაკენ მიაბრუნეს, რომ ზღვის დანახვა და ათინის წარსულ დიდების მოგონება შეუძლებელი ყოფილიყო. მაგრამ „ოცდაათს“ არც ამან უშველა. ათინიდან განდევნილებმა, თრაზიბულოსისა და ანიტოს მეთაურობით, ხელში იგდეს ციხე ფილე, რომელიც თებაში მიმავალ გზას ბატონობდა; შემდეგ იერიშით შივიდნენ პირეოსზე. კრიტიასი, რომელმაც ელევეზისში 300 დემოკრატი ამოკლიტა, მამაცობას მოკლებული არ იყო—იგი ომის ველზე მოკვდა პირეოსის დაცვის დროს. ოლიგარქებს სპარტანელების დიდი იმედი ჰქონდათ, მაგრამ იმედი გაუცრუვდათ—ამათ არჩიეს ათინის თავის დანებება. ამ გვარად თრაზიბულოსი და მისი ამხანაგები შევიდნენ ათინაში და აღადგინეს ძველი კონსტიტუცია (403).

6. „ათი ათასის“ გალაშქრება. კაროსის განწმენკვა. სწორეთ ამ დროს მოხდა საბერძნეთის ისტორიის ერთი შესანიშნავი ეპიზოდი—„ათი ათასის გალაშქრება და უკან დაბრუნება“. ამ ლაშქრობას ჩვენ შევყავართ ნაკლებად ცნობილ აღმოსავლეთის იმპერიის შუა გულში და ამასთანავე იგი მეტად საინტერესო თავია ბერძენთა სამხედრო ხელოვნების ისტორიისა. დარიოსს, რომელიც 404-ში მოკვდა, დარჩა ორი შვილი და ორივე მაცადინი იყო მამის ტახტი ხელში ჩაეგდო: არტარქსერქსე უფროსი იყო, მაგრამ უნცროსს კიროსს. ის უპირატესობა ჰქონდა, რომ დაიბადა იმ დროს, როცა მამა სამეფო ტახტზე იჯდა. არტაქსერქსე გაიმარჯვა და იგი მზად იყო იქვე მოეკვლევინებია თავისი ძმა, მაგრამ დედა მათი პარისატიდა ჩაერია საქმეში და არა თუ იხსნა უნცროსი შვილი, არამედ კარგი თანამდებობაც მიაღებინა: არტაქსერქსემ დანიშნა ძმა მცირე აზიის სატრაპად (მმართველად). ასეთმა

სულგოძელებამ ვერ დააწყნარა კიროსი — მცირე აზიაში იგი შეთქმულებას აწყობდა ძმის წინააღმდეგ. ვინც კი განდევნილი მოიპოვებოდა, ყველას სარდაში იწვევდა. კიროსი იცნობდა ბერძენებს, ბერძულსაც კარგად ლაპარაკობდა და იცოდა ბერძენების უპირატესობა სამხედრო საქმეში. მოკლე დროში ქ. სარდი აივსო მრავალ გვარ ბედის მაძიებელთაგან; აქ იყვნენ სამშობლოდან დევნილები, ჯარის კაცები, რომელთაც ხმლისა და ფარის მეტი არ გააჩნდათ რა ცის ქვეშეთში, ძლიერ შთაბეჭდილებათა და უცბად გამდიდრების მსურველნი, ერთის სიტყვით სულ დიდის მადისა და ცალიერ კუჭის პატრონი ხალხი. ესენი ისე მოდიოდნენ მცირე აზიაში, როგორც თავგებში სანოვავით სავსე საკუჭნაოში. კიროსი ყველას იღებდა. „ვინც ფეხით მოვა, ცხენს მივცემო, ამბობდა იგი; ვინც ცხენს მოიყვანს, ცხენის იარაღს ვაჩუქებ; ერთი ყანის პატრონს, სოფლებს მივცემ, სოფლებისას — ქალაქებს. ქირა დასათვლელი კი არ იქნება, არამედ ჩანახით დასარწყავი“. ასეთი ღაბიერება თავბრუს ახვევდა დამშეულ ბედის მაძიებელთ და კიროსთან დიდძალი ხალხი მოდიოდა. მაგრამ ბერძენთა უმთავრესი თემები ფრთხილად იყვნენ; მაგალითად, სპარტაშიშობდა საქმეში გარეგანს.

7. კაროსას ჯარების გალაშქრება არტაქსერქსეს წინააღმდეგ. კუნაქსას ბრძოლა (401). 401 წლის გაზაფხულზე კიროსი დაიძრა თავის ჯარებითა და 10.000 დაქირავებულ ბერძენის ჯარით. საით მიდიოდა კიროსი, არავინ იცოდა. გალაშქრების მიზანი ჯერ პისიდია ეგონათ, მაგრამ აქ არც კი შეჩერებულან. კილიკიაში ეჭვი აიღეს ექსპედიციის მიზანზე და კიროსმა ჯამაგირო მოუმატა ჯარს დასამშვიდებლად და დასაწყნარებლად, არტაქსერქსეს თითქოს ეძინა ან შეშინებული იყო და არ იძვროდა. არც ტავრის მთებთან, არც ამანთან, სირიასა და კილიკიას შუა, კიროსს მტრის ჯარი არ შეხვედრია. ბოლოს მიაღწიეს ეფრატამდე, მაგრამ არც აქ შეხვედრიათ მოწინააღმდეგე. წყალი პატარა იყო და მარცხენა ნაპირზე ფონში გავიდნენ. არც აქ იყო არტაქსერქსეს ჯარები. მხოლოდ

ლოდ კუნაქის ახლო დაინახეს სპარსეთის მეფის უზარ-მაზარი ჯარი—900,000 კაცი: კიროსის ჯარის მარცხენა მხარე არც კი უწვდებოდა მტრის ჯარის შუა ნაწილს. ბერძენთა ჯარის უფროს კლევარხოსს რომ კიროსის დაეჯერებინა და მტრის შუა გულს დაუყოვნებლივ დატაკებოდა, არტაქსერქსე დამარცხებული იქნებოდა, მაგრამ კლევარხოსს შეეშინდა გარს არ შემორტყმოდა მტერი და მარცხენა მხარეს დაეტაკა. გაბრაზებული კიროსი სცდილობდა ვაჟკაცობით გაესწორებინა თავის ჯარის სიმცირე და პირდაპირ არტაქსერქსეს მიაშურა. მივიდა კიდევ ძმასთან, მაგრამ ამ დროს იგი სასიკვდილოთ დასჭრეს (სექტემბერი 401 წ).

8. „ათა-ათასას“ უამქლო მდგომარეობა. ქსენოფონი ამხნეგებს ჯარს. უკან დაბრუნება. კიროსის მომხრე სპარსელი ჯარი გაიფანტა; ბერძენები კი მტკიცედ იდგნენ ომის ველზე, რადგან არ დამარცხებულან. კიროსის სიკვდილმა ვერ დასძლია მათი მხნეობა და სპარსეთის ტახტი ამაყად კიროსის მეგობარს არიფოსს შეაძლიეს. არიფოსმა არა თუ უარი სთქვა ბერძენების წინადადებაზე, გასცა კიდევ ისინი. ტისაფერენემ მიიწვია სათათბიროდ ბერძენი სარდლები და ყველა დახოცა. ეხლა კი დაინახეს ბერძენებმა თავიანთი უკიდურესი მდგომარეობა: უპატრონოდ დარჩენილი ერთი მუჟა ჯარი მტრულად განწყობილ სპარსელებ შუა. ბერძენების სასოწარკვეთილება აუწერელი იყო მიუხედავად იმისა, რომ თითქმის ყველა ათას გაჭირვებისა და უბედურების მნახველი და გამონაცადი იყო; უსოსოოდ ეყარნენ მიწაზე და არაფერი არ აგონდებოდათ; ძილსაც კი ვერ ახერხებდნენ. რომ ერთი კაცი არა, ბერძენების ჯარი უეჭველად დაიღუპებოდა. ეს კაცი იყო ქსენოფონ ათინელი, სოკრატეს მოწაფე და მეგობარი, რომელმაც დაგვიტოვა ამ სამახსოვრო ლაშქრობის აღწერა—Anabasis-ი. ქსენოფონი გამოყვა ამ ლაშქრობაში ერთ თავის მეგობარს სარდალ პროქსენეს, გაეცნო კიროსს და დაუახლოვდა. იგი ნამდვილი ათინელი იყო—მოქნილი, გონება მახვილი და შორს გამჭვრეტი, მაგრამ ამასთან ქსენოფონი მეტად მხნე, მტკიცე, დაკვირვებული და სინამდვილის ამწონ-დამწონი

იყო. ამიტომაც „ათი ათასის“ ნამდვილი სარდალიც იგი იყო, თუმცა შორს ეჭირა თავი და მხოლოდ გაჭირვების დროს წამოიწევდა წინ: ბერძნების შურიანობასა და მტრობას ერთმანეთისადმი ამ საშინელ მდგომარეობის დროსაც არ მიუძინებია და ქსენოფონს, როგორც ათინელს, ეჭვის თვალით უყურებდა ჯარი, რომელიც მეტ წილად პელოპონეზლებისაგან შესდგებოდა.

სარდლების დახოცვის დღეს საღამოთი ქსენოფონმა დაუძახა პროქსენეს ზოგიერთ მხედარებს და უთხრა: „მე არ შემძლია არც წოლა, არც ძილი, ისე როგორც თქვენ, რადგან ვხედავ, თუ რა მდგომარეობაში ვართ. ცხადია, მტერი ეგრე აშკარად არ გამოგვიცხადებდა ომს, რომ ყოველი ღონისძიება მიღებული არ ჰქონდეს. ჩვენ შორის კი არავინ ჰფიქრობს წინააღმდეგი რამე მოისაზროს“. შემდეგ ქსენოფონმა დაანახვა მათ, რომ სპარსეთის მეფისაგან ცუდის მეტს არაფერს არ უნდა მოელოდნენ და რომ საშინელ მდგომარეობისაგან თავის დახსნისათვის საჭიროა უაღრეს სულის ძალით გამსჭვალვა. „ეკადლოთ დავაყენოთ ბერძნები სახელისა და პატიოსნების გზაზე. რაც მე შემეხება, მზად ვარ გამოგყვეთ, თუ იქეთ წახვალთ, საითაც მე გეუბნებით; და თუ მიბრძანებთ მე წაგიყვანოთ, მოხუცებას არ მოვიმიზეზებ და უარს არ ვიტყვი, რადგან, ჩემის ფიქრით, ჯერ კიდევ საკმაოდ ძალა მაქვს თავიდან ავიცილო მოსალოდნელი უბედურებანი“. მხედრებმა მოიწონეს ქსენოფონის სიტყვა, თან და თან გამხნევდნენ და მალე მთელი ბანაკი მიემხრო მათ. აირჩიეს ახალი სარდლები და მათ შორის საქმის ინიციატორი ქსენოფონიც, დასწვეს ყველაფერი, რაც კი ჯარს დაამძიმებდა, და გაუდგნენ გზას.

მძიმე და სამწუხარო იყო ამ ჯარის ოდისეა. ჯარი ჩრდილოეთისაკენ გაემართა, უკან მისდევდნენ სპარსელების რაზმები და მოსვენებას არ აძლევდნენ. მაგრამ აქაც იჩინა ცხადათავი ბერძნების ჯარის წესისა და დისციპლინის უპირატესობამ ბარბაროსების პირვანდულ ომის წესთან შედარებით: სპარსელები ახლო მოსვლას ვერ ბედავდნენ და შორი-ახლო მის-

დევდნენ. ბერძნების ჯარის გაქირვება მთებისა და ცუდი გზების მიზეზი უფრო იყო, ვიდრე სპარსელ რაზმებისა. ბერძნები მიდიოდნენ მდ. ტიგროსის მარცხენა ნაპირზე იმ მთებამდე, სადაც კარდუქები (ქურთი) სცხოვრობდნენ, რომელნიც, ეხლანდელების არ იყოს, ძარცვა-რბევითა და აბრაგობით სცხოვრობდნენ. კარდუქებმა რამდენიმე ჯარის კაცი მოუკლეს ბერძნებს, მაგრამ ვერ დაუშალეს კი სომხითში გადასვლა. აქ დიდი ზარალი და გაქირვება ნახეს ბერძნებმა სიცივეების გამო — დაიხოცა ბევრი საქონელი, მონები და ჰოპლიტებიც კი. ქსენოფონმა დიდი სამსახური გაუწია ბერძნების ჯარს ამ ქვეყანაში: მან შეამჩნია, რომ ვინც თოვლში ჩაჯდებოდა დასასვენებლად და დაიძინებდა, მას აღარ შეეძლო აღგომა და იღუპებოდა; ამიტომ როგორც კი შეამჩნევდა, რომ ვინმე დაჯდებოდა დასასვენებლად, ნებას არ აძლევდა, ლანძღავდა, აგინებდა და სცემდა კიდევც, სანამ არ ააყენებდა. ბერძნის ხასიათის გასაცნობად უნდა ვსთქვათ, რომ ჯარის სამშვიდობოში გასვლის შემდეგ, როცა სარდლები თავის მოქმედების ანგარიშს იძლეოდნენ, ქსენოფონისაგან სიკვდილს გადარჩენილებმა ბრალდება წამოუყენეს ქსენოფონს — გზაში გვცუქდაო. ჯარი სულ ჩრდილოეთისაკენ მიდიოდა; ბოლოს გადაიარეს სომხითი და მიადწიეს შავის ზღვის სიახლოეს. „როცა ჯარის პირველი წყება ავიდა მთის მწვერვალზე და ზღვა დაინახა, საშინელი ყიჟინა შეიქნა: ქსენოფონსა და ჯარის უკანა ნაწილის ეგონა, რომ ახალი მტერი გამოჩნდა საიდგანდაცო... ყიჟინათან და ღან უფრო ძლიერდებოდა, რადგან მოწინავეებს ახალი ჯარისკაცები ემატებოდნენ. ქსენოფონი რაღაც საშინელებას მოელოდა; ამიტომ იგი შეჯდა ცხენზე და მისაშველებლად გაეშურა; მაგრამ მისვლამდე გაიგონა ჯარის კაცების ყვირილი — „ზღვა, ზღვა“ — ო. ჯარის სიხარულს საზღვარი აღარ ჰქონდა — სიხარულის კრემლებ თვალმორეულები ერთმანერთს ეხვევოდნენ და ულოცავდნენ. ... „კმარა ამდენი ბრძოლა, ამდენი ტანჯვა! ჩვენ გვსურს დავბრუნდეთ საბერძნეთში ოდისესავით — გემზე გაწოლილი და მძინარე“. მაგრამ ეს ხომ ოცნება

იყო; ნამდვილად გემზე ავიდნენ ქალები და ბავშვები; ჯარისკაცები კი ბოსფორამდე ხმელეთით წავიდნენ და ათასი გაჭირვება გამოსცადეს. აქაც კი არ გათავებულა მათი ტანჯვა: საჭირო შეიქნა სპარტიატების მტრობის წინააღმდეგ ბრძოლა და თრაკიის ერთ მეფის სამსახური. მაგრამ ჩვენთვის აქ საინტერესოა ჯარისკაცების ბედი როდია, არამედ ის სიმამაცე, მოთმინება, სიმტკიცე და საზოგადოთ ყველა სამხედრო ღირსება, რომელიც „ათი-ათასმა“ გამოიჩინა უკიდურეს გაჭირვების დროს. დანარჩენ ბერძნებმა კი დაინახეს, რომ სპარსეთი სრულებით ისე ძლიერი არ ყოფილა, როგორც ეგონათ: ათი ათასმა ბერძენმა გაიარა მთელი სპარსეთი ისე, რომ ვერ შეაჩერეს. ეს გაკვეთილი არ დავიწყებია არც აგეზილაოსს და არც ალექსანდრეს.

**9. ლიზანდროსას ძლიერება და ამ ძლიერების დასტემა.**  
ლიზანდროსმა სძლია ათინა და არგუნა ჰეგემონია სპარტას. ეს ყველამ კარგად იცოდა და თვით ლიზანდროსმა ყველაზე უკეთ. ამ გარეგნად ალუშფოთებელსა და ცივბუნებოვან კაცს გამარჯვებამ თავბრუ დაასხა. უფრო მძიმე და გონიერ კაცსაც აუბამდა თვალებს ქება-დიდების გუნდრუკი, რომელსაც ასე უხვად უკმევდნენ ბერძნები.

საბერძნეთში და მცირე აზიაში ლიზანდროსი დადიოდა როგორც გამარჯვებული ბატონი; თან ახლდნენ ყოველთვის პირფერი მეგობრები, მეგოსები და დამკვრელები. ყველგან, სადაც კი გაივლიდა, საკუთხეველს უდგამდნენ და ღმერთივით მსხვერპლებს სწირავდნენ, რაც მანამდე წარმოუდგენელი იყო. სამოსლებმა ყველას გადააქარბეს—ჰერას დღესასწაულს ლიზანდროსის სახელი უწოდეს. ის კი არ გადმოუციათ, თუ როგორ მიიღო ქალ-ღმერთმა ასეთი უპატივცემულობა. მშვენიერი იქნებოდა, რომ ასე გაღმერთებულ კაცს არ ელალატნა სპარტაუნელების ძველ სიმარტივისათვის. მაგრამ ლიზანდროსი ეგეთი არ იყო: იგი სცხოვრობდა სპარსელ სატრაპივით—შეუბრალებელი, ამაყი, ამაოების მოყვარე და აუტანელი. გასაკვირველი იქნებოდა, რომ სპარტაში ყურადღება არ მიექციათ ლიზან-

დროსის ასეთ გაძლიერებისათვის, მით უმეტეს, რომ გაგებული ჰქონდათ, თუ როგორ სცდილობდა ლიხანდროსი მომხრეების შექმნას მეზღვეურთა შორის: ასეთ კიცისაგან მოსალოდნელი იყო სახელმწიფო წესწყობილების, წინააღმდეგ მოქმედება-სპარტანელ ეფორების პოლიტიკა ასეთ შემთხვევებში ყოველთვის გაბედული და სწრაფი იყო: ამათ დაუყოვნებლივ გაუგზავნეს ლიხანდროსს „სკიტალოსი“ (ჯოხნი, რომელსაც შემოხვეულნი ჰქონდა დაწერილი ბრძანება) სამშობლოში დაბრუნებისა. რადგან ლიხანდროსს თავის თავი აუცილებელი ეგონა სპარტასთვის, საწინააღმდეგოდ არაფერი. ჰქონდა მომზადებული ამიტომაც გადასწყვიტა დამორჩილებოდა ბრძანებას. სპარტაში წასვლამდე იგი მივიდა ფარნაბაზთან და ეფორებთან დახმარება სთხოვა. სპარსელმა მოატყვილა ბერძენი: ჯერ დასწერა ქებით აღსავსე წერილი, მაგრამ იქვე შეუმჩნევლად გამოუცვალა და გაატანა მეორე, რომელიც გარეგნად პირველს ჰგავდა, მაგრამ შინაარსი კი სულ სხვა იყო. ლიხანდროსმა დამშვიდებულად და გაბედვით მიუტანა ეს წერილი ეფორებს და წააკითხა: მელა მოტყვილებული შეიქნა, მაგრამ იმდენი ძალა კიდევ გამოიჩინა, რომ არაფრად შეიმჩნია, და მოიგონა, ვითომც მას ძევს ამონის მსხვერპლი ემართა, რისთვისაც იგი ლიბიაში წავიდა.

**10. სპარტას პოლიტიკა აზიასში.** სპარტამ ათინის ადგილი დაიკავა იონიაში. ამ ახალმა მდგომარეობამ ერთიანად შესცვალა მისი პოლიტიკა; იგი იძულებული შეიქნა გაეჩინა ფლოტი, მზად ჰქონებოდა ფული და საომარ ფეხზე მდგარიყო, რადგან სპარსელები მუდამ სცდილობდნენ იონიის ქალაქების დაპყრობას. საბედნიეროდ, თუ ბერძენები ერთობას იყვნენ მოკლებული, ნაკლები განხეთქილება არც სპარსელებ შორის ყოფილა: თითოეული სატრაპი თავის სატრაპიაში დამოუკიდებელ მეფესავით იქცეოდა. ტისაფერნესა და ფარნაბაზის შურთანობისა და მეტოქეობის გამო სპარტა გამარჯვებული იყო, მაგრამ ასეთ გამარჯვებას სასურველი შედეგი არ მოჰყოლია, სანამ არ გამოჩნდა კაცი, რომელიც მიხვდა სპარსეთის ნამდვილ სისუსტეს: ეს კაცი იყო სპარტას მეფე აგეზილაოსი.

11. აგეზილაოსი. მეფე აგისი, პროკლიდების გვარიდან, მოკვდა 399-ში. მას დარჩა ერთი შვილი ლეოტიხიდასი და ძმა აგეზილაოსი. ტახტის კანონიერი მემკვიდრე პირველი იყო, მაგრამ ლიზანდროსის მოხერხებით ხალხმა მეფედ იცნო აგეზილაოსი. ლიზანდროსს იმედი ჰქონდა, რომ მისი გაზრდილი აგეზილაოსი სრული მორჩილი იქნებოდა გამზრდელისა. შორს გამჭვრეტი სპარტანელები, რომელთაც ეწინოდათ ლიზანდროსის პატივმოყვარეობისა, ბევრს ეცადნენ აგეზილაოსი არ გამხდარიყო მეფედ; სხვათა შორის მოიგონეს მისნის რჩევა, რომელიც უკრძალავდა სპარტანელებს კოჭლ მეფის ყოლას და აგეზილაოსი კი კოჭლი იყო. „თქვენ არ გესმისთ მისანის სიტყვებიო, უთხრა მათ ლიზანდროსმა თავისებურის ურცხვობით; მისნის „კოჭლი მეფე“ ნიშნავს უკანონოდ შობილს და არა ჰერკულესის ჩამომავალს“. ხალხმა მიიიწონა ლიზანდროსის მოხერხებული ახსნა და აგეზილაოსი შეიქნა მეფე.

არჩევანი მეტად კარგი გამოდგა, მაგრამ არა ისეთი, როგორსაც ლიზანდროსი მოელოდა. ამას ეგონა რომ აგეზილაოსი მისი მონა მორჩილი იქნებოდა, მაგრამ აღმოჩნდა. რომ სუსტ სხეულში ძლიერი სული იფარებოდა. ენერგიული და მტკიცე ხასიათის პატრონი სპარტანელი ბავშობიდან პატიოსნების მიმდევარი იყო; გონება მახვილი და მოქნილი მეფე აღამიანის კარგი მცნობი იყო. ლიზანდროსმა მალე იგრძნო, თუ რა კაცი იყო მის დახმარებით გამეფებული აგეზილაოსი. ლიზანდროსი გაჰყვა მეფეს იონიაში, ისე როგორც აღმზრდელი გაზრდილს გაჰყვება ხოლმე. ყველგან, სადაც კი გაიარეს, ლიზანდროსს დიდის ამბით დახვდნენ; ყველა მას მისდევდა და პატივს სცემდა; აგეზილაოსი კი მ.რტო რჩებოდა. ასეთი მდგომარეობა დიდ ხანს ვერ გასტანდა და ეს მალე აგრძნობინა აგეზილაოსმა ლიზანდროსს: მეფემ არ მიიღო არც ერთი წინადადება ლიზანდროსისა. ერთ დღეს გულმოსულმა ლიზანდროსმა უთხრა: „აგეზილაოს, შენ მეგობრების დამდაბლება გისწავლია“. — „ძვესსა ვფიცავ, რომ მართალია, მაგრამ მე ისეთებს ვამდაბლებ, ვინც თავის თავს ჩემზე მაღლა აყენებს; რაც



შეეხება იმათ, ვინც ჩემ განდიდებას სკდილობს, მათი პატივისცემა რომ არ ვიცოდე, ჩემი თავი მევე შემზიზღდებოდა“-ო, უპასუხა აგეზილაოსმა. ლიზანდროსი მიხვდა, თუ რისი თქმა უნდოდა აგეზილაოსს, და რადგან მისთვის მოუხერხებელი იყო მეორე პირად ყოფნა, ჰელესპონტში გააგზავნინა თავი. მის მაგიერ მრჩევლად აიყვანა მეყვემ ქსენოფონ ათინელი, რომელმაც სოკრატეს სიკვდილის შემდეგ თითქმის სრულებით მიატოვა თავისი სამშობლო.

**12. აგეზილაოსის გალაშქრება ძვ. წ. 401 წ. აგეზილაოსი ამ დროსათვის მზად იყო მცირე აზიაში გასალაშქრებლად და არც საკვირველია—სატრაპები ერთმანერთს ეომებოდნენ, ქეყანა მდიდარი იყო და სამეფო კი დასუსტებული, როგორც ეს „ათი ათასის“ ნაამბობიდან სჩანდა. სპარტას მეფე წავიდა მცირე აზიაში 396 წელს. ჯერ ჰელესპონტის მხარე მოიარა, შემდეგ აგეზილაოსი გამაგრდა ეფესში და აქედან იწყო ლაშქრობა. საბერძნეთის ყოველ კუთხიდან მოდიოდნენ მეფესთან მეომრები. 20,000 ჯარის კაცით გასწია აგეზილაოსმა მდ. კაისტაროსის ქალისაკენ; აქედან იგი გადავიდა მდ. ჰერმოსის ქალაში, სადაც ტისაფერნეს ჯარი დაამარცხა. დავლა აუარებელი იყო. აღმოსავლეთის ჩვეულებებისამებრ ტისაფერნემ დამარცხებისათვის თავი წააგო. მისმა მემკვიდრემ ოცდაათი ტალანტი მისცა აგეზილაოსს და სთხოვა თარნაბაზის სატრაპიაში გადასულიყო. მაგრამ რადგან ასეთი საშუალება ყოველთვის გამოსადეგი არ იქნებოდა, უფრო საზრიან ხერხს მიჰმართა: მისმა აგენტმა ტიმოკრატემ შემოიარა საბერძნეთის ქალაქები და ბევრი სპარსული ოქრო დაარიგა. ათინას, თებას კორინთს და სხვებსაც ერგოთ წილი. შედეგმაც მალე იჩინა თავი.**

**13. საბერძნეთის აჯანყება სპარტას წინააღმდეგ. ქ. თებამ, რომელიც შურის თვალთ უყურებდა სპარტას გალადებულ ბატონობას, პირველმა აიღო იარაღი ხელში და კავშირით შეეკრა ათინას. ეს კაი გაბედვა იყო; ლიზანდროსი საჭირო შეიქნა სპარტასთვის; იგი გაელაშქრა ჰალიარტას სიმა-**

გრისაკენ ბეოტიაში. ბრძოლა სიმაგრის კედლების ახლო მოხდა და ლიზანდროსი მოჰკლეს. ამ ამბავმა გაამხნევა აჯანყებულები. თებამ, არგოსმა, კორინთმა და ათინამ შექმნეს ლიგა, რომელსაც საერთო კასა ჰქონდა; ლიგის საბჭო კორინთში იყო. მალე ლიგას სხვებიც შემოუერთდნენ, მაგალითად თესალიელები. სპარტა გაჭირვებულ მდგომარეობაში ჩავარდა. ქ. კორინთს კორინთის ყელი ეჭირა და სპარტა პელოპონეზში მოემწყვდა. ეფორებმა ბრძანება გაუგზავნეს აგეზილაოსს საბერძნეთში დაბრუნებულიყო.

**14. აგეზილაოსის აზიადან გამოწვევა.** ბრძანება მიუვიდა აგეზილაოსს მიზიის ბანაკში. გული სიბრაზით ევსებოდა მეფეს, როცა იგი სტოვებდა ასე მდიდარსა და ადვილ საშოვარს. მეფე წამოვიდა იმ გზით, რომელიც წინეთ ქსერქსემ გაიარა. ამფიპოლისში მან გაიგო, რომ ლიგის ჯარი დამარცხდა ნემეის წყაროსთან, კორინთსა და სიკიონს შუა. გამხნეებულმა აგეზილაოსმა გაიარა მაკედონია და თესალია, თუმცა თესალიელები ბევრს ეცადნენ მის შეჩერებას. თერმოპილიც ადვილად გადაიარა და მოვიდა ბეოტიაში, სადაც მას კორონეს ველზე დაბანაკებული მტერი ელოდა. შეტაკება საშინელი იყო და აგეზილაოსი დასჭრეს. მართალია, გამარჯვება უფრო აგეზილაოსის მხარეზე იყო, მაგრამ მაინც სპარტას ვარსკვლავს ბრწყინვალემა ეკარგებოდა: ევროპაში იგი გაჭირვებით ებრძოდა ლიგას და აზიაში კი ერთბაშად გამოჩნდა ძველი მისი მეტოქე—ათინა. გონიერმა და ხერხიანმა კონონ ათინელმა მიიმხრო ფარნაბაზი, დაამარცხა ლაკედემონელების ფლოტი და შეუდგა ათინის სიმაგრის ნანგრევების აღდგენას სპარსეთიდან მოტანილ ფულით.

**15. ანტალკიდასი ხელშეკრულება.** სპარტანელები ხედავდნენ თავიანთ საშიშ მდგომარეობას. კონონის გამარჯვება სახეს უცვლიდა საბერძნეთს და ხანგრძლივ ომიანობის მთელი შედეგი ილუპებოდა. ათინამ თავი მალა აიღო: ზღვაზე კონონი სცდილობდა, ძველ ძლიერების აღდგენას, ხმელეთზე სარდალი იფიკრატოსი მარჯვედ ებრძოდა აგეზილაოსს. თუ ასეთი

მდგომარეობა გაგრძელდებოდა, სპარტა დაღუპული იყო. ერთმა პარტიამ ანტალკიდას მეთაურობით გადასწყვიტა დაბრუნებოდნენ ლიზანდროსის პოლიტიკას და ეფორებმაც გაგზავნეს ანტალკიდა სარდში სპარსეთთან ახალ ხელშეკრულების შესაკვრელად. აქ იგი კარგად მიიღეს, მაგრამ სუზაში უნდა წასულიყო თვით სპარსეთის მეფესთან მოსალაპარაკებლად (388). ყველა მისი წინადადება მოიწონეს და სატრაპ ტირიბაზემ მოიწვია სარდში საბერძნეთის უძთავრეს თემების წარმომადგენელი იმ ხელშეკრულების მისაღებად, რომელიც ცნობილია ისტორიაში ანტალკიდას სახელით. ქსენოფონი ასე გადმოგვცემს მის შინაარსს: „მეფე არტარქსერქსე სამართლიანად სთვლის, რომ აზიკში მდებარე ქალაქები, აგრეთვე კლაძომენი და კიპროსი მისი საკუთრება იყოს. საბერძნეთის დანარჩენი ქალაქები კი, დიდი და პატარა, ყველა დამოუკიდებელი უნდა იქნეს, გარდა ლემნოსისა, იმბროსისა და სკიროსისა; ესენი, როგორც წინეთ იყო, ათინელების საკუთრება იქნება. ვინც არ მიიღებს ამ ხელშეკრულებას, ომს დავუწყებ იმათთან ერთად, ვინც მიიღებს.“

**16. ანტალკიდას ზავის შედეგა.** საბერძნეთის არც ერთ თემს არ შეეძლო წინააღმდეგობა გაეწია ამ ხელშეკრულებისათვის. ათინას ჯერ არ მორჩინოდა ძველი იარები — ერთი სპარტანელი სარდალი უომრად მივიდა პირეოსში და გადაწვა სურსათისა და იარაღის საწყობები. დანარჩენი თემებიც უძლოურები იყვნენ. ამიტომაც ყველა იძულებული შეიქნა დამორჩილებოდა სპარსეთის მეფისა და სპარტას სურვილს. საბერძნეთის ყოველი თემი დამოუკიდებელი შეიქნა; არგოსი იძულებული შეიქნა უარი ეთქვა კორინთზე, რომელიც მას შემოერთებული ჰქონდა; თებამ უარი სთქვა ბეოტიის ქალაქების ბატონობაზე. მარტო სპარტა იყო მოგებული, რადგან მისი მოკავშირე ქალაქები წინედაც სარგებლობდნენ ავტონომიით. აგეზილაოსის სიტყვებიც ამას ხატვენ: ერთხელ მასთან სთქვეს — „რა სირცხვილია! სპარტანელები სპარსელებს;“ — სრულებითაც არა, უფრო სპარსელები ჯაკანელებს, უპასუხა აგე-

ზილაოსმა. მაგრამ ნამდვილად მოგებული სპარსეთის მეფე იყო; იგი მთელ საბერძნეთის სიუზერენი (უაღრესი ბატონი) შეიქნა. ეს შედეგი მოჰყვა ბერძნების დაუსრულებელ შურიანობას და უთანხმოებას.

17. აონიის ქალაქების დამონაგება სპარსელების მიერ. სპარტას ძლიერება ევროპაში. იონიის ქალაქებმა მალე იგრძენეს ხელშეკრულების სიმძიმე: სპარსელებმა ისევ დაიპყრეს ისინი და დიდი ხარკიც შეაწერეს. ვეგორასის წინააღმდეგობის მიუხედავად სპარსელებმა დაიკავეს (385) კუნძული კიპროსი, რომელსაც დიდი სტრატეგიული მნიშვნელობა ჰქონდა და აქვს. საბერძნეთში სპარტა ისე ძლიერი სჩანდა, როგორც სპარსეთი აზიაში: სასტიკად დასაჯა ყველა, ვისიც ჯავრი სჭირდა. არკადიაში აგეზიპოლისმა აიღო ქ. მანტინეა, დაანგრია სახლები და მცხოვრებლები ოთხ პატარა ქალაქად დაასახლა, როგორც ერთ დროს ყოფილა. ქსენოფონი გვარწმუნებს, ვითომც მანტინეელები ალტაცებაში იყვნენ პირვანდულ ცხოვრების დაბრუნებით, მაგრამ ქსენოფონი, სპარსეთის მეფის არ იყოს, ლაკონელობდა: ასეთივე ბედი ეწვია ყველა იმ ქალაქებს, რომელნიც კი წინააღმდეგობას ბედავდნენ, მაგალითად ფლიონტს პელოპონეზში და ოლინოს თრაკიაში. თვით თებაში არისტოკრატებმა გადასცეს ციხე სპარტანელ სარდალს ფებიდასს. სპარტა ყველგან გაბატონებულ იყო: აზიაში სპარტათის მეფე მეგობრობდა, საბერძნეთის ქალაქებში მისი მხარე ეჭირა ყველა არისტოკრატებს; მისივე მომხრე იყო სირაკუზის ტირანი დიონისი და მაკედონიის მეფე ამინტა. სპარტა დარწმუნებული იყო, რომ ასეთი მისი მდგომარეობა დიდხანს გასტანდა. მაგრამ თებას აჯანყებამ დაანახვა მას, რომ სცდებოდა.

## თაზი XXIV.

თებას დროებითი ძღაერება—ეპამინონდა  
და პელოპიდა.

საჩქევა. 1. თება და ბეოტია ეპამინონდამდე.—2. ეპამინონდა და პელოპიდა.—3. სპარტიატებმა დაიკავეს კადმეა; ამათი გაძიება (379).—4. ათინას გამარჯვება ზღვაზე; თება მოშორდა სპარტას.—5. თებას ჯარის რეორგანიზაცია.—6. ლევკტრას ბრძოლა; თებელების გამარჯვება. (371).—7. სპარტამ გაიგო ლევკტრას ამბავი.—8. შედეგი ეპამინონდას გამარჯვებისა.—9. თებელები პელოპონეზში; მეგალოპოლისის დაარსება.—10. ეპამინონდა სპარტას წინ (370).—11. თესალიის საქმეები; მეფე იაზონის განზრახვანი.—12. პელოპიდა თესალიაში.—13. ახალი ბრძოლა პელოპონეზში.—14. ეპამინონდა და არკადიელები.—15. მანტინეას ბრძოლა (362).—16. დიდი საბერძნეთის (სამზრეთი იტალია) არეული მდგომარეობა. კართაგინელები სიცილიაში.—17. დიონის უფროსი, სირაკუზის ტირანი (405-368).—18. დიონისის ბრძოლა კართაგინელებთან.—19. დიონის უმცროსი (368-358).—21. ტიმოლეონი.

1. თება და ბეოტია ეპამინონდამდე. ბეოტიას, გეოგრაფიულ მდებარეობისა და მიწის ნაყოფიერების მიხედვით, მეტი ადგილი უნდა ჰკავებოდა საბერძნეთის ისტორიაში. დორიელების შემოსევიდან ბეოტიაში დიდი განხეთქილება იყო მოსულებსა და მკვიდრ მცხოვრებლებ შორის. იქაც კი, სადაც დორიული ელემენტი გაბატონებული იყო, განსაკუთრებით თებაში, ბატონობა გაუნათლებელსა და მოუხეშავ არისტოკრატის ხელში იყო. ხალხი სრულებით მოშორებული იყო ქვეყნის მართვა-გამგეობას. ქსერქსეს არ ჰყოლია თებელ არისტოკრატებზე უფრო ერთგული მოკავშირე. სპარსელების

შემდეგ თებელების პოლიტიკის ხელმძღვანელი შურიანობა იყო, რომელმაც მოწამლა საბერძნეთის თემების ისტორია. ყველაზედ უფრო ათინა იყო თებას მეტოქე და მტერი და სწორედ თებელი მეომრები იყვნენ, რომ ეგოსპოტამოსის ბრძოლის შემდეგ თხოულობდნენ მშვენიერებისა და განათლების დედაქალაქის ძირიანად დანგრევას. ათინის დაცემის შემდეგ თებელებმა შურის თვალით დაუწყეს ცქერა სპარტას: გაიღვიძა დემოკრატიულმა პარტიამ ხანგრძლივის ძილის შემდეგ და გაჩნდა ახალგაზდა ბეოტია, რომელიც წინააღმდეგი იყო ძველის თაობისა. ორი პიროვნება, ორი მეგობარი იყო თებას აღორძინების თარალი; ესენი იყვნენ ეპამინონდა და პელოპიდა.

2. **ეპამინონდა და პელოპიდა.** თავისებურობას და განსაკუთრებულ ადგილს საბერძნეთის გმირთა შორის აძლევს ეპამინონდას მისი მაღალი ზნეობა. იგი იყო აღზრდილი სერიოზულ დისციპლინის ზედ-გავლენის ქვეშ, რამაც განავითარა მისი გონება და განამტკიცა ბუნება, რომელიც იმ თავითვე გაჩენილი იყო აზროვნებისა და მოვალეობისა და პატიოსნების გრძობისათვის. მამა მისი კარგის ჩამომავლობისა იყო, მაგრამ შეძლება ნაკლები ჰქონდა. მიუხედავად ამისა შვილის აღმზრდელად ჰყავდა პითაგორას ფილოსოფიის მიმდევარი ლიზიასი. ასეთ აღმზრდელის შრომას შესაფერი ნაყოფი მოჰყვა: ზიზღი სიმდიდრისადმი, საშობლოსათვის თავდადება, საკვირველი მეგობრული გრძობა, იმ დროს მეტად გავრცელებული მთელ საბერძნეთში, თავდაბლობა და თავის-თავის უარისყოფა; თავის დასაკმაყოფილებლად როდი უნდოდა ეპამინონდას ყველა ეს ღირსებები, არამედ სამშობლოს სამსახურისათვის. იგი მეტად შეწუხებული იყო თებას დაცემით და გადაწყვიტა მისი აღორძინება სპარტას უღლის დამსხვრევით და შეასრულა კიდევ ეს თავისი გადაწყვეტილება. მისი მეგობარი და თანამშრომელი ამ სახელოვან საქმეში იყო პელოპიდა. არასოდეს არ ყოფილა ორი ასეთი მეგობარი და თან ასე განსხვავებული ერთმანერთისაგან. პელოპიდა გულლია და გატაცებული კაცი იყო; ვაჟკაცობა მისი სიგიჟემდე მი-

დიოდა; იგი ყოველთვის მზად იყო შუაგულ ბრძოლაში გადავარდნილიყო; მას აკლდა ეპამონონდას ზომიერება; სამაგიეროდ აღსავსე იყო მხურვალებითა და სიცოცხლით; მას ყველაფერი მოსწონდა, რაც მშვენიერი იყო და ყოველივე დიდებული და კეთილშობილი საოცარის ძალით იზიდავდა. პელოპიდა არისტოკრატი იყო, მაგრამ არისტოკრატიის უკიდურესობამ მოწინააღმდეგე პარტიაში გადაიყვანა; იგი მდიდარი იყო, მაგრამ თავის მეგობრის სიღარიბე შურდა და ძალ დაუტანებლად კარგის ქმნის სურვილისა და კეთილ მაგალითის მიბაძვისათვის ეპამინონდასავით უბრალოდ ცხოვრობდა. სიმდიდრე სხვის სასამსახუროდ უნდოდა და „გონიერი“ თებელები თავის ქნევით უყურებდნენ მის ხელგაშლილობას. მით უარესი ამ „გონიერებისათვის“!

**3. სპარტაელებმა დააკავეს კადმეა; ამათი გაქვევება (379).**  
 ეპამინონდას და პელოპიდას მეგობრობა დაიწყო მანტინეას ბრძოლის ველზე, სადაც ორივენი სპარტას მხარეზე იბრძოდნენ და ეპამინონდამ თავგანწირულებით სიკვდილიდან დაიხსნა დაჭრილი პელოპიდა. როცა სპარტამ კადმეა დაიკავა, პელოპიდა და ბევრი სხვაც იძულებული შეიქნენ ათინაში გაქცეულიყვნენ, რადგან ვერ დაჭუარეს თავიანთი აღშფოთება ასეთ ძალმომრეობის გამო. ეპამინონდასთვის ხელი არავის უხლია—მისი მშვიდობიანი ქცევა საეჭვოდ არ მიაჩნდათ თების ბატონებს. ორივე მეგობარი, ერთი ათინაში და მეორე თებაში, ემზადებოდნენ სპარტასთვის სამაგიეროს გადასახადელად; მაგრამ სანამ მიზანს მიაღწევდნენ, ოთხი წელი გავიდა. ბოლოს გაძევებულებმა გადაწყვიტეს პირდაპირ საქმეს შედგომოდნენ. ასამდე შეთქმული შეიკრიბა კითერონის ახლო; ამათგან თხუთმეტი გამოიყო და სცადა თებაში შესვლა, რომ ტირანებს მოულოდნელად თავს დასხმოდნენ. ამ თხუთმეტში პელოპიდაც ერია და სწორედ იგი იყო მიზეზი, რომ შეთქმულებმა გაიმარჯვეს. შეთქმულები წავიდნენ თებასაკენ ზამთრის ერთ ბნელ ღამეს და თან მონადირე ძაღლები და ბადეები მიჰქონდათ მტრის თვალის ასახვევად.

ცივი ქარი ჰქროდა, ცა ბნელი იყო და დიდი თოვლიც მოდიოდა. შეთქმულები შეუმჩნევლად შევიდნენ ქალაქში და თავი მოიყარეს განზრახულ პირთან, რომელსაც ხარონი ერქვა. იმ წამსვე კარის კაკუნი მოისმა: პოლემარხები იბარებდნენ ხარონს. ხარონი წავიდა იმ სახლში, სადაც ტირანები სანადიმოდ იყვნენ შეკრებილი, და იმდენი მოახერხა, რომ მათი ეჭვი გააქარწყლა. როგორც კი ხარონი წამოვიდა, პოლემარხებს ათინიდან მოუვიდათ წერილი, სადაც დაწვრილენით იყო მოთხრობილი განზრახულ შეთქმულების ამბავი; მაგრამ პოლემარხები ბედის წერას აჰყოლოდნენ: ერთმა მათგანმა, არხისმა, არც კი წაიკითხა წერილი, აიღო ღვინით საცხეფიალა და სთქვა—„სერიოზული საქმეები ხვალისთვის იყოსო“ და განაგრძო სმა. პოლემარხები და მათი სტუმრები კარგად შექეფიფიანებული იყვნენ, რომ ქალურად გამოწყობილი და პირბადე ჩამოთარებული შეთქმულები მოვიდნენ. პოლემარხებმა სუფრაზე მიიწვიეს ვითომდა ქალები, მაგრამ შეთქმულებმა გადიძვრეს პირბადე, მიცვივდნენ ტირანებს და ხანჯლებით დაჰხოცეს. შემდეგ ქუჩაში გამოვიდნენ, დაუძახეს ხალხსა და ტირანებისაგან განთავისუფლება გამოუცხადეს. კადმეას გარნიზონი რომ დაუყვნებლივ დატაკებოდა შეთქმულებს, საქმე დაღუპული იქნებოდა, მაგრამ სპარტანელებმა ეს ვერ გაბედეს და გათენებას უცდიდნენ. მაშინ კი გვიან იყო და გარნიზონი იძულებული შეიქნა შეთქმულებს დანებებოდა (379).

4. ათინის გამარჯვება ზღვაზე; თება მოძორდა სპარტას. თებას განთავისუფლებამ დიდი შთაბეჭდილება მოახდინა მთელ საბერძნეთში, მაგრამ ნამდვილი შედეგი თებელების გამარჯვებისა მხოლოდ რამდენიმე წლის შემდეგ გამოჩნდა. თება არ იყო იმდენად ძლიერი, რომ მოუმზადებლად გამკლავებოდა ლაკონელების საშინელ ფალანგას; დანარჩენი თემები არ ინძრეოდნენ, რადგან ყველას ეშინოდა. მხოლოდ ათინამ ისარგებლა თებელების გამარჯვებით. ათინა ისევ დაადგა აქტიურ პოლიტიკის გზას, სამხედრო სახელოსნოებში გაცხარებული მუშაობა იყო და პირეოსსაც დროებით დაუბრუნდა.



ძველი ბედნიერი დრო. სამი ნიჭიერი სარდალი — იფიკრატე ხაბრიასი და კონონის შვილი ტიმოთე — მარჯვედ უძღოდნენ ათინელებს. ათინა ისევ გაჩნდა ეგეის ზღვაში და დაარსდა ახალი საზღვაო ლოგა, რომელშიაც შევიდნენ ქიოსი, მიტილენე, ბიზანტიონი, ტენედოსი, როდოსი და სხვანი. ხაბრიასმა, რომელსაც მხარს აძლევდა თავის საკვირველის მამაცობით ახალგაზდა ფოკიონი, დაამარცხა სპარტას ფლოტი ნაქსოსსა და პაროსს შუა და სამი ათასი ტყვე მოიყვანა ათინაში (376). ტიმოთემ და იფიკრატემ გაიმარჯვეს იონიის ზღვაში; მაგრამ ასე მშვენიერად დაწყებული საქმე მალე ისევ უკან-უკან წავიდა. ათინას შემოაკლდა ფული და გარდა ამისა თებას გაძლიერება ბეოტიაში სასურველად არ მიაჩნდა. 371 წელს ათინამ მოციქულები გაუგზავნა სპარტას ზავის ჩამოსადგებად და წინადადება მისცა თებასა და მოკავშირეებს მონაწილეობა მიეღოთ მოლაპარაკებაში. თათბირის შემდეგ გადაწყვიტეს დაბრუნებოდნენ ისევ ანტალკიდას ზავის პირობებს, მხოლოდ იმ ცვლილებით, რომ სპარტას არ ჰქონებოდა უფლება ზავის პირობების ასრულების ყურის გდებისა; ყოველ თემს შეეძლო თავის სურვილისამებრ მოქცეულიყო, როცა რომელიმე თემის უფლება შელახული იქნებოდა ვისმესაგან. ნამდვილად კი სპარტა მაინც რჩებოდა პელოპონეზის ლიგის მეთაურად და მეტი არც მას უნდოდა. მაგრამ როგორი უნდა ყოფილიყო თებას მდგომარეობა? იგიც ხომ ჰფიქრობდა ბეოტიაში ბატონობას, როგორც სპარტა პელოპონეზში. თებას წარმომადგენელმა ეპამინონდამ, რომელმაც ხელი მოაწერა ხელშეკრულებას, გამოაცხადა, რომ თებას გარეშე ბეოტია არ არსებობსო. ასტყდა ცხარე კამათი: აგეზილაოსმა ჰკითხა ეპამინონდას, სთვლის თუ არა იგი სამართლიანად რომ ბეოტია თავისუფალი და დამოუკიდებელი იყოს. „შენ როგორ ჰფიქრობ, ჰკითხა ეპამინონდამ, სამართლიანია თუ არა რომ ლაკონია თავისუფალი და დამოუკიდებელი იყოს?“ სიბრაზისაგან გაცეცხლებული აგეზილაოსი წამოდგა და სთქვა „პირდაპირ სთქვი, დასტოვებთ თუ არა თავისუფლად ბეოტიას?“

— „და თქვენ კი მისცემთ ლაკონიას თავისუფლებას?“ შეეკითხა ეპამინონდა. აგეზილაოსმა თავი ველარ შეიკავა და თავის ხელით ამოშალა ხელშეკრულებიდან თებას წარმომადგენელის სახელი. ეს ომის გამოცხადება იყო.

5. თებას ჯანაჲს დეოტგანისჯანაჲს. ეპამინონდას ამაყი სიტყვები, რომელიც მან აგეზილაოსს უთხრა, ცალიერი სიტყვები არ გამოდგა. თება მზად იყო საბერძნეთის უძლიერეს თემთან საბრძოლველად. პელოპიდამ და ეპამინონდამ, კადმეას აღების შემდეგ, ნამდვილი რევოლუცია მოახდინეს სამხედრო საქმეში. პელოპიდამ ახლად მოაწყო „სამასი“-ს წმინდა რაზმი, რომელიც საუკეთესო გვარის ახალგაზდებისაგან შესდგებოდა. ესენი ერთმანერთთან გაფიცულები იყვნენ, ყოველთვის წინა რაზმში იბრძოდნენ და დანარჩენებს მამაცობის მაგალითს უჩვენებდნენ. ეპამინონდამ გამოწახა საშუალება სპარტანელების სამხედრო უპირატესობის წინააღმდეგ. სპარტანელების ფალანგა ერთი სისქისა იყო გვერდებზე და შუაშიც; ნამდვილი ტაქტიკა არც კი იცოდნენ სპარტანელებმა; ყველაფერი პირად ვაჟაკობასა და მოხერხებაზე იყო დამყარებული; მთავარ სარდლის მოსაზრებას დიდი მნიშვნელობა არ ჰქონდა. ეპამინონდამ ახალი ტაქტიკა შექმნა: იმის მაგიერ რომ საომრად დარაზმული ჯარი ერთის სისქისა ყოფილიყო ყველა ნაწილებში, ეპამინონდამ მოუმატა ჯარის შარცხენა ან მარჯვენა მხარეს, რომელიც სოლივით შეიქრებოდა მტრის რაზმში. ასეთმა სისტემამ დიდი მნიშვნელობა მოიპოვა სპარტანელებთან ბრძოლაში, რადგან სპარტანელების რაზმი მხოლოდ მაშინ წარმოდგენდა ძალას, როცა იგი გაურღვეველი იყო. ეპამინონდამ გააძლიერა ცხენოსანი ჯარიც, რაც ყოველთვის სუსტი მხარე იყო ბერძნების ჯარისა.

6. ლეკტრას ბრძოლა; თებელებას გამარჯვება. ამ გვარად მომზადებული ეპამინონდა იმედით შესცქეროდა მომავალს და არც გაცრუებია ეს იმედი. სპარტას მეფე კლეობროტოსი ამ დროს ფოკიდაში იყო. იგი წამოვიდა იქიდან და დაბანაკდა ველზე ჰელიკონსა და კითერონს შუა. ეპამინონდას ჯარი

რიცხვით ნაკლები იყო, მაგრამ თებელების სარდალი ამას არ დაუშინებია; თავის ჯარით მტრისაკენ გასწია და პატარა ქალაქ ლევეტრას ახლო დაბანაკდა. ბრძოლის დაწყებამდე სარდალმა გაუქვა თესპიელების ჯარი, რადგან უგულოდ იღებდნენ მონაწილეობას საქმეში. ბრძოლა სასტიკი იყო. პირველად თებელებმა ვერც კი შეანძრიეს სპარტანელების სქელი კედელი. ბოლოს თვით ეპამინონდა გაუძღვა გაძლიერებულ მარცხენა მხარეს; საშინელის სიმძიმით დაეტაკა სპარტანელების მარჯვენა მხარს და გაარღვია იგი; მტერი აირია და გაიქცა. სპარტანელებს საშინელი ზარალი მოუვიდათ: 700 სპარტიიტიდან 400 ბრძოლის ველზე დარჩა.

7. სპარტამ გაიგო ლევეტრას ამბავი. ლევეტრას ბრძოლის ამბავი მოვიდა სპარტაში ერთ დღესასწაულის დროს, როცა სპარტანელები მხიარულებასა და ცეკვა-თამაშში იყვნენ გართული. საშინელ დაშარცხების ამბავი სპარტანელებმა არა ადამიანურის სიმტკიცით მიიღეს; ასეთი სიმტკიცე სპარტანელის მეორე ბუნება იყო და მან სამართლიანად მოუპოვა სპარტანელებს დაუვიწყარი სახელი კაცობრიობის მახსოვრობაში. დღესასწაული და ცეკვა-თამაში არ შეწყვეტილა; დედები და დები მტკიცედ ჰფარავდნენ თავიანთ მწუხარებას და არ სტიროდნენ. მეორე დღეს, დილით, მოედანზე მხიარულის სახით გამოვიდნენ ისინი, რომელთა ახლობელნი ომის ველზე დაიხოცნენ; ისინი კი, ვისიც ნათესავეები გამოიქცნენ და ცოცხალი გადაჩნენ, მწუხარე და დარცხვენილი იყვნენ. მაგრამ ბოლომდე მაინც ვერ მიიყვანეს ეს საოცარი სიმტკიცე: ომიდან გამოქცეულებს კანონით მოქალაქის უფლება უნდა დაეკარგათ; ეს კანონი რომ სისრულეში მოეყვანათ, სპარტა თავის თავის მკვლელი იქნებოდა. აგეზილაოსმა წინადადება შემოიტანა, რომ ერთ დღეს კანონი მძინარე დაეტოვებინათ. ეს წინადადება მიიღეს.

8. შედეგი ეპამინონდას გამარჯვების. ლევეტრას ბრძოლის შედეგმა დაუყოვნებლივ იჩინა თავი: ბეოტია დამორჩილდა თებას, მეზობელი თემები შეეკერნენ მას კავშირით, რომლის

ცენტრი დელოფი იყო. ბოლოს, როცა სპარტამ არ მიიღო წინადადება ზავის ჩამოგდების შესახებ, ეპაშინონდამ გადაწყვიტა გამოეგდო ლომი პელოპონეზის სოროდანაც, როგორც გაავდო იგი შუა საბერძნეთიდან. უბრალო შესევა როდი ჰქონდა განზრახული თებას სარდალს; არა, იგი უფრო შორს ხედავდა, აზრი მისი უფრო ვრცელი იყო. ეპამინონდას განზრახვა იყო მთელ ნახევარ კუნძულის რეორგანიზაცია და სპარტას ძლიერების საბოლოო დაცემა სტრატეგიულ პუნქტების წართმევითა და მესენიის აღდგენით. გარემოებამ ხელი შეუწყო ეპამინონდას. ამ დროს მთელი პელოპონეზი არეულ-დარეული იყო. მიწის ძვრას, რომელიც ეხლაც ასე ხშირია ამ მხარეზე და რომელიც მეტად აშინებდა ცრუმორწმუნე ძველ ბერძენს, მიემატა უკიდურესი არეულობა, რომელიც გამოწვეული იყო ერთის მხრივ ქალაქების ერთმანეთთან მეტოქეობით და მეორეს მხრივ საზოგადოების სხვა და სხვა კლასების ბრძოლით. ყოველ ქალაქში დემოკრატია ებრძოდა არისტოკრატიას, რომელსაც მხარს აძლევდა სპარტა. სამარცხვინო და შემადრწუნებელ უკიდურესობამდე მივიდა ბერძენთა კეთილშობილი და გონება მახვილი ტომი. ამ დროის ყველაზე ცნობილი და საოცარი შეთქმულება ეგრედ წოდებული „სკიტალინოსის“ იყო: დემოკრატები ჯოხებით („სკიტალოს“) ხელში მივარდნენ მათთვის საეჭვო პირებს და დახოცეს. ათას ორასი მოქალაქე დაიღუპა ერთ დღეს. საბერძნეთის ისტორია საესეა ასეთის კონტრასტებით, რომელნიც შესაზარად გვიხატავენ ამ სიმპატიურ, გონიერსა და ფაქიზ ტომს.

**9. თებულები პელოპონეზში. მეგალოპოლისის დაარსება.**  
 ლევკტრასთან დამარცხების შემდეგ დასუსტებული სპარტა იძულებული შეიქნა გამოეყვანა თავის გარნიზონები დაპყრობილ სიმაგრეებიდან. ამით ისარგებლეს სპარტას მოკავშირეებმა და ქვეშევრდომებმა მძიმე უღლის თავიდან მოსაშორებლად. ყველას დაასწრო არკადიამ; სადაც მწყემსებისა და მეომრების ძლიერი რასა ცხოვრობდა. ამ ქვეყნის ერთად-

ერთი მნიშვნელოვანი ქალაქი მანტინეა სპარტანელებმა დაან-  
გრიეს. მაგრამ გაიგეს თუ არა ლევკორას ამბავი, ქალაქი ისევ  
აღადგინეს. აქამდე დაქსაქსული არკადიელები ეხლა გაერთიან-  
ებულნი ჰფიქრობდნენ; მაგრამ ამ გაერთიანებულ თემისათვის  
საჭირო იყო სატახტო ქალაქი. ეპამინონდას შეგონებით არკა-  
დიელებმა დაარსეს ქ. მეგალოპოლისი („დიდი ქალაქი“) თვით  
ლაკონიის საზღვარზე. თვითონ თებას სარდალი მოვიდა ჯა-  
რით, რომ საქმე არ შეფერხებულიყო; გამოიარა კორინთის  
ყელი და უკუაგდო აგეზილაოსი, რომელიც მის შეჩერებას ლა-  
მობდა. ეპამინონდას სარდლობას ვადა გაუდიოდა, მაგრამ მა-  
ინც უკან დაედევნა სპარტას მეფეს, შევიდა ლაკონიაში და  
ევროტასის ქალით სპარტამდე მივიდა: მხოლოდ ხიდი იყო  
თებელების ჯარსა და ქალაქ შუა; სპარტა ხომ გამაგრებული  
არასოდეს არ ყოფილა.

**10. ეპამინონდა სპარტას წინ (371).** ეს პირველი შე-  
მთხვევა იყო. რომ ჰერაკლიდების შემდეგ ევროტასის ქალაში  
მტრის ჯარი გაჩნდა. სპარტაში პირველად აუწყრელი მდგო-  
მარეობა იყო: ქალები ტიროდნენ, მოხუცები აღშფოთებული  
იყვნენ, ვაჟკაცებს გული აღარ ერჩოდათ; პერიეკები თებელე-  
ბის ბანაკში გადავიდნენ; ჰილოტები სრულებით არ იყვნენ საიმე-  
დონი. აგეზილაოსმა საქმე გამოაბრუნა თავის საკვირველის. შრო-  
მითა და მაცადინობით. სპარტას მეფე ამ დროს 76 წლისა იყო. მან  
დაიკავა სიმაღლეები, რომელნიც ქალაქს დაჰყურებდნენ და  
იქ უცდიდა თებელებს; შეთქმულები, რომელთაც მოინდო-  
მეს ესარგებლნათ არეულობით და მართველობის წესი შეე-  
ცვალათ, ყველა სიკვდილით დასაჯა. ეპამინონდა სცდილო-  
ბდა ევროტასის გადასვლას და ბოლოს მოახერხა კიდევ სპარ-  
ტას ქვემოდ. თებელები ამიკლეს ახლო დაანაკდნენ. ბევრი  
ეცადა ეპამინონდა, მაგრამ ქალაქში შესვლა ვერ მოახერხა  
და იძულებული შეიქნა უკან გაბრუნებულიყო. მაგრამ პელო-  
პონეზიდან გასვლამდე ერთი მწარე სამახროვრო დაუტოვა სპარ-  
ტანელებს: აღტაცებულ მესენიელებით გარშემორტყმულმა სარ-  
დალმა ააშენა ითომეს მდინარეზე ახალი მესენია. შემდეგ ისევ